


續修四庫全書

《續修四庫全書》編纂委員會編

# 續修四庫全書



上海古籍出版社

四七九・史部・詔令奏議類

內閣奏題稿十卷首一卷

〔明〕趙志舉撰

敬事草十九卷（卷一至卷十六）

〔明〕沈一貫撰

奏題彙序

余承乏內閣凡十年于茲  
尺寸靡樹幸

上諒其無它始終覆露之  
第筋驚肉緩馳策不前  
浸疾作矣於是探筒中

自受事以來凡密奏及登  
對諸稿隨日月詮次之成  
帙呼覘輩近榻前手授  
之曰余蒙

上拔擢至今日即捐糜無以  
報然一念靖恭之忱有斤

斤不敢旦昔自暇豫者小  
子識之夫入告出順書有  
明微子與氏不足夫人適  
政間蓋有味乎其言之已  
我

朝故事閣臣以備顧問贊

機密余自惟庸劣不克稱  
塞

明命是懼頌

上自靜攝以來英明獨運  
淵藪莫測毋所甲其造  
膝即一言一意靡不仰給

楮頴遠之至於票擬有當  
否而得之中官口傳機宜  
有闕失而申之諫臣力  
諍要必披瀝以請調劑  
而行請之有得有不得也  
行之有知有不知也或抽

序

三

思於丙夜或裁卷于刻期  
事求核不求文理求明  
不求多期以盡吾職竭  
吾心而已雖於嘉議無當  
而格心之道未闡然亦  
馳不遺餘力

已亟恐一旦先狗馬填溝  
壑庶幾藉此以瞑目乎  
小子識之見惡請曰大人  
受  
命篤弼夙夜在公披心腹以  
報

序

四

主上其藏之掌故者班班可  
攷鏡已副墨之子請刻之  
家塾以示後世使毋忘諗  
余領之遂題其端如此  
時萬曆庚子春王正月  
也

奏題稿目錄

卷之首

請專史職

救劾內閣儒臣

疏請保護 聖躬

卷之一

初辭新命

再辭新命

請點正推

奏題稿 目錄

題寧夏兵變

答諭擒獻史酋不互賞叙

答諭寧夏兵變並陳時政

恭進簡生二歌疏

請減雲南例金

請御朝視講

題正人心定國是

題庶吉士月考關防疏

蕩平宣捷請祝朝

平臺召對紀事

請發留中章奏

恭進經文書鑑講章

請冊立東宮

卷之二

再請冊立

三請冊立

引年乞休

再引年乞休

奏題稿 目錄

辭寧夏加恩

再辭加恩

卷之三

初辭玉牒加恩

再辭玉牒加恩

三上引年乞休

請止封慶府

答 諭封事

再催行取言官

暖閣召對紀事

恭進經書漢鑑講章

卷之四

題減織羊絨

題邊功爵賞

請錄用罪廢

奉 旨擬撰殿試策題

四懇致政

請減織造

奏題稿

謝 御札

請復建文年號

再辭甘鎮恩命

定國是並留冢宰

請發章奏

恭進經書漢鑑講章

再致降謫科道部屬官

卷之五

辭甘鎮大提加恩

弭變修省疏

請下行取疏

災異自免

火災再請自免

請緩織造

再疏乞休

引疾求免

五懇放免

乞振朝綱

奏題稿

目錄

請親奠送

請允會推冢宰

救曹御史

請免詰屬國本

卷之六

請補冢宰兼催行取

催點冢宰

奏辦東事

恭進大禮傳帖

修省實政
謝 聖諭
火災歸政疏
十三疏請罷
請行大禮
請復常朝
請補本兵
再催補本兵
請設監軍撫臣
奏題稿 目錄
仲救楊尚書
謝 聖諭
恭進經書講章
卷之七
請行大禮
請儲選材
催行大禮
再催請行大禮
三次催行大禮

因病辭俸
催用閣臣
再疏催用閣臣
三疏催用閣臣
進呈 訓錄
陳議東事
答賀 聖諭
四懇罷斥
卷之八
奏題稿 目錄
考察自陳
揭罷礦稅
請罷礦稅
揭罷權稅
二十乞休疏
三辭東事聖恩
請停刑救曹御史疏
救曹御史揭
謝賜蟒衣疏







事今日之事臣願

皇上命閣臣於儒臣內精選心行正直學識精純通達治體者數人輪直史館日據所聞見書之序次分卷標題其上倣古起居注收藏之法待至他日纂修分曹撰次乃命閣臣總裁并置副總裁之官校輯成書如今日已行之典必如是斯不失後史官掌記之本意史職舉而公是全矣若曰史官職卑非有人以總之則事未易就緒臣以爲此在得其人與重其任耳夫重其任則責有所歸得其人則事自不苟譬之六科其職與史官等耳所司封駁其任亦匪輕也然皆科臣各主其事而不設官以統之者專其任而使得以行其志也今既委以掌記而復有裁定是分其任而奪其志不使盡其職也臣竊以爲未便如必以爲不可臣請選大臣有德望不當事任者一二員總其大綱則上有統緒而下無掣肘庶幾兩得之矣夫事貴慎始其始之不慎則其終遂成而不可反此臣所以忘其愚昧而汲汲言之也伏乞

奏題稿

卷之首

三

勅下閣部大臣再加酌議倘以臣言爲不謬而俯從之亦或有裨於美盛之典而可以行之永久矣

奏題稿

卷之首

四













再辭新命

九月二十一日謹

奏為再懇

聖恩容臣辭免 特命廷推以昭公道事該臣先為

披瀝愚誠辭免非常 恩命事奉

聖旨卿性行端醇學識宏邃政本重地特茲簡畀宜

殫竭忠猷以贊化理不允辭吏部知道欽此臣即

當奉 命入閣辦事仰答

聖恩萬一顧臣尤有踧踖不安之情前疏所未敢遽

奏題稿 卷之一 三 陳者思得 祖宗定制凡閣臣及吏兵二部尚書

員缺吏部會同九卿六科十三道廷推請

旨簡用今

皇上特聽輔臣之薦謬及於臣志臯臣 實惶懼不

勝且臣學術迂疎才識短淺若今日受

命不辭而他日奉職無狀則上累

皇上之明下負輔臣之薦外既慚於公議內實愧於

自知臣之罪益不可解矣伏願

皇上念閣臣非庶職之倫廷推為 祖宗之制容臣

辭免仍守舊官更 勅九卿科道等官照例會推

別簡忠賢以克任使以昭公道庶舉措當而人心

服矣臣無任激切仰懇之至奉

聖旨卿學行間望朕心簡孚豈必廷推乃協公論宜

遵命入閣辦事不允辭吏部知道

奏題稿

卷之一

請點正推

二月十四日謹

題今早文書房官李文輔發下票本內有一本吏部尚書陸光祖等謹題為缺官事推陞堪任湖廣山東按察司副使正陪共四員江西布政司左叅議正陪共二員江西按察司僉事正陪共二員俱蒙

御筆欽點第二員名既蒙 欽點夫復何言然臣竊

思之本內推陞官員與尋常推陞不同 國家舊

奏題稿

卷之一

五

制凡吏部科道一司人才黜陟一為 朝廷耳目與部寺諸臣不同一年止陞二次俱於春秋二仲月舉行謂之年例素有才望者多留內用稍桂物議者以漸外補此

先朝立法操評品之權為駕馭之術俾吏部科道等官有所檢束而吏部科道等官亦惟忌憚此年例耳臣看本內推陞皆係劣轉非為優擢所以不及部科者以部科近被黜降之人也今

皇上合四御史盡點部臣在部臣以得陞為幸在御

吏則以得免為幸矣且使吏部之事權不行無以彈壓人心也 欽點已定臣豈敢言但臣備員輔

聖裁

奏題稿

卷之二

六

四月十三日謹

題昨晚兵部尚書石星接到總督魏學會書揭并延綏總兵密揭為叛賊呼承恩陰遣人勾引套虜為外援致套虜入來寧夏城外住已助玉泉營之戰勢甚猖熾夫寧夏鎮城後倚賀蘭山前臨黃河孤懸塞外與虜僅隔一水內賊據城以叛外虜反來應援則寧夏之城恐非中國之所能有也寧夏在東西六邊之中寧夏一失則東西各邊勢相

奏題稿

卷之一

隔絕而虜騎時衝斥於其中各邊恐無寧日而內地甚為可慮臣見書揭夜寢不寐秉燭具草述陳危急伏望

皇上亟下兵部速行總督魏學會議處將有可任聽其選取兵有可用聽其調發一切隨機應變且聽便宜行事務期內剿叛賊外退強虜使賊虜之勢不合則寧夏之鎮城可完而邊鎮可以無憂矣

部尚書石星見叛賊久據虜騎復侵欲自請  
真以往念套虜皆中國撫夷或宣以 朝廷

或誘以市賞厚利令其解散如必不然則督率各鎮調兵使之力戰此星一念忠勇之心不遑寧處者也又總督魏學會疏 請鹽菜銀三千兩以資犒賞此何裨於纖毫之用哉語云軍無賞士不往今該鎮調發旁午之際厲兵秣馬之時若非錢糧稍充何以鼓舞士氣更願

皇上念事在燃眉仍發帑銀數萬兩以充其費以作其氣此臣汲汲之私也再惟士宜激勸兵貴先聲更祈

奏題稿

卷之一

皇上軫念邊情重大聲息緊急特 降勅諭一道獎勞臨陣將吏另發帑銀萬兩散給各鎮調兵以激勸士心即著兵部行文馬上傳示及今徵選慣戰各將調發邊腹精兵及募義勇敢死之士數十萬不日會集寧夏務期勦滅以寒反賊之膽臣等書生未閑軍旅僭陳一得之愚仰贊 廟謨萬一統

聖裁無任恐懼待 命之至

答諭擒獻史酋不宜賞叙

五月十四日謹

題今早文書官李文輔口傳 聖諭問史酋是虜王擄力克擒獻來的如何文武大小官員都叙功次夫史酋原係降夷受 國厚恩因十八年率眾逃回屢犯邊塞宣大督撫為虜王東歸之後欲修好通貢求復市賞拒之不可許之無名乘此機會貢令擒獻史酋方許貢市夫史酋係虜王兄弟安兔之親極力蔽護因此該鎮督撫等官多方計議

奏題稿

卷之一

九

差通官通丁往復於虜帳中反復說辨示以不擒史酋則市賞決不可復嗾其計擒史酋此虜之恭順可嘉而督撫之心力既竭與各員役之勞苦俱不可泯隆慶年間俺荅擒趙全來獻夫趙全中國之叛賊也與史酋為虜王之親不同彼時猶大行敘賞今日之事若不敘賞何以酬勞而邊臣氣阻矣李村未奉 俞旨何敢擅擬竊念邊疆有事之時正當用人之際又經多官保薦倘

皇上肯俯順輿情令赴軍前聽用果能出奇殺賊或

令以功贖罪如若無功則其罪固在也冒昧具陳  
伏惟

聖裁臣等無任倦倦

奏題稿

卷之一

十

答諭寧夏兵變並陳時政

五月十四日謹

題今早該文書官李文輔口傳 聖諭詢臣等以寧夏之事臣等仰見

皇上軫念邊陲至意又思寧夏兵變以來凡有章疏奏 上不踰時輒發擬票又 兩勅將士以安其心又不靳帑銀數十萬以克軍費

皇上雖處深宮念切西顧臣敢不具悉以對臣惟寧夏之變其始藉口撫道剝削致厯

奏題稿

卷之一

明旨撫安謂可誨化不崇朝而底定也不意逆賊謀益狡猾勢益猖獗迄今三月未下此殆不可不深爲之慮者夫變起於降虜呼承恩父子蓄謀已久待釁而動自始事以至今日其謀若有成筭其舉動皆有次第其勾虜援也出婦女以誘之厚金帛以賂之其嬰城而守也密遣奸細以招集松套二虜志在藉虜勢以據寧夏寧夏一失卽犯靈州靈州一失卽窺關中據關中以臨河之南北可建瓴而下也其詭辭而求撫出賊首以獻也蓋欲緩我

師以俟各虜騎之至昨兵部接得陝西巡撫沈思孝書謂松套二虜因呼賊父子遺以重賄與飲血酒鑽刀下爲盟各領兵馬到於寧夏城下不知其數紛布徧野我師雖已過河屯劄城外然因虜騎之集防其夾救不敢攻城又屯住已久糧運艱阻師老力疲勝負難必臣又先聞之逆賊造爲妖妄之言謂胡運當興以鼓惑衆志倡爲不道之語大犯忌諱以搖動人心此其志誠不在小本兵調度於中殫竭心思總督戰守於外畢盡智力

奏題稿

卷之一

皇上爲天地神人之主係中外華夷之望乃今深居九重漫視不顧節經奏請 視朝俱未奉 旨允行今當邊事孔棘人心皇皇臣等若再不言是臣等順非從過輔導無狀也伏望

皇上大奮乾剛卽 出臨御 召兵部并大小臣工面定大計必討此賊則 天威所震迅如雷霆天語所加疾如風雨人心有不鼓躍而將士有不百倍振勵者哉譬如家有外侮必湏主人奮迅率衆捍禦然後心力齊一鼓舞向前又如太陽一出萬

方快覩魍魎魍魎自然潛消臣又惟今日之所可  
憂者不特一寧夏爲然變異屢形災荒迭至閭閻  
匱乏帑藏空虛賦役繁苛民生憔悴人人有思亂  
之心在在有觀變之望西北各鎮屢兆情形東南  
倭奴已報入犯天意人事一時湊合豈爲偶然大  
有可慮

皇上謂土宇之廣大足以制馭 法度之森密足以  
束縛哉不然也變亂常起於承平消弭必由于儆  
戒今日之事格天心挽人事在

奏擬稿

卷之二

十三

皇上一念之憂而巳若臣等有力所當爲之事自  
與諸大臣等而行不敢不竭其愚以負  
皇上之委任也臣等無任激切仰望之至

恭進衛生二歌疏

七月初八日謹

題近日恭遇孟秋 太廟時享奉

聖旨朕切念孟秋 廟享重祀罔敢安逸近日以來  
溽暑蒸濕面目發腫行步艱苦不能成禮命官暫  
代其分獻陪祀執事等官以體朕心倍加敬慎勿  
得怠忽其餘朕知道了欽此臣等竊念當伏熱炎  
蒸之際正

皇上端居靜攝之時日惟倡率臣工勉修職業未敢  
奏擬稿

卷之二

十四

輒有陳讀以溷 清嚴伏惟人臣事 君猶子事  
父母多方敬愛多方調護務求志意愉悅身安體  
舒保養太和多福多壽固忠臣之願而孝子之心  
也凡有所見聞可以竭力盡分堪爲奉養之職者  
宜無不至况傳之德義保其身體尤輔弼之職而  
開導必先者乎臣等日檢方書訪求調攝諸法偶  
得唐賢孫思邈宋儒真德秀所爲衛生二歌見其  
切於日用簡易明白雖無精深滋渺之論可備警  
省願養之資臣等聞昔有野人食芹而甘曝日而

暖者思欲獻之於

至尊爲術雖踈爲意則厚恭惟

皇上疑神淵默清心寡慾豈臣等愚昧所能仰窺惟

是區區芹曝一念竊比野人自獻之忱謹將衛生

二歌繕寫裝潢成帙恭進

御覽伏望

皇上留神省觀日置左右微言小說可以喻大未必

無補於 聖修之萬一也若時下邊情政務雖云

調燮甚難然旣蒙

奏擬稿

卷之二

十五

皇上委任臣等料理自當矢竭心力務圖實效更不

忍爲紙上空談矣臣干冒

宸嚴不勝祝頌懇祈之至

請減雲南例金

七月二十四日謹

題初九日該文書官發下戶部進雲南年例金一

本奉 旨這金兩着進收你部裏傳示與各成色

金內每加進五百兩九成的一千兩八成一千兩

共五千着爲例二十日該文書官發下戶部一本

奉 旨前歲因彼有事固爾暫停此金尚又皆是

本地所產况且嘉靖年間亦有額取礦金之例這

所加進不多覽奏知道了着遵前旨行

奏擬稿

卷之二

十六

明旨一下在廷諸臣亦謂加增之數反過原額而咎

臣等不能救止臣等反覆思之

皇上履萬乘之尊擅四海之富敢爲一省惜五千金

之費然臣嘗訪之人言雲南之金出于永昌一府

採之山石之間其有無多寡不能取必卽年例二

千往往兌于四川陝西二省以足其數甚至有以

十兩之銀易一兩之金者其害逾甚今以 宮中

缺用暫加五千雖竭民脂以供之亦子民之常分

但著之爲例而歲歲取盈恐遠方之民不堪於奔

命也臣等伏願

皇上俯念雲南萬里數年以來疲於災旱之頻仍困於緬賊之侵擾舊征者未為定額新增者暫行一年則內廷之供用既克而歷年之舊額又在遐方之民誕被 聖澤者寧有窮哉伏惟

皇上少垂鑒焉臣等無任恐懼待 命之至奉

聖旨覽卿等所奏具見忠懇恤民之意但

皇祖時曾有額取礦金礦銀之數朕豈不恤民艱卿

等既這等說着減去八五成色金一千兩着歲進

奏摺稿

卷之一

十七

金四千兩每年不許過七月十五到京不許違限

該部科并彼撫按亦不必再有奏擾如再有奏擾

的仍加至五千兩

請御朝視講

七月三十日謹

題自寧夏逆賊倡亂兩京臺省諸臣疏請

皇上 御朝 視講 修德 勤政以布 德威以

消兇逆前後不下數十章臣等職司輔道日夕左

右昭德塞違尤非臺省諸臣比頃具揭陳 請未

蒙 賜俞嗣後當三伏炎蒸之時正 九重調攝

之候臣等尤以保護 聖躬為重數月未敢瀆陳

茲當大暑西行涼颼倏發屆中秋之令節逢

奏摺稿

卷之一

十八

萬歲之佳辰內而百官外而岳伯皆願祝

聖人之萬壽 天子之耿光伏望

皇上俯從臣等 請追繹臺省之言乘此清秋即於

賁捧官員 朝之日 特出御門

萬壽聖旦大節 臣等受賀俾大小遠近臣工得瞻

有道之容如在 天日之表其歡欣快覩不知當作

何狀也從此更願

皇上或循三六九之常期或於一月之中間出數日

俾臣等與九卿等衙門照常奏事 面議大政



殿陛趨蹌臣工肅穆風聲宣布遠邇歡騰將四夷  
之來王而八蠻之效順矣矧么麼逆賊蠢爾倭奴  
有不畏威褫魄蕩然掃除者哉夫天下猶一家也  
一家有主則豪奴悍僕無容喙息天下有主則遐  
荒遠裔誰敢跳梁固不啻提兵百萬窮征朔漠已  
也此皆諸臣之所已言而臣等復申之蓋自古帝  
王賓服四夷之道固如是也惟  
皇上垂聽焉臣等無任惓惓

奏題稿

卷之一

十九

題正人心定國是

九月初十日謹

奏為因言感激冒陳愚忠并乞 大奮乾剛以正  
人心以定 國是事臣因工部都水清吏司主事  
樂元聲暗指臣當事類以蚊負山自揣不安恐誤  
國事疏 請罷免奉

聖旨卿純誠體國殫慮籌邊朕心方切倚毗昨浮言  
輕詆元輔朕已洞悉原與卿無干何故遽興去志  
宜卽出輔理以副眷懷吏部知道欽此臣莊誦不

奏題稿

卷之一

二十

勝愧悚臣思職司輔弼義切股肱邊境驛騷

主憂宵旰臣何敢再疏言去然臣感 恩激衷揆時  
度事有不得不再為

皇上一陳者臣才本迂疎性復朴魯謬承 簡任亦  
欲矢竭愚忠希圖報効然臣之所處有五難焉  
幾務重煩而臣以初進當 國事一難也

皇上深居九重 天顏未覩乎信未能上達二難也  
國家多事羽檄交馳籌策素未諳歷三難也往時  
部院之事先與閣臣擬議而後行近因臣等不欲

侵越事權各有所歸四難也人心叵測議論橫生  
搖惑真言倒持 國是五難也因此五難而臣等  
日在閣中辦事惟上承 德意下酌部議而行之  
及出至朝房諸司有以事相告者輒據所見以對  
而聽其裁處吏兵二部銓調陟降文武官員吏部  
自巡撫九卿以上臣或與聞兵部自總兵以下臣  
皆不與科道以言爲職臣等亦惟察識其言而未  
嘗敢私其人部寺各有司屬與臣等勢不相接而  
亦不能講求其實臣等之所得爲者如此而已夫

奏題稿

卷之一

二十一

時有變革則勢有輕重試觀今日之閣臣與二十  
年以前之閣臣其勢之輕重何如哉夫所謂大臣  
者以道事君以忠徇國正已率物開誠布公不必  
炫其能不必有其功此固臣等之所未能而不敢  
不自勉臣嘗於朝房待漏之處嘗置二銘以備觀  
省一曰積誠以事 主上絜己以風庶官折節以  
下忠賢黜私以杜儉佞一曰以威福歸 朝廷以  
事權還六部以公論付臺諫以請托謝親友此在  
廷諸臣所共見者臣懷是心亦欲見之行事第施

爲當有其漸不可求急其功夫急功則必至於擅  
權擅權則必至於作威福作威福則必至于通貨  
賄而朝政亂矣此臣等之所深以爲警而元聲顧  
欲臣蹈之耶雖然此非臣之所敢爲亦非臣之所  
深慮也臣獨慮今日之天下其治與亂不在于他  
而在于人心之險躁浮薄敢爲議論而無忌憚焉  
臣之去留何足惜但 國家有大事如倡亂之逆  
賊未平侵鄰之倭寇謀犯一有調遣輒從而議之  
一有召募輒從而阻之不顧 國家之利害惟恣

奏題稿

卷之一

二十一

一已之胸臆他日有患誰爲任之夫天下之事成  
於衆言之僉同敗於異議之橫起而其原皆由於  
人心之不公各挾其私各持其見所謂衆議盈庭  
莫執其咎者也此猶有事之可擬也又有一等傾  
危之士弄雌黃之口亂是非之真鼓唇搖舌而莫  
測其端捕影捉風而莫知其自以致一人倡之衆  
人從而和之無者捏而爲有假者摸而爲真沿習  
風成恬不爲怪而是非淆矣又其甚者媚嫉一生  
讒毀叢至以僚屬而害堂官以偏裨而戕主帥陰

肆排擠巧為陷穿而國是皆倒置矣此皆亂世之徵而非明時之所宜有漢楊震所謂損辱清朝塵垢日月者也事勢至此而不一禁之恐舉朝之人將化為鬼魅而不可測

皇上豈視此為不足慮也天意人心紀綱風俗關係甚大惟

皇上主張于上而臣等與九卿奉行於下斯世道漸有反正之期而太平可復見矣臣等有轉移世道之責而目擊其事蓄中已久今再不言則病時誤

奏題稿

卷之二

十一

國而臣之罪無所逃矣伏望

聖明裁察臣無任激切恐懼之至

題庶吉士月考關防疏

九月十二日謹

題臣等竊惟國家掄選庶吉士以儲養于館閣其教習當豫其考試貴嚴教習之事館師主之日有日程月有月課可謂豫矣考試之責閣臣主之觀其純疵驗其勤惰非嚴不可也往時士風敦朴巧偽未滋閣試之日無事關防近年以來稍異往昔臨考之日多假手于他人因家人送飯輒攜帶以入雖未必盡然或間有一二而偽者得以亂真矣故臣於本月初一日考試令庶吉士不必自己送飯即將閣中饌銀具肴菜果餅供之禁其家人不使復進又令校尉防察而夙弊始革因而計之一日之間供二十人所費不過銀二兩一年春秋二季考校計十二次所費不過二十四兩伏望皇上念考校重務乞與光祿寺歲給銀二十四兩以充其費散館授官以後則免給庶於事體為益便而可羅真才矣臣等無任懇請之至

奏題稿

卷之二

十四

蕩平宣捷請視朝

十一月初九日謹

奏為恭仗 天威蕩平逆賊宣捷獻俘懇乞

聖明臨朝受 賀以告成功以彰神武事臣惟聖王

御世有文治必有武功文以敷治平武以定禍亂

有虞風動格有苗於七旬周道復興平徽徂於六

月蓋世不能以常治而貴於易亂以為治時不能

以久安而貴於轉危以為安歷觀往古代有明徵

明主中興益隆茲治我 國家自 二祖開統開

奏題稿

卷之一

二十五

基 列聖守成繼體歷二百四十餘年或夷狄之

侵疆或奸宄之犯順譬之烈火隨焚而即滅任淵

忽起而旋消 聖朝文武之治傳之累世而益顯

皇上御極以來內謐外寧民安物阜二十年來號稱

至治蠢茲小醜輒肆跳梁因寧夏為西北重鎮夷

夏大防內蔽關中外捍強虜乃中國之要地而外

夷之所窺伺者也時氏父子以亡虜歸降受恩深

重非我族類終懷異心養死士數千人蓄反謀非

一日見 國家太平已久邊鄙武備浸弛陰謀不

軌遂恣兇威假撫道剝削之名倡逆黨殺戮之禍

據城拒守勾虜為援偽稱王官移檄遠近金帛子

女弗愛器械甲冑甚精恃其梟獍無敵有輕視中

原之心肆其狡獪多謀萌竊取全陝之意抗王師

已至八月殺我軍幾及萬人此天地之所不容神

人之所共憤者也恭惟

皇上赫然震怒大誓行師任三邊之總帥而 賜以

尚方示軍威之必肅調七鎮之勇士而給以 內

帑期芻餉之必充於是各將同心三軍用命扼強

奏題稿

卷之一

廿六

虜於境上如驅大羊殲逆賊於垣中若鋤腐鼠元

惡就擒有嘉折首之義賜從罔治大彰解網之仁

宗室奠安閭閻胥慶捷書已報露布再傳喜動

九重懽騰四境 兩儀上下實惟鑒臨 九廟神靈

金司護祐宜遵憲典昭告成功伏願

皇上念此非常之勳俯從禮官之請穆卜吉旦

親御午門臚傳捷書以 聞生致歸俘以 獻受

朝受 賀慰遠近臣民之望告 郊告 廟答

天地 祖宗之靈且使風聲遠播德化弘宣知 中

國之有 聖人戴 天皇以為共主臣等無任踴躍懼忭之至奉

聖旨朕賴 天地弘佑 祖宗默扶逆賊蕩平獻俘 宣捷覽卿等所奏知道了具見忠懇朕甚嘉悅吉 旦親御午門受賀

崇德稿

卷之二

平臺召對紀事

十一月十二日

上御皇極門百官行常朝禮鴻臚寺官為寧夏擒逆 宣捷禮畢

上少憩暖閣大學士趙 張 同進暖閣前面

恩致詞畢趙 奏云臣等久不奉瞻

天顏今見 天顏和粹不勝慶幸伏望

皇上更加調攝慎節起居臣等不勝至願又奏云西

夏蕩平皆賴

奏題稿

卷之二

十六

皇上威德今日恭逢宣捷獻俘重典臣等不勝欣快 如今只有倭賊未寧容臣等與兵部商確調度定 期剿滅無勞 聖慮

上曰先生每與兵部相機剿除又奏云臣等不勝欣快 事啓奏原任總督魏學曾蒙

皇上以緩師逮問但學會忠義老 月見有幾處功績伏望

皇上寬宥

上曰功魁罪首自有定奪二臣承 旨復叩頭退

上御五鳳樓鴻臚寺官奏獻俘刑部官引俘見致詞  
畢承 旨百官行慶賀禮

奏題稿

卷之二

十九

請發留中章奏

十二月二十日謹

題臣惟 國家政體莫詳於章奏亦莫重於章奏  
蓋所以宣上德達下情也

皇上臨御以來每閱章奏於事體重大利害關切者  
不但 發下擬票且復 親諭閣臣面奏可否然  
後發部議覆無論事之大小疏之多寡並未  
有 留中不下者一時大小臣工靡不仰戴

皇上兢業萬幾銳情治理邇年以來乃始有 留中

奏題稿

卷之一

之疏至于再請而不發者夫章奏以宣上達下則  
國家之事可否得失用舍予奪皆係于此朝發夕  
行自近及遠如水之流坎而不失其信如響之答  
桴而不踰其時無有壅闕無有間阻君臣之際油  
然交通 官府之間怡然一體自疏之 留中而  
事始有窒而不得行情始有碍而不達者矣遠事  
不敢漫及即如近日科臣劉道亨一本論吏部侍  
郎李尚思事當行勘請 旨者也今尚 留中不  
發則尚思欲出不可欲去不能罪狀未明去留無

當矣尚思三品大臣素負清望未必盡如風聞之言也願

皇上察之吏部一本擬陞鄒元標為南京應天府府丞此懸缺以待 命者也今尚 留中不發吏部既不敢以他官填補又不敢虛缺以久待用舍未定而進退無據矣元標素負忠鯁言多觸犯然實心於為國者也願

皇上無棄之又科臣林材一本論輔臣王錫爵未復言及臣等臣等日侍 左右輔理無狀當此多事

奏題稿

卷之一

三十一

之時未遑引罪深辯但輔臣錫爵素性剛方近聞已束裝奉母趨 命入朝忽聞人言必生疑沮伏願

皇上將科臣之疏 親灑宸翰曲加慰諭促之就道并以其所論臣者 特賜處分又望

皇上將廷疏之所未下者一併發出下部議覆以請聖裁斯治道通泰人情欣躍且使外廷之臣無疑及於 左右無訾及於閣臣尤臣等之所深幸也冒 賈 天威無任悚息待 命之至

恭進經文書鑑講章

十二月二十三日謹

題先該臣等題稱每年終將講過經書講章類寫進呈以備

皇上溫習觀覽仍另書發司禮監接續刊板已奉

欽依節次 進呈訖今查萬曆十九年至今所撰講

章除易經俟積有成帙另行寫進外謹將禮記禮

器玉藻明堂學記四本通鑑纂要太昊元歲武王

平王上下二本項王共六本類寫裝演 進呈伏

奏題稿

卷之一

三十二

望

皇上萬幾之暇特加 觀覽以求溫故知新之益臣等不勝惓惓效忠之誠

請冊立東宮

二月二十五日謹

奏臣惟自古帝王紹基立極衍祚垂休莫不蚤建儲位奠安國本上以慰祖宗社稷之靈下以答四海羣情之望自古有訓於今爲然臣等竊念萬曆十九等年節經部科諸臣奏請冊立金講讀事一奉

聖旨冊立之事着改於二十一年行一奉

聖旨冊立已有旨了一奉

奏題稿

卷之二

三十三

聖旨冊立出講以前有旨一併舉行且冊立屢有諭旨於明年矣欽此 明旨森嚴炳如日星臣等尊信確如金石於是嘗與部院科道諸臣約誠不敢再有陳竇惟恪遵 成命候時 請行茲逢歲序更新新陽和布德已當二十一年矣乘此三陽開泰之期正屬 元良出震之候臣工胥慶朝野欣瞻靡不願

皇上臨軒出 命卜吉陳儀揚 寶冊于 大庭見儲君子 祖廟 承祧衍慶允係四方之心 主

器延禧蚤定萬年之計臣等職司輔導心抱耿忠仰 明命之在前慮祗承之恐後伏望 皇上思儲貳之重寄 念父子之至情 乾斷獨持而大權歸于上 令行勿爽而大信孚于民且使萬姓謳歌而頌吾君之有子百神依附而歆主鬯之得人矣臣等無任踴躍待 命之至

奏題稿

卷之二

三十四



內閣奏題稿卷一

再請 冊立二月初三日

奏為議禮未定乞 從元輔之請博採廷議以定

宗社大計事臣惟 國家建儲以安 國本此大典

也然必集議於下 主斷於上此古今之所通行

者也萬曆十九年節經部科諸臣題請 冊立節

奉 明旨着於二十一年行故臣於新年入閣辦

事之初遂擬具一揭題 請因元輔王錫爵還

朝停封不上以待元輔之至元輔至上密揭臣等俱

奏題稿

卷之二

不與聞其意蓋欲慎重其事冀遂所請無使外廷

諸臣瀆奏及頒 御札乃知

皇上為 中宮未有嫡子先將 皇三子並封以待

將來有嫡立嫡無嫡立長

皇上殷念 中宮之意可謂篤厚而嫡庶長幼之義

已昭然示之矣元輔兩擬 諭札兩上揭帖無非

將順

皇上之美意而復以漢唐宋三后之故事陳之亦無

非委曲體

皇上為厚 中宮之意也而外廷諸臣乃力爭以為

不可一謂 皇長子年已十二齡正應 冊立之

期又當 講讀之候過此恐為太遲一謂

皇上雖為 中宮遲以待嫡然自古並未有無嫡而

待嫡者此時當以 宗社為重而嫡庶為輕矣一

謂 皇長子有主鬯承祧之寄體統隆重不宜封

之並以王者一謂

皇上立嫡之諭雖已昭示猶恐持之不堅如今年改

十九年之故事者眾言盈廷有如聚訟以元輔當

奏題稿

卷之二

力爭不當承順而以為詭合為曲從在元輔之心

皇上知之臣等知之而外廷俱不知之前後所上疏

揭

皇上覽之臣等見之外廷俱未見之故持四不可之

說以與元輔爭又數瀆

皇上之聽致

皇上激怒元輔蒙疑臣等之心真有日異不寧寢食

不安者矣夫事有天定當盡人謀臣等今願

皇上稍遲並封 三皇子之典且既有立嫡之意當

爲中宮之計篤修交泰之體蚤兆高禩之祥又  
倣古帝王清心竭誠祈禱摺嗣天心必有感應者  
此萬代無疆之福也萬一稍遲願如元輔所擬第  
二諭札將皇長子爲中宮之子育之中宮  
如三后故事可行也如必欲一封金封則當優異  
皇長子之禮儀不與二皇子同以別等差以明定  
分庶人心安而衆議息矣夫天下之事成於信而  
阻於疑朝廷之政咨於衆而斷於獨伏望  
皇上卽將元輔并臣等之疏一併發下令九卿科  
道官公同會議務求一時可行萬世無議無使  
皇上以青天白日而受疑元輔以忠肝義膽而致謗  
而臣等義均待罪亦得以自逭其責矣爲此具奏

奏題稿

卷之二

三

三請冊立

二月初九日謹

題臣等謬以謏昧日隨首臣之後叨陪末議愧無  
能裨贊萬一近見冊立一事廷臣持論紛紛不  
已遂致君父以激聒動怒首臣以忠愛蒙譏臣  
等一體相關義難默默卽欲効一言爲獻未能也  
今上旣以要功覲恩而疑下復以他意托辭  
而疑上正言之則涉于黨婉言之則涉于阿展  
轉尋思欲爲今日緩頰而談不亦難乎臣等竊謂

奏題稿

卷之三

四

天下之事不難於論而難於處夫人之心不可以  
威制而惟可以信孚今日以積疑之形而成相持  
之勢未易解也故欲釋羣疑惟在成大信夫

君父天言臣子寧有不信者哉然不當信之以空言  
而當信之以實事實前言斯後疑可釋矣實後言  
斯今疑可消矣

皇上逾祖待嫡之旨豈不天理人情之至哉彼  
將謂前此淵衷蓄而未露而今日始發之前此  
屢旨冊立而一旦復收之羣臣據迹懷疑有由然

矣故廷論之責備於首臣者非嫉賢也蓋望其展忠猷而啓

皇上之聽也首臣之營救而認罪者非黨眾也蓋冀於採公論而求事體之是也昨者恭詞

皇上諭旨收回金封之命且示首臣欲求別處之法即古之聖帝明王舍已從人納諫如轉圜不是過也在廷大小臣工無不懽忻鼓舞嘆服大聖人之軌度作為原無成心矣但金封雖已暫停別處必自有說倘蒙

奏題稿

卷之三

五

皇上俯順羣情而慨然頒旨冊立乃舉朝切望何幸如之如尚有待而行焉今豈宜一切停寢而遂已乎臣等竊以為冊立大典雖可少待然出閣讀書一節當及時舉行斷不可已者也待嫡明示豈可無期宜冠禮大婚之前當一併舉行斷不可移者也夫二者皆實事而非空言也伏乞勅下禮官蠲吉具儀皇元子乘今春月出閣講學併確示二年之後將冊立事待冠婚吉典臨期兼舉再無改移則人皆曰冊立今雖未遷行

而 出閣之典則已如前旨不爽矣此其信也又皆曰二十一年冊立之旨今雖未行緣前此未有的據今確示冠婚之際則為期不遠少待何妨耶此又其信也皆非信以言而以行與事示之者也臣愚竊計今日別處之法更無踰於此矣如此而亟行之則人心無不悅服者矣語云是而執之謂之斷非而執之謂之亂不然即停金封之命持待嫡之說將何以昭金石之信而慰臣民之望哉臣等復念上下相疑則國家不安言語不信則政令滋惑自昔盛明之世君令臣共上下一心太和洋溢乃今猜防疑貳驟積戾叢必將至於決裂潰壞臣等誠不願見有此景象也首臣千里而來竭忠報國即為君父蒙謗彼所甘心獨念

奏題稿

卷之三

六

皇上平日舉動光明天下誦戴今逢此重大吉典乃令大臣危疑小臣惶惑殊為清朝盛美之累臣等日夜念此甚有所大不安於心也伏望皇上熟思而斷行之 宗社臣民幸甚臣等直率具

忠不勝惶悚顙望之至

奏題稿

卷之二

七

引年乞休

二月十二日謹

奏為遵例引年懇乞

聖明容令休致以明臣節事臣伏讀大明會典一  
款凡內外大小官員年七十者聽令致仕蓋以人  
臣年老既不可強之使仕又不欲加之顯斥特  
令自陳是在朝廷有優老之禮在人臣有知止  
之義誠盛典也臣今年適當七十例該引年求  
去臣惟進身既晚筮仕多屯自

奏題稿

卷之二

八

皇上拔臣於廢置之後至今僅歷十年粹因卿貳之  
官驟登宰輔之職此在

皇上為不次之殊恩在臣為非常之榮遇是宜自誓  
捐軀矢圖報國豈敢乞閒逸老自畢餘生但人  
臣年至七十則氣血漸衰精神就耗入閣以來歷  
踰一載雖勉力驅馳而趨走或所不逮雖受命  
供事而綜理多所未周嘗思密勿之地幾務為  
煩政事之樞理亂攸係乃臣以衰殘之身廁於其  
間此且夕深以為懼而進退恒以自審者也况

國家多事之時非臣子怡老之日循省覺見幾之已遲寤寐思避位之既晚伏望

皇上憫臣朽質不勝拮据察臣愚衷非有虛假特令致仕放以歸田

皇上以恩禮遣臣臣得以義分求退身雖去國心敢忘君倘於百年之內幸偷一日之生無非

皇上之所賜而猶得負暄以戴舜日擊壤以歌

堯天矣臣無任欣躍待命之至奉

聖旨卿以老成簡用亮節忠猷朕所眷倚况精力未

奏題稿

卷之二

九

衰豈可引年求退所辭不允吏部知道

再引年乞休

二月十五日謹

奏為遵例引年未蒙俞允再乞天恩俯從所

請以安義分事臣因七十引年乞賜罷免奉

聖旨卿以老成簡用亮節忠猷朕所眷倚况精力未

衰豈可引年求退所辭不允吏部知道欽此臣恭

捧莊誦感激涕零愚昧如臣過蒙寵眷捐糜難

報敢復控辭臣惟人臣之事君也仕止進退各惟

其時時當仕進而不潔身以忘君時當退止而不

奏題稿

卷之二

十

徇私以忘義此君子之達觀士人之美節也臣嘗

觀之古人而知其辨於此矣夫古人四十強仕七

十懸車壯即驅馳老即休息彼豈不知君臣之義

等於天地生死不當二其心始終不當易其節而

顧限之以年者蓋以位不可以久居而知止者不

辱祿不可以久竊而知足者不殆以衰暮之年而

猶據丞弼之位小之有訾辱之嫌大之有危殆之

惧人臣之所當深戒者昔也臣之始進正當強仕

之時今也臣之終退又值懸車之際古訓昭然具

存今人合宜遵守且知進而知退者天之道難邁而易退者臣之節臣今日不能爲

皇上乞身而去是知進而不知退反易而爲難違天之道喪已之節矣晉田豫爲衛尉乞避位不聽輒上疏曰年過七十而居位譬猶鍾鳴漏盡而夜行不休是罪人也遂移疾而去人羨其高夫田豫以一衛尉之官尚能明去就之義今臣居宰輔之任不能決進止之機是臣有愧於田豫多矣夫使臣之居於位也尚能恪恭厥職臣何敢自愛惜其身

奏題稿

卷之二

十一

而保全其名節哉惟年邁力衰氣昏識闇機務浩繁而病於裁決綸綍頒布而短於敷宣開陳缺獻替之謀猷交修乏啓沃之忠悃事關機密不聞造膝之言動係安危未進補牘之奏至於冊立儲君關係宗社大計廷臣疏請披瀝忠肝臣實依違不能臣救是臣身據鼎鉉之司日糜大官之養蓋誠尸素之矣縱

皇上不察臣之愚而不忍棄其如臣之省中自愧慄慄危懼何嘗觀古之爲相者多避位以讓賢而因

薦賢以自代今館閣諸臣年力富強才猷卓茂在

膺宰衡之選者濟濟在位也若臣復固寵榮冒貪祿位不能見幾明決自求引避是臣以一不肖之身而塞諸賢者之路不惟不能薦之讓之而且以阻之矣臣何顏以一日立於其上哉此臣之自保以明哲而効忠於皇上者也伏望聖慈鑒臣愚悃容臣乞休得安義分之常自遂止足之願臣無任懇恩待命之至奏

奏題稿

卷之二

十二

聖旨內閣政本之地論思匡贊正賴老成卿如何又有此奏宜遵前旨即出辦事以副倚任不允辭吏部知道

辭寧夏加恩

四月初三日謹

奉為自揣無功冒應殊典披瀝悃誠懇辭

恩命以安愚分事本月初二日准吏部咨該本部奉

勅諭勅吏部寧夏叛逆蕩平輔臣趙志臯張位密勿

運籌勞蹟懋著宜特加陞廕示酬志臯加太子太

保位陞禮部尚書俱進兼文淵閣大學士俱照新

銜給與應得誥命仍各廕一子入監讀書如

勅奉行欽此臣恭誦 繪音不勝惶懼竊惟人君懸

奏題稿

卷之二

十三

爵賞以馭天下爵以叙功而無功者不敢僭賞以

酬勞而無勞者不可濫借與濫徒以滋倖門而無

以昭勸典也寧夏功成

皇上命巡按御史查覈文武將吏功次下兵部議覆

大舉陞賞此 國家勸率之典不可無者而因之

以及於臣則臣實不敢當焉蓋寧夏之功皆由

皇上 宵旰憂勤 神武震疊推轂授鉞而重闕外

之權增餉益兵而作軍中之氣 明旨戒嚴 威

令申飾是以披堅執銳之士鼓勇爭先運籌定策

之臣謀謨決勝妖氛盡殄邊境載寧若臣等日惟

出入 禁廷周旋 帷幄平時之安攘之策臨事

無助勦之勞安得與封疆之臣同擬論功之典且

念官保為品秩之崇階文淵為密勿之峻位兼以

繪章之渥光賁於先復叨世廕之榮澤延於後有

何勞績虛冒 寵榮聞 命驚惶拊躬踟躕思閣

臣以邊功單恩雖保 先朝故事而近年已奉

明旨不許緣襲虛文 聖諭昭然臣心凜若因人成

事揆義終所未安貪 天為功揣分豈能無愧伏

奏題稿

卷之二

十四

望

皇上鑒臣無功察臣愚拙收回 成命仍守舊官前

項 加恩悉行罷免庶 國家之勸典以昭而臣

子之分誼亦安矣臣無任激切懇祈之至奉

聖旨寧賊蕩平賴卿殫忠運謀贊襄密勿功當首論

茲特加恩示酬宜遵成命不允辭吏部知道

再辭加恩

四月初六日謹

奏為 恩命殊常披誠再懇 俯從辭免事該

夏功成荷蒙 聖慈曲軫輔臣 特加恩命隨該

臣具本辭免奉

聖旨寧賊蕩平賴卿殫忠運謀贊襄密勿功當首論

茲特加恩示酬宜遵成命不允辭吏部知道欽此

臣祇奉 恩綸益增惶悚竊惟人君慎名器而必

先貴近所以昭大公人臣宜勞力而不言事功所

以明大分臣以庸劣之才叨居輔弼之任近 至

尊之左右而眷倚優隆荷 寵光之照臨而錫予

蕃庶雖許身未敢謂竭誠縱捐軀亦難以報德寧

夏逆賊倡亂實由臣等安攘無功上履

皇上之憂勤下貽邊境之荼毒內竭 帑藏之轉輸

外煩遠近之調集經百戰而始定歷八月而後平

臣方引之以為咎安敢攘之以為功雖借箸為籌

演綸授事不過上奉

皇上之睿謀下據樞臣之區畫盡其職分之常匪有

奏題稿

卷之二

十五

奇秘之策况今倭寇擾害東隅尚未安堵莽爾憑  
凌南鎮猶用行師此皆閣臣之責任而未可遂以  
為安寧也臣何敢僥倖偶逢之幸以追曠官之尤月  
非分之 恩以重忝竊之罪伏望

皇上俯鑒愚忱 特停前命庶

皇上恩賚之施大得其平而臣貪冒之非亦冀可免

矣臣無任懇切待 命之至奉

聖旨朕以平逆殊功大行陞賞卿為輔臣弼贊忠勞

原與泛常叙及者不同加恩非過毋得固辭吏部

奏題稿

卷之二

十六

知道



內閣奏題稿卷之三

初辭玉牒加恩

萬曆二十二年二月二十五日謹

奏為披瀝悃誠再懇 天恩辭免 新命事昨以

纂修 玉牒成荷蒙 聖恩特頒 手勅以閣臣

總裁効有勤勞各加 恩典臣即隨首臣王錫爵

臣張位上疏辭免茲該文書官李浚復奉

聖旨纂修 玉牒原係重典卿等分猷茂衍嘉績垂

範後世先有恩命卿屢懇辭是以特頒新渥用

奏題稿

卷之三

示眷酬卿等宜遵成命所辭不允吏部知道欽此

臣恭捧 綸音益加惶懼反覆思維以為人臣効

勞皆為分義之當然不敢妄有所希冀矧茲

玉牒實無勞勩之可錄何敢竊取夫 寵恩日

先朝未有舉行於今日合宜遵守雖以歷年之久冊

籍之多然皆各員役校對書寫之勞而臣等惟司

稽查考成之責此而言功則何事不可以自矜此

而蒙 恩則何事不可以市寵非特臣受之而愧

於心將使人聞之而議其後矣且少保為官階之

極榮而 褒廕為 國家之重典自慙薄劣何敢

祇承又臣自寧夏討逆功成荷蒙

皇上因邊疆之平定嘉惟幄之謨謀承 寵命之方

新忽 殊榮之薦至憂深踴躍慮切驚惶切思臣

尤與二臣不同臣蒙

皇上拔擢未及三年而臣之官與首臣錫爵同臣與

位同受

皇上簡任而臣之官又在位之上此臣日夜之所悚

惕而不寧者臣安敢不自揣量而故蹈僭踰之罪

奏題稿

卷之三

哉伏望

皇上念臣懇誠非有矯飾收回 成命俾臣得以安

其愚分臣之所大幸也無任懇切待 命之至奉

聖旨覽卿再疏懇辭具見高讓卿可勉從勿得再辭

吏部知道

再辭玉牒加恩

二月二十八日謹

奏為三辭 恩命懇乞 賜俞以安分義事蒙

皇上以纂修 玉牒加 恩該臣再疏辭免伏奉

聖旨覽卿再疏懇辭具見高議卿可勉從勿得再辭

吏部知道欽此臣恭捧莊誦不勝駭愕愈增惶悚

竊惟人臣以承 命為恭何敢固執謙讓而以分

義自守又何敢自取貪欺使 玉牒之纂修加恩

先朝果有是典也臣不敢辭使今之纂修臣果得與

奏題稿

卷之三

三

其力也臣亦不敢辭今 先朝既無是典臣又無

所與力臣何敢自昧其本心而冒此非常之典哉

夫恩賞者

皇上勵世之大權也苟當其功則受之可以為榮一

過其實則受之反以為愧况無功而可以濫受耶

皇上三錫其命而臣三反之中心惶惶豈不以抗

命為懼然錫予之隆既已過于望外則控辭之濇或

可鑒於 宸衷且臣德福淺薄而自

皇上簡任以來官階顯榮 褒賡重疊 宸章赫奕

寵錫駢蕃

皇上所以厚臣者無所不至方懼無福以勝之敢膺

非分以重其愆哉此臣所以寧冒抗違之罪而不

敢復蹈僭踰之咎也伏願 俯鑒愚誠少回

天聽不惟臣之微分得以少安而於 聖朝之大典

可以常遵矣臣無任悚懼待罪之至奉

聖旨覽卿數辭懇命足見堅持之志特允所辭以成

卿美吏部知

奏題稿

卷之三

四

三上引言乞休

三月十六日謹

奏為年衰已甚才智益昏三懇 天恩乞 賜罷

斥以免辱國事臣以引年再疏乞休伏奉

聖旨方今國事多艱正賴卿同心協贊以匡治平何

可再奏引退朕倚任老成凡在廷乞歸者尚欲留

用况密勿輔理重臣忍聽其辭卿宜體此意即出

辦事慰朕惓惓吏部知道欽此臣分當奉 命亟

趨入閣辦事然臣二疏竭誠懇辭者蓋以年之已

奏題稿

卷之三

五

邁力之就衰猶未及於才智之不足也故未蒙

皇上矜察猶加慰留臣今思之使臣年邁力衰而才

智猶可以集事臣何敢矯情飾詐冒犯 至尊而

復陳于

皇上之前耶念臣性本魯鈍學復空疎無博聞以長

其才猷無多見以廣其智識歷任幾三十年自愧

才識疎淺而無所發明行能薄劣而無所樹立所

恃以竭誠恭事 主上者惟矢心不欺以守朴忠

世塵無染以敦雅尚而已自蒙

皇上簡任備員 內閣幾及三載夫閣臣奉 一人

之命為百司之總任至重而事至繁劇也非德望

之宏鉅不足以鎮壓群情非才識之膚敏不足以

料理庶務而臣以衰耄之年當此繁劇之任德望

既輕才識又闇 機務浩繁而病於裁決 綸綍

頒布而短於敷宣交修無啓沃之忠開陳乏獻替

之益事關 密勿不聞造膝之言動係安危未盡

補牘之奏况今 國家多事之際正臣子効勞之

日四方水旱之叠奏不聞調燮之功各邊羽檄之

奏題稿

卷之三

六

交馳未陳安攘之策有臣如此

皇上何所利賴而用之夫相臣關國家之重輕繫中

外之觀望得其人則股肱良庶事康萬邦仰德而

國體尊非其人則股肱惰萬事隳百辟攜貳而國

體褻昔唐相楊綰而劔南節度使輒為毀其臺館

宋相司馬光而金人相戒不敢犯邊賢相之有益

於人國也如此首輔王錫爵次輔張位皆足以當

之而臣非其人也此臣所以嘗懷辱國之懼而汲

汲以求退者也且館閣諸臣年皆強才猷卓茂

足膺宰衡之選者不少惟在遴選而簡任之耳伏  
望

皇上覽臣愚悃容臣乞休得安分義之常自遂止足  
之願臣無任懇 恩待 命之至

奏題稿

卷之三

請止封慶府

七月初五日謹

題今早文書官潘朝用口傳

聖諭慶府 冊封着改日期併於今歲舉行臣等擬  
票臣等細思慶府原請初意爲遭兵變之後貧難  
缺乏養贍不給蒙

皇上特恩准給全祿併謝襲封慶王後不爲例此

皇上篤親之義恤孤之仁敢不仰體今據禮部執奏  
爲王子師鐸尚有母妃之喪未闋若遽封以王爵

奏題稿

卷之三

八

恐於典制未協欲先給之以祿而且遲之以封臣  
等竊惟三年之孝達於上下傳於古今諸藩遵守  
罔敢違悖且師鐸之年止於八歲未及 冊封之  
期預給祿養已遂初請之願况方妃臨難捐生凜  
凜大節已蒙

寵褒使師鐸稍長有知必抱終天之恨而又不得終  
喪有虧子道將來抱痛當何如也伏望  
皇上不愛之以姑息而示之以守禮  
俯從禮官之請將

冊封吉典姑待明年禮制人情兩無違碍臣等僭擬

票語以候

聖裁無任悚息待 命之至

奏題稿

卷之三

答 諭封事

九月十四日謹

題本月十二日該文書官劉宣傳出

聖諭以朝鮮國王奏為倭夷請許款貢令臣等擬

諭切責兵部不能主張大事有失馭夷之策臣等當

即恭擬 諭旨已蒙 裁定發行訖昨又見兵部

接出

聖諭朕思東事阻撓壞亂皆群小朋謀指使附和以

致失策此皆河南道御史今刑部山西司主事郭

奏題稿

卷之三

實首為倡階阻撓大事以致群小結黨附和妄議

煩興造言惑眾好生不忠可惡本當拏問從重究

治姑且葺了職為民不許朦朧推用其餘兩京前

後條議東倭事情的爾兵部通查寫職銜名字來

議內有阻封貢造言惑眾的另寫來說該部知道

欽此臣等竊惟東倭之事喧爭逾年竟未結局好

議者隨聲附和既未嘗灼見其情形當事者首鼠

依違又不能堅執其籌畫中外觀望彼此推捱久

誤 大計仰煩 主憂臣等既相與嘆服 神謀

序斷莫出尋常而又自念匡贊無術豈勝悚仄仁  
邊務戎機乃是本兵專職實有不能追其責者蓋  
自倭退王京之後今日請封明日請貢今日議許  
明日議罷一人倡之既守其成說而不移衆人和  
之遂一爲公論而難犯使秉樞管者真見其利害  
若何果有定畫縱令發言盈庭自當毅然擔荷乃  
一槩畏狗朝議夕更道傍之室奚成中流之柱何  
賴此誠本兵之責也比奉 旨停罷封貢又已數  
月於此若果倭夷悉遜屬國無患則前之議許者

奏題稿

卷之三

十一

爲非議罷者爲是東方之事可置勿談已乃據所  
聞守備胡澤之言及朝鮮爲倭乞款之奏則小西  
飛之在遼陽尚未還群倭之屯聚釜山尚未遜請  
而不遂禍必復中於朝鮮議援議戰議兵議餉爲  
憂方大自非

聖天子留心邊計特發 嚴旨則昔之建議者皆默  
然無言任事者復泄泄自處 國事安危將遂可  
托避晏然而已乎此又本兵之責也至於今日仰  
遵 聖明諄切之 諭俯揆時勢區畫之互則主

斷固不可不決而謀慮尤不可不審蓋年來議論  
不同有但言封者有並言貢者有言封貢俱不可  
者有言可封不可貢者必須通行經畧大臣偵探  
倭勢緩急酌量聽許既不可拂遠夷之情又不可  
失 天朝之體務令計筭萬全然後恭請

聖裁方爲得策若仰恃 天威有赫便爲人言靡撓  
獨令 明主自親其畫而臣下反得借口避難後  
來卽有紛紜咎將誰執是向之謀而不能斷與今  
之斷而不能審其失正相等而本兵之責滋益大

奏題稿

卷之三

十二

矣伏乞  
皇上亟 勅兵部將屢次督責 嚴旨備行經畧侍  
卽孫鏞速探倭情的確熟議上 請仍立限期勿  
致耽延誤事自今日始在廷大小諸臣俱宜靜聽  
籌畫不得出位妄談多言亂聽其以前條議倭事  
諸臣跡雖涉于符同中亦各有意見宜令該部存  
其奏章預備採擇且不必列名上 奏惟我  
皇上恢弘 聖度諸凡異同之言一切包涵勿輕處  
分以待事定之日處置得宜異議者自當愧服其

郭實雖曾建言原與封貢事體無涉今譴罰過重似宜量從寬貸庶幾 國體人情兩無所傷馭外安內在茲一舉願望 特垂省察將臣等題揭批發下部一併酌議施行臣等不勝忠愛懇懇之至奉

聖旨覽卿等奏甚見慮悉周詳且條議東事雖各盡一已之見實乃陰相附和徇私撓亂欲墮成功阻壞大事以致事無結局况又造言辱國惑眾欺君朕是以怒既卿等來奏着該部分別諸議內其中

奏題稿

卷之三

十三

言有可用的着該部採擇議行其造言辱國逞臆煩言的遵旨開寫來奏且郭實阻於遣使授命之初其罪難辭姑量處治原不為過着照前旨行其餘戰守封貢事情着該部便作速詳議來行務保萬全毋致後悔該部知道

再催行取言官

十月初三日謹

題臣惟急缺風憲官員該部院題請行取內外各官以備選用疏凡幾上矣未奉

明旨有碍行取部院諸臣常至臣朝候詢問又欲臣等代請臣等思之竊窺

皇上所以不肯俯允部院之請者蓋因近日行取諸臣好為議論冒觸 天顏故欲于稽遲之中默寓裁抑之意

奏題稿

卷之三

十四

皇上之所以勵官常慎言責者蓋甚至矣然妄言之罪固所當懲而言責之官必不可缺况內而巡視外而巡按差遣缺人關係甚重若因其言之煩賈而遂稽留其行取是因噎而廢食懲美而吹釐也臣等竊以為過矣夫議論之煩多誠無有過於此時者然與其默示天下以意不若明示天下以權轉移之機實惟

皇上主之臣願

皇上俯從部院之請又 特諭部院將中外資俸應

行取之官移文各處撫按於平日薦舉外再加咨訪另行報部實心惠民者取之而無以搏擊為最恬淡自守者取之而無以矯廉為賢平易近民者取之而任情負氣者勿取悃悃無華者取之而務外好高者勿取及至行取到京之日再勅部院諸臣更加咨訪務求得實秉公考選於其言語文字之內察其存主心術之微議論純正識見練達者列之上考議論儉怪識見頗僻者置之下考夫取之政事以觀其設施取之議論以卜其心術則

奏題稿

卷之三

十五

其他日所為建白委任者庶可得其概矣至于既取而授之官其建白果當委任果稱願

皇上因之嘉納以鼓其進其建白弗當委任弗稱願皇上因之懲創以警其餘是在

皇上一轉移之間而蹇諤者皆得以獻其忠邪佞者不得以肆其辨言責不癢言路可清而險薄之風潛消議論之繁漸省師師濟濟盈于朝宁而世道人心翕然一變豈不成美盛之至治哉臣等待罪輔臣義難終默冒昧上請伏望俯俞

暖閣召對紀事

十一月十九日

聖母慈聖宣文明肅皇太后 萬壽聖節

上御皇極門受百官朝賀禮畢

命中使宣召輔臣志臯等至暖閣前行叩頭禮

上面論曰卿等為朝廷宣力分猷朕心嘉悅志臯等

人不奉親 天顏今日仰瞻

聖容和粹臣等不勝慶幸

上曰人不接見卿等知道了志臯又奏 國家多事

奏題稿

卷之三

十六

臣等奉職無狀致勞 聖心每有奏請皆煩

皇上主持臣等得以遵行不勝感激又奏封倭十事

伸荷

皇上主張東方可保無事

上曰還要卿等贊襄又奏遼東近有大捷實

皇上威靈遠被

上曰此乃 祖宗威靈內外文武將吏協力所致又

奏今只有西邊套虜每圖報復各邊臣已調兵集

餉料無大患



上曰還說與兵部行文申飭督撫官同心整理又奏  
臣志臯不才屢被論列荷蒙

皇上寬宥更 賜褒嘉臣不勝感激

上曰卿公忠廉介朕所素知宜安心輔政又奏臣志  
臯才庸年邁不堪重任懇乞

聖明放臣早歸實為萬幸

上曰朝廷正要用老成人臣志臯叩頭謝臣于陛以  
簡任內閣尚未 面恩是日補致詞叩頭謝 恩

上曰知道了三臣又同叩頭

奏題稿

卷之三

十二

上曰卿等可同心輔理又承

旨叩頭而退輔臣趙志臯等恭詣

慈寧宮門行叩頭禮

恭進經書漢鑑講章

十二月二十三日謹

題先該臣等題稱每年終將講過經書講章類寫  
進呈以備

皇上溫習觀覽仍另書發司禮監接續刊板已奉

欽依節次 進呈訖今查萬曆二十一年至今所撰

講章易經豫卦至離卦一本咸卦至益卦一本詩

經國風周南關雎至豳風狼跋一本小雅鹿鳴至

我行其野一本禮記祭統一本經解哀公問仲尼

奏題稿

卷之三

十八

燕居孔子閒居一本坊記表記一本緇衣儒行一

本通鑑纂要秦二世至沛公入武關一本沛公至

霸上至楚與漢約中分天下一本漢高帝五年至

諸大臣迎立代王恒一本孝文帝元年至大旱蝗

詔弛利省費以賑民一本類寫表演 進呈伏望

皇上萬幾之暇時加 觀覽以求溫故知新之益臣

等不勝惓惓效忠之誠

內閣奏題稿卷之四

題減織羊絨二月初八日謹

題臣等先蒙 發下織染局僉書御用監太監柳用等一本欽奉 聖諭行陝西織造羊絨奉

聖旨是工部知道後又蒙 發下工部一本為織造事令臣等擬票竊思織造羊絨袍服 先朝已行

皇上臨御二十餘年乃始傳 諭織造此臣子所當奉行之不暇者而工部乃有此請蓋因工部左侍

郎沈思孝二年前巡撫陝西親見陝西地方火曾奏題稿 卷之四

猖獗於甘涼李賊反叛於寧夏地方極其殘破錢糧耗於轉輸庫藏已稱匱竭矣加以災沴沴臻荒

蕪益甚民不聊生是官民俱困之時也若一旦加之以一百六十萬之織造豈惟民力有所不堪而

官帑亦不能給雖有該部料價等銀歲不過二萬餘兩以有限之數而供莫大之工其何能濟臣等

見其言之懇切而其疏又從 中發臣等仰見皇上之心必俯從其請輒敢擬以減半織造陸續解

進又查得萬曆四年織造局傳造袍服段正因科

臣具奏遂減三分之一七年承運庫傳造袍服段正又因科臣具奏注減半織造此皆

皇上推心以愛民約已以裕下至今傳頌不替豈於今日而靳其施哉此臣等所以輒敢擬票而請自

上裁也臣等竊念袍服係關 上用既不可已而陝西民窮財困又不能支伏願

皇上俯從部臣之請將工部原疏 發下量從減省行會議處一歲可得銀幾萬兩并發本部料價銀

以濟之先將 上用之要緊者酌量一歲可織多奏題稿 卷之四

少分為幾運至於次年又計該省銀數并料價銀可織多少分為幾運限以幾年方完庶民力易辦

而 上用不缺矣臣等豈敢故違 上意而干舉小民哉蓋誠知其地方兵荒困苦而不得不為

君父陳之耳伏惟 皇上賜察臣等無任仰祈之至奉

聖旨覽卿等所奏朕已知道了此織造乃不得已原

數朕已

題邊功爵賞

二月十七日謹

題今日該文書官 發下票本內有兵部叙遼東鎮武堡等處斬獲功次一本據本開載總兵官董一元既樹非常之功當加非常之典擬照

先朝曹義焦禮施聚三臣俱沐 封拜之典例擬董一元封伯爵不世襲此兵部鼓舞邊將作其忠勇封一人而可以興起各邊將臣也臣等竊思 封

拜大典 朝廷殊恩三臣舊例未及遠考近年以

奏題稿

卷之四

三

總兵封伯爵者惟李成梁一人然查其封伯爵緣由皆有歷年功次非止一朝積累有漸於萬曆二年有東州之捷題奉 欽依陞左都督三年有瀋陽之捷題奉 欽依加太子太保六年有遼河之捷題奉 欽依加太保七年有海州之捷題奉 欽依加封伯爵八年有鴨兒口之捷題奉 欽依加世襲伯爵董一元初鎮遼東遂奏奇捷平定遼隅委當重酬然歲非屢積功猶可待遠加封典似覺稍驟臣等欲遠依兵部所擬恐非 朝廷慎重封

典之心欲不依其所擬恐失兵部激勵將臣之意昨日兵部到臣朝房商確原有兩擬一照李成梁東州叙功陞左都督加太子太保一照李成梁海州叙功封伯爵臣等竊思封爵大典原係

特恩非臣等所敢輕擬謹具二擬并原本封進請自上裁伏惟

皇上定奪臣等無任悚息待 命之至

奏題稿

卷之四

四

請錄用罪廢

三月初六日謹

題臣等於正月十七日蒙

皇上發下吏部尚書孫丕揚一本爲罪廢諸臣未敢

朦朧推用懇乞 聖明酌議收錄以便遵行事奉

聖旨覽卿等所奏欲懇恩推用罪廢諸臣固當辨別

錄用但這廝每假公濟私交相結納附和沽忠賣

直市恩偏護黨類有負職業這所奏知道了還候

旨行欽此臣等又于二月初二日蒙

奏題稿

卷之四

五

皇上發下輔臣陳于陛一本爲恭効愚忠披陳時政

之要懇乞 聖明採納以光治理事奉

聖旨錄用人才朕已知道了臣等兩奉

綸音不勝欣躍不勝愧赧竊惟我

皇上秉睿知之資橫虛受之量求賢若渴從善如園

豈於罪廢諸臣而故深惡痛絕之耶祇因諸臣多

黨護之私無効忠之實故特抑之以示懲欲其久

而省改耳臣等恭誦 明旨仰見

皇上之心真同 天地肅殺而煦以陽春雷霆而潤

以雨露於諸臣未忍終棄之也臣等於吏部尚書

孫丕揚戒勿再贖恭候 明旨第念考察之後外

官旣多缺員而行取諸臣尚未考選一時可爲乏

人因念罪廢諸臣淪落已久思圖報効因而用之

實在此時夫人臣之事君卽如人子之事父爲人

子者久不得於父則必自然自艾號泣乎天而思

以求得乎親爲人臣者久不得於君則必自悔自

悟痛切省改而思以求得乎君此皆君臣父子一

體之至情也

奏題稿

卷之四

六

皇上謂其假公濟私沽名賣直相與附和納結臣等

豈敢謂無其人然其間亦有未盡然者豈無業有

官守而自盡言責者乎豈無激發忠義而思欲自

獻者乎又豈無偏狃意氣而言或過切者乎又豈

無事體相關而因以連及者乎此其情皆有可原

而不得以槩責之也心術之公私人品之邪正

皇上已洞燭其隱微臣等亦察見其情僞若不辯忠

邪不分玉石而一槩抑之不用不但人才可惜而

禁人於 聖世恐無以開自新之途亦非

皇上用人求舊之意伏望

皇上俯從尚書孫丕揚輔臣陳子陞之請 特頒

明旨着丕揚會同部院大臣及科道之長通將前後

十餘年以罪見廢諸臣公心評品列為等第實心

為國言出忠肝而真誠耿介者上也隨分盡職因

事效言而信實無他腸者次也心懷偏黨言多排

擠以消國是者下也又有素行不檢慮難自掩假

建言以蓋其平生而希圖他日進用者此又下之

下者也持此四端而燭照之誰能掩覆上焉者或

奏題稿

卷之四

七

還之朝次焉者或量補之外或暫復冠帶以俟推

用而下焉者姑置之以待他日之論定一一列名

上請 定奪上以彰虛受之懷下以為願忠之勸

則 朝廷有互用之恩威草莽無終棄之遺佚矣

臣等待罪輔臣世道人才與有關責欽承

明旨敢不敷陳伏惟

謹

聖明垂察天下幸甚臣等幸甚

奉 旨擬撰殿試策題

三月十三日謹

題昨該臣等以 殿試策題上請 御製伏奉

聖旨卿等撰擬來欽此茲臣等欽遵恭擬臣仍親書

上進伏乞

聖明裁定仍乞 密封發下臣等令中書謄寫進呈

皇帝制曰朕惟文武並用長久之術每慎 二柄以

馭寰宇庶幾內順外威臻至治焉然觀昔之開基

英主以投戈講藝選士弘文為美譚而周公訓克

奏題稿

卷之四

八

詰召公誠張皇顧諄切於成康邛隆之際豈世亂

則寧濟以文時平則戒備以武道又各有攸重歟

洪惟我

太祖高皇帝混一函夏

成祖文皇帝驅蕩胡氛於鏖戰既以 神武之畧為

萬民請命廼禮賢置館即當 締造之初延儒直

閣亦在 臨御之始以武戡定用文持之蓋規摹

宏遠矣

列聖祗紹 謨烈顯承迨於朕躬嗣音丕緒光撫太

平之業且二百三十禩餘威懾乎四裔方內安於  
覆孟而譚者廼謂今文具太盛武備寢弛試舉其  
槩如京師禁旅春秋教練嚴矣而冒靈猶未清何  
以壯居重之勢諸邊戍卒主客供億煩矣而行伍  
猶未實何以張捷伐之威至於中外府衛綱維秩  
然縮符襲組材官非乏也而閫鉞偶虛動稱無將  
列屯坐食冊籍具存也而萑苻竊發輒苦無兵其  
弊安在意者人情狃於宴安而法制隳於積習非  
大為振飭不可歟考之前史有上言兵之要四中

奏題稿

卷之四

國之長技五者有因府兵之壞作原十六衛者有  
請與大臣論武於朝舉忠謀之士委之邊任者有  
以選勇果習戰鬪為治兵之實者此皆承熙洽之  
後鯁鯁於經武保邦籌慮甚遠又或謂安邊捍盜  
必先治內謂無兵無將繇朝廷三弊者豈根極之  
務更有在歟抑謀之廊廟修之紀綱自可以精神  
折衝而無煩師旅歟今天下雖稱泰寧而方隅多  
警斯亦居安慮危之時也朕既未能舞干而來虜  
弓而理將欲經文緯武圖修攘之實政以為長治

久安計則何施而可爾諸士其悉忠摠畫明著於  
篇毋有所隱朕且採擇而行焉

奏題稿

卷之四

四懇致政

四月二十二日謹

奏為 君恩未報臣力已衰兼聞人言尤宜自省  
四懇 天恩蚤 賜放歸以安愚分以終臣節事  
臣昨因廣東道御史況上進論臣因具疏  
上請奉

聖旨朕屢旨勉留日望卿出如何又有此奏今邊疆  
多事正賴卿老成運籌且輔弼首臣從來倚任者  
舊何得以引年為辭朕必不因小臣妄言遂卿去

奏題稿

卷之四

十一

志宜即出安心辦事方見報國之忠吏部知道欽  
此臣捧誦再三涕淚交下以臣衰庸老臣又被論  
列乃塵 聖諭懇惻慰留如此也臣又於邸報中  
見 發 廣東道御史況上進一本奉 旨深罪  
重罰臣益不勝驚懼臣衰年昧於止足理合譏彈  
臺臣風紀攸司言為職掌

皇上因而罰之是益重臣之過矣臣請  
皇上寬上進之罰而臣之當去不啻上進言之而在  
臣亦籌之熟矣臣請為

奏題稿

卷之四

十一

皇上陳之臣自筮仕以迄於今蓋二十有八年矣其  
間偃蹇坎坷殆居其半或投嶺海或歸山林或置  
閒曹或居遠地蓋自以為終身不遇矣不意摧折  
之後幸際 明時孤逖之踪受知 聖主置之左  
右託以股肱才乏他長惟朴忠之是守官無寸補  
將雅尚之益敦自以為可幸無過不意迂僻之性  
鮮克依違疎直之衷難以瓦合以致議論之際多  
所招尤詞色之間尤易取忤立朝未滿五載無歲  
不有彈章若非 天日之照臨則臣又當負罪而  
去不得以一日居於位矣然臣細觀往日諸臣之  
疏其所論者或撥拾浮言或指摘時事皆不足以  
服臣之心臣因不敢悻悻求去以負

皇上之眷留今觀上進之所論實係臣進退之大節  
止足之大分望臣以古人以禮致仕之意臣若再  
如前日之淹留則臣之自愛反不如人之愛臣不  
惟有愧於古人而求以表率夫百僚亦難矣臣又  
聞人臣立朝以忠貞為大義以廉耻為美節持廉  
者斯能效忠以事君鮮耻者必不能守正以事上

今臣年踰七旬既不能見機早退及聞人言又復強顏在位是臣之廉節已瘳矣廉節一瘳則凡先意承志自固寵榮者靡所不為豈復能以忠義事

皇上亦何取於臣而留之耶而臣懼滋甚矣伏望

皇上念臣至情放臣歸里則

皇上之於臣始而錄用其身終能保全其名不致貽

萬世之羞者夫孰非浩蕩之恩哉臣無任仰

天懇恩之至奉

奏題稿

卷之四

十三

聖旨昨再旨卿其妄言的薄處正以安卿之心望

卿速出何乃又欲請去卿平生清節為國忠勞皆

朕心洞知宜殫竭謀猷勉思圖報務求不負股肱

重託毋得回辭還着鴻臚寺官宣諭即進閣辦事

吏部知道

請減織造

四月二十九日謹

題臣等昨日接到工科都給事中陳世恩等揭帖為財訕民窮織造當節懇乞 聖慈酌賜停減以裕 國計以紓民困事大約謂承運庫所奏織造段疋計工價所需用銀當踰鉅萬往歲例外織造不過三萬五萬未有如此之多者欲乞

皇上俯念財力已訕盡數停免如用不可缺乞減省

緩解其工費一節令工部議處或發 內帑濟用

奏題稿

卷之四

十四

等因臣等竊詳近日江南連遭荒歉又增備倭養

兵之費民力貧竭委實難支即當年額辦織造錢

糧有司尚苦追求百姓尚多拖負工匠服役亦多

逃竄百方拮据動稱無措况當此時訕之際復增

例外之工不但民力難堪或恐更生他變伏望

皇上軫念困窮 俯允科臣所請 大賜減免仍下

工部議處工價協濟免行加派貧民庶東南重地

生靈仰戴 聖恩於無窮矣臣等無任仰望之至



五懇致政

五月初二日謹

奏為感 恩思報揣分難留五懇

天恩早 賜放還以彰 聖明優恤老臣事臣引年

乞休五懇 天恩俱奉 旨勉留又蒙

欽遣鴻臚寺官到臣寓所 宣諭臣具本奏謝奉

聖旨覽卿奏謝朕知道了卿宜即出辦事以慰眷懷

吏部知道欽此臣自念庸劣殘生屢承

天寵雖以愚昧之人處踈遠之地亦思感激思奮況

奏題稿

卷之四

一五

臣幼受父師之訓素明忠孝之義通籍以來此身

已分許國鞠躬盡瘁矢死靡他今

皇上又不以臣為不肖置之輔弼推誠倚任言聽諫

行此誠恭交之會千載一時也若使臣年足以勝

其任力足以効其忠臣豈敢潔身求去以負

明時懇疏陳情以違 聖意念人臣事 君以不欺

為主未老而矯飾以求去與既老而逡巡不去皆

欺也臣自二年以來昏憊之狀潦倒之態惟臣自

知一毫不敢矯飾于 君父之前以自取欺罔之

臣生稟孱弱早年多病繼當強仕猶勉支

持及左遷嶺南三年瘴氣久侵舊病時發安靜則

體覺和平憂思則神輒眩暈朝華晞露蒲柳望秋

臣之不堪勞瘁不意延有今日矣然此自臣一身

而言非臣之所深慮也 國家事有萬機旦夕丞

弼非有精神之識強健之年不足以審幾而致決

而臣以殘年闇識首當其任內有攻心之疾則外

益見從事之難前有崦嵫之迫則後益懷覆餗之

慮此以臣之一身而妨 國家之事實臣之所滋

奏題稿

卷之四

一五

懼也

皇上英明神斷大法小廉閣臣三人同心輔政如臣

去留全無係于 國之輕重不若免臣于既衰之

日而早用三臣於方盛之年則臣既得以保其終

三臣又得以展其素而 國家之事日以振舉尤

為臣之所大幸也此皆臣區區微忱發為家人父

子之言而無一不可與天知者伏望

皇上垂憐早放臣去則臣既以禮退又荷生還不特

臣之幸而

皇上之所以優禮老臣者更將傳頌萬世無窮矣臣  
不勝懇祈候 命之至奉

聖旨昨遣官宣諭日望卿速出主張國事如何又來  
控辭卿平生忠義自許正宜鞠躬盡力安得更以  
潔身為高朕前見卿精力尚健方以三輔同心佐  
政何忍遽去宜體朕意卽出辦事勿得再辭吏部  
知道

奏題稿

卷之四

十七

謝 御札

五月十一日謹

奏為屢蒙 聖諭恭謝 天恩事臣以庸衰年老  
六疏乞休俱蒙 溫旨慰留前蒙 欽遣鴻臚寺  
堂上官宣 諭今又 欽遣文書官劉宜到臣寓  
所宣

聖諭卿屢疏乞歸朕再三勉留望卿卽出閣辦事如  
何日久未出朕念首輔關係甚重軍國大事全賴  
贊襄主張卿不可以年老為辭從來輔臣專任者  
舊朕前見卿精力強健自卿輔政以來西討東征  
邊疆平定勲勞茂著未及酬卿豈忍言去朕旣信  
任老成決無疑貳此後若再有妄言誣詆的朕定  
從重究處卿不可預自疑阻特此專遣宣諭卿宜  
仰體朕懷速出以慰惓惓之意欽哉故諭欽此臣  
焚香叩頭禮畢捧誦再三涕淚交下又蒙

聖諭三臣到臣寓所傳示 眷留至意臣何以而蒙  
皇上恩寵至此極矣犬馬尚知報主人豈臣不負  
君況臣受非常之 恩眷當竭報効之誠

過致政之期才匪匡輔之器望既不厭于衆力實不逮于身引年固其時也但數年以來身當國事邊境未寧茲奉 明旨猶以邊情孔亟時事多艱倭情西殤播酋為念猶欲責望於臣臣雖至愚敢不勉力驅馳同心協贊以副

聖意少俟邊境稍寧國事已定 聖懷少舒 容臣再疏乞休

皇上以禮遣臣而臣得以禮求退此臣之所萬幸也 臣無任感激仰望之至所有原奉

奏題稿

卷之四

十一

聖諭謹遵藏臣寓所以為子孫傳家之寶除赴鴻臚

寺報名 廷謝外謹具本奏 謝

請復建文年號

九月十一日謹

題今日蒙 發下禮部一本為

累朝闕典究竟難湮懇乞

聖明及時修舉以成 祖德以光 正史事內覆給

事中楊天民御史牛應元疏乞於纂修正史內將

建文年號議復臣等竊惟建文年號難以湮沒屢

經

先朝諸臣條議及見於諸書紀載皆謂當復但因循

奏題稿

卷之四

二十

日久尚未舉行茲當纂修正史之時言官因此建

議所據禮部覆疏考訂詳明議論正大似宜

從以昭 一代傳信之光以協天下人心之公臣

等未敢擅便謹僭擬 票帖一道恭進

御覽伏乞

聖明裁定施行謹具題

再辭其鎮恩命

十月二十八日謹

奏為再瀝悃誠辭免 恩命以安愚分事臣等昨

以其肅邊功伏蒙 聖慈加恩具疏控辭奉

聖旨云欽此臣等恭捧 綸音不勝感激惟遇事加

恩者 聖主之眷循分自守者臣子之義夫閣臣

不與邊功之賞舊矣然先年間有愛之者或以安

攘大績而首論運籌或以綏靖巨功而先推決策

蓋 上示殊褒而下承異寵非可為典要也若夫

卷題稿

卷之四

臨陣斬獲首級雖多虜患未除邊疆常事可以輔

弼之臣濫預克敵之賞哉且輔臣職務特綜大綱

督撫兵道之用總兵將官之選錢糧獎賞之給戎

器軍需之請雖得與各部商議而舉行之其款撫

方畧戰守機宜但密謀於帷幄之中耳至於臨敵

奮勇者乃將士之力相機調度者乃督撫之謀條

畫擔當者乃本兵之責遇有失機債事在輔臣既

不同其罰即當論功 願恩在輔臣又何可與其

賞哉况功罪賞罰輔臣日代贊襄若與邊臣均行

論叙則將來或啓扶同掩護之弊恐非 朝廷之

福矣蓋密勿之臣日在 左右以

聖主神明照察於上其勤勞功績何適不可頒榮錫

寵又奚必借邊功以示眷耶此臣等反覆躊躇斷

斷乎其不敢仰承者也伏望

皇上念臣等控辭之非矯收回 成命庶令甲恪守

功賞有定 上無濫予下無濫承而臣等安分効

勞咸可以免於愧矣矣臣等不勝隕越懇切之至

奉

奏題稿

卷之四

聖旨今次其鎮大捷非泛常可比賴卿等殫忠運謀

贊襄密勿功當首論原不為過特加恩示酬宜遵

成命不允所辭吏部知道

定國是並留冢宰

十一月二十一日謹

題臣惟人臣之道莫善於奉公而忘私莫不善於背公而植黨夫植黨之風一行則異同之議遂起而牽連之勢益張要其機則在於為人上者挽之而已臣觀近年以來朝中之議論太多士人之背向角立蓋已非一日矣蔓延至今日益昌熾其端皆起于丁此呂一事夫尚書孫丕揚以此呂訪單之多而黜之此公心也戎政沈思孝以此呂之素

奏題稿

卷之四

廿三

望而救之亦公心也心本無他嫌隙遂起乃各上疏求去杜門不出者已半年矣遠近之臣因見大臣杜門甚久據所聞見疏之章奏各是其是各非其非衆言盈庭誰執其咎

皇上留中不下臣等若隱默而無言則是非終於不解而大臣欲出無期揆之國體所損不小伏望

皇上下發綸音宣諭二臣令其各釋偏私即出供職毋得再以疾辭前後進言諸臣亦乞

嚴旨禁誡今後毋得恣意徇私互相排擠消亂國是

臣等又惟

皇上之居至尊即如天之運于上而喜怒好惡猶之寒温慘舒一毫不可偏者且深居九重雖明照萬里而情狀微曖豈能周知若一有不察則喜怒愛惡未有盡得其平者書曰無有作好遵王之道無有作惡遵王之路臣等願

皇上操至虛至公之心而於用人也惟其人之可用與否而不必執以成心其聽言也惟其言之克當與否而不必泥以己意公聽並觀詳審精察庶君

奏題稿

卷之四

廿四

子得以獻其忠小人無以售其詐不然矯誣備偽窺上意以投其私者將紛然不已矣此臣等之所深懼也臣等僭擬 諭旨一道恭進 聖覽伏乞 聖明裁定施行

請發章奏

十二月初三日謹

題仰惟

皇上神明天縱 威斷獨持雖 五位尊居而無一

念不在於吏治民生雖 大廷稀御而無一事不

關於 聖衷 宸慮臣等得以將順休美恪修職

業誠不勝欣慶但自今歲以來諸司章奏多有

留中不發者臣等每會部院大臣咸謂政令之行譬

如流水有一疏之停閣則有一政之窒礙有一官

奏題稿

卷之四

廿五

之曠缺則有一事之廢弛其所關於政體實為匪

輕即如吏部侍郎協贊銓衡吏科都給事中糾察

吏弊此皆職任鉅要官之不可缺者如科臣吳文

梓之陞京堂係邊功叙錄奉有 明旨此又 恩

之不宜靳者如 肅府乞封其母臣等已會擬票

進 覽經今一年本府催請數次尚未得 旨都

給事中邵庶郎中高桂之候補半年有餘進退實

為兩難丁此呂事情刑部擬罪上 請已經月餘

未蒙 允發此外不發章奏尚有臣等不及盡知

不能盡舉者竊考古之王者聽政日必有考月必

有要歲必有會月今十二月天子與公卿大夫共

飭國典以待來歲之宜蓋當歲事之終必將一歲

所行政令稽覈修飭使百司有所稟成萬幾不至

叢脞此明王不易之治體也今歲行暮矣臣等不

揣愚陋輒敢稱引舊典懇 聖聰伏望

皇上特垂鑒察將今歲 留中章奏盡數 檢閱悉

付施行使用人行政一無疑滯官得其宜事得其

序即日獻歲發春臣等又當勉竭忠力以仰贊

奏題稿

卷之四

廿六

聖明勵精之治中外臣民曷勝幸甚臣等謹合忱瀝

摺具題

恭進經書漢鑑講章

十二月二十三日謹

題先該臣等題稱每年終將講過經書講章類寫進呈以備

皇上溫習觀覽仍另書發司禮監接續刊板已奉

欽依節次 進呈訖今查萬曆二十二年至今所撰

講章除大學衍義俟有成帙另行寫進外謹將易

經夬卦至漸卦一本歸妹卦至未濟卦一本繫辭

上傳一本繫辭下傳一本說卦傳至雜卦傳一本

奏題稿

卷之四

廿七

詩經小雅秩秩斯干起至謂爾遷于王都止一本

小雅旻天疾威起至鐘鼓欽欽止一本通鑑纂要

孝景皇帝元年起至三年正月詔勸農桑止一本

孝武皇帝建元元年起至東越王餘善反止一本

元封元年起至太子弗陵即位止一本孝昭皇帝

始元元年起至立皇后許氏止一本孝宣皇帝本

始元年起至以潁川太守黃霸守京兆尹止一本

類寫裝潢 進呈

皇上萬幾之暇時加 觀覽以求溫故知新之益臣

等不勝惓惓効忠之誠謹具題

奏題稿

卷之四

廿八

再救降謫科道部屬官

十二月二十七日謹

奏爲朝臣譴謫數多閣揭未蒙 批發懇乞

聖明寬恩開霽以全政體事臣等竊聞天子置公卿  
輔弼之臣謂其能格心正事務引君於當道也在  
昔唐虞盛世君臣之間都俞吁咈可否相濟情義  
孚信若家人父子是以上下交而政治隆今臣等  
幸際 堯舜之君愧匪臯夔之佐待罪密勿精誠  
莫能格 天惟有夙夜自愧而已近者

奏題稿

卷之四

廿九

皇上因在廷諸臣奉職無狀屢下 嚴旨切責一時  
科道官降謫者三十四人部臣降謫者九人大小  
臣工肅奉 天威無不跼蹐震恐臣等於本月十  
三日具揭伸救一次續又於二十二日具揭伸救  
一次俱 留中未發隨該部院九卿大臣連名疏  
救雖荷 批發而降謫人數更多衆情益爲駭然  
咸謂自

皇上臨御以來未有如此施行也不但今日即

祖宗二百年來亦罕見有如此施行也臣等備員

躬受 恩最深當 朝廷如此大舉動不能先事

挽回尚忍容默自保而竟無一言乎密勿之地固

當以潛消默諭爲事而不當以明諍顯諫爲功但

兩揭懇情未蒙 允荅匪特在廷之臣交責臣等

即臣等自省叨居政本碌碌素餐亦何能頃刻安

乎夫 朝廷之上 天子元首也大臣股肱也科

道諸臣耳目也今 天威屢震南北臺省摧殘已

甚耳目傷矣耳目既傷則股肱亦不得安尤冀

聖明元首之尊一垂念之也臣等又惟太平之朝和

奏題稿

卷之四

三十

氣融洽海寓清寧今大臣救過不遑小臣蒙罪無  
告一語牽逮追責苛嚴一事謬誤譴罰無已舉朝  
皇皇重足而立恐非所以彰清明之象養和平之  
福也伏望

皇上俯鑒臣等區區微忠特齊 天威普垂 寬宥

將降謫諸臣曲加貸免庶政體少全臣等亦有賴

面而可以盡忠補過思爲報効之圖矣臣等不勝

惶恐戰慄之至奉

聖旨卿等昨所奏揭狀已悉覽了且此責處乃爲兩



衙門食祿忘君不忠失職罪戾自致朕尚念言官  
姑從輕處了卿等如何又來救激這所奏朕已知  
道了姑着還尊新自行吏部知道

內閣奏題稿卷之五

辭甘鎮大捷加恩

萬曆二十四年二月十七日謹

奏為恭承 恩命殊常披瀝懇辭以安愚分事二  
月十六日接得吏部咨奉

勅諭 勅吏部甘鎮大獲奇捷朕心嘉悅內閣輔臣  
殫力運籌忠勲茂著茲特加恩太子太保禮部尚  
書文淵閣大學士志臯加少保改吏部尚書兼武  
英殿大學士還廕一子與做尚寶司司丞賞銀八

內閣奏稿

卷五

十兩綵段四表裡禮部尚書文淵閣大學士位加  
太子太保改戶部尚書大學士如故廕一子中書  
舍人禮部尚書東閣大學士于陛一貫各加太子  
少保兼文淵閣大學士尚書如故各廕一子入監  
讀書還與位各賞銀六十兩綵段四表裡都照新  
銜給與應得誥命如勅奉行欽此臣等感 隆恩  
之橫被均竊光榮揣微分之難堪輒憶懇悃仰惟  
皇上福德如天 神威遠震甘肅一鎮兩奏奇功斯  
實 九廟覃庥三靈協佑卽封疆力戰之士未可

言勞況惟幄持議之臣首當濫賞乎舊年甘肅之捷會荷 恩數下頒尊卽控辭幸蒙 矜允其時臣等疏中嘗請 勅下兵部以後功次不必再叙閣臣不意今次又復首叙臣等 宸衷軫記綸諭特頒懋賞榮施出於意望仰見我

皇上崇重輔弼之任優獎密勿之勞 異眷洪慈

天高地厚臣等心非木石寧不知感但揆諸分義實有萬萬不敢當者夫閣臣不預邊功之賞考諸舊規亦非槩不受也或以平定首亂而地方底寧或

內閣奏稿

卷五

三

以擒獻元凶而邊塵未息 大慶覃及受賞何嫌

若夫臨陣取勝兵家之常斬獲雖多邊臣之力閣

臣不過職運籌代言之事豈容忝竊耶況崇階峻

秩膺 殿閣之新班裕後光前侈鏹衣之大賚

恩隆難稱寵極思危若上貪天功下掠衆美辭受互異先後不倫非惟事體未宜抑亦造物所忌是以不避煩瀆之愆輒陳跼踖之悃伏望

皇上察臣等控辭非爲矯情恕臣等冒干非爲抗

旨特收 成命俾守舊守則賞無濫及咸稱 雨露

之無私分以義安更荷 乾坤之曲 矣臣等無任懇切隕越之至奉

聖旨甘鎮奇捷朕甚嘉悅賴卿等殫忠運謀贊襄密勿功當首叙茲特加恩示酬宜遵成命不允所辭吏部知道

內閣奏稿

卷五

三

弭變修省疏

三月十一日謹

奏為災異非常 聖心警惕謹仰承 德意條上

修省實政以回 天變事昨因 乾清宮火災異

常伏蒙 聖諭下頒引咎自責竊惟

聖主惓惓兢惕一念斯固可感格 天心轉災為祥

矣臣等更思 聖念真切如此凡願效忠靖獻者

孰不仰體虛懷圖竭涓滴而況股肱一體受

恩最深者其愛君憂國之切更當何如除祭告修省

奏題稿 卷之五

等事已經禮部題 請次第舉行外其餘合當亟

行條款臣等謹遵

明旨借擬開列于後皆係今日緊關政體者伏乞

聖明速賜裁酌施行 宗社臣民不勝幸甚

一下 詔罪已併 戒救百官查得嘉靖年間

三殿火災

皇祖世宗皇帝曾下罪已之詔頒示天下今宜倣而

行之又 累朝或遇災眚多 戒飭百官共圖修

弭臣等竊見今日朝臣奉公守法砥礪職業者固

多背公徇私怠廢偃蹇者不少以致政令失平傷  
和致災良有由然似宜宣 勅戒諭大小臣工令  
其痛自省改益脩常憲共襄平明之治庶

上下交儆乃弭災首務也

一檢發章奏仰惟

皇上靜攝 玉體深處 法官臣等忝備密勿至經

年不得望見 清光一吐忠懣所恃以流通精神

祛撤壅蔽者惟賴章奏一端耳乃近日各衙門本

章多 留中不發以致事務停閣官曹空虛夫六

奏題稿 卷之五

部分筦大政昔人比之喉舌一時氣息稍窒身體

豈得安寧故一官久缺不補則堆積弊蠹者不知

幾何事一事處廢了則牽連累累者不知幾何

人此乃拂鬱羣情 宗社臣民之天者仰望

皇上清心勵精將吏部屢次推陞官員及各衙門奏

覆章疏一向 留中者盡數 檢發使政務不至

壅滯百司得有遵承以上三款伏乞

聖明裁定施行

一簡拔淹滯夫仁賢不信國且空虛忠直沉淪邦

其殄瘁邇年海內降謫罷廢官不下六七十員近  
日兩月內逐黜降至四十餘員或因一事之差而  
槩斥或因一人之累而連及其情實多可原寧可  
終棄至於屢奉 明旨俱有不許朦朧推陞之禁  
竊觀自昔聖王記功宥過霜雪之後必有陽春當  
今 主上明聖 朝廷有道之時豈忍一微罪小  
青終身銅人臣等竊爲此事抑首推心思欲伸救  
技拭者蓋非一日矣惟望

奏題稿

卷之五

六

端潔懲創已久觸迕無心爲天下公論所惜者其  
列等第請 旨定奪不得更拘朦朧推陞之條使  
縉紳咸得揚眉吐氣不至推沮拂鬱斯乃爲回天  
心轉世道之一大機括也

一選補臺省近因科道缺人已經吏部題請又經  
都察院催請俱祇候日久未蒙 發出夫 國家  
以分理政務責之大臣以糾察欺蔽責之科道朕  
任同重非可曠闕昔人以大臣比之股肱以執憲  
之職比之醫治股肱者良有深見今官少事廢言

壅情沮醫國無人寧不召災切望

皇上將吏部近日推用科臣及行取風憲等疏亟行  
查發令其選補如額庶幾臺省充實言路開通臣  
等亦得藉以採攬忠益補救遺闕此修政格天之  
要圖也以上二款伏乞

勅下吏部施行

一慎刑守法併禁止板累以疏枉濫竊惟

朝廷所守者 祖宗之法度刑官所據者 欽定之

律令近來刑部問擬囚犯據律定罪而

奏題稿

卷之五

七

明旨每有加重司官且被嚴譴此雖

皇上懲奸鋤惡之意而使執法之臣無所措手似亦  
可暫而不可久夫法不可縱亦不可枉惟取其平  
乃可久行惟望

皇上垂念今後問刑一以律例爲準至於抄沒一事  
其情真罪當者籍沒何辭但近有考翰妄扳累及  
平民捶楚之下何求不得豈獨冤抑之氣上干  
天和且京師天下根本使人人洵懼重足屏息不違  
寧處大非治平景象也惟望

聖明特詔問官勿許扳累無干以致破家殞命斯  
仁心和氣轉嗟怨為懽忻實弭災要務也以上二款  
伏乞

勅下刑部施行

一暫停織造併少緩燒造以蘇困窮夫段疋器用  
皆上供所需豈能一槩減省但近年增派數目  
日多一日費之鉅萬據蘇松浙江陝西江西各該  
撫按官俱稱水旱兵荒徵收不前一時庫藏苦無  
積儲小民貧困已極勢難加派仰望

奏題稿

卷之五

八

三

皇上憐念公私兼顧之時約已恤民大施 恩惠將  
江南織造段疋山西織造絨絀及江西燒造磁器  
暫且停止或減其數目寬其解期以待各該地方  
稍有蓄積陸續造進庶上用不缺而民窮少甦  
亦召和一端也以上一款伏乞

勅下工部施行

右所開六條俱係時政切要之務中外羣情所共  
喁喁引領而望者懇祈

聖明留神省覽卽 賜批發若泛引不切以煩瀆

聰聽或槩舉所難以強拂  
聖心臣等義所不敢且容籌慮而嗣有請也臣等不  
勝懇切仰望之至奉

聖旨覽卿等所奏具見忠愛朕知道了

奏題稿

卷之五

九

請下行取疏

三月十二日謹

題昨該臣以陳情具疏辭免荷蒙

皇上特渙 溫綸遣官宣諭臣感 恩深重圖報無

繇除另本稱 謝外先是具疏時有吏部都察院

三臣左都御史衷貞吉左侍郎孫繼皋左副都御

史張養蒙各持疏揭以行取一事并以趣臣請

命念臣杜門乞歸何敢復與 朝政但一念報

主之心無論去 國不休即使瞑目猶然不已豈敢

奏題稿

卷之五

十

隱默以負 國家行取之疏未下則內而臺省之

缺既多外而知推之官又壅此則諸臣業已言之

何敢復贅伏思

皇上不發此疏者蓋因一時言官妄恣胸臆致激

聖怒

皇上故欲裁抑之耶臣請願

皇上一賜調停不妨萬行而並舉之可也

皇上誠下其疏行取諸人到部先聽部中嚴加考覈

果心術端明議論持正則用之臺省以為 明日

達聰之助若心術險詖議論徇私則置之別局以

彰隨材器使之公無徇虛名無惑浮議夫考選既

精則人品自正既選之後

皇上察其抒忠報 國言事有裨於實政則 俯納

之以為諸臣直言者之勸若其變易黑白罔上行

私所奏無益於國事則互懲之以為諸臣妄言者

之戒是操縱予奪悉在

皇上既不廢官又不紊事紀綱已肅國是自定矣

皇上勵精圖治挽回 天意一大機括誠在於此若

奏題稿

卷之五

十

因近日之言官不合 上意將應行取之典格而

不行是因咽而廢食也彼 國家二百年建置臺

諫之臣而可廢之於一旦哉惟當責成於部院而

皇上操其權于上而已臣因部臣之請隨三臣具公

揭外復敢冒昧祈懇伏乞

皇上俯賜採納臣無任祈懇之至

災異自免

三月十一日謹

奏為輔導不職上干 天和致災示戒乞

賜罷斥以彰臣罪以回 天意事臣聞大君者天之

宗子大臣者宗子之家相蓋天不能自運而託之

君以代理君不能獨理而資之臣以代終故大君

之舉動實上天之降監而大臣之輔治尤人君賴

之以格天者也自古災祥禍福雖若天握其機實

君臣咸亦有責焉謫見于天非獨君當修省而臣

奏題稿

卷之五

十一

曠瘼無狀彰彰較著矣古人謂宰相燮理陰陽意

正謂此今之閣臣即古之相臣所謂寅亮天工也

臣荷蒙

皇上簡任待罪閣臣迄今五年又蒙

皇上不以臣為不肖循資為首輔所以匡弼君德調

和元氣俾諸祥畢集災害不生者其職也乃今數

年以來四方水旱叠陳災變屢奏臣燮理之失誠

已自愧于中久矣不意今日大火忽起延燒

乾清 坤寧二宮天宮乃 聖躬寢息之所大內深

嚴之地非回祿所易侵也一旦有此誠為可懼

皇上省躬自責 發下 諭札謂朕不德所致仰見

皇上遇災而懼之心即此一言可以轉回

天意矣然臣細思之輔弼近臣身居左右所以致此

天變非盡由

皇上之失德實臣奉職無效不能彌違補過所致

天不降罰於臣而徒示戒於

皇上不知戒

皇上者即所以警臣也

奏題稿

卷之五

十三

皇上心切惕悟因變改圖而臣既不能亮工燮理又

不能遇災知懼晏然尸素不惟負

皇上且負 昊天交傲君臣之意矣伏乞將臣顯賜

罷斥別擇賢者輔理以回 天意此實

皇上代天行罰臣曠官獲罪所自甘心者也況日者

以勞績蒙 賞負愧既深今若不以罪過受罰為

譴滋大亦非所以弭災而消變也臣退之後更望

皇上早夜修省明沛 德音多施寬政將臣等所陳

六事次第舉行庶幾應天以實而不以文則民心

悅而 天意得轉災為祥天休滋至

宗社無疆之福其機盡係于此矣為此具疏控辭惶

恐待 命無任激切懇祈之至奉

聖旨朕遇災兢惕正賴卿交儆調燮舉行修省實政

共回天意豈可因此求去宜即出供職以副眷倚

不允所辭吏部知道

奏題稿

卷之五

四

火災再請自免

三月十五日謹

奏為再懇 天恩乞 賜罷免以謝災譴事臣昨

因異常火災具疏自劾奉

聖旨云 欽此仰見

皇上修省之中益切 眷倚之念而臣之心益加悚

息不敢自寧自古天人感應理不容誣上下交修

義難自諉大臣者受恩既深其責尤重者和氣

臻則君德上應而臣亦有榮災情見則君心弗寧

奏題稿

卷之五

十五

而臣亦有辱令茲 大內之災

皇上弗違寧處因災知懼而臣匡救失職若不退休

以應 天譴臣之罪亦不可解矣竊惟變不虛生

感召有自

皇上初登 大寶兢兢業業勤政向學 朝講靡輟

敬 天法 祖郊廟必親憂民則步禱不辭從諫

則章疏屢下任賢圖治寬仁愛人善政縷縷不能

悉舉于時天災不見協氣嘉生上恬下熙家給人

足歲有豐登之兆民無愁怨之聲因夷欵服海內



晏如真太平景象千載一時由我

皇上勤勵法天順氣成象感應之機彰彰明也夫何

邇年以來災沴時有天鳴地震星變水旱邊烽不

靖外夷交訌遠近告災公私稱匱春秋二百餘年

火災僅書者十四近見 京師二三年間 萬法

殿火西華角門火北安門火歷代帝王廟火天未

悔禍火及近宮

聖母惶懼 宗廟震驚致我

皇上罪已自 儆戒之切

奏題稿

卷之五

十七

皇上何以有此臣自思惟實已待罪數年才劣年衰

責大力小上無陳善格心之功次無責難補過之

益以致

皇上喜怒或偏刑罰任意 天垂儆愛災生 禁近

實由臣輔弼多缺罪過滋彰誠既不足以感動又

不能以挽回憂憊徒切於中尸素無補于世若不

因災策免苟位取榮 天意難回臣罪益大仰負

委任俯愧生平物議愈滋災害並至不惟覲顏於當

時亦且取譏于後世伏望

皇上憫臣衰朽 賜臣罷斥別託賢佐共濟時艱轉

災為祥及時興治尤望

皇上體天心之仁愛念創業之艱難

社稷籍以靈長民生賴以甦息朝乾夕惕以圖治理

臨朝御講俾臣工而奏得輸其忠郊

天享 廟俾神靈監佑得有所託

兩宮省視之必謹 皇子冠婚之必時華楚不妄施

於近習籍沒不濫及於無辜慎刑獄以惜民命復

言官以惜人才輕財利以全大體納諫諍以示虛

奏題稿

卷之五

十七

懷恤邊軍之勞苦罷各省之織造惠畿甸之窮民

寬被災之賑貸 勅諭各部查例修省事宜上

請裁酌專行弭災實政無務虛文天下將頌

皇上之神聖銳意中興臣工共圖職業之交修不敢

曠怠太平立致瑞氣駢臻四夷望風萬民向化澤

流寰宇光耀史冊不過

皇上握轉移之機耳臣至愚極陋一念朴忠不識忌

諱亦以受 恩太深進既不能稱職退故不惜盡

言願

一五七七冊 續修四庫全書 史部 詔令奏議類

皇上罷臣之身而行其言則生有榮施沒且無愧矣  
爲此自劾上

請不勝惶悚激切之至奉

聖旨災變修省卿爲首輔正當殫慮匡贊舉行實政  
豈可再疏求去自圖便安宜卽出辦事以慰惓惓  
不允辭吏部知道

奏題稿

卷之五

十八

請緩織造

三月二十日謹

題今日文書官潘朝用 發下工部奏爲停減織  
造燒造一本令臣等擬

旨竊照織造一事連年加增數多所用銀至三百餘  
萬若欲派之民間則今蘇松屢遭水荒陝西切被  
虜患萬萬無加派之理若欲令該部措處則今河  
工未完 乾清大工又將興造方憂錢糧缺乏將  
何措辦臣等再四酌量亦不敢仰望盡免但乞

奏題稿

卷之五

十九

皇上俯從該部所請令其議處或量減分數或稍寬  
限期庶足以慰人心答

天變其燒造一事亦乞一併酌議臣等不勝懇切仰  
望之至謹僭擬 票帖一道上

請伏乞

聖裁施行

再疏乞休

四月十六日謹

奏為自省衰殘不堪輔佐力懇

天恩俯賜辭免以明止足以遂生還事人臣年至七十當致政今臣年七十有三矣三年之內或因人言或因自請求罷之疏前後凡十幾上俱蒙慰留今又四上疏矣仰荷溫綸不允所辭仍遣鴻臚寺官宣諭入閣臣感激至於泣下豈不知君恩之深重君命之當遵哉但臣早夜以思既不得去自當勉強鞭策以圖報塞豈知老病侵尋年復一年日甚一日心血已耗性多遺忘精力又衰體加孱弱覽揭則目病於昏瞶入朝且步倦於趨踏秉燭之光漸微懸車之期又邁進無裨於心膂退常切於首丘漏已鳴鍾形將槁木若更遲回不去恐終待盡他鄉雖犬馬微誠未忘報效而桑榆暮景何補涓埃沉萬幾至繁數載待罪已無短長之效久懷尸素之慚賢路豈容以再妨中書不可以伴食

奏題稿

卷之五

二十

皇上大有為之資而臣仰望清光竟無嘉猷以人告

皇上當中興之運而臣自甘衰朽何能以道而事君

天變臣不能回民隱臣不能恤吏治未清遺賢未起吏部之事也而臣不能以道其責饑饉荐臻財賦稱匱戶部之事也而臣不能逃其咎以至大禮未盡舉行邊郵數稱不靖冤獄青災之未赦工作織造之繁興雖有各部司其事而臣實與有罪焉上無以格君心下無以表百僚內無以肅頹綱外無以振薄俗以致人心日險政事日弛議論日煩成功日少國是已漸非矣有臣如此而焉用彼相為哉臣責重力輕心長髮短在位一日則曠職一日徒憎多口忝辱冠裳有乖國體臣去亦晚矣伏望

奏題稿


卷之五

廿一

皇上憐臣來日之已短憫臣筋力之難支放歸田里以終餘年則生當歌詠後益銜結矣臣無任感恩懇祈之至奉

聖旨朕前已諭卿即出如何又具疏懇歸卿為元臣

原缺



送啓閣比舊委屬繁瑣不得不添取當該以便責  
成故人數稍增勞均一體其丁憂告病中書李尚  
玠等及當該官吏孫一華等俟服闋之日另行題  
叙外謹坐名

上請乞

勅吏部查照施行未敢擅便謹

請行大禮

八月初九日謹

奏為恭逢

萬壽請行大典以慰中外人心事臣因禮部請

皇長子冠婚大典以重主器又查得累朝事典

凡冊立冠婚之典俱屬閣臣與禮部題請過

期不請責有所歸臣因禮部題請合宜候

昔今猶未奉俞旨臣豈能已於再瀆因查國朝

典禮皇子冠婚俱不出十五歲舉行累朝題

奏題稿

卷之六

三

行未之有改今皇長子已踰一年而

皇上未允禮部之請者蓋謂冊立之未舉行也臣

思冊立猶為國家重大之典所以定國本也

皇上注意已久天下仰望甚殷正當與冠婚並行者

伏望

皇上念主器之位久虛而建儲之策早定乞即

諭禮部轉行欽天監預擇吉日並行各衙門備辦禮

儀行禮以見大典皆出自宸衷一時臣民欣喜

踴躍之情固不假言且兩京十三省祝

原缺

詩大小官員一時雲集 闕下得遇 盛典自慶遭

逢其歡欣鼓舞益喜

大聖人之作爲而和聲動于

神京和氣溢于海宇矣臣無任懽忻祝頌之至

奏題稿

奏

十四

請復常朝

八月初八日謹

奏爲祗承天變 特復常朝以肅群情以飭廢政  
以新治道事臣少讀易而至說卦傳有曰古者帝  
王南面而听天下嚮明而治夫帝王者天下之共  
主也近而群臣之所觀瞻遠而百辟之所視效大  
而嶽牧之所景從小而庶民之所向化是故於卦  
取諸離於位取諸南人主南面而出治人臣北面  
而受成此萬古居尊不易之定體也周公輔成王

奏題稿

卷之六

十五

負辰而立重居位也使天下臣民皆有所觀瞻而  
不敢虛也有所觀瞻而後敬心生畏心起令必行  
禁必止古稱帝王垂衣裳而天下治者正此之謂  
也自古未有能廢之者我 朝至

皇祖因 三殿之災移居西城始罷朝講然 召對  
之礼卒未嘗廢

皇祖御座於簾內閣臣俯伏於簾外部中有事則召  
尚書諮議因此知 皇祖雖不視朝而國事卒未  
嘗廢又多 親灑宸翰出自 聖意疾如風霆

雨卒無停留阻滯不行者然一時邪黨肆奸權臣擅政而郡小因之竊柄行私一時朝綱國政亦多紊亂而人心蓋及矣幸 祖宗法度嚴明

皇祖英明神武權奸立斃國事始安亦既晚矣

皇上聖資天啓 睿質性成初政勵精好學不倦上

希 皇祖臣民欣然仰堯舜禹湯文武之再出

而恨無夔龍伊傅周召之臣天下欣欣望中興

之盛治四海之太平者甚殷也邇年以來乃以

皇祖爲法不出視朝然前此猶月一臨焉或數月一

奏題稿

卷之六

十六

臨焉今曠然三年矣夫天下猶家國然家有主則

一家治國有主則一國治天下有主則天下治豈

有 主上不出而可以治天下哉夫天下者

皇上之天下也

皇上不以天下爲重而不視朝則內外臣子豈肯以

官常爲重而恪恭厥職其間賢愚強弱不同故明

暗敬肆不一此在君天下者操其柄以轉移之而

已欲操其柄則莫若視朝蓋人主視朝則如大明

中天而魍魅魍魎莫遯其形若不視朝則如旦晝

爲晦而神鬼妖孽紛然四出可不畏哉臣請以一時大小臣工忠邪枉直情狀不一者爲

皇上陳之大臣以道事君小臣隨分盡職今之廷臣

居高位者固多殫忠盡瘁以期不負夫生平而與

時浮沉者恐亦不少在下位者非無素懷忠赤以

勉樹夫名節而皆公行私者亦不少誠有如

皇上勅諭群臣之所言者此皆特

皇上之不視朝無所聞見各肆其無忌憚之爲以混

朝政而其源不塞其流將長不知其所終矣夫轉

奏題稿

卷之六

十七

移之機實在於 上今當

皇上修省之日正返災爲祥之時不拘常期間一臨

御或 賜召對或回奏事舉

祖宗之舊典復昔年之故事大政大禮次第商確邊

情民隱纖悉咨訪此固南面聽治之規恭已無爲

之化天心感動災異潛消而太平可立致也况當

萬壽祝頌之期四海朝宗之日願

皇上毅然行之則朝綱肅而百官正庶事康而聖化

行中外遠近皆誦

聖天子之無逸而風化不啻行於近郊矣臣於天變  
之後條陳章疏已備而特以 臨朝一言進此尤  
鼓舞人心振作治理之一大機也臣老疾不能从  
留佐

皇上中興之治矣

皇上今不放臣區區愚忠惟

皇上俯聽臣言斯不負留臣之心使臣得一瞻

天顏面對而去雖歸亦有餘榮也伏惟

皇上垂憐臣無任涕泣懇請之至

奏題稿

卷之六

卅八

請補本兵

八月二十日謹

題近該總督邢玠報朝鮮倭情萬分緊急朝鮮國  
王又欲棄國逃遁且其踪跡詭秘暗差人役赴清  
正處而金總兵已行脫逃慶州生員亦欲率眾順  
賊矣人心離散糧草莫供我以孤軍遠戍其地後  
兵未繼進退兩難此誠東方危急存亡之秋也臣  
等見報不勝駭愕日夜思所以為拯救之術而顧  
念此 國家大事全賴兵部主張主張無人誰任

奏題稿

卷之六

卅九

其咎掌管兵部者須得熟練兵機久諳邊計忠貞  
體國之人專心實任決非未經邊方者所能幹辦  
亦非暑掌職事者可擔當況今天下兵事不止  
一倭處處可憂處處當計倭奴倡亂則自東北至  
西南遼東山東南直浙江福建廣東沿海萬里盡  
當備禦矣北邊則九鎮處處日夜防虜而今四川  
又以虜患見告矣西邊則雲貴兩廣時有土官土  
目狴獍諸夷并緬甸安南等國俱煩處置矣中土  
又有礦洞山箐及民間盜賊不時竊發皆當預防



矣此非倉卒所能答應苟且可以支吾者前以部  
印付于侍郎李祖原奉 旨意止是暫掌非為久  
計而乃無尚書之 命則令何人擔當既無擔當  
之人安有認真之事臣等竊觀

皇上之于倭事隨到隨發隨請隨行

聖心亦既獨勞于上而特屢于中矣然

皇上深居九重豈能盡悉行間之事即臣等二三書

生雖不敢不竭力贊理而豈能旁通行間之事必

妙選得人特畀專職令其曉夜籌度悉心講求詳

奏題稿

卷之六

三十一

利害之所歸悉緩急之所宜防東而不遺于西慮

前而不失其後庶幾其有濟耳各部之事有差尚

可補救于後兵事一差則 國家安危在乎呼吸

此何等大事而可以不急圖乎

皇上之于倭事無不急圖而但一本兵不曾急補故

將士皆謂

皇上用兵之意尚在舒緩而多前却之情朝鮮君臣

又謂

皇上救援之意尚在舒緩而生去就之計倭奴揣摩

皇上之救援未急而為急攻先發之謀此無足怪蓋  
形影之間原自可疑也試觀 輦轂之下班行之  
中能確然信

皇上之留意戎機者有幾人也而況其遠者乎夫

點用一本兵此極易尋常事耳而

皇上猶難之則事有難于此者

皇人又將何如作難而使人不疑此固將士之所以

解體而盜賊之所以生心也臣等日夜憂懼屢嘗

奏 請而未得 俞旨則謂 聖心必有默回之

奏題稿

卷之六

三十一

時而今日事幾逼迫不可復待不得不再三瀆陳

伏乞

皇上即賜 乾斷勿更遲疑將吏部推上本兵前疏

亟賜 定點一員令其到任管 國家幸甚天

下幸甚再照數臣之中眾口皆推蕭大亨為第一

倘得如擬則華夷共服中外交慶蓋大亨之才以

為刑部尚書非其所長以為兵部尚書則有餘裕

當此倥偬緊急之際臣等萬不敢為徇私負 國

之舉尤望

皇上寬其小嫌而充其大用則大亨之感

恩圖報尤當萬倍恒情也臣等不勝憂 國憂邊激

切諄復待 命之至謹題請

旨

奏題稿

卷之六

三十一

再催補本兵

八月三十日謹

題適接總督邢玠塘報內開南原已于八月十六  
日被倭打破副將楊元從西門殺出不知去向等  
情臣等見之不覺失聲大叫震慄無已移時及閱  
書札內開閑山失守西南二面無處非賊賊兵二  
十萬我兵二三千而清正又向忠州來別處屯守  
難撤南原自不能守全州亦難支持此時禦之于  
陸岐路已多若海中無兵登萊天津皆可深慮故

奏題稿

卷之六

三十一

三十一

今日之計水兵甚急海運甚急若閩浙一帶不必  
槩為驚惶惟當并力朝鮮為治標塞源之計又言  
朝鮮兵糧固少本色將發去馬價須吏散盡坐以  
待斃無所措手足矣又言本兵此時尚不蒙 點  
聖上何不自計 社稷此當合九卿臺省叩 闕急  
鳴之時也臣等手攬其書涕洟俱下照得楊元以  
萬里孤軍而當萬數之賊臣等固已日夜憂其難  
保今竟覆沒則何以作我軍之氣而圖屬國之安  
伏想 聖主聞之必當動色靡寧矣所賴總督邢

玠經理楊鎬皆不二心之臣總兵麻貴及部下諸將盡一時之選急宜督其收功于後天津登萊係京師左臂必須大調閩浙等處水兵以戍之一則可以為保固 中國之謀一則可以為夾攻倭奴之計所宜急圖不可復緩其朝鮮糧餉雖絡繹轉運不絕而兵多道遠安能即達所發馬價既皆罄盡必須再發一二十萬前去接濟庶無內潰之憂顧此等兵食大計頭項多端少有差失 國家安危所係今無熟練本兵日夜主持籌度而但取辦

奏題稿

卷之六

三十四

于署印侍郎豈是長策臣等屢次進言

皇上都付不理一旦敗狀來聞相視但有長歎

皇上何不以 宗廟 社稷為重一至此乎那玠欲

九卿臺省叩 闕急鳴此真血誠赤意萬不得已

而為此無聊之辭也伏願

皇上即將本兵蕭大亨 准用令其亟行到任籌計

東事庶可以補前失而圖後功不然一二書生必

致誤 國卽萬死何以贖罪乎臣等謹備擬

諭帖一道伏望

皇上允發臣等不勝涕泣哀懇之至伏候 勅旨

奏題稿

卷之六

三十五

請設監軍撫臣

九月初四日謹

奏爲倭患益熾懇乞 天威亟嚴外防以安內治  
事昔經略宋應昌於朝鮮之役倡議東封而 朝  
廷俯從者實以朝鮮全無戰守之策恐班師後又  
來請援則中國勞師捐餉無時而已必至內地騷  
動大有隱憂蓋爲遼左唇齒且使朝鮮得以休息  
訓練能自戰守倭奴不敢再犯斯可以寬

皇上東顧之憂矣何意朝鮮弱不自振不知乘機修  
奏題稿 卷之六

備但欲誘援中國怠玩仍前狡詐尤甚既不助戰  
又不助餉南原旣以棄城逃遁全州則又焚燬糧  
草其遺中國之憂匪細矣曾不思

皇上字小之仁數年間勞我兵餉數千里疲我將士  
無非爲彼防守今危在旦夕此朝鮮之最可恨也  
但念倭之不能北犯中國者唯恃全羅慶尚二道  
爲我衛耳倭船從海入犯必由全慶二道地角待  
反風而後能進故全慶乃中國之金湯而亦朝鮮  
之門戶全慶亡朝鮮必亡朝鮮一亡倭奴之入犯

必不從陸犯遼仰攻山海矣必從水路之東漢臨

津晴川大定大同鴨綠諸江分兵四出撓我四鎮

則我防倭之力分而不勝左右顧矣此目今一大

患也使倭奴一據全慶二道又可以待風而爲航

海計不獨四鎮近地可虞凡東南沿海皆時時有

切近之憂不若平時二汛之期易於防守矣此目

今又一大患也故朝鮮在所必救而全慶又當屯

兵以至沿海邊衛均當豫防但天津係畿輔門庭

至山海關僅八百餘里而登萊爲中原襟帶南至

奏題稿

卷之六

三七

淮安運河口三千餘里又山以東江以北之藩蔽

也承平以來沿海衛所單弱處處濱海在在宜防

萬一倭奴乘虛而入內無控扼外無聲援中州畿

輔不無震動天津雖適薊鎮山東原有巡撫終難

遙制莫若添設備倭撫臣一員彈壓天津登萊據

險練兵因而留屯無警周巡有警策應而衙門畧

近天津以示特重根本則南可以防中原北可以

壯 神京東障海島而山海鴨綠等處聲息易達

此實內防之最不可缺者其勢必至多議兵多議



餉議兵議餉不無損國損國在一時而利國在萬世不容不亟為更張以救危急者也更乞

皇上降 勅諭一道速遣才望御史一員星夜馳往朝鮮如寧夏監軍故事紀錄將士功次以明賞罰之典更懸不次之賞格鼓舞將卒以待異能奇功之士仍乞 賜寶劔一口於該鎮督臣若將帥有異同違道者許其先斬後奏庶幾深入孤軍齊心固志仍諭朝鮮君臣眾庶示以 累朝天覆地載之恩類年為彼出師之意數其為已挾私之失情

退題稿 卷之六

慢荒寧之愆責其凡事聽從吾經理調度一應事理毋得有所掣肘一應軍資毋得有所覆匿同心併力翼濟王事則我力合而敵勢孤或犄或角當復捷如前矣仍 勅沿海撫鎮衙門戒嚴防守應調兵餉該部作速議處邢玠楊鏞一聽便宜設奇用間擣虛乘利決不中制務保萬全此又今日之急務也臣等仰見

皇上獨任焦勞東征之役夙夜靡寧與紆 宵旰之懷特竭愚慮上懇至於本兵員缺屢請未蒙

煇下伏望

皇上軫念時艱 早賜點定庶樞筦有所主持而閭外恃以無恐其特遣監軍及添設天津登萊撫臣事宜俱乞 採納下部議覆

宗社幸甚臣愚幸甚奉

聖旨覽卿奏潑得防外安內機宜足見老成謀國忠猷朕心甚慰該部便看議了來說

奏題稿 卷之六

伸救楊尚書

十一月初九日謹

題臣等在閣蒙 發下錦衣衛指揮王之楨本內

開楊新芳恭進重寶事已奉

聖旨差官前去封解夫楊兆以一介草茅致位尚書

家財至于百萬又擅造違式房墳若果有之重處

非過至于扣剋軍餉部銀實乃百姓膏脂

明旨森然懲貪罰僭仰揆 聖心因將處一以戒百

也但臣等竊詳楊新芳自稱為楊兆之孫而舉發

奏題稿 卷之六 四十

祖罪似非人情必有別故况以家財恭進理宜明

白具疏誰能阻之何至假粧做工軍人潛入

大內蹤跡詭譎事尤可疑疏內銀至百萬加以珍奇

重寶萬一未實必將挾 旨旁牽累及良善 雷

霆之下誰能自明則破家傷命無辜受禍者將不

可勝言且或借此一事更為展轉嚇詐騙財利已

亦不可知伏乞

皇上勅諭差官會同撫按務要仰體 聖心從公詳

審如果所奏皆實止將本家見在財寶細查解送

違式房墳督令拆毀仍還其土地而令其子孫不

得過為牽連搜括致令地方驚擾若所奏不實尤

當馳奏將楊新芳重處且此延安府縣與北虜西

番切隣外夷觀望所關不小尤不可使之輕視

中國以損

皇上之威靈也臣等切思籍沒一事乃 國家極重

之法尤在死罪之上者必須詳允 奏誠而後處

斷至于章奏雖科道之所建白亦必下部院看覆

奉有 成旨而後施行今以極重之法止擬一妄

奏題稿 卷之六 四十一

男子之言而不加覆議迅速發行政體龐雜人心

懼駭恐天下奸民從此聞風效尤懷私挾 奏何

患無詞是古人所謂爭鬪其民而施之以劫奪之

教也後雖以法禁之將無及矣更望

皇上將此等事情再加深思慎重舉動若再有妄揣

謬窺罔聽售奸者置之不理且加懲究庶見

聖心之至公 聖體之至平而天下享清淨安寧之

福矣臣等不勝仰望之至

謝 聖諭

十一月十四日謹

題臣等於初九日具揭上 奏內言楊新芳恭進家財等事至十三日文書房官史賓恭捧

御札到閣 諭內閣覽奏朕已洞悉但餉銀是朝廷濟邊之費軍士披堅執銳殉身為國勞苦萬狀禡服以望此輩肆志剝削周知體恤且部銀皆百姓積蓄以納公家之用公然侵扣蔑視法紀無所顧忌奸善惡朕固怒耳卿等此說意見欲何方今

奏題稿

卷之六

四十二

國國民竭用兵用餉皆稱不敷官民搜括已盡誰知徑克私囊全不體上心其撫字何在況有要直沽名之畜動輒言君不恤民不欲裁這一事便欲停那一事似此貪肆異常欲怨遺害職司糾正緘口不言好生可惡且楊兆乃姑從輕處這所奏已知道了欽此臣等莊誦 宸綸不勝悚服仰惟皇上聖心圖計加志民艱念軍士之披執甚勞而貪吏之搜求未息百姓之脂膏難繼而盜臣之侵扣多方不能憂 國恤民但有肥家潤橐至于建言

糾事之流又多要直沽名之輩但知調停于瑣屑

不能舉發夫巨奸 明旨森然凜于霜雪臣等無

不毛骨竦然者未復 寬示德意輕處楊兆而以

已知荅臣等則 春溫盎然不啻如家人父子之

唯諾臣等又無不感激而至于涕零也竊念臣等

雖才質疎庸無能承順 下風然視貪婪官吏不

啻若狗彘然恨不能痛加澄汰以正人心前日揭

帖開楊兆若果財至百萬重處非過意正為此原

非敢為楊兆解說亦非別懷意見但區區犬馬第

奏題稿

卷之六

四十三

恐所奏未必的確而 欽差之人奉行太過求滿前數則楊新芳必將胡攀亂扯貽害無辜延安近邊地方關係不小故欲 皇上睿勅差去內官止將見在封進不必多為連累 則臣等過憂過慮之愚忠欲以仰贊 皇上寬仁之至治耳况夫四方刁潑之人無處無之若妄謂 聖心可以窺伺而懷私挾詐紛紛告訐則 皇上本以懲貪而人將反疑以取財本以惜民而人

將反疑以擾民臣等誼叨股肱心同休戚實不忍使天下後世以此不美之名加于

皇上也大抵天下之事循常襲故則人心恬安一為一希闊超格之舉便致驚駭臣等日在 清光之下豈不能仰窺

聖心之無私顧中外臣民豈能盡知即臣等竭吻傳告方且疑臣等為藻飾為文飾日夜念此不若求皇上 行好善惡惡之心而消融其可疑可識之迹尤為 至治之光也除原奉 御札遵燕閣中外

奏題稿 卷之六 四十四  
謹具題回 奏以 聞

恭進經書講章

十二月二十三日謹

題先該臣等題稱每年終將講過經書講章類寫進呈以備

皇上溫習觀覽仍另書發司禮監接續刊板已奉

欽依節次 進呈訖今查萬曆二十四年至今所撰講章謹將大學衍義孟子萬章曰父母使舜完廩捐階起至于曰參乎吾道一以貫之止一本中庸喜怒哀樂之未發起至老吾老以及人之老止一

奏題稿

卷之六

四十五

本詩經大雅敦彼行葦起至桑柔止一本大雅倬彼雲漢起至召旻止一本周頌於穆清廟起至般於皇時周止一本魯頌駟駒牡馬起至商頌殷武止一本通鑑纂要漢哀帝建平元年策免大司空丹為庶人起至以孔光為帝大傅馬宮為大司徒止一本漢平帝元始元年益州塞外蠻夷獻白雉起至哀章作銅匱以獻莽止一本新莽廢孺子為定安公起至遣上公王匡攻洛陽止一本更始元年玄北都洛起至蕭王遣將軍鄧禹將兵入關止



一本以上共十本類寫裝潢 進呈伏望

皇上萬幾之暇時加 觀覽以求溫故知新之益臣

等不勝倦倦效忠之誠謹具題以

聞

奏題稿

卷之六

四六

內閣奏題稿卷之七

請行大禮

正月初九日謹

題伏見新年以來氣候融和風日光霽屢降瑞雪  
豐稔有期 天意眷歆人心暢悅咸以為四海太  
平之兆 一人有慶之徵也臣等叨居輔弼調燮  
無功實懷踴躍歡忭之心未遂快瞻 面祝之願  
惟朝夕焚香祈我

皇上萬福彌萃萬壽彌增耳竊謂當此陽春開泰之

奏題稿

卷之七

一

時宜舉吉祥大喜之典昨見禮部揭帖以

皇長子冠婚為 請此乃極大最喜之事惟望

皇上裁自 聖衷以迎 宗社新至之禧不勝幸甚

蓋

皇長子今年已十七歲茂齡不為幼矣冠婚二禮時  
不可以復遲事不可以復緩前已具 請非敢多  
言其候

皇上特渙 綸音傳示禮部俾斟酌儀注上 請仍

示各衙門將合用各項錢糧早為備辦通行京城

內外八府妙選淑女以應好逑庶不致倉卒難備  
臣等乘春伸祝因事效忠伏望  
聖主俯納不勝忻躍仰望之至

奏題稿

卷之七

請儲邊材

正月十八日謹

題臣等連日接得東征塘報我兵之在朝鮮者與倭苦戰破其一城三寨而清正尚在島山城中堅壁死守我兵仰而攻之甚難為力四面援倭源源而來呼吸之湏成敗懸殊臣等日夜關心日夜跂足不敢以一勝為喜實以未了為懼也顧隔越千里徒有此心而力所可為者在於廟謨今廟謨尚多缺失獨特一戰以為孤注豈不危哉臣等所謂廟謨之缺者云何夫兵部謂之本兵謂之樞筦乃以其事付之侍郎李楨本官拘守文義不諳軍旅夫美錦不可付學製之人美玉不可付拙工之手無濟于事抑且有傷

皇上何取于楨而以大權付之因循不改彼胸中本自無奇安望其慮遠憂深而預籌勝筭以擔當軍國大事乎念此慄慄竦骨寒心者一也其在朝鮮止靠邢玠楊鎬二人以獎率諸將耳聞楊鎬躬親臨陣出入于矢石之間奮不顧身誠可倚藉然在

奏題稿

卷之七

三

朝廷亦宜預先作一準備萬一此人有少差跌數千里外何人代之萬一邢玠復有不虞何人代之此等事機關係不小有備無患皆當預籌者二也今本兵不思吏部不管各衙門不言但恃

皇上之福德與

祖宗之威靈 天意固為眷顧人事亦當修舉不宜第曰靠 天而已也天下之常才甚多賢才甚少若非妙選不得其人雖得其人亦當收羅于 朝端或移居于近地一遇警報之時可以被 命即

奏題稿

卷之七

四

發猶恐縮地無計不無嫌遲况可都置不講而束手觀望哉今 朝廷之上官多不補孟子曰不信仁賢則國空虛空虛之甚必至顛仆智者一思深可悚息臣等以為小臣所管者惟一事未補尚可兼攝大臣則上衛 天子鎮 國家下治萬民制四夷領萬目之綱造多方之命必不可以不補補亦不可非其人也查得隆慶年間因壯邊多事特添設兵部侍郎二三員以備督撫之選

皇帝留心邊務廣儲賢才如此誠萬世所當法伏望

皇上加意于用人一節不以愛惜名器而並虛緊要大僚 特諭該部將各部院堂官一一遴補以重朝廷又收羅堪克督撫兵備親臨戰陣之人分布于薊遼近地以備緩急庶幾平居無事可資其籌略而修廢墜之典倉卒有事可藉其才力而應勦之務不至有臨渴掘井援木求魚之患以上各官或 勅吏部秉公竭忠再加斟酌推舉或將吏部節次所推斷自

宸衷欽點發下仍令廣詢博求備用之人不得以尋

奏題稿

卷之七

五

常才品徒取克位國事幸甚臣等幸甚謹具題

知

催行大禮

二月初三日謹

題竊惟

皇長子冠婚二禮臣等屢次上懇未奉

聖俞連日各衙門文武臣僚無不披誠敦請者臣等

恭候 綸音未敢隨眾進竊乃今逾時尚爾寂然

中外遑遑皆來責備臣等何不動請則臣等亦但

俛首引罪無能開一口以謝眾人也竊惟天性之

親必不待于人言天倫之敘必不可以人為

奏題稿

卷之七

皇長子為

皇上胤續之元倫序之始儼然成人之日若使冠婚

既行則以後 諸皇子麟趾森森螽斯蟄蟄凡有

吉禮皆可接續而舉不至擔閣若

皇長子之禮既有愆期則 諸皇子之禮必難越

次時日愈將壅遏禮儀必且停滯錢糧難以猝辦

觀聽亦有未雅且此一事各衙門文武大小官員

不待約會而合辭固請者豈其不畏煩曠之謹哉

蓋亦因萬邦萬姓交責于下謂其緘默容身而恐

陷堯舜于有過之地也畏名畏義逡巡囁嚅觀其

奏辭尚不能據陳萬一亦可以情亮而心察矣

皇上至聖至明豈不洞燭效忠者之深

皇上至仁至慈豈不篤愛

皇長子之厚

皇上至英至斷豈不揆度義理而決幾微牽纏之累

今臣等之請無非文武百官之請文武百官之請

無非萬邦萬姓之請同然之情有難違喁試取舊

年天下鄉試錄觀之孰不以

奏題稿

卷之七

皇長子冠婚為策問者天下青衿之士孰不以冠

婚為策對者所以臣等寧吐肝嘔心于

聖主之前而不敢得罪于天下萬世之公論也伏祈

皇上仰繹 九廟神靈篤生元子之意先聖先師創

禮維世之心副四海之歡悃弭萬方之私議使

聖名不著而無闕 聖德益顯而不渝斷自

宸衷允行大禮臣等不勝幸甚

請催請行大禮

二月二十五日謹

奏為冠婚大禮更不可遲懇乞

聖明乾斷速賜舉行以慰中外人心事竊惟

皇長子冠婚二禮臣等舊冬新春五揭陳 請未

蒙 俞音昨日禮官言官五府六部九卿大臣皆

具疏申請情詞懇切實以 朝廷大體所關天下

觀望所繫不容已也若近日

聖諭頒閣舉素問男女婚嫁之說乃上古無徵非常

奏題稿 卷之七 今正典臣等比具揭詳辯不敢奉 詔亦不敢傳

示於外以滋天下議論竊念此事在

皇上天理至愛中夜清思必有展轉未安者又何待

臣等之累寶而不已也

祖宗成法具載 典章累朝遵之而天下宗藩臣庶

咸相守無異今

皇長子年當十七矣此時行之猶謂其遲尚可遲

至十八歲耶臣等每當侍班接見 睿體充盈宜

諧嘉偶聰明日啓允協元良當此陽春之時速舉

大慶之禮將見 綸音渙發而衆志懽騰矣夫父子

之愛天性也即閭閻小民之家子長未冠男大未

婚凡為父母誰不動念若婚娶過期則鄉隣譏笑

況 帝王之子反不如士庶之家不冠不婚成何

禮度傳之天下後世能免譏議哉外傳

皇上新春召見

皇長子撫愛甚篤奈何於此大禮遲迴而尚不決

也臣等荷蒙 主上眷遇愧碌碌無能為報念此

事關係 宗社根本 國家極大典禮非它務可

奏題稿 卷之七 比一日未行則臣等一日之咎責難辭 君父分

義捨此不極言臣贊於心何安又惟 冊立之請

經今已八九年天下顛望日切一日 冊立有待

猶可言也冠婚何事而又何待大婚選擇淑女以

待猶可言也若冠禮何難而又何待近日朝覲官

員并赴試多士四方來京庶民咸相疑問莫不欣

欣願望快覩 盛典豈有他意不過愛 君之至

而因愛吾 君之子也本為正大光明之舉而或

啓猶疑惶惑之端臣等義屬休戚不憚苦口伏望

皇上俯察忠言亟下所司將

皇長子冠禮目下先行仍令行各處選擇淑女辦

理錢糧以俟大婚之典至於

皇三子亦宜擇吉出閣讀書庶吉典行而人心胥

悅名分定而羣疑可消此 清朝今日第一盛舉

也臣等不勝懇切仰望之至

奏題稿

卷之七

十一

九

三次催行大禮

三月二十七日謹

題竊惟

皇長子冠婚 事在京及南京各衙門俱具疏懇

請臣等亦屢揭密請不厭煩瀆之甚未蒙

聖慈俯允今各衙門又具疏申請非群臣喜為多事

實緣

皇長子年已十七比之尋常冠婚大為過期天下

無不同心愛戴

奏題稿

卷之七

十一

九

皇上者則無不同心愛戴

皇上之子者默默無言即為廢職其誰敢乎臣等竊

惟

皇上常欲使天下萬物各得其所雖匹夫匹婦咸無

怨曠然後安于心豈有親為

皇上之子而不加之意固知 宸衷之真愛比臣等

更切萬倍 大禮之優隆必有萬倍出于臣等擬

議之外者但 明命一日未下則天下一日未安

中外諸臣所為遑遑也竊念此事甚不難處而關

係又大只在

皇上斷與不斷之間耳

皇上何不斷而行之乎蓋禮雖自聖人而制乃聖人之身亦未嘗頃刻而違夫禮法雖自王者而定乃王者之身亦未嘗頃刻而違夫法此禮此法其來已遠 累朝遵行無敢踰越

皇上一舉一動皆循禮法 留命不發何以教訓天下臣等辭不達意而諸臣之疏具在豈無一言可以感動 聖心伏惟

奏題稿

卷之七

十一

皇上少假清燕之閒 歷賜覽觀雖是芻蕘必有仰禪萬一者 早發 明命完 皇長子冠婚大典上以光

祖宗之德下以慰臣民之望臣等無任瀝血百懇之至是日府部科道各衙門等官各一本俱請

文華殿恭進候 旨于闕下云必得命乃敢退

上遣司禮監太監田義出

諭曰此是大典但皇長子元氣單弱少侯時月豈可 以此要挾君上意欲何為知道了群臣各頓首退

因病辭俸

五月初九日謹

奏為衰年久病痊可無期懇乞

天恩容臣辭俸以免曠官以安臣分事臣自昨年二月患病至于八月屢上疏而不得請不得已扶病復出在閣辦事既苦于心思之昏昧入朝趨走又苦于步履之艱迤此同事二臣靡不憐之在朝諸臣靡不知之者祇因奏疏繁瀆不敢復有陳乞且與從容調理猶可漸次完復不意至今年二月因

奏題稿

卷之七

十三

有感傷病體益甚醫者皆謂衰年血氣虛耗決非歲月可調必須安居靜攝假以歲時調以飲食佐以藥石庶可望痊若復從前多事不能靜攝則本原益虧病體益甚臣聞其言不勝悚懼因此不懼唐突疏請再三俱蒙 勉留

聖恩高厚 天語溫存臣非木石豈不知感但臣以衰年得病幾及兩年計時月已不勝其從容論調理且無復有餘力而病日纏綿有增無減雖聖心未加厭絕閣務自有司存然臣以病軀偃卧前

後幾餘一年非止假滿三月尚復掛名支俸是天  
祿可虛位而竊取也臣今至此不惟為性命惜且  
當為燕耻情

皇上於此不惟為臣破姑息之愛且當為臣全廉耻  
之義自今日以後願即奪臣之俸俾得從容調理  
若痊可有期則臣尚有戴天之日倘病終不痊惟  
皇上哀而憐之放臣回里得正首丘臣之萬幸也臣  
無任籲天懇禱之至奉

聖旨卿宜遵屢旨從容調理以慰眷注之懷痊可即  
奏題稿  
卷之七  
十四  
出匡輔俸不准辭吏部知道

催用閣臣

六月十四日謹

題為閣務繁重懇乞

聖明亟下廷推之旨以弘輔理以定群心事本月初  
三日傳奉

勅諭云欽此臣等仰見我

皇上垂神政本欲博選才賢以廣忠益不勝感激即  
於次日具疏題請迺數日以來未蒙

明旨中外臣工頗懷疑惑而御史汪先岸又復以此

奏題稿  
卷之七  
十五  
論列夫先岸不知臣等題請之數業經具

進以此責臣無足怪已獨念密勿重地樞機至繁中  
外多虞叅贊宜慎况累朝以來閣臣或六七人  
四五人原無定員今閣臣止三人而臣位已被論  
回籍臣一貫尚給假未進止臣志臯力疾入閣夫  
當此政務紛紜羽書旁午即以伊傅周召之賢尚  
費拮据而臣志臯欲以衰病踈庸之人與一貫共  
肩佐理譬之以蚊負山必不勝任矣矧

初諭既頒群情仰切倘或久延則臣病終不能支衆



疑愈不能解將來責備臣等者又不止先岸一人而已今在任在籍諸臣其學術人品莫逃於

聖鑒伏乞

皇上斷自 宸衷簡求賢哲以克是任或 俯俞臣

等疏所題 勅下吏部會同九卿科道等官推舉

上請

皇明簡用以昭公道以服輿情庶群賢彙進輔弼有

資上可以慰

皇上側席之心下可以免臣等曠疎之議矣臣等不

奏題稿

卷之七

十六

勝激切祈懇待 命之至

再疏催用閣臣

七月初四日謹

題為閣務煩重三懇

聖明博簡才賢以隆政本事項者臣等遵奉

勅諭題 請閣臣未蒙 票發復該臣等再疏以

請及科道諸臣汪先岸徐觀瀾喬璧星相繼具題亦

未奉有 俞旨竊惟閣臣之設所以備 顧問贊

樞機職務最煩責任最重必延登俊又廣集衆思

乃可以裨益 皇猷共臻治理仰惟

奏題稿

卷之七

十七

皇上聰明天挺總覽萬幾臣等識闇才疎固不能仰

替萬一近且各部員缺諸疏一時並蒙 發下政

化聿新廢垂具舉臣等實不勝欽戴第推補閣臣

未荷 俯俞固知

聖心淵默非臣下所能仰窺惟是臣志臯衰病侵尋

久欲退避懇辭已非一日近值閣中虛署復自念

狗馬之軀尚未委填溝壑則重肩未息職業猶存

顧何敢自惜以重煩

聖懷是以力疾入閣強勉支持然終以精神疲耗顏

覆是虞臣一貫近遭骨肉之變復遊經綿之疾心  
志未寧思慮且空是臣二人者雖居無事之時猶  
恐不勝 委任今何時也四方多事災患頻仍島  
夷有竊據之虞內地增徵輸之擾人心搖動頗有  
隱憂政本重地豈宜乏人嘗觀

累朝以來閣臣四五人或五六人居常得以交修職  
業臨事得以共濟時艱並未有若今日止臣等二  
人之寥寥在閣也伏乞

皇上念密勿重地難以久虛乞即 勅下吏部會官  
奏題稿 卷之七 十一

推舉上 請簡用庶眾賢並進而臣等得以資匡  
襄之益解負任之虞矣

宗社幸甚臣民幸甚

三疏催用閣臣

七月二十二日謹

題臣因閣臣缺人三疏陳請未 奉

俞旨日夕瞻望伏念閣臣上佐 萬幾下總庶政責

任宏鉅至蒙 發下章疏擬票裁決可否於一時

擬議必須參酌往時常備官三四員或五六員猶

恐知慮未周顛覆是懼乃今臣一貫抱病在告止

臣志卑一人供事矧年紀老大知識昏庸徒竭精

神毫無補裨且一日之間為時有幾一人之見豈

奏題稿 卷之七 十一

能盡周凡事于軍國重務而未易裁決者須合眾

見以議之恐恐然猶慮上無當於

聖心下有拂於眾志況當今之時何時也東倭寇報

屢聞四方征調不息

主上有宵旰之憂人民多驚擾之苦而可使一衰庸

老臣贊襄

聖主其不至於償國家之事者鮮矣此臣等所以不

避煩瀆而屢次瀝誠以 請也且眾正盈朝則四

夷觀望昔宋起司馬光於洛下金人輒戒其將士

不可犯邊中國再相司馬矣是豈啻十萬之師已哉伏望

皇上下明詔即起素有德望二三舊臣或

特簡見任諸臣二三人同心輔佐則賢才進而萬政

理倭奴聞之將不戰而自退矣臣等無任懇切企

望之至

奏題稿

卷之七

二十

進呈 訓錄

八月初三日謹

題為進 呈 訓錄事先該臣等欽奉

聖諭騰錄 累朝實訓及實錄隨照萬曆十八年騰

寫事例開款題奉 欽依即於二十四年五月開

館照前式樣挨次恭錄臣等督率各館騰錄校對

官吏人等併力供事寫完

列祖實訓實錄通共二千三百四十五卷臣等分屬

禮部侍郎等官會同節等校對明白裝演成帙共

奏題稿

卷之七

二十一

為百套恭捧 進呈仰惟

皇上憲法

祖宗親揚 謨烈欲以 累朝之信史用籍朝夕之

覽觀 德音甚盛顧卷帙已踰二千騰寫僅及三載

欲盡加繕閱或未能周必次第考求自然有益伏

望

皇上於萬幾之暇日逐詳覽庶典學緝熙永為 立

政脩身之助且 紹庭陟降益增繼志述事之光

臣等不勝惓惓願望之至其効勞人員容臣等另

行分別題奉

聖旨覽卿等所奏謄錄

累朝寶訓實錄今已完成朕心嘉悅奉安御前恭備  
詳覽其効勞人員便開叙來

恭題稿

卷之七

二十五

陳議東事

十一月十一日謹

奏為東征平定無期國事驛騷可慮懇乞

聖明神斷并集 廷議以圖長勝久安事臣卧病床

蓐間復聞東征大舉敗績不勝憤懣顧此身雖病

此心未死誠不忍見 國事决裂至此謹將東倭

始末叛順無常以至今日議戰議守願

皇上少垂聽焉臣嘗閱載籍東海諸夷限山阻海惟

倭奴最稱雄長附庸者百餘國至唐始更號日本

奏題稿

卷之七

廿三

洪武初寇山東淮安浙江福建旁海諸郡於是遣

萊州同知趙秩

賜璽書諭王責其入貢不從發舟數千艘我為風飄沒

自是不與通者數十年秩歸後遣僧入貢亦屢寇山

東福建沿海地方

上乃命湯和築登萊至浙江沿海諸城防倭衛所又

築山東福建海上諸城自是貢寇無常永樂間都

督劉榮守遼東倭兵復至榮合兵圍之斬首甚衆

自是不敢窺遼東正統間寇大嵩大肆荼毒假進

貢之名肆殺戮之慘歲以為常嘉靖間中國豪傑招集倭眾雄據海上而肆其毒於內地遣總督胡宗憲招遠近雄兵智謀勇敢之士又搜括東南財賦歷十餘年而浙直之患始息迄今三十餘年矣朝鮮君臣積弱不振關白恃強與兵直搗其國皇上恤弱推強遣將援救攻取平壤三戰連捷醜夷寒心而封議遂起遣使來廷而封議遂成於是封詔下矣冠服賜矣李宗城楊方亨二使遣矣不意行至中途變起不測奸臣構危言以愒正使而宗

奏題稿

卷之七

七

城於暮夜逃出金山之營矣宗城統袴子也上詘

天威下忌眾口敢為陳情祇自受罪而

皇上先後禦倭初不失着何者因倭夷之攻朝鮮而

興兵救之為以大惜小之仁因倭夷之請封而遣

使封之為柔遠能邇之義此正

天地包荒之量與

列聖禦倭之計若合符節夫封既不成則自當主戰

顧戰非孟浪以冀僥倖也必內固根本有磐石之

安外度機宜有壓卵之勢然後一戰以收全功如

兵法所謂役不再籍糧不三載先勝而後求戰之說可也若不可戰則當堅守以俟瑕隙或屯田以贍軍需或練兵以蓄銳氣如趙充國之坐因先零諸葛武侯之雜耕渭上可也乃今不量彼已不度勞逸惟悻悻然以思一逞先敗於南原方整頓收拾兵糧粗集而去冬再敗於蔚山更整頓收拾兵糧大集而今冬三敗於泗川夫合水陸十萬之師四路一時並進孰不謂智慮已周謀畫已定可以制釜倭之死命矣何中路以被誘大敗東西兩路

奏題稿

卷之七

七

亦以攻城損傷陳璘兵船又何以被焚掠耶四路之師一時潰敗近又倉皇無計斂跡退防駕言以待查勘矣是銳氣既已阻消輜重業已散失又未知將何整頓收拾以圖再舉也况東事自更局已來又復二年有餘竭四方水陸之運集遠近征調之兵人情洶湧海內騷然前赴朝鮮猶水趨壑曾不能得金山尺寸之地三戰三敗貽笑倭奴耻辱中國亦已甚矣豈朝廷之錢糧百姓之膏血數萬之生靈為博功名之兒戲耶臣竊為用此忿兵原

無勝理蓋倭集金山去日本一帆而近彼之轉輸  
援救順流而下朝發可以夕至而我陸隔遼東水  
絕大海相距數千里兵馬不勝奔走之勞糧餉不  
勝搬運之苦此其不利者一倭坐據重城三窟聯  
絡或以逸待勞或以近制遠而我裹糧東芻野棲  
露宿欲以仰攻其堅此其不利者二有此二不利  
安見其能勝也今丁壯已斃於鋒鏑縱欲再調不  
過柔弱之徒况宣大山西薊遼諸鎮連年徵發戶  
籍空虛北虜乘機時挾賞其勢決難再調若腹  
裏召募率皆烏合卽如前贊畫主事徐中素上疏  
自稱平日蓄有死士三千比及東行旋於京城內  
外招集市井備販之流此輩自不識旌旗耳不辨  
金鼓泗川之敗正是此兵言之令人可恨兵可再  
調乎東征歲費藏金數百餘萬山東浙直閩廣於  
常賦之外又加六七十萬閭閻窮民不勝剝削加  
以旱澇之災重以開採之後逃竄流寓人不堪命  
餉可再運乎及今以往若不長慮却顧以圖久遠  
之計將見在朝鮮則專藉

奏題稿

卷之七

十六

天朝爲其報復終無念亂圖存之心在 中國則兵  
疲糧竭脫有奸徒乘機倡亂如近日河南插旗之  
變則在我非特不能救朝鮮且將自救之不暇矣  
於時東事終何結局此臣所以伏枕而思五內焦  
勞不能已於言也以臣愚謬之見遼虜不時入犯  
隕將喪師尤爲腹心之疾是豈可舍近而求遠不  
若令督臣邢玠仍歸本鎮與薊遼撫臣一意制虜  
而以東方之事悉以委之經理撫臣萬世德擇一  
大將與之協同而世德仍量加部銜以便節制限  
以數年爲期先將已調集兵將逐一挑選擇其精  
健可用者量留若干其餘徒耗軍餉悉令撤歸然  
後將所留之兵分布全慶要害之處因山爲城因  
江爲塹堅壁把守互爲聲援然後遍歷朝鮮八道  
擇其膏腴之地廣其開墾分委廉幹官員責成管  
理仍不時查覈如某道闕地幾何秋收積穀幾何  
以定賞罰久則彼食自足我餉可以免運矣一面  
調選八道精壯之人分委曉暢將領嚴加訓練如  
某道練馬兵幾何步兵幾何練一隊則可撤我一

奏題稿

卷之七

十七

隊之兵久則我兵可以漸撤麗兵可以自守矣一切險要置以重閘設以烽堠務使倭奴不至如前衝突尤望

嚴旨切責朝鮮君臣卧薪嘗膽協力相繼陪臣有不  
用命者許經理撫臣卽以漢法繩之一切未盡事  
宜與錢糧應請給并冗員應減去者聽世德會同  
監軍及查勘科臣俱疏題 請其分布將領簡在  
官員聽其諮訪便宜行事如此則訓練精兵威振  
屯種廣軍資饒險隘設國本固可戰則大張撻伐

奏題稿

卷之七

廿八

直搗金山以洩三敗之耻不可戰則堅壁清野保  
護八道以絕狂逞之謀是 中國之兵餉不煩遠  
輸朝鮮之積弱亦可漸振卽倭奴知我有備進無  
所逞亦將自圖歸計矣若內地山東浙直閩廣之  
間一切禦倭事宜更加整飭如

列聖築城布兵以防侵犯此猶不可緩者臣竊謂安  
內攘外今日之東事必當如是伏乞

皇上加意留覽勿視爲泛常仍

亟勅九卿科道諸臣各秉虛心毋拘成說詳議上

請 速賜施行臣衰病已入膏肓萬無再生之理非  
不知緘默以延殘喘顧受

恩深重圖報無由况身爲首臣義難坐視卽身死亦  
所不惜矣暇計其他哉臣不勝激切待  
命之至奉

聖旨朕覽卿奏具見老臣憂國籌邊至意東征未得  
取勝朕心日夜懸注正爾諮詢長策圖維萬全奏  
內事宜着兵部便會同五府六部九卿堂上科道  
等官悉心詳加議處來行卿宜倍加訓練亟出輔  
理以分朕宵旰之憂慎勿久虛延佇

奏題稿

卷之七

廿九

答賀 聖諭

十一月二十八日謹

題昨日禮部接出

聖諭朕惟冊立分封東宮及諸親王此乃

祖宗訓章大典嫡庶長幼一定自有次序緣因皇長

子稟質清弱氣體未充况皇后年在妙冲又屢遭

不諱大難故不得已遲緩少俟耳非有別意亂危

國家昨者

大行皇妣之服已滿雖無三殿其二宮不日落成皇

奏題稿

卷之七

三十一

長子齡已過期體已充足爾該部便具選婚舊儀

來看其冊立并加冠禮少俟二宮落成之日行朕

又思三皇子五皇子六皇子七皇子俱已長成若

再少待恐又費一番事不若亦于二宮完日一併

加冠分封庶免煩擾內皇三子皇五子年歲稍長

待分封之日可着出閣讀書親近儒臣朝夕訓誨

以開蒙塞禮部知道欽此臣等伏惟

皇長子冊立冠婚諸禮四海臣民瞻望已久

皇上海發 慈衷布宣 恩綽禮臣捧出中外傳聞

朝署簪紳舉色喜以相慶閭巷蒼赤亦踴躍而歡  
呼臣等稽首跪讀大哉 王言明

祖訓之當遵序分長幼念 中宮而有待偶致延遲

茲及 禫祥遂求 嘉儷 元良早定先徵六禮

之儀 皇子分封並舉三加之典卜云其吉擬

宸居之告成愛而知勞期儒臣之納誨 言言信如

金石 事事協于典章經畫出于

宸衷作為超于 大聖尋常之見窺測固難臣等忝

列樞機躬逢 盛美雖中宵舞蹈曾莫罄其懽衷

奏題稿

卷之七

三十一

即前此瀆陳翻自尤其過計竊惟本月二十五日

時當長至日輝三珥主有大喜乃知

聖意方動于淵微 玄象已昭夫靈貺 天時人事

豈曰偶然 萬祉千祥行當輻輳實以集

社稷靈長之慶豈徒釋四方疑揣之心臣等無任欣

躍慶祝之至



四懇罷斥

十二月二十三日謹

奏為衰年病困難支手足殘疾已廢萬分不能供事懇乞

聖慈垂憫早賜放還以全軀命事臣因病三疏乞休

伏奉

聖旨云欽此切念臣自病中屢有陳乞即謬荷

眷留凡遭指摘即曲蒙 聖鑒真遇隆於不可繼而

思被於無所加矣際此 明時睽茲 高厚竭蹶躬

奏題稿

卷之七

二十一

盡瘁之力以仰報

皇上曠蕩之恩固人臣之義亦病臣之心也但事與

願違情非假飭又望

皇上察而憐之臣患病已踰二月之久調治幸有

御醫之託使臣若非痼病必當漸有起色乃今日

復一日未見稍減愈覺增重左手既不能持左足

又不能履即前脾胃泄瀉今且遍體骨蒸前痰火

上炎今更頭目昏暈呻吟床褥氣息奄奄與死只

一間耳蓋緣氣血衰耗非藥石之所能扶非鐵砭

之所能救然則

皇上留臣者尚冀臣可以復出勉効驅馳其如廢病

之人必無任事之理密勿之區又豈養病之地在

朝士紳亦有詣臣卧榻看臣者見伶仃病苦之狀

莫不惻然動心臣亦自恨

請告之遲不意衰年而膺廢疾若此也伏望

皇上憐察真情毫無虛假 早賜放還俾臣抱骸骨

以歸故里不但臣感再生之 洪恩而臣之子孫

亦當戴 天恩於世世矣臣無任感激懇望之至

奏題稿

卷之七

二十一

奉

聖旨朕覽卿奏知疾尚未平宜寬假安心調攝春陽

伊適易於導迎還着差去御醫上緊視療以慰朕

倚待之心所辭不免吏部知道

內閣奏題稿卷之八

考察自陳

萬曆二十七年正月二十二日謹

奏為遵例自陳乞 賜罷免以清政本事該吏部  
題今萬曆二十七年例該考察京官四品以上者  
俱許自陳以候 上裁遵奉 欽依 臣例該自陳  
伏念 臣原無志術本乏材能誤蒙 先帝選授於  
清華繼荷 聖明收錄於廢棄每憂覆餗常抱捧  
盈是以通籍已三十餘年乃至乞疏凡數十餘上

奏題稿

卷之八

蓋 臣之性簡直 臣之心迂疎既不善桔槔以取容  
又不引藤蔓以自固嶺南被謫自甘百折以不回  
江左投間詎意三禡之復 錫從此而叙遷中外  
從此而復策舊途從此而歷陟崇階從此而躡躋  
近密虛糜歲月株守官常雖 聖恩浩蕩如 覆  
載曲示其包容若 臣節匪躬則毫釐動關於利害  
臣自叨侍 左右益見周章初無啓心沃心之功  
更無嘉謨嘉猷之告水旱為禔於內地羽檄交馳  
於外藩 天變未能仰回民瘼未能撫恤徒見征

調之繁重以繹騷之役調燮奚在安攘何稱夫

國家設內閣之臣以司 密勿之寄上欲佐理

萬機下欲總領庶政為師表之具瞻誠士民之效

法顧 臣何人久妨賢路況以衰朽之年邁此垂危

之症經時註籍計日乞骸彈 臣者踵至 臣辯者彌

繁苟再遲延療曠愈甚茲遇考察之期實 臣稅駕

之所矧 臣庸劣尤宜首黜伏乞

皇上念宰職之匪輕嚴計吏之重典察之自近不比

以私將 臣 特賜罷免以清政本以肅 臣僚是

奏題稿

卷之八

天高地厚始終被 聖澤於無涯馬羆孤丘或得

望故鄉而瞑目 臣無任隕越待罪之至為此謹具

本奏以 聞奉

聖旨卿輔弼首 臣忠誠端慎朕篤念老成素所倚任

雖有微病且晚即愈宜益展猷為贊成化理不允

所辭吏部知道

揭罷礦稅

四月初四日謹

題自礦稅事起諸臣連章累牘極陳力諫然中多詞氣過激語言狂悖卒無當

聖心觸冒

聖怒臣雖在病次嘗以此二事耿耿欲少俟

聖意和平從容陳懇但近日聞舉朝罪臣叨居首輔

不能盡力謁忠匡救又屢接各處撫按揭帖極言

地方不勝礦稅之擾小民不堪剝削之害臣復密

奏題稿

卷之八

三

訪之在京各省縉紳俱甚稱不便云及今不止將

來必致激變為禍必烈即如店稅一行京都民間

一應日用粟帛之類往時價值一倍者今頃增兩

倍過遣甚難在在嗟苦畿輔如此外省可知矣臣

伏枕展轉思惟如背負芒刺臣忝備

皇上心膂股肱休戚榮辱靡不相關矧臣荷蒙 恩

寵無比若真知事之有利無害臣將順之不暇何

敢求附會諸臣以激撓

聖聽然真知利害安危所係而隱默不以實告

皇上重貽後日莫大之憂誠為負 恩溺職無論外

廷罪臣無以自解即

皇上神明膺照將來必知礦稅之為害此時追論臣

輔導無狀加以斧鉞之誅亦晚矣萬不容已披瀝

血誠具疏以 請臣亦極知

皇上礦稅之行不過暫為之計然此等羣小既得僭

假

威福何所忌憚

皇上豈可不加體察與其橫取侵漁於下歛怨於

奏題稿

卷之八

四

上釀禍國家不若盡行停止尚有正大權宜之可

議者無如明白

勅諭戶工二部容臣等與之商議委曲調停通融酌

計每年或可量動何項無礙錢糧若干更有何項

設處理財之法不致病民可以解進 內庫以備

上用候少裕之日再行議寢譬之前倭氛未靖每年

未免增派今若停止礦稅之擾即量取常賦之外

亦官之樂於奉行民之樂於輸官者也臣謹僭擬

勅諭一道恭進

御覽 裁定臣言言出於肝膈字字可質鬼神伏祈  
聖覽

亟賜施行臣不勝悚息所懇待

命之至

奏題稿

卷之八

五

請罷礦稅

四月初四日謹

奏為國計宜周利害宜審懇乞

聖明睿察以安萬年

宗社事臣以病廢陳乞以來一應閣務俱籍次輔沈

一貫辨理至近日 國家利病又經多官指陳無

俟臣贊且臣身叨密勿之任平時既不能調元贊

化使財用克裕

上下恬熙以成

奏題稿

卷之八

六

治比及 國用浩繁公私告竭又不能勵勩

括之資時艱至仰墮

宵旰之勞已為開礦稅之計是臣之憂職萬死奚

辭尚乞聖明睿察以慎

天聽則臣之罪滋甚矣但今昏附片得間日聞中外

人情洶懼危岌不安復見各撫按官揭帖極稱困

苦近又聞南康知府吳寶秀逃繫之時本府士民

擁道哭訴幾上激變其因大傷痛自縊人心大

為惻然夫守利已非為政之本忍使簪笏之士以

此獲罪且不能保其妻子甚有關於生民之向背  
宗社之安危臣又終不敢以將去之身隱默願忌謹  
伏枕冒昧披瀝以陳焉夫我

皇上始以征調之煩繼以工費之夥不忍加賦於民  
若以礦為天地自然之利稅為商賈惟正之供有  
利無害是以 毅然行之然亦不逾令鑿產礦之  
山耳果無礦無砂則已之何嘗欲其累及百姓也  
亦不過令徵未盡之稅耳果相隔不遠則已之何  
嘗欲其橫肆需索也但

奏題稿

卷之八

欽遣之使不能仰體

聖明仁民愛物之初心聽憑原奏及四方隨從棍徒  
僭竊

威福動稱阻撓不論礦之有無通行開採致使富戶  
包賠即小民亦科派而怨聲載道矣不論稅之規  
則橫行邀截致使商本消折即負戴亦需索而物  
價騰貴矣乃近日無知武弁與遊食羣小因見前  
遣之使挾官剥民欺公肥己所得進

上者什之一二暗入私囊者什之八九遂欣然艷慕

詭媚迎合膝朒具疏

皇上深居九重或未察地方之肥瘠道里之遠近生  
民之痛苦人情之騷動供應之煩難錢糧之耗費  
群小之侵漁地方之攘奪亦槩  
俞允以致愈出愈煩愈煩愈累礦稅遍天下培刻盡  
閭閻官不停轍民不聊生近且有縣令畏避以匿  
商賈棄貨以遁者此等景象豈  
皇上所樂聞亦豈

盛世所宜見者是以病臣五內燔灼不能已於言也

奏題稿

卷之八

且頻年以來四方叠罹災傷江淮吳越之間啼饑  
號寒賣兒鬻女見之令人酸鼻若川廣雲貴山陝  
薊遼等處或有採取大木之苦或有辦金織造之  
苦或逼近夷虜用兵之苦如此地方即令加意撫  
摩尚恐人心渙散未易收拾乃忍縱令此輩吮髓  
舐骨萬一民不堪命釀成禍胎一犬吠形眾犬吠  
聲雲合嚮附事起不虞其關係 國本豈淺淺也  
語曰百姓足君孰與不足百姓不足君孰與足斯  
言千古明鑒武弁多不究心經史豈諳國是而又

出於棍徒之構成

皇上聽此葢謀利必非 國家之福祇足以上累

聖明而下遂群小之乾沒耳伏乞

皇上俯念

宗社大計並

察已遣使臣不能仰遵

德意將礦稅等項悉

詔罷免如果 內帑匱乏

勅下司計大臣設法議處以足

奏題稿

卷之八

九

上用至於兵寶秀逮繫至日更祈

皇上俯霽

天威少寬斧鉞

勅下法司問勘虛實請自

聖裁則 德音一布萬姓歡呼祝頌我

聖壽億萬萬年無疆之慶矣臣受

恩深重義關休戚不敢不昧死一陳以少盡報

國之念以仰荅

眷顧之隆伏祈

聖慈俯察

亟賜施行天下幸甚

宗社幸甚臣即退沒田里亦不勝大幸矣臣無任皇

悚激切待

命之至

奏題稿

卷之八

十

揭罷權稅

閏四月初四日謹

題臣於昨日接得山東巡撫尹應元揭帖內開臨  
清州抽稅監丞馬堂招募棍徒橫肆搜括以致貧  
民倡變臣已不勝驚懼及讀應元與臣私啓又謂眾  
怒如水火不可嚮擾攘之民今雖解散猶涵涵揚  
言某日槍士夫某日槍舖行隣境高堂莘縣陽穀  
堂邑寺處閉門城守用備非常不敢盡載疏中恐  
皇上以為要挾反怒而不信若不及今取回馬堂以安

奏題稿

卷之八

十一

反側則將來事勢有不忍言者夫礦稅之役臣等  
已屢具疏揭請罷亦逆知必有今日今一見於天  
津再見於上新河然不圖臨清一發輒烈若斯之  
亟也臣固不敢遙度彼中曲直為倡亂者庇護獨  
以臨清地方實與他處不同為運道咽喉齊魯扼  
塞民俗輕慆奸宄驍悍加以東西南北之人貿易  
輻輳乘亂一呼雲集霧合如此地一搖則三齊震  
動密邇京都欲安枕而臥不可得矣况近報揚應  
龍猖蹶之甚正費處分各處小民既困於災傷

若於征權生計無聊人心日漸渙散萬一舍死助  
逆為患豈小或各省聞風動搖何以收拾且近日  
雷火焚擊

大廟神樹尤見

天心仁愛

皇上若不亟回天變以慰人心則 國家之事非病

臣所能知矣臣奄奄待盡誠不能為

皇上復展一籌然棺一日未蓋則此心一日未安况

屢荷

奏題稿

卷之八

十三

温綸勉臣以大義臣感激涕零誠不忍見金甌之業

少有瑕疵異日

皇上赫然省悟即加臣以輔導不職之誅亦無及矣

臣惟願

皇上鑒此亂階不可復見速下

德音盡罷稅務仍急撤回馬堂以消民怨行令撫按

安撫其眾以消隱憂或念法不可弛姑就一二倡

亂者懲罰以弭觀望實

宗社萬世無疆之福而

皇上敬天勤民之政于此益光即病臣亦不勝大幸  
矣臣不勝追激待

命之至

奏題稿

卷之八

十三

二十乞休疏

八月初三日謹

奏為病臣受 恩益深憂 國益切懇乞

聖明俯賜明察以安 宗社并乞 特賜矜憐以全  
晚節事臣竊聞古語有云鳥之將死其鳴也哀人  
之將死其言也善臣今病勢垂危將死之日也頃  
以第十九疏干冒 天威自分我

皇上必賜允放矣乃 眷留彌篤 溫旨更隆至欲

臣澄心靜慮勉就醫藥復 遣官宣諭臣受此莫

奏題稿

卷之八

十四

大之 恩既不能竭犬馬以報 知遇惟有向林  
簣間涕泣嗚咽而已是以數日來仰遵

天語移卧小室中倍服湯藥以冀圖痊可然而去

國未能職守猶在至於軍國重務誠不敢以病勢

昏憤置之不聞昨得四川撫按揭帖乃知迨會楊

應龍父子統率苗兵直犯綦江等處臣已不勝驚

駭扼腕旋又接揭帖知綦江已陷西蜀危在旦夕

臣不覺憤懣欲絕嗟夫二百餘年來楊酋世受

國恩一旦敢於悖逆至此蓋其包藏禍心已非一



朝蓄謀不軌已非一日彼見我 中國先討啗劉繼征關白竭海內之錢糧耗南北之士馬加以採權遍及於閭閻使輟布滿於天下左在水旱相仍處處民心脆脆更兼草莽豪雄無不欲乘時思逞以故逆會敢於越志狂逾如此耳

皇上試觀楊應龍昔年之舉動因我有朝鮮之役則願領兵以自侈因我有興作之役則恭進大木以自炫因我勦其仇殺五司曲加撫處欲其獻罰自贖則遷延遲緩以自遁陰謀於平昔暴逞於一時

奏題稿

卷之八

十五

其意非止 虔劉我人民劫掠我財物而已也及今若不剪除必為腹心大患臣又以前日之倭較今日之酋其難更倍何者關白雖強尚竄伏日本不敢動止遣行長清正輩遠涉釜山乃兩酋彼此不相協故委頓棲遲數年不決猶未曾入我內地而我百姓猶安堵也乃今楊酋父子親率大兵招集苗族分道侵凌窺我黔蜀勝則前驅荆襄敗則扼守播穴倏往倏來變幻莫測而川貴兵馬單弱糧餉不繼何以撐持昨見我

皇上允部院之請 渙發雷霆一切戰守機宜責成督撫將領以 天威所加何敵不克臣又何敢以他語瀆陳惟是 中國自有寧夏之變倭患繼作國家糜費已盡生靈塗炭已極若不亟固根本以收人心將來時事誠不忍言然今日所最喫緊者無如 簡用閣臣廣闢言路休養生息裁省糜費蓋簡閣臣則帷幄運籌之有資闢言路則耳目聰明之有託養生則內地又安之不撻節糜費則帑藏備用之不乏不則內治不修而欲攘外也不

奏題稿

卷之八

十六

可得矣其雲南川陝全楚等處一槩採權額外之征俱乞罷免以安撫百姓以固屬人心如此則聖政一新 王怒孔赫無論楊酋驚竄之不暇即西南諸苗諸夷無不仰頌 中國之有 聖人將歸順向化之恐後尚肯助會為逆哉是在我皇上 一省晤轉移間耳古有修德而崇侯降舞干而有苗格豈為虛語臣叨沐 聖恩深重即病體貼危之次不敢不一盡其朴忠伏乞 聖明俯加詳察 勅下該部 亟賜施行以培萬年 宗社無

疆之福至於臣卧病已久雖欲澄心靜慮終無可  
生之日況外患方殷內憂未靜臣卽無病尤當罷  
斥矧今與死爲隣兼以憂心如火尚可苟延朝夕  
以重妨賢路是臣之罪滋大矣并乞我  
皇上俯從前請 特准休致以遂首丘之願臣感戴  
覆載洪慈益永永矣臣不勝激切懇祈待  
命之至

奏題稿

卷八

十七

三辭東事覃恩

九月十九日謹

奏爲三懇 天恩俯容辭免 新命以安分義事  
頃緣東事叙功蒙

皇上以臣輔佐年久恩賚下及隨會次輔疏辭未蒙  
俞允次日臣復另疏再辭伏奉

聖旨云云 欽此 臣莊誦 綸音愈增惶悚竊惟人臣  
以止足爲義尤以承順爲恭又何敢固執謙讓重  
辜 恩寵煩瀆以拂 聖心哉願 臣中實有萬分

奏題稿

卷八

十八

踧踏不寧不得不再瀆 天聽焉臣自叨 簡任  
以來輔導無狀所以貽 主憂而致人言者已非  
一日又老病纏綿強半在告卽臣一念朴忠素荷  
皇上垂鑒而駑蹇不前痊可無日方控章乞骸之際  
何敢復濫叨 恩寵以自貽伊感也且

皇上宵衣旰食英明獨斷諸臣櫛風沐雨戮力同心  
積勞七年宣威萬里臣居中旣鮮發蹤指示之奇  
又無折衝禦侮之績猥以病痼之身貪 天功而  
竊 上賞寧不自愧矧臣向來叨沐 隆恩異數

種種踰分每恨無福可以消受豈復自昧本心而  
冒此非常之典哉此臣所以寧甘抗違之罪不避  
煩瀆之誅也伏願

皇上俯鑒愚誠收回 成命庶名器不褻不惟臣得  
少延旦夕之命而亦得貽厥安於後世之子孫矣  
臣無任悚息待命之至奉

聖旨東事七年勞費師旅朕在深宮宵旰不遑賴卿  
股肱贊襄匡定疑貳成此安攘大功今恩覃中外  
卿為首揆乃勞謙不居非朕眷倚一体之意覽奏

奏題稿

卷之六

十九

情詞懇切至誠脞一子特從辭免其餘恩命卿宜  
祇承還加賜大紅紵絲蟒衣一襲以示眷酬該衙  
門知道

請停刑救曹御史疏

九月二十二日謹

奏為 慶典方新病 臣謹奉揚 聖德懇乞

大需皇仁以廣 好生以培萬年和氣事項臣以東

事叙功荷蒙 恩錫萬不敢承復具疏辭免伏奉

聖旨云 欽此夫 臣匡輔無功卧病且久終不敢覲

承 寵眷除另疏陳情三懇外唯是莊誦 溫給

有云 普天同慶共樂太平臣雖病卧床蓐間實

不勝踴躍仰見我 聖心嘉悅如此不特因屬國

奏題稿

卷之六

十

之奠安島夷之逋遁而已蓋以 兩宮鼎建近且

告成 元嗣擇婚已得嘉配此誠中外歡呼之時

太平更始之運即如楊曾播亂業已 命將出師

他如礦稅繹騷是望 聖明轉悟臣何幸生逢

盛世躬遇綦隆當與天下百姓共祝 聖壽於無疆

何敢復有他說但 慶典方新

皇威遠暢普天大地之內雖昆蟲草木無不渥被

雨露之栽培則延頸伏鑽者亦莫不願望 雷霆

之少霽臣是以有懇於 聖慈焉臣見我

皇上敬 天法 祖每逢 盛典則各省直每每停  
刑卽古下車解網何以過之獨於去歲 慈音渙  
發偶爾後時以致遠方受法者不及獲沾

聖澤臣深以爲惜矧今自 大廷以薄海外 和氣  
克盈呼頌稱塞而囹圄枳楛之人亦欲少延旦夕  
之命臣願我

皇上大擴 仁慈今次各省直暫免行刑使去歲未  
普之 恩波再普於今日則

皇上好生之德益弘 太平之基益遠而萬姓之歡

奏題稿

卷之八

廿一

戴益永永矣又如言官曹學程以言獲罪禁錮有  
年今東事已完有勞者旣酬之以 恩榮則有罪  
者宜示之未減雖其言辭過切干冒 天威然亦  
是其職分蓋 祖宗設言官以寄耳目其言是則  
嘉納以彰其能其言非則寬宥以恕其過昔唐太  
宗怒魏徵廷諫之慙而長孫后因賀之曰惟主聖  
則臣直太宗因是釋然禮徵更倍以故成開元貞  
觀之治今

皇上仁同堯舜 德配禹湯遠陋唐治於不居者豈

可使容宥直臣獨美於前且聞學程有母年已八  
十遠居南粵音信不通兩地悲號奄奄待斃我  
皇上方以孝治天下 俯察其情必有憫然惻於衷

者倘荷 覆載包荒學程得從末減之律則在  
聖明樂太平之世而容一直慙之臣在學程荷再造  
之年以侍將終之母是 君聖臣忠毋慈子孝其  
所以培植 國家之元氣者更無量也藉令學程  
久禁獄中憂懼以死是

皇上固欲其怨艾以自新初不欲戕傷其性命而天

奏題稿

卷之八

廿一

下後世有未察者以爲學程因諫而死寧不爲  
聖政之一累耶況學程亦曾詆 臣臣方思過未遑何  
敢矯情爲其請 命願今在 朝諸臣以臣叨居  
輔弼不能爲之申救併以此疑 臣者臣之心迹非  
特無以自明抑且無以自解因是不避 斧鉞干  
冒 威嚴伏乞我

皇上憫念病 臣言非紕謬 大廓仁慈 勅下法司  
速賜施行則病 臣雖不敢拜 新命以承

天庥然足以宣 聖澤而明心迹 臣之受 恩多於

三錫而增於九鼎矣臣不勝悚又叩祈待  
命之至

救曹御史揭

九月二十五日謹

題臣雖卧病昏憤中不敢一刻忘 聖明眷顧之  
隆謹因 慶典方新奉宣 聖德故具一疏欲我  
皇上大廓仁慈今歲各省直暫免行刑併宥言官曹  
學程使天下人民歡呼踴躍共祝 聖壽於無疆  
培和氣於久遠者原自無量也 臣竊意必蒙

聖慈俯充朝上疏而夕拜 命矣乃候 旨三日未  
蒙 允發夫病臣當垂危求去之時非不知緘默

奏題稿

卷之八

廿四

以取容胡敢屢冒忌諱仰瀆 威嚴然臣受

恩深重誠欲一吐肝膈以報 寵遇原非矯情亦非  
干譽蓋我

皇上仁慈獨邁今古其愛護天下百姓有加無已遇  
早則 步禱於郊遇荒則賑濟以粟 清聖啓黜  
逢節禮神總之奠 社稷於靈長保萬民以樂業  
是以一遇 喜慶則各省直每每停刑故深山窮  
谷之民無不歡呼稱頌何者 仁澤之浹洽於民  
心者甚深而民心之感起者自不容已耳矧今歲

奏題稿

卷之八

十三

乾清坤寧與作孰有大於 兩宮之鼎建關雎麟趾  
古禮孰有大於 元嗣之嘉配存仁正義征討孰  
有大於東事之告成有此 三大喜而我

聖心嘉悅至 渙溫綸謂普天同慶共樂太平則何  
不令延頸伏鑽之人畧緩須臾之死使普天之下  
殺氣潛藏 和氣充塞其所以聯民心以光

太平之盛者又何如也至於曹學程原係言官言事  
乃其本等職分况所言者東事實不為私雖辭語  
愚戇致觸 威嚴然無可死之罪况其母老無依

奏題稿 卷之八

其幼子又伏 關上疏請代情勢悲苦誠不忍聞  
今舉 朝文武諸臣無不皇皇具疏以懇

聖慈寬宥 臣獨知我

皇上禁錮學程者不過欲其悔悟以自新耳然外廷  
人心未測 聖威皆懷疑貳若

皇上一日不赦學程則外廷人心一日不安况今播  
患未寧民情洶動天下事尚有大費處分者如使  
學程久禁獄中則中外駭然以言為諱誰復肯以  
直言陳告是

皇上自塞其耳目矣所關係 國家安危誠匪細故  
伏望

皇上俯廓仁慈得從未減臣仍願 聖明罷臣今官  
以贖學程之罪是無論學程蒙再造之 恩而大  
小臣工皆感奮興起即臣亦得少道輔弼無狀之  
愆因是萬不得已再冒 斧鉞懇乞

皇上俯從 臣請將臣前疏 特賜批發則病臣雖即  
歿於九原其感荷

聖澤益永永矣 臣不勝惶悚叩懇待

奏題稿 卷之八

命之至奉

聖旨覽卿奏情詞懇切知道了

謝賜蟒衣疏

九月二十五日謹

奏為恭謝 天恩事昨蒙

皇上以東征蕩平加恩臣等該臣三疏懇辭奉

聖旨東事七年勞費師旅朕居深宮宵旰不遑賴卿

股肱贊襄匡定疑貳成此安攘大功今恩覃中外

卿為首撥乃勞謙不居非朕眷倚一體之意覽奏

情詞懇切至誠廕子特從辭免其餘恩命卿宜祇

承還加賜大紅紵絲蟒衣一襲以示眷酬該衙門

奏題稿

卷上八

十七

知道欽此臣恭捧莊誦不勝感激隨蒙

欽賜大紅紵絲蟒衣一襲到臣私寓臣謹焚香北向

伏枕叩頭祇領訖竊惟 明王御下敝袴必待有

功節士當官素絲克敦雅志臣 被遇獨隆莫贊

垂衣之治 服寵最厚未効補衮之能五紵是愧三

褫宜加豈意 天孫雲錦重賜襲于纈袍

上苑霞文忽照耀乎布帛之有幅分已踰涯服之

不衷身則滋懼 恩重賜緋敢不益勵其清白情

深著錦庶幾日覲夫 龍光除轉殿加官別具疏

懇辭外惟臣衰病不能趨赴 闕下叩首稱謝伏

乞

聖慈垂察臣無任感激屏營之至為此謹具本恭

謝以

聞

奏題稿

卷上六

十八

五辭恩廢

十月十三日謹

奏為病臣五懇 天聰俯容辭免 特恩以明止  
足事項臣為 隆恩過分四具疏懇辭未蒙

明旨臣展轉待 命殊不自聊臣久病曠職已二十

三疏陳 請乃避位之章未蒙 俞允而酬庸之

與更極 優隆此愈省愈愧而不得不懇乞於

君父之前也竊惟 明主分事而責功故有不可侵

之職論功而行賞故有不可濫之 恩臣待罪輔

奏題稿

卷之八

十九

弼使內修外攘遠至邇安臣之職也至于闕外之

功師中之吉臣何與焉且自東事以來議論紛沓

臣挈緝之守未厭人情借箸之籌罔裨國是臣方

引過之不暇又有何功之可居也矧官師居四輔

之先殿學以 中極為崇皆元勳貴戚之所不能

兼名公碩輔之所不敢當者而重畀之臣臣之不

職何以堪此又臥病經年乞骸日久贊襄之益未

聞曠職之辜日積方欲解其所固有而顧益之以

所本無方欲辭久不能稱之官而又加之以必不

可承之 寵則臣之貪戀名位觀望 恩私何以

自解於天下夫造物忌滿鬼神惡盈臣從前忝竊

殊恩異數每惧無福消受今可再覩顏叨冒非分以

自速其隕越也蒙

皇上以倭夷蕩平普天同慶 念臣叨居首臣

覃恩宜及則銀幣之珍重蟒衣之輝煌示酬亦已過

矣其 加銜轉殿萬萬不敢仰承伏祈 聖慈察

臣福量既逾控辭非矯 容臣辭免收回

新命庶以昭名器之重而益明激勸之公至 臣病體

奏題稿

卷之八

二十

狼狽實難再起并乞 聖恩憐察早賜生還

則自今未死之年皆

皇上之所重延而再造者矣奉

聖旨朕以卿為元揆運籌安東雖經在告勞績居多

國典酬功原非為過卿乃陳乞不已情詞懇切出

於至誠前次恩命勉從辭免成卿勞謙光美後勿

為例卿宜慎加調攝稍可即出調理該衙門知道



內閣奏題稿卷之九

請冊立疏

二十八年正月初六日謹

奏為獻歲發新普天同慶懇乞 聖明上體

天心中慰羣望 蚤行慶典以隆萬年國本事臣恭

遇青陽啓令 紫極騰春自 宮闈以及府中由

畿甸以至荒服無不仰戴維新共沐 禧祉獨臣

叨居輔弼奄奄在邸既不能以二十八懇歸故鄉

同野老鼓腹擊壤以樂太平又不能同九卿百執

奏題稿

卷之九

事拜 彤庭歡呼踴躍以祝 聖壽是臣此心蓋

有如沃之以沸東之以棘而不自安已夫臣受

恩深重身固難於趨踰而言尚可以獻納則又不得

不冒昧具陳欲以定 百世之宗祧萬年之鴻業

者以仰祈 聖聽焉臣切惟漢儒有云天下之本

係於太子豫建太子所以重 宗社安人心也今

皇長子茂齡已十九矣 聰明天啓 睿質性成雖

龍德尚韜而 麟姿益粹其冊立婚冠以我

皇上父子之天性以 諸王長幼之序以 九廟

神靈之鑒臨以萬邦黎庶之快覩以部科職掌之

具題節奉 綸音奚容 臣贅惟是 恭德方亨

庭闈衍慶 吉典大禮有萬不可以再緩者

皇上試取 寶訓而覽之 列聖相傳或以二歲立

或以六歲立或未及週歲立並未至十九年而

尚濡滯者今夫庶民之家男耕女織早作夜勤纔

得衣食充盈即為其子娶婦加以衣冠訓以師傅

大則望其擢賢科登仕籍以承 一命之榮次則

令其遵 國例輸金粟 沾升斗之祿何者父母

奏題稿

卷之九

貴子之心誠欲衍家慶於久遠也今我

皇上貴為天子而使 皇長子年踰弱冠尚未得就

青宮之位

皇上富有四海而使 皇長子時已過期尚未得遂

室家之樂

皇上臨御海宇受萬方衣冠玉帛之朝會而使

皇長子天挺英資尚囊髮垂髫猶未得被 章服之

榮此則臣之所未喻也我

皇上敬 天法 祖每事必遵 成憲若念及於此

必有悲然弗寧於衷矣况今中外雖稱昇平于戈未遂寧息加以驛使頻騷 上天譴告

皇上不就此時舉 大禮收人心以奠萬年之

宗社而又何待也語曰智者不失時轉盼之間殆將

春仲此老臣所以踧踖而不能已於言也伏望

皇上深懷 帝業俯順群情 覽萬物作親之時

昭育震重暉之盛 亟勅禮部選擇吉期先舉冠婚

隨行 冊立則 天意格人心悅 國本立

宗社安萬萬年有道之長端在於此使老臣一日未

奏題稿

卷之九

二

填溝壑亦得躬逢 慶典其愉快又非臣伏枕所

能陳悉也臣不勝惶悚懇切叩祈待

命之至

再請冊立揭

正月十八日謹

題項臣恭遇 歲序更新 履端肇始懇請我

皇上舉行大禮以安 宗社以慰羣黎乃旬日來尚

未奉有 俞旨臣心不勝燔灼願時難再待勢難

再停臣不得不伏枕叩首再吐肝膈以進臣惟我

皇上為 上帝之元子繫 列聖之宗祧故

清宮祈禱 九廟蒸嘗無非欲 上帝錫以休徵

列聖垂以默相奠 國祚於靈長延

奏題稿

卷之九

四

聖壽於萬載今 皇上子為我

皇上元嗣其所望於 皇上即 皇上所望於

上帝望於 列聖者也茂齡已十九矣淑媛已選擇

矣轉盼之間時且春仲矣中外 臣工百執事以及

閭閻小民無不延頸仰切矣乃我

皇上尚有何待而復濡滯耶臣願我

皇上體 上帝心體 列聖心體羣臣百姓心

亟勅該部開列儀注將 冊立冠婚三禮一時並舉

庶 庭闈衍慶 國本益安海甸歡呼 鴻基永

造矣臣復有所懇焉言官程紹建言以救韓薰乃其職掌其一念忠君報國之心天日照臨實難泯滅使我

皇上聽其言即當宥薰之罪即不然未有罪薰并罪及於紹者特以莊誦 綸音未暇詳審故紹逡巡註籍臣初聞時亦不勝疑惑錯愕即欲具疏陳救因病廢昏憤措辭甚艱隨見同官一貫已疏臣是以中止然

皇上初意原于罪薰竝未罪及於紹但今一貫陳情

奏題稿

卷之九

五

三懇未蒙 批發以致此心無以自解即臣雖病廢然同官一體何以自安或者以上元令節我皇上同 聖母 聖后 皇長子 歡宴宮闈諸章奏未暇 覽閱是以暫留若然則願我 聖明蚤發明旨俾令程紹照舊供職以解在廷諸臣之疑竝 亟舉冊立冠婚大禮以安萬年之 宗社則天下後世仰戴 聖主作為出於尋常萬萬矣臣不勝伏枕擁衾叩首哀祈待 命之至

請舉大禮推閣臣行取乞休疏

正月二十六日謹

奏為病臣因斃日深憂危日甚懇乞 聖明俯察剖心之言以安 宗社竝乞 亟賜骸骨以得生入里門事項自新春以來二十餘日矣臣謹伏枕具疏首望

皇上舉行 大禮隨復具摺催請并乞 俯宥言官繼復二十九懇願乞骸骨俱未蒙 批發臣不勝

悲慟誠知言繁辭瀆屢冒 威嚴既不能感格

奏題稿

卷之九

六

君心何敢再有陳說但臣之苦情惟 天日有以照臨 九廟神靈有以鑒察使今日 國政時艱尚可以少延臣之病廢危困未至於幾死則猶不敢瑣瑣以干 天聽然今之時何時也臣之病何病也尚可隱默而不言乎是以萬不得已昧死再陳懇乞 聖慈特賜俞允焉夫 皇長子之 冊立婚冠實衍 宗社於靈長奠 皇圖於久遠上光祖業下 裕後昆國政之大無踰於此在 廷諸臣連章題 請至詳且悉臣何敢復拾唾餘以贅獨

以祖訓森嚴倫序班列 天性之至親中外之  
仰戴有何疑不決而猶稽遲如此豈以 青宮之  
位可久虛乎 皇長子之茂齡猶尚少乎已選之  
淑媛猶可待乎春陽之時令猶可緩乎民心之憐  
切猶可怫乎夫以時不可遲事不可待又何靳於  
一 睿斷而不速行耶且我

皇上英明天啓每遇他章奏凡 聖心所欲行者則  
剖若雷霆 速若風雨曾不留停乃獨於 父子骨  
肉之間逡巡濡滯此豈 盛世所宜聞臣下所樂  
奏題稿 卷之九

見者臣願我

皇上亟勅該部舉行大禮以安 宗社以慰人心此  
病臣擁衾叩頭哀懇而不能已於言也 國家以  
密勿寄之閣臣以言責寄之臺省其職任爲最重  
故雖 堯舜爲君亦必咨於岳牧緣天下至大一  
日二日萬幾至繁兼我

皇上時加靜攝則擬票須在閣臣久不 臨朝耳目  
必藉臺省今臣已病廢無論已獨同官一貫以一  
身拮据擔當賢勞最苦近又以兄喪註籍以至閣

門空鎖聞若無人此非特病臣瘵曠經年憂懼欲  
死卽一貫之心亦甚弗寧矣臣願我

皇上查將屢次會推閣臣 欽定數員以備 顧問  
庶彼此相資必於輔弼有賴及查科道諸臣被斥  
且盡我

皇上近因一貫之請欲於候補起復者除補夫候補  
起復見在不多恐不足敷用目今內外行取官員  
專候考選如我

皇上疑其有要譽沽名者在內則事極易處何不  
奏題稿 卷之九

勅令部院慎加博訪必擇端凝持重言不妄發者以  
克科道之任其餘暫補部屬俟其歷練老成查照  
先年事例不妨改補臺省員缺庶人心益知奮勵  
獻納必至當可必無有要譽沽名者矣如使其久滯  
都門尚稽考選則諸臣方以賢良卓茂奉

召而來乃今進退無據有官者似若無官有職者似  
若無職曾不如浮沉苟祿者之爲幸是又非  
皇上進賢退不肖之初意矣方今 天變頻仍人心  
騷動北虜西酋見動于革流離困苦到處災荒此

時艱之最切者我

皇上運股肱闢耳目以安 社稷以收人心正在今

日此又病臣擁衾叩頭哀懇而不能已於言也若

臣衰病危篤已入鬼關斷無生路倘朝夕間奄然

長逝輿視以歸是生無補於 聖朝死有虧於臣

節徒使遊魂飄蕩故里空招亦何益之有此又病

臣萬不得已之苦情願 天而泣者伏望

皇上俯察鳥死鳴哀人死言善之理將臣前奏

勅下吏禮二部 亟賜舉行以弘 國政以濟時艱

奏題稿

卷之九

仍望 聖慈憐憫放臣回籍使臣得生入里門臣

感激 天高地厚之恩不能仰報惟焚香誦祝

聖壽於億萬萬載矣臣不勝危迫哀祈惶悚待

命之至

四請冊立并乞休疏

二月十八日謹

奏為 聖眷愈隆 天恩難報病臣謹獻苦切之

忱懇乞 俯賜採擇以永保萬年

宗社事項臣乞骸之疏已三十二上矣情極詞窮不知

所措乃我

皇上特施雨露非惟不斥且欲勉留至以 國事多

艱勵臣以倚任老成用臣以安心調攝慰臣臣受

此 弘慈頂踵難報顧篤病實不能再生斃身實

奏題稿

卷之九

不能再起容臣另疏再懇外唯是 天高地厚之

恩有加無已而臣一絲遊氣尚未斷絕則願將未

歎之言敬效古人尸諫以仰答

皇上知遇之隆於萬一焉夫保 國家於磐石之安

者在於固根本惟本固則 天心悅

宗社安兆民服萬萬年有道之長實基於此試觀參

天之木其巨根盤固於大地之中然後幹強枝茂

歷累世而不衰今 皇長子實

皇上之元嗣克承 宗祧敬奉 孝養 國家大本

孰有踰於此者乃妙齡已躋十九矣及此

冊立婚冠考之 祖訓猶爲後時而我 聖明淵邃

尚欲稽遲且怒諸臣之請致使中外臣工閭閻百

姓無不茫然莫知所爲加以近日星逆地震遠近

災荒饑民流離盜賊蜂起驛使頻騷權採雜出播

會大費干戈壯虜時懷報復此誠岌岌時也

皇上尚不念及於此以回天變以安 宗社以收拾

人心臣雖歿於九原亦不能測 聖意之有在矣

且臣乞歸之疏固三十二上而 聖恩固三十二

奏題稿

卷之九

十一

留無論 祖宗朝從來未見卽亘古迄今

君之眷臣臣之受眷於 君亦未有

皇上之念及於病臣者使 聖明少加慈察用臣一

言行臣一事舉行大禮則天下人心上戴

皇上優容大臣之仁下恕病臣去國延遲之罪是

君留臣臣被留誠足以風後人昭激勸有如臣言終

不足以當 聖心則臣身旣不能趨踰臣心又無

以表白天下之人復不能諒臣之不能去國更不能

能察臣之不能得 君必責臣爲貪祿責臣爲無

耻責臣爲妨賢責臣爲病 國百口交攻衆手齊搥

是臣且爲怨府爲射的而何以自解也臣深愚恐

懼剋刻不寧意欲不避忌諱令家人扶掖病身叩

伏 殿庭哀泣以冀 天聽乃屢扶屢仆力不從

心因是伏枕具疏再干 斧鉞伏乞 聖明洞察

帝業艱難 國本宜豫 亟勅該部乘此春明

舉行 冊立婚冠大禮以敬 天心以遵 祖訓以

答蒼生以奠 宗社萬萬年無疆之業卽病臣亦

得少遠經年註籍曠官尸位之罪於百一矣臣不

奏題稿

卷之九

十一

勝感激叩祈待 命之至

內閣奏題稿卷之十

請冊立揭三月二十六日謹

奏伏念臣素受我

皇上莫大之洪恩今當病篤垂危之時猶蒙 聖慈

軫念 遣醫 賜藥臣雖在昏憤中即粉骨碎身

奚能報稱但臣身雖朽臣心尚存近聞外庭洵洵

咸以今歲 皇長子冊立冠婚期日已逼皆欲叩

闕具疏齊聲懇瀆臣病中獲聞此語不得不先期

以告於 君父之前緣 皇長子茂齡已踰二十

奏題稿

卷之十

一

即民間之子無論富豪縱貧窘亦無有至二十歲

而不婚冠者况 元儲為 國家主器承 萬

世之宗祧而可久稽 大典則無惑乎羣臣之疑

懼也况正月間已蒙 聖諭允行是以內外恭聽

今轉盼四月萬難再遲臣願我 皇上起此羣臣

未曾煩瀆之前 特頒 聖諭明示冊立冠婚大

禮擇吉舉行俾 國家盛典出自 聖衷英斷有

非臣下所能窺測使四海九州無不仰頌

皇上天地之大 日月之明其作為出於尋常萬萬

矣况外庭之臣以臣首臣病篤既不能去身又不  
能報 國目臣為無耻之極倘蒙

皇上允臣今日之請 特舉冊立冠婚大典則臣雖  
歿于九泉之下亦有餘榮縱他人疑臣臣心實無  
愧矣臣無任激切懇祈之至

奏題稿

卷之十

二

乞休疏

五月十六日謹

奏為老臣病危未斥罪責逾重死期逾迫哀懇

聖明裁決即許放歸事臣頃求去七十餘懇未蒙

俞允旬日之間連章屢瀆未蒙 批發臣待

命間既病且懼疾益轉加昏眩嘔血吐涎勺水不復

入口藥餌不能復進死期已至舉家皇皇以求速

放臣去然此臣之私願也非臣之所大懼也臣聞

史魚既死尚能以其尸諫臣今未死安敢時刻忘

奏題稿

卷之一

國家哉一息尚存臣實自訟每念受

皇上恩遇可謂踰溢涯分而臣乃毫無裨補日益誤

國病癘三年以來時事日益非矣臣罪可擢髮數

乎 皇長子大禮未舉 國本未定啓中外危疑

之心臣不能以死請殫稅剝削無遺 國脉垂絕

喪元元樂生之望臣不能以死爭他如臺諫未補

謫譴未返刑獄繁興以致天怒於上旱魃為災赤

地激千里民怨於下湖襄激變戕

欽道之官校而不顧天下洶洶土崩瓦解之勢已成

皇上終不信臣危篤望即

俯問臣同官一貫則臣之情苦一貫所自擊者必然

為臣奏 復臣不勝號泣呼

天懇祈待

命之至

奏稿稿

卷之一

四



辭俸疏

六月二十日謹

奏為篤疾未蘇乞骸未 允深愧素餐懇容辭俸  
以釋憂懼事臣於 日懇疏給假今又旬日餘  
矣 皇上仍未 批發臣病愈篤臣心愈苦且夕

祈望生出 國門未能也然死生去留

皇上制之臣不得而專也廉讓愧耻雖死猶存臣不  
敢以時刻昧也 臣之病踰三年所矣身不離床蓐  
月支一品之俸口不絕呻吟日食大官之給職業

奏題稿

卷之十

五

已廢俸入如故尸素日久無耻甚焉豈不有靦面  
日有慙形影哉即

皇上私臣不以臣為糜費然以閣臣而就豢養若犬  
馬然且至三年之久自我 祖宗朝從所未有者  
也 皇上既不釋臣亦望住 臣之俸使得方寸少  
安以免愧耻庶幾乎病以心安而少間是未可知  
也是又 皇上眷 臣之一端矣夫求去不得而給  
假給假不得而辭俸 臣非展轉其辭欺且瀆也夫  
亦以位高素餐必為天心所厭 臣心甚憂盛滿饗

貪必為清議不容臣心甚懼既憂且懼是自致其  
灾是其速其歿矣萬不得已哀鳴于

皇上之前伏望 聖慈鑒允 准臣辭俸使得安心  
調理臣實幸甚臣不勝隕越待  
命之至

奏題稿

卷之十

六

再辭滇南及朝鮮加恩疏

七月十四日謹

奏為懇辭非常 恩命以慎 慶賞以平政體事

臣篤疾纏綿于七月初七日蒙

皇上以雲南之功加臣官廕臣具疏懇辭

皇上未即批發臣方恐懼待 命間忽于本月十一

日接到吏部咨奉 勅吏部 臣病雖至危篤

不勝驚惶且感且泣伏念 慶賞者人主鼓舞豪

傑之大機賜予有節則慶賞平賞一人而天下人

奏題稿

卷之十

七

勸矣今臣一病三年廢事曠官即以原官在告

皇上宜有禡奪之誅乃因炎微之勞加臣官廕僅數

日耳詔墨未乾又有朝鮮善後之叙又有進官錄

後之 命少師何官也廕子何典也師席崇嚴任

子異數苟非殊勲何可輕授今也徒以邊功而叙

內閣濫及病瘵之人一之已甚其可再乎不出旬

日之間銀幣交輝中使絡繹既躡青宮之極品又

躋三公之崇階臣有何功何德可以堪此哉適以

駭遐邇之觀聽滋朝紳之指摘耳夫敝袴尚愛繁

纓當惜茲以鉅典加病臣而又

寵錫駢臻 綸音迭降舉積功累資所不可望者旌

之於數日之內名器之瀆甚矣以此為 恩則

恩失之褻以此為政則政失其平臣願

皇上收回 成命併前雲南 恩叙一併容臣辭免

臣實幸甚臣非惡榮寵而好為此不情之讓亦以

朝廷慶賞之典不可自病臣作俑紊之伏惟

皇上鑒察臣不勝悚息待 命之至奉

聖旨雲南撫勅全提朝鮮善後事竣卿為首輔雖經

奏題稿

卷之十

八

在告勞績居多加恩示酬實違舊典宜遵成命不

必遜辭該部知道

臨終遺疏

九月十三日謹

奏為老臣病革血誠未泯謹陳切要時事懇望

聖明亟旨省改以定

國本以延

國祚靈長事臣病至此瞑目長逝矣無復可言矣

捐臣六尺之軀何足以報

皇上三十年知遇之隆雖就永訣瞻戀之私即九泉

之下能頃刻忘

奏題稿

卷之十

九

朝廷哉將死之人不能委婉其辭據事直陳願

皇上垂聽焉

皇上一身天地臣民之主當仰體

天心俯慰民望保護

聖躬以膺

萬壽此第一切要事也至如近來章奏日壅庶官多

曠刑獄繁興閣臣未點凡此數者皆足以為

聖政之累廷臣屢言之而

皇上未之省然此其緩者也

皇長子春秋鼎盛

祖宗靈貺集焉

聖母慈愛鍾焉中外注目望焉昨奉即日舉行之

旨無分臣庶皆欣欣然有喜色乞

皇上乘此新冬之將臨早

諭擇日畢此

大典以全大信於天下也臺諫

朝廷之耳目從諫者昌此不易之理也數年臺省

一空老死瘴鄉無賜環之期需次

奏題稿

卷之十

十

國門歷三年之久仗馬不鳴寒蟬無聲

皇上猶厭惡之摧擊之以漢唐末季之事友觀今日

之所為臣豈不為寒心乎至於權稅一節誠載

籍之所未睹古今之所未聞

皇上乃樂而為之民之脂膏剥矣衣食絕矣元元樂

生之望喪矣積目前無用之物以貽日後不測

之禍智者不為也臣死灰餘息再無進言之期

竟忘忌諱萬祈

皇上速罷權稅以培

國家元氣速用言官以振

國家正氣速行

大理以定

國家大本至於點閣臣並用百執事皆望次第參  
行臣死之後亦猶生之時稱慶不已也緣疾已

革一靈未滅謹此冒

奏臣不勝忍死冒昧待

命之至

奏題稿

卷之十

永訣遺言

大學士趙予以一介草茅久荷

皇上天高地厚之恩未能圖報萬一奄忽永訣感激

銘骨慚愧入地惟願

聖壽齊天

蚤定大典用賢保民汝曹世世無忘

國恩九泉瞑矣

昔九月十三日也噶畢而瞑次日忽奉

中使

奏題稿

卷之十一

詔取遺言謹附

進

# 敬事草一

〔明〕沈一貫撰

據北京大學圖書館藏  
刻本影印原書版框高二  
一五毫米寬二八四毫米

敬事草卷一目錄

為母乞祭疏 講筵

議王守仁陳獻章從祀疏 講筵掌院

乞假省親疏

辭免起官教庶吉士疏 在告

乞父祭葬疏

辭起南京禮部尚書疏

辭改禮部尚書兼學士總裁國史疏

辭入閣疏

敬事草 卷一目錄

論倭貢市不可許疏

敬事草卷一

柱國少傅兼太子太傅吏部尚書中極殿大學士臣沈一貫

為母乞祭疏

日講官翰林院編修今丁憂臣沈一貫謹奏為

懇乞 天恩俯賜卹典以光泉壤事臣係浙江

寧波府鄞縣人由隆慶二年進士改翰林院庶

吉士授檢討陞今職萬曆三年十月內欽蒙

聖恩補日講官竊念臣一介草茅學術迂淺備

員詞林無所報稱誤蒙 皇上末次簡用俾待

講讀甫及三月而賞賚駢蕃不可勝舉正臣竭

力圖報之秋也不意臣母封孺人洪氏在家病

故例當拜違 闕廷回籍守制虛叨 恩厚悲

戀慚憤詎宜更有希冀但臣私念母氏生育之

恩昊天罔極一旦永訣追補無由查得 講筵

恩例舊從優渥而臣偶玷一時之任使實乃曠

世之竒邁既已有例可援安敢縮息不請查得

原任講官范應期母陸氏病故蒙 賜祭一壇

臣與應期事體相同如蒙 勅下禮部查照前

例量給卹典則臣厚徼恩真出于常情萬不意之外而臣之感激思報亦與世世子孫共捐糜也臣不勝迫切懇祈之至為此具本謹具奏聞

伏候 勅旨 萬曆四年正月二十三日 上奉

聖旨禮部知道禮部覆奉

聖旨沈一貫係日講官准賜祭一壇

故事草 卷一

議王守仁陳獻章從祀疏

翰林院題為議從祀以崇聖道以勸來學事  
月二十四日據禮部祠祭清吏司手本開河南道監察御史詹事講題請將兵部尚書新建伯王守仁翰林院檢討陳獻章從祀孔廟該本部覆奉 聖旨從祀重典着各該儒臣及九卿科道官從公品騭議奏務協輿論欽此續於七月初八日據祠祭清吏司手本該雲南道監察御史黃師顏戶科左給事中田大年等先後題請

故事草 卷一

將尚書章懋祭酒蔡清鄒守益諭德吳與弼修撰羅倫僉事黃仲昭布衣胡居仁陳真晟王良等併議從祀該本部覆奉 聖旨備行到臣臣惟從祀之典所以徵聖朝之表章昭學者之嚮往為事其鉅而臣學術淺陋聞見寡眇何以應明旨然竊嘗誦其詩讀其書粗得其人之似敢試陳之夫守仁之學以致良知為宗謂心之本體即天理天理之昭明靈覺即良知惟戒慎恐懼而不使昏昧放逸則天理常存本體不虧和

融瑩徹充塞流行動容周旋中禮從心所欲不踰矩矣聖賢論學無不可用之工惟致良知三字尤簡易可下手此其略也獻章之學以無欲為宗又曰見大曰自得謂人與天地同體四時以行百物以生若有所滯安能為造化主必令此心無物乃運用得轉舍繁求約致虛主靜之心體自露而之以體物理稽聖訓各有頭緒此其畧也臣按二臣皆當世大儒而所學自異然大抵以靜為主獻章開其先不如守仁之精

敬事草

卷一

四

守仁起其後多發前賢所未發自國家紹明宋學諸儒勃興而求其造詣精深踐修明恪如二臣者何可多得躋祀孔廟輿論所歸無間然矣顧有宋之學程朱為之宗獻章雖不盡為朱而未嘗自異于朱乃守仁則直異于朱矣似不可無一言以祛學者之疑蓋聖門之學要在誠意而藉格致以啟其端為誠意而格致者聖學也不為誠意而格致者俗學也即為誠意而不由于格致雖非俗學要非聖學之精者也昔程子

曰涵養須用敬進學在致知而又曰格物窮理但立誠意以格之又曰入道莫如敬未有能致知而不在于敬者是知格致所以誠意亦必誠意而可以言格致所謂格致者不出于窮理之一言此程子意也朱子祖其說謂必窮天下之理以致吾心之知故其為學則主敬以立其體窮理以致其知反躬以踐其實內外合養本末無致君子以為集諸儒之大成信不誣矣第其傳流既久漸失本初或以硜執為居敬或以齷祖為踐履或以訓詁為窮理甚則困於咕嗶以為記誦說釋之資所求乎外者勝而所以養其內者微則學者之失而非朱子之學本如是也乃陳氏出稍異矣獨信其養靜致虛之學然猶未遠王氏出而增異矣直持致良知之說以出於簡易之途謂聖學在於誠意而所謂致知者非多聞多見之知乃致吾心之良知所謂格物者非窮天下事物之理乃存天理去人欲而正其事之不正以歸於正朱子窮理之說近於義

敬事草

卷一

五



外不可用顧朱子實非義外也天生蒸民有物有則此理同出於天命而散見於倫物事事物物孰非此心此理之呈露求事事物物之理孰非所以明此心之理而惡謂之外也故程子謂觀物察己不必見物而反求諸己物我一理纔明彼既曉此而朱子亦曰吾之學非不求之內而求之外蓋聖人設教使人默識此心之靈而端莊靜一以為窮理之本使人知有衆理之妙而學問思辨以致盡心之功巨細相涵動靜交

敬言堂 卷一

六

養無內外精粗之擇也必以為淺近而欲藏形匿影別為幽深恍惚艱難阻絕之論使學者莽然措心於言語文字之外則佛氏之誑淫邪遁耳是言也所以預為後世憂者深矣哉所謂窮理非窮汎濫無用之理也亦窮身心之理而已所謂先知後行非盡知之而後行之也方格物亦方誠意方誠意亦方格物而已今痛俗學之敝而必謂理在於心不在事物知行合一初無後先不幾矯之太過乎蓋程子之門已有樂持

敬之要而厭觀理之繁者矣朱子辨甚力然則易簡之說豈待今日而始有哉故今之儒若羅欽順王廷相黃佐陳建諸人咸立一家言譏王未徹心性之旨詆以為禪然王自謂非禪禪之虛無無用而良知之虛無即太虛之虛無日月風雷山川民物皆太虛之發用故非禪也顧王非禪而學者不能不疑于禪於是乎有玩景相弄精魂者矣不可謂內聖之體於是乎有信心獨往不顧天下之是非者矣不可謂外王之用

敬言堂 卷一

二

蓋素無窮理之功以至于此識者謂陳王復起當必易術而語諒哉夫學者患不為聖人為聖人不必出易簡之途以為便而厭窮理之勞窮理何妨於為聖哉務內而遺外守本而棄末即狂如曾點而不知所裁見大如漆雕開而患於未信若道可以損入聖人何愛而不為學者言惟道不可以損入而序不可以不循則胡可因己之厭勞而并疑前人設教之為非也然王之所以可祀何也格致異而誠正同也所謂致良

知者蓋持孟氏擴克良心之義陸氏先立乎大  
之旨指切人心妙應之機以為學者求端用力  
之地意既易感悟而加以機員語捷善于作人  
發揮誠正之要殆無遺蘊真可以愧俗學而歸  
聖途為人光明直截所向無前必行所學以致  
于事功之間一無底闕使儒者釋迂濶之譏可  
謂聖林之雋豪吾黨之賢達無論近世所難前  
古亦罕其儼矣故可祀也愚衷過計直恐學者  
不察朱子之學又不察王氏所以抵牾朱子之  
心而拘於見聞謂朝廷且尊尚王氏輕鄙程朱  
之說妄捐窮理之事既失于朱又失於王為孔  
門岐路 祖宗表章朱學以為制科之意亦從  
此晦不敢不為之慮竊見祭酒張位議祀二臣  
而併請祀胡居仁洗馬陳于陞議祀二臣而併  
請祀居仁及蔡清蓋居仁清皆遠宗程朱平正  
通達居仁雖無著述而履繩蹈矩不減薛瑄清  
持躬約已動準古人所著書盡發朱子未發之  
旨為學者指南取此濟彼如參苓佐五石之義

敬事草 卷一

八

亦猶臣之意也臣何人斯敢為大儒折衷竊意  
學之道宜以程朱為正而又惜陳王一代鴻儒  
不宜泯泯伏願 勅下禮部再加斟酌以王守  
仁陳獻章及胡居仁蔡清一併從祀明詔天下  
無以二臣廢朱學則聖朝之所以尊禮儒先與  
學者之所以講明道術並行而不悖矣其陳真  
晟羅倫章懋黃仲昭吳與弼鄒守益王艮雖皆  
聖世儒先然念宋儒如游酢呂大臨謝良佐羅  
從彥李侗胡宏之倫視今之儒猶當過之而未  
能盡知之已難矣知而以言暢之又難以人重  
之則又難臣愚寡昧無識不足以中肯綮而慰  
當世惟不敢枉其所知故直抒心腹以備採擇  
奉

敬事草 卷一

九

聖旨禮部便看了來說

乞假省親疏

奏為比例陳情懇乞 聖慈俯容辭任給假省親事臣聞古有格言求忠臣于孝子之門臣不肖謬蒙任使拔置講幄復預銓次開陳之道罔聞程衡之功又闕頃茲大計分甘黜幽而過蒙貸留以責後效臣雖至愚豈不感激顧寸忠未效而天倫已虧身蹈不可贖之罪亦無用此不肖臣矣輒敢披瀝血誠于丹陛之前臣少多疾病撫養最艱家本貧賤拮据就學曾未幾何而

敬事堂

卷一

十一

臣母先逝號天擲地不可復見自萬曆六年臣奉欽召再補講官至今則臣違臣父膝下已歷十年而臣父八十有五風燭之期既不可測陰陽之患亦復時有日夜馳思瞻望莫及雖魂夢之間亦抱頭捧手哽咽而不已也去年臣欲請告緣京察在邇義當待罪今計事已畢偶蒙見容臣之前心若坐針氈無論臣之思父臣父思臣尤甚于臣數月之間四遣家人來促頃又遣親姪來切絮之言不足為 皇上陳說大抵老

年情景思得聚首一語以慰餘日耳京官見例六年歸省而臣到京十年於例已過臣父八十五歲喜懼交并之意莫有甚於臣者臣不及養毋思及養父如戶部左侍郎王之垣禮科都給事中王三餘皆蒙恩歸省則又臣可以陳情之日臣又查得見行事例凡給假省親者皆作缺間有一二不作缺令依限前來供職以私請而廢公事大非臣子所安况臣職專講讀兼佐銓務皆不可一日懸缺者伏望 俯鑒臣悃容臣

敬事堂

卷一

十一

辭解前職給假歸省少寬鰥曠之誅臣父聞臣歸必頂戴 聖恩歡忭踴躍蒸為和氣以續餘齡自今多一年皆 皇上所賜之年而臣鄉里及經過之處又因知 聖朝崇孝悌倫不忍絕人父子之意亦厚風俗隆治化之一事非特遂臣之私而已也無任結軫跼踖瞻睇待命之至奉

聖旨沈一貫日侍講讀效勞年久准給假省親馳驛去賜路費銀二十兩紵絲二表裏還依限前來

供職吏部知道

敬事草 卷一

辭免起官教庶吉士疏

奏為苦情難割劇病難痊懇乞 聖慈容辭新  
命以畢子道以延餘生事八月十六日臣接邸  
報該內閣為作養人才事推臣教習庶吉士馳  
驛前來供職奉 聖旨是吏部知道臣聞 命  
惕驚不知所以糞土餘息何蒙記存斯蓋閣臣  
謂臣尚備詞林之數而過舉之 皇上嘗見臣  
供事講讀而過聽之也狗馬無知亦能戀主臣  
猶人也能無涕零但臣父衰年日索而臣亦病

敬事草

卷一

十三

患日增有不能發跬步者敢披控于丹陛之前  
臣自萬曆十五年給假省親因感濕熱蘊蒸歟  
嚏之疾於是從前舊病一時盡發又因奉命赴  
京與臣父別悲慘萬狀病益加深所以屢疏陳  
情請假調理伏蒙 聖恩允臣回籍如涸魚之  
始得水也稍有生氣焉今父子相守者纔一歲  
所而此一歲中半在牀第可強而任洗沐攝衣  
冠者不能數日今六月間臣父病脾不食秋來  
滯下彌劇諸醫視藥無可入劑蓋臣父今年八

十七矣攻其標則元氣益虧治其本則見症難去難得兩無所傷而穩收其效者用之臣心益憂臣體益憊因患寒熱嘔瀉瘡痢等証方寸既亂諸疾屢更腑臟皆虧群醫袖手一溢米一勺水盡成仇敵第疑無醫不庸無方不假祇有望空默禱以祈天幸而已臣父子正危計無所出而召命俄至彌益倉皇臣竊思之臣出身而事主謂有身耳今臣之身不可強如此臣移孝而為忠謂有孝耳今臣之事親不盡分又如此若

敬事章 卷一

十四

不自諒而違親事君恐臣父感念生離卒增他變臣亦晨思夕戀竟無痊期則父子皆斃之道也即偶不死而一行絕裾不孝之罪上通天地亦何面目于人間而為諸俊髦師豈不辱明時污玉堂乎伏望 皇上哀憐臣心別選賢才以充教習臣獲免任使之日即臣父子更生之日亦臣可以為人臣為人子之日延結德音若枯望雨孝治之朝必蒙 矜允臨䟽哀泣不知所

云 萬曆十七年十月初六日 通政司進初八日奉

聖旨沈一貫學行素優簡命教習著遵旨上緊前來供職不准辭吏部知道

敬事章 卷一

十五

乞父祭葬疏

奏為比例陳情懇乞 天恩俯賜卹典以廣孝  
治事臣猥以庸愚謬叨任使侍講幃者二十餘  
載又蒙 皇上念臣父子情深許假省親憐臣  
狗馬病甚准就調理因得遂菽水之歡修藥餌  
之事秋毫皆 皇上賜也今年十月十六日不  
幸臣父封通議大夫太子賓客吏部左侍郎兼  
翰林院侍讀學士沈仁佶病故臣竊自揆無萬  
一分補于明時而前後恩數至優至渥豈敢復

敬事草

卷一

十六

有陳乞顧復維念國家所以體恤臣下之父母  
者載在令甲蓋教天下以孝而人臣不嫌于自  
請者也會典一款凡兩京三品文官父母曾受  
本等封者照例祭葬又一款凡文官以侍從等  
項應沾卹典者臨時禮部具由取自上裁又一  
款凡二品三品文臣曾經賜葬者若妻先故已  
封照例祭葬臣于萬曆四年以編修丁母憂因  
預講筵蒙特賜臣母祭一壇今臣父已封三品  
臣母洪氏贈淑人似于前例允合及查萬曆十

八年原任禮部右侍郎兼翰林院侍讀學士張  
位乞母祭葬欽奉准給并賜伊父同祭葬臣比  
張位事體亦同輒敢披瀝血誠援比上請倘蒙  
皇上俯准臣奏勅下禮部覆賜臣父沈仁佶祭  
葬并賜臣母贈淑人洪氏並祭合葬庶九幽枯  
骨猶被日月之光而萬死遺孤尚圖環草之報  
萬曆十九年十二月  
十八日禮部覆奉  
聖旨准照例並祭仍給全葬二十五日工部覆給  
銀三百兩自行造葬奉

敬事草

卷一

十六

聖旨是

辭起南京禮部尚書疏

奏為病厄餘生誤叨新命懇乞 天慈俯容辭免以安愚分事萬曆二十二年二月二十七日接吏部咨該本部題為缺官事奉 聖旨沈一貫起南京禮部尚書欽此寵命及門鄉閭動色而臣心自省若臨淵冰驚悸交仍莫知攸處伏念臣一介草茅粗通章句幸際 聖明之世叨居侍從之班洊歷清華至叅銓政請省親則許請養病則許比為父請祭葬則又許 皇上之

敬事草

卷一

十八

恩充于天地而臣之報訕于秋毫有慚幽獨有媿神明而不能擇也豈謂甫及禫除輒蒙清記亟俞在廷之請有此不次之擢臣非木石豈不知榮獨念臣學術迂踈行能中下於講筵無啟沃之效於部事無贊襄之功向所以屢疏陳情而退就親闈者不獨終烏鳥之私亦逃尸曠之罰也加以賦質綿薄多病侵尋居常優游尚不自支至于幽憂以來精耗神索所存者皮骨耳而以此居官任職不度德不量力顛仆可待矣

我國家稽古建官六卿為之長名位甚峻而兩京並設雖有劇易之異係于瞻望則同在宗伯典司三禮叶和神人必文學優長夙夜寅清者方稱必颺歷多年老成諳練者方稱如臣才識於在廷既無能役而前為侍郎通禮吏二部歷俸二十九月未滿三載一旦踰躐臣心知不可雖欲冒昧人其謂何伏望亟收成命容臣以原職在籍養病歲時率父老呼嵩祝壽勸輸奉公受賜實多感恩實多無餘望矣萬曆二十二年四月十二日通

敬事草

卷一

十九

政司上十日奏

聖旨卿學行素優國史重典方資裁定已有新命宜上緊前來供職不准辭吏部知道

辭改禮部尚書兼學士總裁國史疏

奏為恩重難勝分踰宜止瀝懇 聖明俯容辭  
免新命事臣在籍服闋蒙起南京禮部尚書上  
疏懇辭因途遠未及到京隨蒙 聖恩改禮部  
尚書兼翰林院學士協理詹事府事充國史副  
總裁臣前疏上聞奉

聖旨卿學行素優國史重典方資裁定已有新命  
宜上緊前來供職不准辭吏部知道欽此欽遵  
到臣臣不勝惶恐不勝戰慄伏念臣學淺行涼

敬事草

卷一

二一

無所比數自知甚審而過蒙 聖獎益增跼蹐  
先奉典禮陪京之命已甚踰溢又何敢濫新命  
辱朝廷哉世必有踰恒之人而後堪踰恒之任  
北斗之司宗伯之任無以正史大事屬之裁定  
萬世將徵信焉非才學識三長烏稱其選苟忘  
其拙而妄引為任已之不亮何望其論著評隲  
之審乎臣本庸迂初無實學徒以筆札剽獵濫  
竽詞林雖嘗預修兩朝實錄副裁大明會典或  
分任一曹或受成前輩即有謬誤而討潤有人

為職猶易為責猶薄且臣此時意力猶勇用勤

補拙所謂跬步不休跛鱉可遠者也今力因歲

索學以年衰舊聞尚荒新知彌寡縱令優游閒

局時陪議論之末猶懼不勝而以正史見畀不

勝明甚伏望 皇上諒臣愚誠非假收回成命

容臣仍養病原籍則臣免鰥曠之誅而國家亦

無誤用之失誓當夏秋輸公以供軍國之費歲

時讀法以為閭里之倡臣之分也不敢諉也

二十二年七月初三日奉  
通政司上初三日奉

敬事草

卷一

三一

聖旨卿以碩望新膺簡命政本重地方資贊襄宜  
上緊前來副朕咨求之意覽奏知道了該部知道



辭入閣疏

原任太子賓客吏部左侍郎兼翰林院侍讀學士陸禮部尚書兼翰林院學士今行取臣沈一貫謹奏為披瀝悃誠辭免殊常恩命以重政本以安愚分事臣養病守制服闋在籍今年正月十一日伏蒙 聖恩起南京禮部尚書四月十七日改禮部尚書兼翰林院學士協理詹事府事克正史副總裁起家再遷大溢涯分方具疏辭免續接邸報節奉 聖旨沈一貫著兼東閣

故事並

卷一

二十三

大學士在內閣與同王錫爵等辦事欽此欽遵到臣殊恩渥加道路駭視實難冒處翽縷上陳竊念臣性資偏陋才術迂踈偶以書生章句之學誤蒙 先帝作養官之詞林繼蒙 皇上簡拔置之講幄由此侍燕閒承恩賚者十有餘年謹奉責難陳善之訓夙夜兢兢而學無本源不過牽綴往說復習舊聞曾微解頤之功豈有沃心之益其間周歷坊局詹翰等衙門左右吏禮二部典司教習纂裁之事禮樂銓衡之司又皆

故事並

卷一

二十三

碌碌因人悠悠寄坐靡所建豎有忝生平每謂朝廷若綜覈名實大獎群僚如臣不才所宜首黜雖天幸不至斥逐豈可不自揣度早引避乎故當丁亥京察既竣之時乞身省侍蓋自附于量力之義耳五載庭闈三年苦塊祇祈耕田鑿井歌誦太平以苟延其多病之軀無他望矣不謂甫及禫除再叨起召拔于稠衆人中微于數千里外而寄以輔弼極重之任孤踪去國久違日月之光野性宜山永絕風雲之想未審何自而辱記存豈非 聖心至厚不忘簪履之遺聖學日新猶念旃幃之舊故雖踈迹被此隆施天地高厚豈足喻深恩父母顧復豈堪比知遇臣不勝感激至于涕零然亦不勝震駭至于股栗矣恩愈大則報愈艱榮愈加則憂愈厚他官不稱妨廢有數如閣臣之職看詳題奏評駁文章參預機宜典司政本仰贊 聖德俯儀百僚寄國安危為時輕重臣居常旁觀為人難之豈今謀及敢以為易耶史事尚憂難舉不敢苟承

此天下第一難舉之職宜用天下第一殊流人  
臣何人斯而敢冒此夫形之所拘雖尺寸不可  
展力之所局雖銖兩不能加使駑駕車駑固憊  
傷車亦凌震自知不稱而受之以至僨事者誤  
也知其不稱而使之以至失人者亦誤也事惟  
求當反汗何嫌伏願收回成命容照舊在籍養  
病別遴大賢以充斯選則美錦不壞于學製之  
人良璞不傷于拙工之手於臣則容貸之仁優  
于甄收掩其素短全其晚節恩更萬也萬曆二十二年

敬事草 卷一

二四

七月十三日差義男沈安  
投通政司上十五日奉

聖旨卿性行端恪學識淵醇政本重地特茲簡任  
宜上緊赴召殫竭忠猷以贊化理不允辭吏部知  
道

論倭貢市不可許疏草成將上得罷  
封貢之命而止

奏為倭奴貢市萬不可許懇乞 聖明酌審中  
國安危大幾奮乾斷以消隱禍事臣聞宋臣范  
仲淹守制時不忘朝廷屢上封事臣雖非其人  
而頃承召命頗辱記存又事關柔梓而為國家  
安危大幾所係欲默不忍輒此疏聞頃者經略  
顧養謙力主倭奴封貢一一當許且欲就寧波  
開市以贖其欲臣鄉老幼聞此如兵在頸失色  
相吊以為今日何為開此一大釁也臣請言倭  
奴始末以明其不可謹按史乘所載自有中國  
即有倭奴豈無侵犯不過如蚊蚋之着體驅之  
已矣獨自嘉靖壬子來蹂躪我浙直山東以至  
福建廣東沿海萬里直入腹裡淮揚徽太杭嘉  
金衢之間至窺南京裂國家幅幘之半而焚掠  
之所在為墟於是用兵以百萬計費金錢不計  
其數殺人如麻棄財若泥幸以 祖宗在天之  
靈自壬子至庚午二十年之力僅而除之此可  
謂宇宙以來所無之變矣致此者何則以自古

敬事草 卷一

三五

倭奴無貢亦不過數十年偶一來不知吾土  
虛實所以禍少自永樂來有貢輒數來則限  
以十年一貢又不遵約或數年一來涉吾土若  
故鄉識吾人如親舊收吾寶物諸貨如取諸寄  
尤嗜古今圖籍凡山川之險易甲兵之朽利人  
性之剛柔國紀之張弛無不熟知而吾民之頑  
黷者利其賄負其債反為之用嘉靖中兩以非  
期拒還因泊海島經歲奸闖出入益生心焉是  
時謀國者昧大計以為貢可以示廣大明得意  
敬事草 卷一 二十六  
其悠悠小民又不恤遠以為貢可以利金錢得  
異物雖倭之始貢豈遽有他心而勢之所漸不  
禍不止其病中人如蝨蠶之食心而不覺此見  
事也言之使人於邑今復可以議貢市乎貢市  
一成臣恐數十年後無寧波矣無寧波國家得  
恣然而已乎何也貢市成則吾之于倭當客之  
也苟吾方客之而彼實以盜自為吾推心以置  
其腹彼剽刃以嚮吾腹于斯時也不防則有患  
防之則示以疑將防之乎不防乎喪亂以來上

下講求沿海數千里兵者四十年矣士氣始奮  
民生始安貢市成則此兵直當撤去將撤乎不  
撤乎又豈將增兵以衛貢市乎海上之兵非有  
他防獨防倭也而今既客之矣客之則不當防  
防之則不當客防之不已則客之不誠是召亂  
也大抵防之是正理客之是權術權術不可久  
正理不可廢如養謙計則治天下獨特一禮部  
足矣安所恃兵部哉殺倭之術于陸難于海易  
故須出海遠哨而扼之于門戶之間雖失無大  
敬事草 卷一 二十七  
患衆寡相當即勝之矣一登陸則彼跳梁咆哮  
之勢非我兵所及即吾之衆不能敵彼之寡也  
貢市成彼儻以選兵數百來出吾不意則吾數  
萬兵皆失勢披靡無用又况彼戰于死地吾戰  
于生地勝敗之勢懸可知矣嚮也吾民與倭通  
勾倭為亂四十年来民與倭絕亂本始拔貢市  
成則民復與倭合寧獨倭也王直徐海之流草  
莽之戎且伏危矣危矣從此言之臣所謂數十  
年後無寧波猶遠言之也恐不待數十年之久

也夫天下事有履其地而始決者有不待履其地而可決者若貢市之不可許此不待詰闕白之情履朝鮮之境而昭然具見者也闕白之求貢市何不于朝鮮而于寧波朝鮮無可欲而寧波有可欲也闕白得其欲則寧波失其欲矣一寧波何足惜端恐移之社稷耳夫朝鮮雖屬國外臣也寧波雖裔郡王土也為救外臣之危而危王土以從事養其一指失其肩背而不知知者不為也我國家如金甌無一傷缺當念之矣

敬事草

卷一

二十八

當念之矣今倭止在朝鮮境上我師又大得氣而輒為所恐欲俛首以貢市啗之假令倭破殘我江南蕩搖我沿海折將損兵不能支如異日事養謙又當以何策啗倭也養謙亦可謂畏倭如虎矣畏倭如虎正當格之于境外不當延之于閩內曾不是思而聽一浮浪沈惟敬之言以敗國事素負安在養謙又可謂愚矣夫此事易決而廟堂亦非乏人然而久未聞詔止之命意者朝廷將畢群議以服衆心乎今臣不敢隱其

議以為萬萬無許理即怒倭之心不過勞海上師一戰耳而國家業待之久矣洪武間無歲無倭患無歲不與倭戰高皇帝之待倭亦止此矣况今海上法彌密兵彌練將士日索倭而奏功何憂其來若放析就緒毀壞成策而倒持太阿以予狡夷啟無窮患愚人知其不可也伏望皇上勅下兵部并詔當事者毋以小畏致大憂毋以私諾誤公計毋苟且圖今歲之安而忘明年之危務莫宗社于磐石之安處置得宜而四夷自服矣臣無任瞻望之至

敬事草

卷一

二十九

敬事草卷二目錄

到任疏 以下皆內閣

兵部考選軍政降謫科道部屬等官并追崇

請補吏部堂贓物申救揭帖

救科道部屬等官疏

乾清宮災自陳疏

催行取及補科道官揭帖

乞免差科臣封日本揭帖

救御史曹學程揭帖

敬事草 卷二目錄

請許套虜求款揭帖

妻亡乞假疏

妻亡加恩謝疏

請補吏部堂屬疏

經理朝鮮疏

救本兵揭帖

皇長子冠婚揭帖

慶沈惟敬揭帖

止尹英請沒官鹽引揭帖

言兵事揭帖

三殿災揭帖

條列修省事宜揭帖

言礦店揭帖

催發戒諭詔赦揭帖

三殿災自陳疏

停史館揭帖

再自陳疏

請設天津登萊巡撫疏

敬事草 卷二目錄

救樞臣及首揆揭帖

言禦倭總兵揭帖

敬事草卷二

柱國少傅兼太子太傅吏部尚書中極殿大學士臣沈一貫

到任疏

禮部尚書無東閣大學士臣沈一貫謹奏為感激隆恩恭陳謝悃事臣於本月初六日見朝初九日恭候面恩適遇免朝隨該內閣照例題請到任奉

聖旨是著即入閣辦事欽此謹于十一日午門前謝恩即到任辦事訖伏念臣本無學術幸有遭

敬事草

卷二

逢拔侍經幃日荷光華之盼聽歸子舍時承駢渥之恩方慙頂踵之無酬更荷腹心之見寄播明廷而渙號馳節使以趨行若此隆施真踰愚分將圖報稱敢不拜承恭惟 皇上躬乾至剛御豐永曆四方多事獨厓淵緜展轉之恩衆正彙征未覩明良喜起之効固臣子分憂分事任怨任勞之日也望主張于上容臣等宣効于下合精神意氣之交以通隔礙布公平正大之體以定紛披以深思遠慮請諸邊以廣愛深慈安

百姓庶竭區區之願以酬眷眷之懷若為身名之私莫逃天日之鑒萬曆二十二年十一月十一日上

敬事草

卷二

二

兵部考選軍政降謫科道部屬等官并追崇  
信伯寄匿贓物申救揭帖

四臣題本月十一日臣等在閣辦事該文書房  
官潘朝用發下兵部遵例拾遺本

聖旨昨覽兵部考選斥留中錦衣一衛內如何以  
副千戶未行題奏輒署四品之職該部附結市  
恩泛濫授予爾該科通若不聞職守何在好生  
尸位曠官吳文梓等與該司官韓范都降雜職  
劉仕瞻曾偉芳着降三級都調極邊方用不許  
啟事草 卷二 三

朦朧催陞昨區大倫張同德二畜以有君命的  
故屢行瀆擾似如此欺罔擅冒的並無一言况  
前者俞价強思頻章以指實之事叅劾黨附結  
納至于該部司官趨媚假官的亦無一言公而  
忘私何在區大倫張同德俞价強思也着降三  
級調外任用且兵部近來詐冒賄買之官屢經  
東廠獲奏尚無憚慎堂上官姑各罰俸二個月  
着策勵供職該部知道欽此又該刑部接出  
聖諭今日覽科道會叅武職本內劾崇信伯費

甲金隱匿逆犯客用家財好生欺君玩法着革  
了任間住仍革去祿米三分之一爾該部還嚴  
追所寄贓物解收其原奉 旨官王坤覺大義  
提問擬罪來說宋金着革了職為民王之楨等  
姑降一級照舊策勵供職東廠及該衛東西兩  
司房陸綵及五所掌印官都革了職為民與宋  
金俱永不許敘用該部知道欽此一日之內兩  
奉 嚴綸雷霆之威震懾遐邇大小內外衙門  
官員罰黜過多臣等不勝驚駭竊惟兵部考察

啟事草 卷二 四  
官員容或一時議擬未精無以仰當 聖心自  
干譴罰臣等豈敢為之代辨但念五年考選係  
國家重大之典而品流猥雜無如武弁一途今  
年賴尚書石星殫精竭慮幸而竣事矣乃蒙  
嚴旨詰責似於體貌大臣稍有未盡且星素抱  
忠蓋秉公持正何至于負特知而區區市恩濫  
予于下乎惟望 聖明俯加體亮俾星得以釋  
恐懼之懷而專報稱之圖至于該部屬官該科  
長貳官及科道區大倫張同德俞价強思等官

祇因一事牽連遂致相尋降罰在諸臣固宜自咎而責之太深處之太過似于政體亦為未妥臣等不敢不言蓋毀譽之言類多增飾輦轂之下尤易風波往者每遇大察則被考官員或以見黜不甘或以求用不遂往往挾逞私忿煽搆流言以無為有就實駕虛千態萬狀不可究詰崇信伯費甲金持身欠端守官不慎科道官交章拾遺豈不允稱至言匿寄逆犯許多贓物風聞之詞安可便以為據且客用一事又蒙處分

故言立

卷二

五

株連不已在 皇上固出于惡惡公心而天下望風飾說以快其私者不知其底關係風俗不小此又望 聖明照燭情偽而不待臣等之畢辭者也傳曰敬大臣則不眩體群臣則士之報禮重又曰功疑惟重罪疑惟輕臣等叨備股肱荷蒙恩遇若畏懼而不言與言之而不盡皆為負國輒敢不避煩瀆冒昧申請伏望 大弘聖度曲賜優容將兵部司官及該科道官量免降級以安尚書石星之心其費甲金寄匿事聽法

司從公問理不枉不縱以昭 聖朝明允之治則在廷諸臣將服威頌德感激踴躍以圖報效矣

萬曆二十三年十月十三日奉

聖旨已有旨了該部知道

故言立

卷二

六



救科道部屬等官疏

奏為歲紀更新懇乞 聖明乘春令解嚴網以隆泰交事臣惟天地交而後萬物生上下交而後德業成自古及今未有君獨運于上臣無應于下而能成治者也今三陽啟泰萬物咸亨雖在草木亦欣欣有發生之望而朝廷之間乃至臣下懷忠不能自達主上屯膏不能究宣若地氣欲騰而天不下降則何以成宇宙之泰乎臣備員輔弼一年于茲未敢以專疏上塵而頃者

敬事草

卷二

七

公揭未行私心難釋乘此新正之時輒冒昧以泰交一言進臣惟人君之治天下必立公卿大夫百執事之臣非為備員所以資輔理也猶人必有耳目手足而後心有所寄以為之用人必無不愛其手足耳目者人主無不愛其公卿大夫百執事之臣者愛之則信且任之矣頃因內臣之不職與軍政之失察大彰 天威屢下嚴旨責言官之緘默部臣之私徇而槩加斥降至四十三人此先朝希有之事是以縉紳掩色道

敬事草

卷三

八

卷二

路煩言受譴者未明其由旁觀者皆痛其枉豈但惜今日之政體有關抑亦慮將來之釁孽當滋彼科道諸臣身在事中既不敢自鳴其冤又不敢代人鳴冤故臣等閣臣及九卿大臣各聯名上章以申救援誠萬萬不得已之舉亦人人跂望俯從如寒谷之回春陽者也乃一無所貸人臣豈能以一言塞責臣侍講幄最久伏覩皇上嘗薄唐太宗而不為然唐太宗能受諫聽言豈以 皇上而讓太宗誠意未孚而轉移無術人臣責也今于科道非責其妄言乃責其不言但不知所謂不言者為其不能救補闕失耶為其不能探承意指耶言而不當不如不言責其不言則妄言者多適恐他日又動瀆擾之怒不若虛心而待據理而觀之為愈也夫萬幾至煩不能無失小小違錯昔人猶謹之而至于舉朝不安者必無因循之理不能無失于先而能更之于後如日月之食光明如初天下之頌聲咸作四海之瞻望如新矣伏願俯從臣等及九

卿之前請特霽恩綸將降黜科道部屬等官加以切責分別罰治許其自新如謂未盡其辜或降俸級管事以責後效則小臣既被無覆並育之仁大臣亦蒙恩禮信任之賜一舉而衆美咸

集矣

萬曆二十四年正月初九日奉

聖旨知道了已有旨了

敬事草

卷二

九

乾清宮災自陳疏

奏為因災自省佐理無狀懇乞 聖明特賜罷免以重政本事本月初九日伏遇上天示儆乾清宮災臣等屢奉 御批一則曰乃朕失德一則曰是朕之咎言言痛切無非罪己之詞蓋皇上敬天勤民之心素勤于昔而恐懼修省之意感發于今乃臣目傷殊變口誦明綸省已多慙容身無地即未加罪詎能自安伏念臣本以謏劣久遊山林遭逢特竒過蒙超置不自衡量

敬事草

卷二

十

妄意馳驅今一歲所矣 皇上圖駕漢軼唐之治道而臣無格心之功 皇上圖駕漢軼唐之治而臣無匡時之略議論迂濶而莫裨誠意微淺而罔孚以致群策廢而不收輿情湮而不達天工多曠天意多違頃歲以來諸青疊見天鼓鳴火光動旱乾水溢之虞相仍于奏牘至于禁籞之內地震有聲今春風霾四塞歲星逆走太陰朝蝕而鬱攸之厲遂告謹于寢宮矣此百年所無之大變也變不虛生天當實應而樞機之人

乃有不職如臣者安所逃罪哉蓋內閣為輔理之官今之政府而臣愚備四輔之數義均股肱彼四體之內而有一痿痺則持行為病乃四輔之內而有一不肖何疏附之能下不當于人心上不容于天理策免之令竄謫之科是宜交集臣不敢逃伏望亟圖新政大奮乾綱法行自近庶幾政本肅清天工人代而嘉祥善應咨于梓鼓矣謹具奏聞

萬曆三十四年三月十三日奉

聖旨天心示儆朕兢惕方切卿當分猷共念亟圖修弭實政豈可因此求去宜即出供職用副眷倚不允所辭吏部知道

催行取及補科道官揭帖

臣陳于陛沈一貫題昨日臣等出閣到朝房接見吏部左侍郎孫繼臯都察院左副都御史衷貞吉左副都御史張養蒙皆言科道缺人未有如今日者行取一事不容再緩六科中見在止有掌科一人署印五人此外守科僅有四人十三道中並無一人掌印只得借巡視京營御史一人暫帶其外止有巡視光祿一人巡視五城三人夫以科道緊要兩衙門而見在止有此數人空虛之極一至于此綱紀豈有不廢弛乎往時科道滿朝尚不能無奸回汙暴背公行私竊權亂政之輩寥寥如此作奸犯科何顧忌而禁戢也今行取命下尚慮其晚蓋奉旨之後猶當查發訪單行文徵取不五六月不得考選考選之後御史試職三月方得實授欲得其力尚須展轉一年臣等竊以為行取之旨不當一日遲也先詠部院慮臺省乏人查有告假起復者催取前來乃數日前給事中羅棟御史馮應鳳趙

標到部題補原職又未發下夫來而不補則人益不來而官益少矣原任都給事中邵庶待補踰年題補禮科未下起用劉為楫等數員亦未賜允夫人臣之義貴于趨事急公奉職守法不許其偃蹇久卧於家今不收錄恐漸啟避事自便之端而不以尊主趨朝為急竊謂此數臣亦宜俯從補用吏部又言科道缺不補則中書行人推官知縣等缺不出而選法益礙職掌所關不容不請伏願留神覽察一聽納間而所以弘

敬事草

卷二

一三

敷德意明肅紀綱收錄人才修舉政事諸美皆在矣臣等不勝惓惓

萬曆二十四年四月十六日上

乞免差科臣封日本揭帖

臣趙陳沈題昨日臣等接得兵部揭帖內言差科臣往封日本于計未便乞改遣楊方亨為正使沈惟敬為副使又石星偶患痰症戰守事宜乞改命左右侍郎會議等因除改命會議似應允許其改遣使臣一節未敢擅便臣等看得舊例冊封遣使必用正副二員蓋慮正使儻有事故則副使可以代攝是副使者本所以為正使不虞之備也今李宗城既已出營而楊方亨尚

敬事草

卷二

十四

在彼處以副代正於理為宜况今倭情傳聞紛紜實難預料若尚屬恭順則一楊方亨與沈惟敬亦足完事若真有變動則前此正使輕出已失觀望萬一今次差去更有遲延國體所傷益多故臣等以為兵部之議似宜允從就令二人在彼充使於事為便伏乞特弘轉圜將兵部本裁定批發臣等幸甚

萬曆二十四年五月初一日上

救御史曹學程揭帖

方今朝事闕失不少臣不敢一一固諍蓋謂得失參半之間也若曹學程之獄則大傷國體大累聖德臣不敢不言 皇上罪學程豈非以其妄言耶學程誠妄言但自古雖堯舜之世不無妄言之人今一妄言而罪之至斬此自古所無非盛世所宜有 皇上臨御之初豈無妄言之人止于不用而已自數年來或罰或降或黜或戍亦已甚矣又可坐之以殺乎古語云木從繩

故事草

卷二

十五

則正后從諫則聖又云興王賞諫臣殺諫臣未有不亡其國明訓如此可不惕然令中外人心切切惶惶願一轉移無非忠愛誠懇之意也臣等于學程何私而敢為彼請命哉惟略其過失曲加原赦非一御史之幸乃國家之幸

請許套虜求款揭帖

題前月二十八日臣志臯臣于陞皆因病註籍臣位偶感風寒暫回私寓調理獨臣直閣該文書官史賓發兵部覆議虜求款一本臣即恭擬票進至今未蒙批發蓋邊機重大也但臣擬票之意亦不敢輕茲敬一一披陳之臣惟本朝天下原取之虜虜之怨心無日無之嘉靖間虜萬騎至都下九門戒嚴三日始去終嘉靖之世無一歲無虜患 世廟為之終夜遶床不能安寢

故事草

卷二

十六

畧八

隆慶間天幸俺答以愛孫來投之故邊臣處之有策貢款之約遂成至今近三十年而三易虜王恪遵前誓烽燧少警邊民得生此國家莫大之利也止因邇年朝議相攻好立異說故有罷款主戰之論乃今邊臣雖竭蹶從事時有斬獲然軍士之損傷者不知幾何馬匹之耗亡者芻餉之糜費者不知幾何沿邊男婦之殺傷者產業之荒蕪者又不知幾何以國家之兵計財計言可為寒心以邊方之生靈性命言可為痛哭

若于此時尚執前說而以必戰為快臣謂此失計之大也今將士奮力搗巢虜情亦加畏懼乞款之情必出真實况虜王為之請于宣大軍門者已及一年其為可信無疑不乘此時許之更待何時夫此一款者若有損于國威則不宜許今虜王為之代求諸虜久已貢馬則國威可謂尊矣若有費于錢糧則不宜許今款賞之費不過戰守十分之一簡少易供錢糧又甚省矣如此而不許坐失機會最為可惜自用兵以來邊

故言立

卷二

十二

臣之受陞廕賞賚者甚多宜其戀戰誣款而督撫李文劉葵等乃諄諄亦為請款此必備見邊方殘破兵事甚危而勝敗之難定故耳今兵部所擬與臣之所票亦非罷戰但許其一年恭順則一年與款若不恭順即便決戰雖云許之而未嘗盡許令虜人常懷不敢敗盟之意令邊臣常懷不敢恃款之心虜如守款雖百年可款如不可款即時決戰張弛在時不膠一定予奪由我不制于虜宜若可行伏望將前本批發庶令

邊臣有所遵守而疆圉之計可安臣又惟今日國儲極虛今日民力極竭連年用兵皆係額外加費不係正供區區之愚欲戶兵二部將陝西各邊及東方倭事歷年用過錢糧總計簡明數目查實進覽使所司知節用之意使百姓知愛憫之仁輒擬諭帖一道上進伏惟聖明採擇

敬言草

卷二

八

妻亡乞假疏

奏為乞恩給假治喪并冒昧循例請卹事本年正月初三日臣妻張氏不幸在寓病故竊念張氏係臣結髮妻室備歷糟糠相聚多年迺今淪沒不勝悲痛所有後事須臣料理臣于此時即欲具奏請假緣元旦元宵令節本係恩賜假期不敢瀆干 至尊之前權宜在寓未遑進閣茲亦不隱但今含歛雖畢尚欲發付臣子輿櫬還鄉瑣屑多端有宜擘畫懇乞 俯諒臣不得已

欽定四庫全書

卷二

二七

之情特准寬假以便發喪臣再思臣妻曾蒙

聖恩封為孺人安人淋人舊年進封夫人閨閣瑣流四叨綸命而恩卹有條載在會典如前輔臣余有丁今輔臣張位皆因妻亡喪歸蒙賜祭葬朝廷彝章第假一命之榮以畢纍裡之掩臣夫婦之倫無復遺憾况數千里回籍涉歷江湖非得人夫船隻不可行行儻蒙 天慈垂憫

勅下該部查照前例恭候 聖裁

萬曆二十五年正月奉

聖旨卿妻亡逝朕心憫惻准暫給假治喪特賜齋

糧三十石麻布五十疋以示優眷照例與祭差官造葬還加祭一壇仍給夫船應付回籍該部知道

欽定四庫全書

卷二

二七

妻亡加恩謝疏

奏為感激殊恩恭陳謝悃事臣頃因妻故乞假治喪并請卹典奉有

俞旨隨蒙欽遣文書官盧受齋到銀五十兩紵絲四表裡新鈔一萬貫齋糧三十石麻布五十疋臣謹於私寓焚香叩頭祇領訖切念臣仰受隆施未申寸報遠邁亡妻之戚因祈暫告之恩何幸天心俯從人願許輟絲綸之直俾伸哀經之情復履憫惻于宸衷申錫駢闐于望外精粲

敬事草

卷二

二十一

分珍于禁廩縷麻出篚于尚方重楮精鏤寶氣蔚其揚采長縑紉裏天機燦若呈章馳中使以傳宣即私居而賻慰更詠典故超霈殊恩芬芳已鬯于焜蒿載益加籩之賜封樹既仁乎枯朽尤勤命使之行且憐歸路之遙特給傳符而去竊念臣妻以裙布荆釵之賤糟糠井臼之微生累拜乎榮封溢踰已甚沒侈叨乎異數銜結何言信 聖主之軫念臣私同慈親之過憐愛子居災猶福被寵為驚感激難名涕洟俱下儻未

盡之年稍賒于同穴則匪躬之志誓竭于糜埃臣無任仰荷感戴之至除見朝時另行廷謝外為此謹具本恭陳謝悃以聞奉

聖旨覽卿奏朕知道了禮部知道

敬事草

卷二

二十二



請補吏部堂屬疏

奏為敬陳政體緊關要務乞 賜乾斷以光  
聖治事前者吏部尚書員闕已經奉 旨再推  
近日侍郎孫繼臯被論已經屢票恭進臣等又  
具揭屢請未蒙 批發竊惟人之可用可舍當  
去當留簡在 聖心總候獨斷臣等即不敢妄  
預惟是官不可闕乃政體所關治忽攸判此群  
望之所最迫者臣等何敢不言蓋 朝廷之所  
恃以分理四方共襄庶政者全在內外大小官  
員各得其職而內外大小官員所以銓敘得宜  
黜陟有次者全在吏部有官以為之統轄也天  
下無官朝廷雖有法度不能自行於下矣吏部  
無官天下雖有人才不能獨用於時矣故用人  
天下第一緊要事吏部天下第一緊要官也若  
吏部官有徇私受賄不公不法與夫放肆怠惰  
不勝其任者進退之權握於朝廷何難于黜其  
不肖者而用其賢者苟因其人之不稱遂謂官  
之可虛誠所謂因噎而廢食非治天下之道矣

欽定四庫全書

卷二

十三

欽定四庫全書

卷二

十四

今吏部掌印無官四司諸務停閣昨冬十二月  
大選遂致罷廢臣等連日見候選諸人自進士  
舉人監生吏員人等數百人紛紛咨嗟號訴具  
言官有大小皆替朝廷出力而某等困守出身  
或至數十年始望一官廢棄不收情極可憫又  
有內外官員待補 闕下其人之多不下六七  
十其時之久或至一二年每來見臣叩問 明  
旨何日當下京師芻米僕賃費用不貲又責臣  
等特不肯轉聞于上耳儻聞于上 明主至仁  
至聖豈不為某等一動容體恤乎至于內外行  
取官員積俸年深致令舊者不陞新者無缺咸  
賄賄缺望之甚况臺省差遣十分缺人狐鼠豺  
狼置而不問神奸弄法大盜殺人朝廷憲法從  
此大弛是不當一留 聖念乎各處司道郡縣  
官員懸缺未補者甚多錢糧詞訟莫適主管代  
署者苟簡推諉護印者閉門高卧以致吏胥虎  
噬百姓魚爛是不當一垂念乎凡此數者總因  
吏部無官事事停廢以此極臣等今不憚煩

冒昧以請非為吏部一衙門惜實為朝廷政體  
惜也惟望俯採芻蕘速賜裁決天下幸甚

敬事草

卷二

經理朝鮮疏

奏為攄陳經理朝鮮事宜以備聖明採擇事  
竊見倭入朝鮮以來皇上廓如天之仁授之  
一封罷戰息民至恩也乃倭自絕于天復渡海  
來則廷臣交言朝鮮當救我師當出矣顧師雖  
當出而用兵方略尚宜講究昔漢臣趙充國有  
言帝王之兵以全取勝兵法言善戰者先據不  
可勝之地以示敵之可勝則所謂以全取勝也  
否則佳兵不祥易動難靜國家之力專于一隅

敬事草

卷二

脫四夷內外復有蠢然而起何以應之前者屢  
奉明旨勅朝鮮自行修備中國決無數千里  
轉餉為屬國防禦之理今朝鮮既不自強而必  
恃我以為強倭去復來知我虛實亦必念前計  
之未工加後謀之益狡非可以虛聲下偏師克  
者當作萬全之計絕僥倖之意多官所議但詳  
言設官遣將出兵處餉之事而於戰守機宜進  
止緩急尚多濶略或欲搗釜山據全慶守烏嶺  
恐有輕進玩敵之虞或欲扼旅順守鴨綠屯寬

真恐有隔遠遲誤之患臣等以為兵欲爭利當為自固之謀為自固之謀先當擇要害適中處所以立根本不拔之基使進可以戰退可以守戰則必能制勝守則必其無敗我欲戰則戰非人可迫之而戰我欲止則止非迫于人而止其峙如山其聚如淵如此始為萬全無憂之計莫若于開城平壤二處開府立鎮練兵屯田西接鴨綠旅順之師使有所望而歸依東為王京鳥嶺之援使有所恃而奮躍勢便則遣輕兵而趨

故事 卷二

十七

利與倭決勝勢不便則虎踞此處足以壓其邪心而禁其無橫逆須得實心練事才力無全者為巡撫司道而專任之聽其便宜行事中國之人欲以功名自見于萬里外者不少不問品流願從者聽就中選其才能者數十輩分署各處為之長帥即朝鮮之人雜之以漢人齊之以漢法教之以漢戰變其偷惰之風作其敵愾之氣因而務農勸織通商惠工廣樹蓄之源開山澤之利其地多銅即山鼓鑄以資軍興一年之後

本地之錢粟可以為餉本地之士民可以為兵中國之轉輸歲減一歲本地之威力歲饒一歲但資以火藥利器供其所乏而不必一一盡仰于朝廷直待夷氛悉淨然後議撤如此則賊知我之久屯不去必且景附嚮從以朝鮮防朝鮮不煩中屯而去必且景附嚮從以朝鮮防朝鮮不煩中國而藩籬可厚倭奴可驅矣中國之大無難于一倭所難者道路遠而費用多往返艱而人馬敝彼為主我為客故也今倭屯釜山數年且耕

故事 卷二

六

且戰已握勝籌吾不能然第欲以一旦之調發千里爭鋒利在速戰不利持久勝負之數恐未有歸倘因糧于朝鮮而不我繼求戰于倭奴而不我應一乘吾敝禍不可言即善能相持而軍無固志士有歸心勢亦危矣惟倭有屯畜吾亦有屯畜倭有轉輸吾亦有轉輸自寧前距開城一千四百里已據朝鮮之半益以朝鮮諸道之力乘瑕避堅可緩可急休息待時雖不速進蓋已不為退計矣况以吾之步卒加之以馬騎而

當倭之徒步以吾之兵矢益之以火器而當倭之徒兵則必勝之術始制于我開平既定得一步則進一步次第取慶尚忠清黃海等處而屯守之又如前法日逼月削倭可立盡無疑矣凡舉事必先為久計而偶值其早完則可苟先為暫計而若不如願豈不終可慮哉今談者動以滅此朝夕為言徒求快心不念危計不若從長計議設置巡撫司道帶領見調人馬先屯二處以資接濟以立根本仍明示德意不責捷於旦

敬事草 卷二

廿九

夕之間而經畫長久烏嶺以南相機進止毋得浪戰損威烏嶺以北還定安集不許尺寸有失務使事舉而國不告乏兵出而人不知勞倘朝鮮人不為吾使朝鮮財不為吾用又須更奏別議勿誤大事庶奏全功也既定此策即當通登萊入遼之海路從此轉餉以資軍興從此渡軍以講水戰使往來之人不疲于陸二鎮聯絡可以相援又可以通朝鮮之黃城島涉釜山而規對馬此為良策當急行者也言者欲轉浙直舟

師從海入遼北海風高少山嶼無棲泊所且船各有宜宜于南者不宜于北以不習之卒涉波濤之險又經萬里之遠大是危事若從內地至登萊駕登萊之舟以入遼此最便穩計登萊舟雖不能猝辦從今議造亦未為晚又今言兵者動稱南兵夫南方久不用兵所稱南兵非經戰之士盡市井少年耳虛有其名實須教習且南人風氣柔弱不耐寒苦體力之強亦不能過北人獨其攻殺擊刺之法與器械戈甲之利本為

敬事草 卷二

三十

制倭設者不可不循倣而用彼方老將猶能言之臣等以為招南兵不如求南將以南將教練與所募南兵參而用之此亦長久之計也昔趙充國欲困先零則屯金城諸葛亮再出師伐魏則屯渭濱羊祜圖吳則屯襄陽墾田八百餘頃其始至也軍無百日之糧及其季年乃有十年之積蓋以兵非嘗試之物不得已而用兵則當老成持重長算而行之今忠猷滿廷臣等亦試陳其愚雖機宜未必中而意則昔人之意不可

無采伏望 勅下兵部再加酌議施行 奉

聖旨朕念朝鮮屬國藩籬豈宜輕棄但用兵重大遠征轉餉事勢甚難心切思慮覽卿等所奏帝王之兵以全取勝使進可以戰退可以守動中機宜始為萬全無疑之計深合朕意具見忠猷為國誠可嘉尚這所奏內一應事機着該部便看議來說

故百立 卷二

三一

救本兵揭帖

題項者東封不成石星被論憂憤成疾屢疏求去未蒙 皇上乾斷中外人心輒多疑言夫人臣謀國不效固難逃罪但星本意原出忠誠惟欲省餉息兵以封了事不覺過信沈惟敬之言而至于此然二三年中亦未嘗耗糜錢糧損折兵馬但未成功不可言罪也伏想 聖心慎重蓋深鑒其為國勤勞不可泯沒優禮大臣宜全終始誠帝王盛德事凡在臣下皆當仰承但揆

故百立 卷二

三十二

今時勢星既為衆所攻一日不去則一日不已必將造設難明之言多舉不根之語以為星累則留之適以害之而後來之人又皆以星為鑒誰肯出身為國家擔當大事者臣愚以為不若早賜 恩綸令其致仕仍明諭在廷不許復行攻擊員缺乞于會催六臣中早點上緊籌畫兵機毋致悞事謹據一得密以上聞因擬諭旨一道附進 初七日 上

是時 聖意淵深于石若卷若否外廷疑

上不欲去之有為與主者在也余以為善  
去之則兵寄早有歸而國體亦無損卒之  
不然渠逃死愈切為計愈左再濡遲則朝  
鮮必失幾壞大事至下獄後愈益左矣

皇長子冠婚揭帖

題近日禮部疏請 皇長子冠婚大禮臣等查  
得 大明會典 皇子冠禮年十二至十五舉  
行婚禮以十五十六為期今 皇長子年十六  
矣揆諸典制不可更緩若不預傳端恐愆期且  
冠服儀物等項宜早造辦而民間女子待年至  
十五六者甚少選擇賢淑尤宜及時也謹擬傳  
帖上進具題以聞

萬曆二十五年

處沈惟敬揭帖

題今日文書官盧受發下工科給事中楊應文一本臣等擬票恭進復蒙發下命票出取回沈惟敬臣等竊詳惟敬原無身家根蒂但以口舌差遣謀事無成為中外所攻已入倭營必然懷疑懼罪不敢西還若持之愈急愈堅其逃命之心反將國事賣與倭奴為天朝大患臣等前票不欲指出明白正此意也伏惟 聖明鑒裁謹

具題知 萬曆二十五年

三十五

止尹英請沒官鹽引揭帖

題今日發下金吾左衛副千戶尹英等一本為澣濯丹衷捐軀報國少助大工以盡鄙忠事內稱揚州沉匿沒官鹽引請逐季挨次副搭變賣一年可得銀六萬兩進獻臣等竊惟我 朝鹽法專備邊餉國計所關莫此為重累朝之講畫諸臣之條議取盡錙銖無遺策矣大約欲其上

不虧 國下不病商則法可久行而不廢一經變動必致商賈不來國課減額蓋商人先納糧

三六

草於邊然後許其給引賣鹽後以積鹽過多掣單有限鹽日堆積而商利日微加以餘鹽新增以致正課益壅鹽法之弊今日為甚若沒官鹽引可以副搭則巡鹽御史久宜舉行不待尹英之請矣奸商惟圖自利故求越次搭單徇其所言恐壞大法大抵鹽之委曲非頃刻所能盡談商之謀利則百計必求巧中今特一面之詞豈敢遽謂可行所以前票擬下戶部看議若果可行該部必能仰體 聖心以裕國用倘事體有

碍亦望曲諒俯俞庶幾成法不廢壞邊計不虧  
損伏望 俯從仍照前票或竟寢不行

敬事草 卷二

三十七

言兵事揭帖

二臣題連日廷臣紛紛請易本兵 皇上特加  
慎重未施乾斷臣等深以不能仰分 聖憂為  
愧然竊維之則謂外廷臣之言雖公而亦不能  
無過宜 聖心遲回而未俞也蓋兵凶戰危損  
民耗國而又有勝負不測之虞往者封倭之議  
本兵力主之廷臣協贊之 皇上俯俞之本非  
失計顧以好事難成夷性叵測當時亦姑試為  
之而未嘗不疑其反覆是以每一下旨輒以羈  
縻為言而今我沿海沿邊實修戰守又每言倭  
若有變用兵未晚如此申飭不啻再三正恐其  
有今日耳設使封之而成則國家享其利生民  
受其福星之功當何如賞今一不成而言者遂  
以為大罪得無過乎 皇上之心公平如天地  
臣等固謂遲留不決之為盛德也第星亦不能  
無失焉星之失不在主封而在特封又不在特  
封而在護封惟特封護封故一切戰守之備盡  
廢而且裁抑將士使之離心隄防言者使之緘

敬事草 卷二

三十八



口致令今日之兵倉皇無所恃今日之言鼎沸不可收尚又固守前說而益彌縫之徒覬倭奴一旦不來以為安愚亦甚矣是以人皆謂星不去兵必不可用而倭必不可退此又在廷之忠謀不可因其過激而置之罔聞者也臣等虛心揆度竊謂如星者當原其心之無他而憐其事之無成賜之善去以全終始則處星之道庶得其平矣其奉 旨會催六負之內即賜點用一員促令視事庶幾軍機無誤而倭事有托也臣

敬事草 卷二

三十九

等書生本無意于用兵况逢好生之至未嘗不思將順而兵端已開欲罷不能豈敢膠執前說致貽後悔今易置本兵特目前緊要一事耳向後尚有調兵調食置官設將不知多少機宜當接續講求者惟望深維社稷之重留意安攘之術勿輕視倭奴為小醜而非梁強之賊勿遠視朝鮮為外藩而非門廷之災日夜圖所以撲滅之而後已海內幸甚

三殿災揭帖

二臣題臣等於今早五更時分竊見歸極門起火延至皇極門勢甚危急臣等當即傳示各衙門齊赴撲救欲趨問安無由也伏望 皇上保護玉體以防不虞臣等不勝惓惓之至謹具題以聞奉

聖旨朕正靜攝偶有此天變即默禱於宮中修省自責以回天意覽卿等奏具見忠愛懇切朕知道了

敬事草 卷二

四十

是日諭內閣朕在深宮靜攝今十九日寅時偶爾皇極殿等處災變實 上天警惕乃朕失德所致驚疑 聖母賴 列祖神靈庇佑朕心懼切不安卿等傳示禮部修省合行事宜謹擬來看以回天意 十九日

題臣等遙奉諭札 云欽此當即傳示禮部除行各官痛加修省外竊惟天災異常宜上下修德共圖消弭 皇上此心正祇畏天戒之心臣等與百僚恭誦無不感泣但願 皇上恒持此

心永懷敬畏上遵祖宗之成法內奉聖母之歡顏時時以愛人為實念念以勤政為常則轉災為祥之機端在於此若禮部修省事宜亦不可廢尚是彌文恐不足感動上蒼其一切寬恩致和條件容臣等與各衙門詳議具奏聖心默轉則廟社延禧臣等不勝懸望之至所須諭札尊歲閣內謹具回奏以聞

題今日火災異常三殿告燼逼近宸居臣等

躬趨寶善門伺候禁密不敢前進心懸聖躬

敬事草

卷二

四十一

不勝惶惶伏望皇上相度機宜珍重趨避所有各衙門撲救員役皆已齊集臣等身在督率惟是大內不能趨視援救人員俱不敢進臣等謹率文武百官向火叩頭祈禱又詣玄帝祠前叩禱以盡區區之誠臣志臯亦勉強扶病至午門外托臣等轉奏奉

聖旨上天示警異常朕在宮中精誠祈祐各處分布援救覽卿等再奏欲面問慰且又督率群臣員役叩禱撲救具見君臣一體交修之義朕知道

了面慰免

題今日火勢由西北至東南旋轉延燒將及內閣內閣與承運庫相連得內外諸臣竭力營救今內閣西制勅房三間二披俱被火焚內貯近年常行文書取出見存遠年稿簿在高閣封貯者因火勢緊急不及搬取其內閣中堂東誥勅房房屋及所貯書籍幸賴保全謹具題知

題今日上天仁愛火災示警臣等伏念皇

上祇承天戒兢惕不寧本欲面慰萬安緣奉前

敬事草

卷二

四十二

旨不敢固請外謹率五府六部大小九卿諸臣恭詣仁德門外行叩頭禮少盡臣子惓惓瞻依之忱謹具題知

萬曆二十五年

條列修省事宜揭帖

二臣題昨日火災初起歸極門由西北而東南頃刻煨燼臣等督率文武諸臣及兵工京營五城等員役隨處撲救登高遠望見火勢直逼宸居內外阻絕傳聞異同恨不能飛身馳衛豈勝惶切後聞燒至隆宗門幸已救熄臣等心尚未安及見遣司禮監官孫暹等出救文華殿始信聖躬萬福蓋此一災天既大燬以警悟 皇上猶遣百靈以擁護 皇上是所厚望于 皇上

四三

者不淺而 皇上之所以仰答天心者不可緩矣漢儒董仲舒有云人主失德則天必出大災異以譴告之此天心之仁愛人君也古之明主見時無儆戒則曰天豈忘我哉其祇畏天戒如此夫人主不召和而至于召災已為拂天既已召災而猶不能修德則天益厭棄而災將益重往往淪于亂亡而不可救今午門之內自朝堂直至寢宮一望遼空瓦礫滿地深可痛心在祖宗時雖間亦有災而未有宮災殿災接年疊

至如今日之大者非政治失中何以致此除臣等不職容各具疏辭免外而一念朴忠尤深有望于 皇上之轉移焉昨日恭捧 聖諭一則曰失德一則曰懼切臣等誦之泣萬行下臣等媿非救時之才今但博采內外群情鬱結不通甚者條列以聞誓不敢希名賣直欺罔聖聰且亦止是歷朝相因尋常故事而非甚高難行之舉在聖帝明王視之猶以為彌文而精誠感格之微尚有出于此外者惟望 聖慈特賜允納

故事草 卷二

四四

勅下部院覆議施行臣等又思舊歲宮災天既示之一怒矣而朝政無所改圖至有益甚不堪之事故天又增加今日之怒既再怒矣而猶不省悛則他日之禍恐有不忍言者臣等前此不能竭誠固請已屬不忠至于今日勢窮理極安敢不言以貽無窮之悔且 聖明之主可以理感輔弼之寄責在臣等不然臣等豈敢喋喋效流俗之煩瀆為哉臣等不勝涕泣懇求之至謹題請 旨 一弭災之道在引咎於已施恩于

民先朝宮殿有灾咸頒詔赦與天下更始今宜各部院開款請裁施行 一上下交修可回天意天以此儆戒人主人主亦當以此儆戒人臣人臣各有分理之責不能奉行 德意甚有背公營私壞法殃民者宜頒戒諭俾知省改 一聖躬至重固當靜攝但接見希少中外疑玩皇祖久不視朝三殿並燬以今揆之前後一微竊想天心無非欲 皇上之勤政也今宜時御便殿引見大臣商榷政務章疏即發無復壅隔

敬事草

卷二

四五

弊多莫若盡數除補遇有不稱則黜陟由上但令賞罰嚴明何必過為疑廢祇令待用諸臣各生快望以累時政宜允吏部所請 一外任府縣官為朝廷分理百姓効勞有至七八年者舊者既不去新者又無缺或官久而民玩或事壞于垂成抑鬱無聊行取之典不可緩也 一降黜諸臣年久自當省悔若終棄不用阻其遷善改過之門咸懷歎老嗟卑之意中間固有浮薄好名之輩實多忠直可用之才若用而不效國典自在宜令吏部分別請裁 一大灾之後群臣各欲摠其鬱結之心必有過為戇直之語者但當容而受之以廣天地之量不宜拂而棄之以塞忠益之途臣等慮事勢所激必至于此輒敢預為 皇上懇言之 一織造燒造常供原不可少但一時增額過多民力不堪若浙直江陝萬分窘急况目下軍興工作經費多端採木之事行當加倍百姓困窮恐啟亂階誠宜減其數而寬其期則民力舒而怨不作矣 一開礦

敬事草

卷二

四六

本求濟用今差官遍于天下而進供不及萬金則其利之無多可知矣乃官吏供給公私賄賂上所不聞者不知其幾至于奏官棍徒借此騷擾又人所不敢言者利歸于下怨歸于上最為失策莫若取回欵差官員而令各撫按官悉心講求利國之長策必不至于短少上供而諸騷擾供億之害已盡除去天下之民歡忭鼓躍稱聖主矣 一皇店所得不過數千兩其利尤少而差遣徵收之人巧立名色借此攘奪聞張家

欵事並

卷二

四七

灣河西務挑米賣菜之傭無不徵稅歛怨甚多亟宜裁革不然則但令部臣如數徵收解進取回差去內臣此近畿一大美事人人之所仰望感戴者也 一侍奉 至尊最為難事奔走承順豈能盡當 聖心教答固不可廢過嚴恐有不測惟乞責其大而宥其細憫其愚而全其生則太和洋溢于宮庭百福駢臻于 聖體矣臣等不勝私憂過慮欲言久矣輒此惓惓 一近年刑罰踈于下而密于上冤抑頗多當此青災

肆赦之時宜弘如天好生之德乞 勅法司將見監諸犯及謫戍諸人酌情法之中當罪者從輕當宥者釋放次第減等請俟 上裁則仁逾成湯解網之恩德邁大禹下車之泣矣臣等竊觀自古國家有大喜慶大災變事皆有德音赦文與民更始萬曆初年亦皆行之惟是邇來十餘年中久無恩澤詔書故寬大之意不彰仰望之心莫慰臣等以為雖無災變亦當請之而况天意如此豈可不思所以仰成哉伏惟特弘雨露之慈以弭稜氣之咎寧過于厚以收一時人心勿膠于常使人猶有缺望天下幸甚臣等幸甚

欵事並

卷二

四八

萬曆二十五年六月二十日上次日接出

聖諭覽卿等所奏悉見忠愛至意其事關係躬的已知道了頒詔赦蠲逋負并戒諭百官卿等可議擬來看選推應缺官員着該部擬推來用其餘的知道了卿等亦思元首股肱之意愈摠忠盡任怨任勞克贊化理共圖修弭且致災之由咎在朕身非卿等之失宜勉勵辦事不必又行陳辭以慰朕心

言礦店揭帖

二臣題昨日臣等條列事件非敢為冒瀆緣天變異常人心洶洶深居九重豈能盡知臣等待罪股肱安忍坐視故擇人心願望之切者一開陳以備聖明採用今日文書官盧受捧出聖諭云欽此俯納芻蕘不勝榮慶事關聖躬者在皇上必有洗心浴德之盛舉臣等拭目恭竢不敢再瀆若須詔赦諭百官容臣等開款具稿進呈蠲逋負及選推應缺官員容傳

敬事草

卷二

四九

示該部徑行擬議請旨至于據忠贊化任怨任勞臣等誓竭犬馬以報皇上大恩不敢有負付託但其間有關係百姓困苦之甚臣等所為汲汲效忠者惟皇店採礦二事昨所進言非欲即請停止實欲調停于其間為善處之策使上不虧國課下不累窮民竊以為必可行而無疑也蓋皇店採礦據一歲所進為數不多而官民賠賂之繁有什伯于此者加以奏官棍徒假公濟私侵漁國課剝削民膏朝廷但見其進

解之來而不見其為害之大故臣等之意以為採礦當責成于撫按店課當責成于部臣即據見今所解定為常額每歲徵進不許短少民間免于騷擾剝削之苦則欣喜愛戴矣其視今日愁苦怨嗟相去豈不懸絕若以差官可信撫按部臣不可信則國家財賦千萬皆托地方有司徵解耳目衆多法度嚴密誰敢為欺其與無籍貪利之徒漫無統紀欺罔侵隱者又豈不懸絕乎此二事臣等日夜思惟籌之至熟故不厭煩

敬事草

卷二

五一

瀆切切言之更望特發明旨將差去採礦收店內外諸臣盡取回京責令該部奉行嚴勅專責撫按部臣管領其事茲擬諭旨一道伏乞聖裁發戶部議行其自陳一節臣等奉職無效終不能自己或止令在京二品以上自陳三品以下及南京與督撫等官容臣等票擬止免以省煩擾使知皇上體悉至意御札謹尊藏閣中以昭今日君臣一體交儆盛美伏候勅旨

催發戒諭詔赦揭帖

二臣題頃因天災示儆中外人心惶惶切望謂  
皇上必大發德音一新庶政霽鴻恩于四海通  
久鬱之人情臣等仰體 天心俯順輿志布昭  
聖德擬上詔條連日斟酌事情止是歷朝常行  
之典不敢濫恩以妨正法至于奉有特旨及曾  
經 聖斷之事又已傳示部院令其專疏請裁  
不敢有一件混載入詔書之內臣等竊謂事事  
皆可從而無疑矣尚未蒙 俞豈以文字繁多

欽定四庫全書

卷二

五十一

披覽未竟乎但中外仰望切于雲霓以刻為歲  
伏乞即賜慨發臣等嘗誦孟子有曰責難于君  
謂之恭陳善閉邪謂之敬又曰齊人莫以仁義  
與王言者豈以仁義為不美也其心曰是何足  
與言仁義云爾則不敬莫大乎是我非堯舜之  
道不敢以陳于王前故人臣莫如我敬王也今  
臣等以仁義之道事 皇上而未見俞則啟沃  
未勤之罪以堯舜之治期 皇上而未見行則  
輔弼無狀之愆安敢忘自責自咎而不懇懇切

切于 君父之前哉 皇上躬堯舜之資而臣  
等愧非臯夔之佐至于今日災變之極尚無一  
德澤及民以救危亂則臣等惟有涕泣籲天而  
已故不敢避斧誅再三瀆奏伏惟 皇上即將  
戒諭詔赦允發施行

萬曆二十五年六月三十日上

欽定四庫全書

卷二

五十二

三殿災自陳疏

奏為佐理無狀感召殊災乞賜罷免以回天心以脩實政事臣聞家有幹子則父盡賴以彌縫國有楨臣則君遠資其匡弼尸位而求天工之亮拱手而冀萬事之理事何能就罪亦奚辭臣備員內閣者三年于茲矣碌碌無所建明容容但有虛糜微精誠以格主而天聽為高微竒節以感人而時論莫許文奏盈前僅取轉發職務填委不過文字何能幹旋陞紀補綴闕衣轉民生之戚而使之休振士氣之衰而使之奮然猶隱忍而不去則以有待為辭也而今無辭矣三殿之尊綱維人極上模乾象中應薇垣 皇上御之以奉天萬國瞻之以歸極虛而不朝乃繼以燬與兩宮之變僅逾期年靈戒孔嚴得無畏懼今既數日矣而臣經從其間見燻氛滿空瓦礫遍地不覺悲涕之被面而愧汗之浹趾也蓋臣雖么膺亦稱一柱一石之寄而柱石不任遂成大廈顛覆之虞此固臣當褫削衣冠之秋矣

敬事草

卷二

五三

皇上縱哀憐而容之被除而用之然無須臾之間可以竭盡愚志無尺寸之效可以慰眾群心

雖依日月之際與一冗散何殊顧閣體舊尊稱為政本若有命世之大才支天之鉅力事猶可濟世豈乏人而臣性偏身孱智庸技短近遭家難疲憊怔忡必難任此自知甚審昨歲陳乞見留已為一誤今豈容再誤乎伏望 俯察臣不職之狀特俞臣由衷之請亟賜罷歸俾避賢路則燮和之地不虛而修弭之實可舉矣

敬事草

卷二

五四

六月二十三日



停史館揭帖

題照得正史館原在皇極門左右兩廊今被火災書籍散逸官員人役無處安身合無將纂修事務暫行停止待修造完日另題開館謹擬傳帖一道伏乞 聖裁施行傳帖內閣正史纂修事務着暫停止待修造完日候 旨行

敬言堂 卷二

五二六

再自陳疏

奏為無功冒擢有罪叨留懇乞 聖明特賜褫罷以順人心以回天意事近者謹告疊見宮殿頻災臣待罪輔臣佐理無狀時即具疏以求罷免未蒙 垂察而曲賜之留則臣無所逃罪日欲再行披請而閣中文書繁沓方須整辦又不敢不勉強鞭策以圖後功逡巡至今祇有慚悚昨接山西巡撫都御史魏允貞揭帖內開閣臣多咎召災陞蔭非宜而謂臣權雖稍軋亦不可

敬言堂 卷二

五二六

不預倣此為允貞之深厚臣而又大寬臣顧臣讀此不覺面頰體汗前日求罷之心戚戚在前有不能湏臾寧矣臣惟古者設綱紀之官典忠讜之論上干乘輿則改容禮待旁及宰執則闔門惶恐時平世治猶且闔門懸鐸而招之况今災青流行宮殿疊火而尚可無法家拂士之謀謨革故鼎新之舉動哉凡允貞疏中所陳皆臣等區區願忠之意固日夜禱祈亟見之施行者也然朝無維新之期民失跂懸之望則罪在臣

等復何所逃伏念臣賦性樸愚少無遠志閉門  
尚友束身自修為韋布則有餘居鼎鉉則不足  
守文墨猶自可當盤錯益不能無瑰璋之行足  
以集合氣類無掀揭之才足以旋轉乾坤少壯  
之時已成虛擲况今齒髮已老肋骸不柔而何  
能日新問學解調時政故其言迂濶而無用其  
功荏苒而無成比者恭繹戒諭之辭一字一涕  
無論其他即所謂至誠感發盡力維持臣實未  
嘗有也蓋襍線何資于補衮斗筭難假于斟酌

敬事草

卷二

五十七

則惟臣為然矣且今同事之臣並能道義相信  
凡有擬議必詢臣以為何如而臣亦恃三十年  
雅素不敢不盡其愚斯其權固未嘗稍有軋也  
而臣自不能增光僚寀禪補國家又安敢以權  
軋為解誠欲撥亂反正起敝維衰自非命世大  
賢難以措手而臣非其人留之徒妨賢路耳至  
于閣臣之陞蔭特優不知起自何日即有故事  
而今之體輕功茂豈容相沿不改兩年之中  
皇上再以邊功懋賞而臣等亦各竭力懇辭但

因控跡至于三四而上勞手諭亦至于三四恐  
致煩瀆 尊嚴靦顏拜受空塵大位召殃致災  
復何說之辭其在于今惟有悉剗銜名僅乞骸  
骨庶可以塞天變謝天下伏望 皇上亟將臣  
褫罷以為奉職無狀者戒仍博求天下賢士大  
夫與之議大有為事業堯舜唐虞第在一反掌  
間而臣終老山林呼嵩擊壤頂踵皆弘賜也臣  
不勝跂冀待命之至

萬曆二十五年七月十五日奉

敬事草

卷二

五十八

聽忠言不信讒言其乘間挾私妄瀆的本當重處  
前因卿等勸朕虛受姑置不究卿又何必介意遂  
欲因此求去益宜殫竭忠猷協心匡贊以副眷懷  
不允所辭吏部知道

請設天津登萊巡撫疏

奏為島夷未靖謹陳戰守事宜以圖全勝事連日接朝鮮塘報知東氛愈熾南原失守全州之民亦復奔潰不知楊鎬麻貴能屹然壁立出奇制勝為朝鮮作長城否方今救援之師取道遼東者絡繹不絕而在廷之議莫不以守天津登萊為內地計誠根本至論也然猶有可言者臣敢據其一得之愚臣惟天下有必不能已之役則雖欲簡易有不得焉今救屬之手難措而震

敬事草 卷二

五九

隣之患孔棘則固不能顧惜錙銖謹守舊局已為天津登萊計者但曰催督保定山東巡撫各移駐本地慎加防守臣愚以為事權宜一不宜分天津與登萊同是一海不得分而為兩兵氣宜揚不宜抑攻戰與防守本是一事亦不得分而為兩若事權諉而不一兵氣頓而不揚終至于虛糜空費倭未來而吾已困又無救于朝鮮之存亡儻朝鮮竟亡則倭氣愈張而吾之為防愈難矣今為救朝鮮而至于萬里徵發從遼陽

敬事草 卷二

六一

渡兵供億無筭然且不惜顧不講舟師水戰于天津登萊之間徒僅令兩巡撫移駐防守而已舍其近而圖其遠舍其巧而圖其拙舍其易而圖其難舍其長枝而圖其短策非計也臣生長海上頗知倭情倭長于陸吾長于水與倭戰于水則得算在我其勝十九與倭戰于陸則或勝或負尚未可知蓋我船大而倭船小我能搶風使帆而彼非正風不能使帆我火器多而彼火器寡我能以船為家而彼特以船為寓此臣所謂長短難易之別也從海道戍朝鮮則近而巧從陸道戍朝鮮則遠而拙在北之師不得不從北發今既發矣而餉不能繼又不可多發不多發又不勝故曰拙計一船之載可三四百人少不下一二百人可以多載師又可以多載糧故曰巧計從陸而行日不過百里遠而爭利又法所忌故曰拙計乘風隨潮瞬息千里易進易退朝去夕還故曰巧計此臣所謂遠近巧拙之別也今難且短遠且拙者且不憚為之而易且長

近且巧者乃置不為則有遺策矣以臣之愚使  
兩巡撫分為之不如使一巡撫專其事而權易  
行使徒自守而不言戰不若使之索倭而戰以  
救朝鮮而守自固請于天津登萊沿海居中處  
所設立一巡撫率總兵兵備參遊總轄海道北  
接遼東南接淮安臂指相使首尾相應多調浙  
直閩廣慣戰舟師相度機宜進剿釜山開山及  
對馬等賊與經理之師相為犄角救援朝鮮且  
以護送海運往餉遼東朝鮮之兵儻若倭犯中

敬事草

卷二

六一

國則從海中邀擊與在鎮官兵夾勦其保定山  
東巡撫則令其處置糧餉器械不時接濟各軍  
衛有司官員俱聽新設巡撫隨宜調用一體舉  
勅而本官仍聽薊遼總督節制如此有五便焉  
天津畿輔門戶登萊中土藩籬重兵厚防以戰  
為守其守益固一也朝鮮自開山一失倭無忌  
憚而并力進兵矣今我師在海而尾其後絕其  
餉夾而攻之腹背受傷必當殄滅二也浙直閩  
廣之舟汎汎而來無所棲泊為將屬之山東乎

屬之保定乎屬之總督與經理乎屬之山東保  
定則分屬之總督經理則遠今令其望天津登  
萊以為歸船有所繫而安餉有所出而飽匱乏  
則有所請而給進止則有所稟承節制而肅南  
望家鄉在邇其心易以縻內去中土不遙其需  
易以繼北拱京師甚近其情易以達三也欲餉  
朝鮮則舳舻銜尾費可大減又以舟師相翼而  
行無盜賊之虞四也蒼福沙民等船有能仗義  
出奇者地近勢便令其就此受成捷則為之代

敬事草

卷二

六一

題海內趨功名領報効之人可四面而集為助  
當多五也倭患一日不除此地終當置鎮就令  
芟除有次不宜遽稱無恙若老師不戰空糜豪  
士之氣惟時有捷賞始有盡敵之日今迤北搗  
巢狂虜為卻宜倣此意行之于海以漸滅倭必  
此一舉如謂開府事大而且欲小試之必不能  
奏樓船之勲矣如謂省直地殊而仍欲兩屬之  
必不能壯率然之勢矣如謂沿海皆當備而靳  
言調發則昧先着之明矣如以進戰為危事而

止言固守是亦待斃之愚矣臣熟計其便似當

出此始可以圖全勝之功而不能為國家憚更

張惜費用也頃者懷隆兵備萬世德亦嘗為臣

言之語意大略相似今日事勢有不得已伏乞

勅下該部從長計議如果臣言不謬設立天津

登萊巡撫一員專管海道戰守事宜或即移保

定巡撫于天津登萊適中處所專一管理前項

軍務庶令此軍與經理之軍相為表裏在總督

亦有左右手之相應而聯絡要會共圖滅倭內

地之守在其中自無不固矣臣無任懇切仰祈

之至奉

聖旨卿言天津登萊設立巡撫專管海務以圖戰

守具見經國遠猷深合朕意該部即便議行併推

熟練兵事堪任的來看

救樞臣及首揆揭帖

二臣題今日蒙發刑科侯廷佩一本為看詳章

奏乞正樞臣今日誤國之罪並追大臣先日朋

誤之奸等事令臣等擬票臣志舉先行出閣臣

等竊看疏內參論石星因及輔臣志舉與宋應

昌顧養謙等照得東封一事原為退倭今既不

退而勢更猖獗謀國不效星亦何辭此事始末

皇上極其留心毫髮悉所洞知臣等豈敢飾說

今僭擬票語上進止其牽連非臣等敢有私于

同官而故寬之也伏乞 俯垂鑒納臣等不勝

幸甚臣等竊惟王者之於夷狄其來不拒其去

不追當時倭以被創頻來乞封則 皇上以天

地覆載之仁許之一封亦未為失但夷情狡詐

不可盡信兵備宜嚴不可輕撤故臣等每於擬

票之時一面許封即一面丁寧嚴備正謂此也

乃兵部盡撤諸兵不為防禦雖若示之寬恩而

實則自貽後患星之失計乃在於此蓋視明旨

如弁髦矣臣等雖諄諄言之又何肯信耶况其

為事既拙為謀益詭人心不與 天怒難逃罪  
之交通咸誦 聖斷若首輔志臯初心亦信其  
省餉息兵一言不虞有始無終至此即臣等亦  
在預聞未敢異同今科臣而詆之為奸斯亦過  
矣 聖明在上臣等豈敢為之解釋伏望 俯  
念當國之難曲賜寬容以免牽累臣等不勝戰  
兢仰望之至

萬曆二十五年  
九月十五日上

敬事草 卷二

三

言禦倭總兵揭帖

三臣題昨日文書官史賓口傳

聖旨兵部怎麼不見推防海禦倭總兵官來着內  
閣催欽此臣等即刻傳與兵部催其作速會官  
當即推上訖竊惟防海禦倭總兵係新設衙門  
百凡事務未有頭緒而倭患燃眉極宜上緊  
皇上夙夜留神時刻殫慮如此臣等聞 命不  
勝欽服今該部既已會催而 皇上尚未點發  
蓋特加慎重之意臣等竊聞外廷之論謂當今

敬事草 卷二

六

北將易求南將難得蓋北將乘馬陸戰南將乘  
舟水戰才各有長難以通用今時則北方每歲  
禦虜故北將易求南方久不用兵故南將難得  
有知名者俱已取用欲求大將豈能出此數人  
之外况時勢迫促非取之近地不可故首催朱  
文達以其在于吳淞半月之內可望至也其次  
當數陳璘但在廣東非五六十日不能至其次  
則周于德見領浙兵而來一月之內亦可望至  
若侯國弼則在廣西須兩月餘方可望至其楊

文則已在總督衙門聽用似難奪彼任此若用亦可半月內至伏惟 聖心特加斟酌欽點一人令其作速到任料理戰守以固內地以防外虞頃覩 皇上因朝鮮小捷即發犒賞三萬以作士氣即臣等亦不勝鼓舞而况于三軍之士乎惟望推此意以督臣工使其無時懈怠則倭患始有平期也臣等不勝顙望之至

敬事草 卷二

三

敬事草卷三目錄

諫籍沒楊兆揭帖

言麻承恩不宜遼東總兵揭帖

回奏李如松可遼東總兵揭帖

冠婚揭帖

回監軍問揭帖

壘田東省疏

博求備用官員揭帖

請御朝宣諭入覲官揭帖

敬事草 卷三目錄

冠婚揭帖

回冠婚諭再請揭帖

催同官視事揭帖

冠婚揭帖

請修明政事收拾人心揭帖

次男亡乞假疏

謝疏

辨丁應泰誣疏

請乾斷疏

三疏

謝恩并告病疏

告病二疏

謝宣諭疏

告病三疏

謝賜猪羊酒米等物疏

萬壽節賜銀幣謝疏

萬壽節恭賀揭帖

告病四疏

敬事草卷三目錄

告病五疏

謝宣諭疏

謝再宣諭守催進閣疏

敬事草卷三

柱國少傅兼太子太傅吏部尚書中極殿大學士臣沈一貫

諫籍沒楊兆揭帖

三臣題臣等在閣蒙發下錦衣衛指揮王之楨

本內開楊新芳恭進重寶等事已奉 聖旨差

官前去封解夫楊兆以一介草茅致位尚書家

財至于百萬又擅造違式房墳若果有之重處

非過至于扣剋軍餉部銀實乃百姓脂膏明旨

森然懲貪罰僭仰揆 聖心固將處一以戒百

敬事草卷三

也但臣等竊詳楊新芳自稱為楊兆之孫而舉

發祖罪似非人情必有別故况以家財恭進理

宜明白具疏誰能阻之何至假粧做工軍人潛

入大內蹤跡詭譎事尤可疑疏內銀至百萬加

以珍奇重寶萬一未實必將挾旨旁牽累及良

善雷霆之下誰能自明則破家傷命無辜受禍

者將不可勝言且或借此一事更為展轉嚇詐

騙財利已亦不可知伏乞差官會同撫按務要

仰體 聖心從公詳審如果所奏皆實止將本



家見在財寶細查解進違式房墳督令拆毀仍  
還其地土而全其子孫不得過為牽連搜括致  
令地方驚擾若所奏不實尤當馳奏將楊新芳  
重處且此延安府縣與北虜西番切鄰外夷觀  
望關係不小尤不可使之輕視中國以損威靈  
也臣等切思籍沒一事乃國家極重之法在死  
罪之上必須詳允奏讞而後處斷至于章奏雖  
科道建白亦必下部院看覆奉有成旨而後  
施行今以極重之法止據一妄男子之言而不

敬事堂

卷三

二

加覆議迅速發行行政體龐雜人心懼駭恐天下  
奸民從此聞風效尤懷私挾奏何患無詞以法  
禁之將無及矣更望深思慎重若再有妄揣謬  
窺罔聽售奸者置之不理且加懲究不勝仰祈

之至

二十五年十一月初  
九日 上 十三日 奉

聖諭諭內閣覽奏朕已洞悉但餉銀是朝廷濟邊  
之費軍士披堅執銳殉身為國勞苦萬狀枵腹以  
望此輩肆志剋剝罔知體恤且部銀皆百姓脂膏  
以納公家之用公然侵扣賤視法紀無所顧忌好

善惡朕固怒耳卿等此說意見欲何方今國匱  
民竭用兵用餉皆稱不敷官民搜括以盡誰知徑  
充私囊全不體上心其撫字何在况有沽直要名  
之畜動輒言君不恤民不欲裁這一事便欲停那  
一事似此貪肆異常歛怨遺害職司糾正緘口不  
言好生可惡且楊兆乃姑從輕處這所奏已知道  
了

敬事堂

卷三

三

言麻承恩不宜遼東總兵揭帖

二臣題今日兵部會催遼東總兵舉麻承恩張剛二人臣等竊聞麻承恩係麻貴嫡姪今麻貴見領大兵在朝鮮征倭挑選各處精勇在其掌握又用麻承恩于遼東遼東與朝鮮接壤叔姪二人皆擁大兵于一處萬一疑忌之人布有流言恐非所以安麻氏之心麻氏之心不安則征倭征虜大計不便此非用兵用將之機宜也臣等不勝私慮伏望着兵部另推或點用陪推而

敬事草

卷三

四

仍留麻承恩于宣府不用兵之處深為長便臣

等謹具奏聞

二十五年十二月初七日上

入督剿

王

回奏李如松可遼東總兵揭帖

三臣題今日文書官冉登傳出兵部會推遼東總兵官一本并黑字帖一箇內開 聖諭與先生每說李成梁父子係遼東鐵嶺衛人父子久歷本鎮熟知虜情李如松年力尚壯到着他閑着見今遼東缺總兵官就着李如松去先生每擬票來欽此臣等竊惟遼東孤危重鎮今倭虜並訐羽檄交馳河東之寇方歸河西之警旋至一切戰守全藉總兵 皇上令兵部屢次推舉

敬事草

卷三

五

未協 聖意今特令李如松往 聖謨獨斷非

臣下所及竊詳外廷所以屢推而不及如松者蓋緣李氏功名已盛屢召嫌疑不知 聖明在御威福大彭制馭之方在于掌握自能使其盡力戰守保全始終何必過為疑慮而不竭才能智勇之用哉望 皇上曲盡鼓舞之妙深惟駕馭之術疆場幸甚

二十五年十二月十六日上

冠婚揭帖

三臣題新年以來氣候融和風日光霽屢降瑞雪豐稔有期天意眷歆人心暢悅咸以為四海太平之兆 一人有慶之徵也當此陽春開泰之時宜舉吉祥大喜之典昨見禮部揭帖以皇長子冠婚為請念此乃極大最喜之事惟望裁自 聖衷以迎宗社新至之禧 皇長子今年已十七歲茂齡不幼矣時不可復遲事不可復緩前已具請非敢多言望 皇上特渙綸音

敬事堂 卷三

六

傳示禮部斟酌儀注仍示各衙門將合用錢糧早辦通行京城內外八府妙選淑女以應好逑臣等乘春伸祝因事效忠伏覲俯納

萬曆二十六年正月

初九日

回監軍問揭帖

三臣題昨日臣等接得總督邢玠塘報征倭奇捷臣等不勝慶躍竊念東征事大臣等迴腸焦慮日夜不寧仰想 皇上益軫東顧之懷正無能以一言奉慰而獲有今捷足以伸中國之威懾外夷之氣也文書官史賓口傳 聖問征倭原只一箇監軍本內怎麼有這幾箇監軍臣等看詳監軍之說蓋進兵之時分官軍為三協而軍門撫院及監軍御史及提督俱差有督陣旗

敬事堂 卷三

七

牌官各一人在中協則監軍御史所差者歐陽昭也在左協則監軍御史所差者蔣應稠也在右協則監軍御史所差者李喬也非有三監軍御史也伏蒙下問謹具回奏昨日臣等面審報捷之人具述進兵情狀大雪數尺山谿險峻寒苦異常官軍皆餐風卧雪經理楊鎬與總兵麻貴牽馬步行而進親冒矢石淬礪將士設奇鼓勇故獲此捷今總督邢玠亦由王京進發矣玠貽臣等書云蔚山城破潰散者萬人一半走江

上爭舟而溺死一半奔投山島清正之處清正先聞我兵進攻蔚山急急來援而不及各浦乘舟來援者三四萬衆而我兵先據海岸架砲遠打不得登陸報事人來之時謂已打破島山頭一層柵得級亦多尚有二層三層此時島山或已攻破若果清正在內必不能逃矣清正若擒則餘倭不足平也臣等并題以聞

正月十日

墾田東省疏

奏為東省防倭方亟講求集民闢田之方以足財計以贍軍興事臣聞軍國之需最先足食生財之道貴在聚民頃因倭氛颺起海防戒嚴皇上俯采輿言創設天津登萊巡撫以圖戰守更責內地巡撫計處兵食器械以資接濟今山東巡撫缺特允以尹應元往整飭之事似可計日矣臣查其舊勅山東巡撫原有營田一事後亦具文而不行今日時務特宜重此臣請勅書

內特許便宜則可望山東一省不請戶部不派小民而自裕其海防之資臣惟山東古齊魯地春秋時管仲擁魚鹽之利通財積貨獨稱富強至今舉僻勝事無不服籍輔其君桓公尊王室攘夷狄為五霸首延至漢時尚稱十二之國餉饋關中冠帶天下何其雄也乃今則厓厓裁自給而司農之所以奏京師餉九邊者悉仰之江南該省甫一防海輒告不足求盈于內帑借資于兩浙甘棄沃饒坐視匱乏此豈無土哉無人

故耳有人則有土而有財矣該省六府大氏地廣民稀而迤東海上尤多拋荒謂宜修管子之法管子曰凡有地牧民者務在四時守在倉廩國多財則遠者來地辟舉則民留處今日之事宜令巡撫得自選廉幹官員將該省荒蕪地土逐一查覈頃畝的數多方招致能畊之民如江西浙江福建山西及徽池等處不問遠近凡願入籍者悉許報名擇便官為之正疆定界署置安插辨其衍沃原隰之宜以生五穀六蓄之利

欽定四庫全書

一

必嚴輯土人而告戒之毋阻毋爭凡拋荒租逋一切蠲貸與之更始或聽和買或聽分種其新籍之民則為之編戶排年為里為甲循阡履畝勸耕勸織禁絕苛暴罷免追呼止奢僭以養其淳樸之性興禮讓以厚其親睦之俗以錢穀為市使輕民無所覬覦貪吏無所漁獵或又聽其寄學應舉量增解額以作興之聽其試武科充吏役納粟官以榮進之母籍為兵以駭其心毋重其課以竭其財有恩造于新附而無侵損于

土著務令相安相信相生相養既有餘力又為之淘濬溝渠內接漕流以輕其車馬負擔之力使四方輻輳于其間米多價平則嗚吠相應不煩遠輸而獲利已多海渠交通則商賈全來魚鹽四出而其利益廣不出數年可稱天府即不能如齊桓楯楯九合之師而本地自稱富庶亦足以省司農請發之煩免百姓加派之苦紓九重東顧之憂增環海長城之重矣第有司安循常而憚改作居民席世業而患分授必且曰地皆

欽定四庫全書

一

主籍原無拋棄田皆耰鋤曾何荒蕪而不知東人之習為惰農也已久即所謂主籍耰鋤者悉鹵莽滅裂而與荒蕪正等耳高允有言方一里田三萬七千頃若勸之則畝益三升不勸則畝損三升乃百里損益之率為粟三百二十萬斛况其廣者乎東土之貨棄于地東人之力藏于身安能如新集者勤而相勸以復周漢之齊魯哉是事也宜專責巡撫之擔任而令巡按以時稽察之且重司道之選如近日楊鎬之在遼東

霍鵬之在肅州皆以墾田聞豈乏其人可令召舉而用之以為率且精有司之選如先年申其學趙較楊果輩皆勤敏精幹治邑如家者豈乏其人且不限科貢異流而器使之以為長又且明勸懲之典有績則加官久任以優之一有股削不廉或溺職不舉如鋤苗之莠不時盡法以處之又且鋤豪右之梗若有造作流言破敗成事可令搜捕時處重典不必別立農官就府縣見職可以責任不許別請錢糧就本省倉庫可

敬事草

卷三

二

以就寬鄉人心所欲因民之利而利事亦不勞管仲之事功雖不足以為天下士大夫願而姑取救時亦當有奮然而任者且聞江北畿南可墾甚多又不特山東為然也以此風之利可益開矣望勅戶部覆議如果臣言足採則詳立條格嚴加責成仍編入勅書令山東新任巡撫遵行

二十六年正月十四日奉

敬事草

卷三

廿三

見謀國忠猷務本正論便行與山東撫按督率有司着實修舉毋得仍前虛應故事還着巡按御史稽查勤惰以行賞罰都添入勅內永遠遵行戶部知道

博求備用官員揭帖

三臣題臣等連日接得東征塘報我兵之在朝鮮者與倭苦戰破其一城三寨而清正尚在島山城中堅壁死守我師仰而攻之甚難為力四面援倭源源而來呼吸之頃成敗懸殊臣等日夜關心不敢以一勝為喜實以未了為懼也顧隔越千里徒有此心而力所可為者在于廟謨今廟謨尚多缺失獨特一戰以為孤注豈不危哉所謂廟謨之缺者云何夫兵部謂之本兵謂

敬事堂 卷三

一四

之樞筦乃以其事付之侍郎李楨本官拘守文義不諳軍旅夫美錦不可付學製之人美玉不可付拙工之手無濟于事念此慄慄竦骨寒心其在朝鮮止靠邢玠楊鎬二人以獎率諸將耳聞楊鎬躬親臨陣出入于矢石之間奮不顧身誠可依稀然在 朝廷亦宜預先作一準備萬一此人有少差跌數千里外何人代之萬一邢玠復有不虞何人代之此等事關係不小有備無患皆當預籌者也天下之常才甚多賢才甚

少若非妙選不得其人雖得其人亦當收羅于朝端或移居于近地一遇警報之時可以被命即發猶恐縮地無計不無嫌遲况可都置不講而束手觀望哉今朝廷之上官多不補孟子曰不信仁賢則國空虛空虛之甚必至顛仆智者一思深可悚息臣等以為小臣所管者惟一事未備尚可兼攝大臣則上衛天子鎮國家下治萬民制四夷領萬目之綱造多方之命必不可不補補亦必不可非其人也查得隆慶年間

敬事堂 卷三

十五

因北邊多事特添設兵部侍郎二三員以備督撫之選 先帝留心邊務廣儲賢才如此誠萬世所當法伏望 皇上加意于用人一節不以愛惜名器而并虛緊要大僚特諭該部將各部院堂官一一遴補以重朝廷又收羅堪充督撫兵備親臨戰陣之人分布于薊遼近地以備緩急庶幾平居無事可資其籌略而脩廢墜倉猝有事可藉其才力而應劬勦不至有臨渴掘井援木求魚之患以上各官或 勅吏部秉公竭

忠再加斟酌推舉或將吏部節次所催斷自  
宸衷欽點發下仍令廣詢博求備用之人不得  
以尋常才品徒取充位

萬曆二十六年正月十八日上

請御朝宣諭入覲官揭帖

三臣題昨該刑部等衙門一本為糾劾事擬于  
二十三日請 皇上御朝舉大班糾劾朝覲官  
員之典臣等竊惟朝覲考察三載一行乃國家  
之大事評騭去留固假于銓部而面親詰諭必  
藉于 宸嚴 皇上雖靜居深宮之中而慮常  
周于四海之內第遠近傳者惟見警蹕之希御  
遂謂幾務之少疎以致神氣不揚訛言流布吏  
治日以怠弛人心日以渙散蓋非朝夕亟宜挽

回今四方會同述職闕下臣等冒昧竊以為宜  
勉力一出臨御文華殿以昭德威使八荒識無  
逸之心萬姓弭太簡之謗臣等非不知聖躬至  
重攝理宜先顧此頃刻之勞亦非甚難之舉敢  
竭愚悃惟冀 俯俞有如玉體尚須珍調亦宜  
特傳一諭帖于各該衙門以明示天下来朝官  
員俾知憂勞萬國無少怠荒本欲延見偶以病  
阻之意使自遠方來者與面奉 天顏不殊而  
各相鼓舞以宣上德于天下庶幾不虛此一盛



典也

冠婚揭帖

三臣題 皇長子冠婚二禮臣等屢懇未奉  
聖俞連日各衙門文武臣僚無不披誠敦請者  
臣等恭俟綸音未敢隨眾進瀆今逾時矣尚邇  
寂然中外遑遑來責臣等何不勤請臣等俛首  
引罪無能開一口以謝眾人也竊惟天性之親  
必不待于人言天倫之序必不可以人為 皇  
長子為 皇上胤續之元倫序之始儼然成人  
之日冠婚既行則諸皇子麟定森森吉禮皆可

奏事草 卷三

十九

接續行若 皇長子先已愆期則諸皇子必難  
越次時日愈將壅遏儀章必且停阻錢糧難以  
猝辦觀聽亦為未雅今文武大小官員不待約  
會而合辭固請豈不畏煩瀆之譴哉亦因萬邦  
萬姓交責于下謂其緘默容身而陷堯舜于有  
過之地也可以情亮而心察矣 皇上至聖至  
明豈不燭效忠者之深至仁至慈豈不愛 皇  
長子之厚至英至斷豈不揆度彛常義理之精  
勇決幾微牽纏之累又豈不知臣等之請無非

詔書 卷三

八

文武百官之請文武百官之請無非萬邦萬姓  
之請試取舊年天下鄉試錄觀之孰不以冠婚  
為策者而士亦孰不以冠婚置對者所以臣等  
寧吐肝嘔心于 聖主之前而不敢得罪于天  
下萬世之公論也伏祈仰體 九廟神靈篤生  
元子之意深思先聖先師創禮維世之心副四  
海之歡悰弭萬方之私議使聖名丕著而無闕  
聖德益顯而不渝旦晚之間蚤成大禮臣等不

勝幸甚

二十六年二月初三日

敬事草

卷三

二十

回冠婚諭再請揭

三臣題今日文書官冉登傳出 聖諭諭內閣  
朕覽卿等所奏悉見忠誠至意且皇長子稟質  
脆弱年齡雖長血氣單薄况素問及衛生有曰  
弱男則節色必待壯三十而娶羸女則養血二  
十而嫁恐傷耗真元戕生趣死耳其歲數亦難  
拘泥必湏陰陽充實不致後悔非朕不愛子欲  
早完大典以答天眷祖德朕知道了欽此臣等  
恭捧莊誦仰見 皇上天性至愛保護 皇長

敬事草

卷三

二十一

子睿體欲其充實免致後虞此慈父之情也但  
臣等締思之古人有云男子十六而真精通女  
子十四而天癸至氣機之動正惟其時及時而  
婚不但廣胤祚之源亦以嚴淫僻之防先王制  
禮因人情而為之節文意深遠矣人至十五六  
時血氣奮動如春陽發生鬱滯不通疾患必作  
不婚不嫁其害又有如此者素問為太古之書  
其時風氣淳朴與後世不同史稱文王十六歲  
而生武王當其求配之時寤寐思服輾轉反側

周時聖人已不能遵此語况後世乎 祖宗成法歷代相沿皆以十五六為期天下宗室及民間男女悉循此期 皇上愛護之意在 皇長子必能仰體而冠婚之時在 皇上必當俯從目下選婚猶當遲至夏秋始可合盃可更緩乎所有原奉 聖諭臣等未敢傳出恐外廷更滋議論伏望俯念頒諭令所司舉行臣等不勝苦心苦口

二十六年二月初五日

敬言直 卷三

二十二

催同官祝事揭帖

題今日次輔張位與臣在閣辦事臣位偶聞科臣有指摘心不自安即刻趨歸候 命臣思首輔在告臣等二人直閣已苦拮据之難今迫廷試貢士之時典禮重大儀節多端二臣各歸私家止臣一身在閣不惟政幾任重難以獨擔抑亦讀卷少人有妨 盛舉况讀卷官舊例用十七員今歲僅有九員已屬不敷而臣位又該代首輔行事領班率先者尤不可少伏乞即賜溫綸催其進閣庶典禮無闕而臣亦免于誤事之愆矣伏候 勅旨奉 聖旨朕覽卿奏次輔位聞有指摘之者歸家俟命其妄肆排陷的法當重治且恐其心不自安姑置之不理今讀卷典禮隆重次輔即着進閣辦事慎勿固辭吏部知道

敬言直 卷三

二十三

冠婚揭帖

是時趙公義不入閣張公亦以被論不入獨余為此揭

三臣題竊惟

皇長子冠婚一事在京及南京

各衙門俱具疏懇請臣等亦屢揭密請不厭煩

瀆之甚未蒙 聖慈俯允今各衙門又具疏申

請非群臣喜為多事實緣 皇長子年已十七

比之尋常冠婚大為過期天下同心愛戴 皇

上者則同心愛戴 皇上之子默默無言即為

廢職其誰敢乎臣等竊惟 皇上常欲使天下

萬物各得其所雖匹夫匹婦咸無怨曠豈有親

敬事草

卷三

二十四

為 皇上之子而不加之意固知宸衷之真愛

比臣等更切大禮之優隆必有萬萬出于臣等

擬議之外者但 明命一日未下則天下一日

未安中外諸臣所為遑遑也此在 皇上斷與

不斷之間耳夫禮雖自聖人制而聖人之身未

嘗頃刻違夫禮法雖自王者定而王者之身未

嘗頃刻違夫法此禮此法其來已遠累朝遵行

無敢踰越 皇上一舉一動皆于禮法若有留

命何以教天下臣等辭不達意而諸臣之疏具

在豈無一言可以感 聖心乎伏惟少假清燕

歷賜覽觀雖是芻蕘必有仰俾早發 明命以

光 祖宗之德以慰臣民之望臣等無任瀝血

之至

是日禮部署印侍郎劉楚先等一本吏部

等衙門尚書等官蔡國珍等一本掌前軍

都督等府永康侯徐文煒等一本太常寺

卿范崙等一本禮科等給事中項應祥等

一本十三道御史黃紀賢等一本俱詣文

敬事草

卷三

十五

華門恭進候 旨云必得命乃敢退 上

遣司禮監太監田義諭曰此是大典但皇

長子元氣單弱少候時月豈可以此要挾

君上意欲何為知道了群臣各頓首退

三月二十七日

請修明政事收拾人心揭帖

二臣題臣等受 皇上特異之恩當有特異之報每日進閣辦事不過奉行尋常文書支吾目前至於治亂安危之機臣等每履於心未遑吐露若以煩瀆為懼偷安隱忍則負國不忠罪何以解竊惟人主治天下不可不以治亂安危關心以治亂安危關心必當以修明政事收拾人心為急今人心離散政務廢隳四夷交侵兵革煩擾流言怨語內外傳布奸邪盜賊潛伺欲發

欽定四庫全書

卷三

二十六

皇上身處九重豈能盡知臣等棘心刺耳安敢依違阿諛以為非所樂聞而不奏耶往時私議朝政者不過街頭巷尾口喃耳語而已今則通衢鬧市唱詞說書之輩公然編成套數抵掌劇談畧無顧忌所言皆朝廷種種失政多人無不樂聽者啟奸雄之心開叛逆之路此非一人一口舌便能聳動蓋緣衆懷怨憤喜于聽聞耳上以為威權在手不畏此輩然周書有言小人怨汝詈汝則皇自敬德厥愆曰朕之愆蓋上以尊

而制下下以衆而抗上衆心一離則尊勢亦褻衆非元后何戴后非衆罔與守邦堯舜之聖競競於此安可忽而不畏也臣等日逐票揭無非欲修舉庶政以為收拾人心之地然而微誠不能上達天意未必盡從下民之謗訕盛行朝士之紛紜日甚四夷攻戰擾攘未休勝負之機難以預料損兵折將相繼見告遼東朝鮮尤可寒心天下徵調日繁誅求日急若內地盜賊生發與外夷乘虛交攻雖有智者亦難為謀臣等在

欽定四庫全書

卷三

三十一

閣如坐針氈不能頃刻少寧今剖心瀝血敷陳至尊之前若 皇上自信自恃謂不足慮則臣等何所托以為命伏望深惟治亂安危之幾決於此際一切當行之事當用之人聰明睿知之主自然洞晰何待臣等一一徒滋瀆擾臣等休戚相關萬不得已故苦心苦口幸勿以為空文虛詞付諸一覽而已臣等不勝懇天籲聖激切屏營之至

五月初九日上

次男亡乞假疏

題臣稟受素弱年齒向衰常惟感荷 鴻恩勉  
強供事茲因次男夭喪傷感頭目眩暈步履難  
前不能入閣輒敢冒昧仰乞 聖恩容臣暫假  
數日調理稍獲痊可即當竭蹶以效犬馬報主  
之誠也臣不勝懇望之至謹題請 旨五月二  
十八日

上次  
日奉

聖旨朕覽卿奏次男夭喪亦為憫惻但人生修短  
天有定數勿得過傷以慰眷懷准給假調攝稍可

敬事草

卷三

三六

即出佐理

謝疏

奏為恭陳謝悃事昨臣以次男夭亡頭目眩暈  
具揭上請乞假數日奉 御批云 欽此臣不  
勝悲涕不勝感激伏念人臣許國義當忘身至  
于兒女私情喪亡穢事尤不宜上瀆 君父之  
清聽但緣臣素多疾病適遭此變父子恩深殊  
不能堪而家屬南歸無人代治不勝老牛舐犢  
之情身營敝蓋掩狗之事非假數日難以訖此  
既有陳乞又不敢不以實聞方憂瀆聽之愆惟

敬事草

卷三

三九

以見俞為幸何至上座 聖念曲賜慰綸軫憫  
惻之至仁視有同于入井揭修短之定數理尤  
備于披雲戒臣勿得過傷勉臣仰慰恩眷假臣  
調攝趣之佐理而况淋漓翰墨出于親灑彌徵  
注念有萬恒常惟此草露纖委冀土棄餘尚煩  
聖憐形之詔旨幽夜為陽亦足不朽敢不以義  
裁情捐家赴國昔人懷一女仁深死猶不忘結  
草今臣沐累世恩厚生敢惜于報桃臣日後報  
名廷謝外謹先具奏稱謝以聞五月二十  
九日上奉

聖旨覽卿奏謝朕知道了卿宜速出匡輔以慰眷倚之懷吏部知道

敬事草 卷三

三十

辨丁應泰誣疏

奏為循職效忠橫被誣枉懇乞 聖明特賜褫罷處分以明臣誼事臣近以子喪身病蒙恩賜假調理倏接兵部職方司贊畫主事丁應泰一本為貪猾喪師釀亂權奸結黨欺君懇乞 聖明亟正刑賞等事內叅楊鎬李如梅麻貴而及臣張位臣一貫臣竊自思才庸德薄不稱輔弼則又知其當黜矣若應泰之所以罪臣者臣內自循省尚有可言伏惟 皇上少垂察焉臣惟

敬事草 卷三

三十一

鎬等在朝鮮行過事有總督監軍之奏報有兵部之題覆臣預聞稟擬但秉赤忠下有公論上有國法何敢為之欺掩而引他人之罪為己罪也屬國之存亡邊境之安危皆懸于此臣非喪心病狂豈能負 君父生成之恩不為 朝廷大事計哉詳應泰之所以罪臣者謂臣不宜令其早投揭帖又舉臣所言倭必不敢犯中國等語以為非是臣請一一辨之舊規各衙門下本于通政司即一面投揭于閣部該司上疏閣臣

看揭發票之時始無阻滯循行已久非始今日  
自東事之興章疏詞繁或至數千百言而皇  
上尤特加意隨到隨發又每命守票出旨而彼  
處賫揭人役徃徃視為泛常緩不投遞閣臣不  
曾經目倉卒票本豈能一閱而盡其始末究其  
源委仰當于 聖意而適中夫事幾裁比其揭  
到則票擬已過而空置之于無用矣故前此票  
擬之詞不能無未盡之情兵機關係思得早讀  
其揭而參酌商量以免于悔不過申明舊規慎  
敬事草 卷三 三十一

臣每見 皇上憂勞東事夙宵不遑 詔旨惓  
惓軫念將士欲作其忠勇之氣以收萬全之功  
時加奉揚不敢隱默此則臣忠 君報國之職  
分非私交也臣仰恃 君父鴻庥寵光優渥何  
藉于彼而為私通必欲曲為文致臣身殆無死  
所矣但臣孤忠無侶愚不保身致令指摘多言  
慚負天日伏望將臣特賜罷斥處分以清政本  
則朝廷之刑罰公而裨益軍國大計不小矣臣  
不任戰兢哀懇之至  
四十六年六月初  
四日 上初五日奉  
敬事草 卷三 三十二

聖旨 卿清謹端亮朕所鑒知人言不必深辯卿宜  
即出輔理不准辭吏部知道



請乾斷疏

奏為聞言負慚席藁待罪懇乞 聖明俯亮心迹亟賜乾斷事臣奉職無狀辜負 皇上任使至意致贊畫主事丁應泰論列已經具疏陳辯伏蒙 聖慈不即指斥賜之 溫綸命臣即出供職臣伏自維念十年講幄三載綸扉空糜廩祿無裨贊襄方自愧悚方自剋責即微人言久欲避路乃今橫被指摘雖于中尚有可詞而生平已甚玷缺在 聖主眷念之過蓋為閣臣存體而愚臣內省積愆則有日夜惶懼况聞科臣趙完璧徐觀瀾交責未已臣頃見其疏大約不出此意除前疏已辯不敢復辯以瀆 天聽外臣惟閣臣之難不但今日自十餘年來無一人得免于彈射無一歲不騰夫風波况臣孤根尤易挫折遭時不偶奉職不效夫復何言臣起家受命之日已致此身為朝廷之身不敢私恠故朝夕在公常效匪躬之節無一事不為尊主上安社稷利蒼生固邊徼以圖報稱于萬一若狗

私朋暱實所不敢智慮短淺防患不密罪誠有

之而區區一念則皇天后土可表臣心仰惟

聖主上與天通孤臣可恃猶望在此閣臣係是

皇上股肱有罪自當 皇上處分伏乞 聖明

即賜乾斷臣無所恨惟復哀憐狗馬效力逾三

十年豈無一節之可贖尚有寸心之可諒賜之

骸骨俾得生還則又天地生成之至恩出于微

臣望外之萬一者也

聖旨卿公忠清謹朕素鑒知雖與楊鎬通書亦是

敬事草 卷三

三十五

勸勉盡職原無別意着即出安心佐理勿得再陳

吏部知道

三疏

奏為佐理積愆過蒙矜宥省躬揣分跼蹐難存  
仰祈 聖明特賜罷斥以重政本事臣近因患  
病給假聞贊畫主事丁應泰論劾再具疏自陳  
為聞言負慚席藁待罪懇乞 聖明俯亮心迹  
亟賜乾斷事奉 聖旨卿公忠清謹朕素鑒知  
雖與楊鎬通書亦是勸勉盡職原無別意着即  
出安心佐理勿得再陳吏部知道欽此臣奄奄  
殘息似夢似痴悵憤之中尚知天日不勝涕泗

敬事草

卷三

三十一

交集舉首擊牀以叩謝 君父再造之鴻恩也  
伏念臣罪狀已著衆口交攻乃蒙察之于衆惡  
之中出之于濱亡之地公忠清謹既假過情之  
諭勸勉盡職復諒無他之心雖慈父之護子不  
能過矣自今以往臣宜何以報稱惟有斷結但  
臣退而自思猶有一語良心難泯不敢隱匿輒  
敢上陳于 君父之前臣與張位同在閣中大  
小政事臣實參預謀國不效自當伏辜一去一  
留難以明法况臣伎倆已竭筋力已窮家難頻

仍疫疾為厲生死旦暮不任驅策方今賢才濟  
濟悉堪簡任前事既拙當求後工若以具臣充  
位之故而又稽賢俊之登庸大壞國家之政務  
則臣罪益深臣之內寧足食乎望將臣與位同  
罰亟賜罷免閣臣員缺前已奉 旨題請伏乞  
發自 聖心特簡堪任之臣數員惟復或諭內  
閣或諭吏部從公推舉與首輔一同辦事庶幾  
政本得人而安攘之績立奏矣

十五  
日奉

敬事草

卷三

三十二

聖旨卿為國重臣清忠端慎朕所鑒知已有旨勉  
留何必再辭且國家多事閣臣缺人宜遵旨即出  
佐理以慰眷懷不准辭吏部知道



謝恩并告病疏

奏為恭謝天恩懇乞 聖慈俯容寬假調理以圖補報事昨臣具奏為佐理積愆過蒙矜宥省躬揣分跼踖難存仰祈 聖明特賜罷斥以重政本事奉

聖旨卿為國重臣清忠端慎朕所鑒知已有旨勉留何必再辭且國家多事閣臣缺人宜遵旨即出佐理以慰眷懷不准辭吏部知道欽此伏念臣自遭謗以來三蒙 溫旨螻蟻微眇荷天殊

故事並

卷三

三八

恩所不感遇狗知以圖報效者非人也臣用是忘其危病踴躍奮起願竭餘力以酬知遇之隆但臣染患已非一日前具疏時方抱慙請罪未暇言其狼狽之狀今蒙 聖主推赤心以遇臣敢陳一言以祈矜憐臣自少多病今犬馬齒六十有二矣頭白齒落足軟筋拳加以三年之中連遭室中二喪百苦交罹如在焚灼今春祇役科場以夜繼日盡耗心血因患怔忡又天亡次子悲思哀楚而適逢嘔言憂悸慚悚一時並集

致感疫邪風涎上湧精液下遺膈氣中痞求醫速效倍藥攻治欲速不達勢反增加今頭岑岑不能起日夜叫號輾轉于牀蓐間噉不能一溢米也臣素誓效忠忘身徇國往雖有病未嘗不勉強進閣風雪寒暑不敢間斷况今國家多事閣臣缺人首輔一身獨力擔任過蒙 天眷豈忍辜負但緣病勢纏綿未得消滅強起即仆力不從心茲不得已陳乞于君父之前伏冀 聖慈容臣寬假調理稍可匍匐即當趨閣辦事以

故事並

卷三

三十九

終 皇上任使之深仁也

十九日 十一日 奉

聖旨覽奏知卿以積勞多鬱成疾致有此請暫准假調理政本重地痊可即出匡輔以副眷懷吏部知道

告病二疏

奏為 聖恩極隆臣病加劇自料難起恐誤政  
幾懇乞早放歸田以安愚分以保餘生事項者  
臣奏為恭謝天恩懇乞 聖慈俯容寬假調理  
以圖補報事奉

聖旨覽奏知卿以積勞多鬱成疾致有此請暫准  
假調理政本重地痊可即出匡輔以慰眷懷吏  
部知道欽此竊念臣以草茅么膺之身際風雲  
嘉會之盛儒生至榮臣子竒遇匹夫懷德尚思

敬事草

卷三

四一

報酬臣雖至愚能忘戀闕况臣不能奉職而屢  
勤 聖主之保護獎徵心迹昭察甚明不能攝  
生而屢勤 聖主之愛憐賜寬假期至于一再  
聖主未嘗棄臣臣亦何忍自棄顧病勢至此天  
實棄臣此臣之所以不能已于哀鳴也臣自三  
月以來每日汗流如雨形容憔悴飲食減少其  
時但以趨事為急而未暇請假調理日深一日  
至于併發既有悲哀憂暢之傷其內復有天行  
時症之傷其外即今寬假以來又十餘日矣醫

藥不絕冀望回生為心愈急為效愈遲上膈下

懣前遺後悶熱氣不鮮黑痰潮湧始猶夜重日  
輕今則晝夜號苦矣始猶憑人卧起今則輾轉  
皆艱矣又且忽復起作忽復顛仆有如狂易不  
能自持屢經多醫竟無一效皆言病入膏肓非

可容易療理若不辭免榮祿豈能苟延性命竊  
計臣病有增無減度日如年致使 皇上一心  
獨勞于上首輔在閣亦無無次伏乞 皇上憫  
念臣不得已之意早賜罷免回籍以歸骸骨特

敬事草

卷三

四一

簡賢才二三員與首輔辦理閣事惟復亟下  
聖諭令吏部會官從公推舉則眾賢弼亮幾務  
有托臣雖存歿未期而子子孫孫百世頂戴祝  
延萬壽無疆之慶歌頌一人有道之長也  
七月初八日  
上本  
日奉  
聖旨政本乏人朕日望卿入閣佐理如何又有此  
奏幾務繁重倚任甚切還着鴻臚寺堂上官宣諭  
即出匡輔以副眷懷至意不允所辭吏部知道

謝宣諭疏

奏為恭謝天恩事七月初八日臣具疏為 聖恩極隆臣病加劇自料難起恐誤政幾懇乞早放歸田以安愚分以保餘生事奉

聖旨云欽此欽遵該鴻臚寺卿張棟等到臣寓所榻前恭捧宣讀臣聞命在牀不覺感激痛哭草茅微賤何以蒙此殊遇也臣謹伏枕望闕叩頭謝恩訖伏念臣心懷報主智昧養生一病顛連衆藥不效自非萬分難強安敢屢瀆宸前在

敬事草 卷三

四二

聖恩彌篤眷留在愚臣實深競惕非為自詛實則自知伏乞 皇上俯念籲天乞命之誠始終賜之造命祈生之路臣不勝感激哀懇之至為此謹具本奏謝以聞奉

聖旨覽卿奏謝朕知道了雖有微疾不妨再調攝數日即入閣辦事慎勿固辭吏部知道

告病三疏

奏為患病危篤調理罔功三懇天恩放歸田里以延殘喘事臣攝身不謹致嬰重疾屢蒙 皇上憫憐寬假調理昨又遣鴻臚寺堂上官到臣寓所宣諭德意令臣痊可早出輔理犬馬賤軀何煩矐顧之殷如此臣不勝感涕隨具本申謝外伏念臣區區報國之心自為小臣已自期許况今遭際豈忍負恩實緣賦命淺薄叨冒過多天忌其盈致此奇疾百般苦楚一時畢集遍訪

敬事草 卷三

四三

諸醫罔知措手臣之病狀有難盡言總之痰火壅塞腹背如焚心志憤耗飲食隔絕每一痛發幾不欲生下體尤病足不履地日夜輾轉于牀席間氣咽聲微不能出口藥餌無效按摩罔功醫人朱法等共稱勞傷過度決非旦夕可愈惟解官就閑庶僥生路臣奉宣諭以來日思強起以畢報效之誠而沉痾若此 皇上不棄臣而天實棄臣臣心亦不自棄而身實自棄心熱徒炎淚盡無益臣素小心每上一疏遲回數日而

萬不自由為此一可望豈敢復瀆呼天呼父母之舉也惟 皇上哀憐早賜放歸田里儻餘一線存活則尺寸之效尚有望焉如其終填溝壑他生必為犬馬以償今生未畢之願也臣無任懇激待命之至奉

聖旨前已遣官宣諭日望卿入閣匡輔如何堅詞求去暫准給假調理痊可即出以副朕倚任眷懷慎勿再有托陳吏部知道

敬事草

卷三

四四

謝賜猪羊酒米等物疏

奏為恭謝天恩事臣以抱病乞休本月二十一日伏蒙 聖慈特遣御前牌子蔡廷頒賜臣鮮猪一口鮮羊一羸白米二石酒十瓶甜醬瓜茄一罈臣謹于私寓恭設香案令典籍王益代臣叩頭隨該蔡廷進臣卧内臣力疾就床叩頭謝恩恭領訖伏念臣攝身鮮術病力不前無能為國分憂顧藉屢思生色臚卿宣諭既銜温渥之天言中使傳恩更拜駢闐之法膳御廩之玉粒上尊之金漿牲無毛鬣之多藪有苾芬之備光輝蓬户充塞菟腸感服隆施唏噓被臆愚忠未畢豈不望一起以效犬馬之誠丘隴在心亦願得再生以奉蒸嘗之事所恨病與身仇身與心左醫為病勝不能勝病舉事多違觸目生苦即今天恩滿庭先後再至而臣不能扶掖拜賜豈其冥頑至此誠亦無可柰何恐無多于延年願終聽其引去也臣不勝激切感戴之至奉

聖旨覽卿奏謝朕知道了卿宜慎加調攝痊可即

出佐理以慰眷懷該部知道

欽定

卷三

四十六

萬壽節賜銀幣附疏

奏為恭謝天恩事本月初九日伏蒙 聖恩以萬壽聖節特賜臣銀五十兩綵段四表裡該首輔趙志臯分送到臣私寓臣病不能興謹于牀褥間叩頭祇領伏念臣衰殘朽物荏苒長痾宜即棄捐尚蒙齒及昌辰大賚隨例並頒曠廢日多受之實媿恩慈天渥辭又不能輒爾承彌深慚感儻狗馬尚能復起則髮膚誓所必捐緣抱悚惶謹先陳謝臣不勝感戴之至奉

欽定

卷三

四十七

聖旨覽卿奏謝朕知道了禮部知道

八月初九日上

萬壽聖節恭賀揭帖

題臣自給假以來經今七十餘日職守曠廢封  
章瀆陳有忝靖恭實深惶懼詎意游承寬體屢  
錫諭頒聖眷彌殷天恩駢渥溢臣涯分無以復  
加銜感百千有難言述茲者恭遇 皇上萬壽  
聖節天開景運神錫新禧歡聲倍暢于往年玉  
帛咸來于萬國臣備官最近受恩最深身在屏  
牀心非木石初擬痊可以圖報效既以棲遲茲  
欲扶掖以伸賀忱又憂顛越如星在霧夙宵懷

敬事草

卷三

四八

拱極之思似水居泥日夜切朝宗之想彷徨戀  
主誠無所施輾轉熱中寔難自處惟思望天而  
致祝上祈祐聖以長春至期儻不能匍匐謹當  
于私寓焚香望闕叩頭敬祝萬萬歲壽緣此悃  
誠莫達輒預披陳庶微鑒宥之慈少逭愆尤之  
責伏願茂對天心德日新而不已丕凝寶命福  
時萬以無疆長孚流虹遶電之祥永集祝華呼  
嵩之慶臣無任欣躍仰戴之至

八月上  
五日上

告病四疏

奏為病勢轉劇病可無期四懇天恩放歸田里  
以幸餘生事臣患病三月屢蒙 皇上備加憐  
憫宣諭頒賜寬假調理臣不勝感激日望痊可  
少圖報效詎期心日益急病日益增前月恭遇  
萬壽聖節海宇臣工奉表來賀臣為近臣受恩  
最厚分當力疾強起共効嵩呼然學步榻前腰  
疲膝軟稍見風日頭眩目昏幾至傾跌遂弗克  
匍匐宮門臣獨何心而能安此臣前具疏申賀

敬事草

卷三

四九

又不敢明言其狀肝膽欲碎而病益沉重矣醫  
謂繁火內蒸心脾兩竭寒熱交証肌肉潛消即  
今瘦骨如柴惟有一息未斷臣又不勝悲憤三  
十年來受 皇上知遇一旦忽然以骸骨請臣  
復何心而能安此臣子稍長者為臣亡妻扶柩  
歸里次子五月病故今在寓者僅孩提二子耳  
臣病卧中止有一二童僕時見臣精神恍惚語  
言顛倒或晝卧瞑目而口中吟詠或夜分驚起  
而號泣達旦輒呼臣醒問臣所以似夢非夢若



見臣先父母共處一室時覺傷心蓋人之精神  
魂魄強則鄰於陽衰則鄰於陰疾病則呼父母  
臣不啻號呼且寤寐見之矣臣顛迷錯亂不避  
忌諱敢直吐于 皇上之前伏望憐臣苦情哀  
臣病悖特賜放歸俾臣得見父母墳墓少慰垂  
死一念萬一獲保殘喘圖報有日若因是而獲  
正首丘死且不朽臣不勝哀鳴激切悚惕待命  
之至

九月初二日奉  
上初三日奉

聖旨覽奏知卿情辭迫切但國家多事宵旰深憂

敬事草 卷三

五十一

卿為重臣豈宜屢疏求去有疾着再加調攝稍可  
即出輔理不允所辭吏部知道

告病五疏

奏為病篤待命五懇天慈曲憐早放以免誤國  
事臣自五月以來屢因患病乞身伏蒙 諭頒  
慰憐日月相續舉家早夜焚香告祈上蒼庶幾  
再起以圖一效也無柰病根極深醫工斂手前  
一月中累換症候五內自讐一骨空在身魂相  
離語言錯亂是不任地日夜涕淚至于兩目亦  
昏暗不能辨物因不得已于今月初二日具本  
懇放 聖慈以國家多事令臣再加調攝臣蒙

敬事草 卷三

五十一

頭百叩感激增悲國家委為多事九重獨任憂  
勤臣素發憂國奉公之誓幸際日月風雲之側  
不一少效寧復稱人是以聞命之頃義憤鼓激  
顧命實不猶病適轉甚虛憊難久力盡神疲是  
夕心火暴熾丹疹遍體初痒後疼如嬰湯烙至  
于九日忽暴注不收頭漲如盤身暈如輪一厥  
之後半體麻痺氣咽聲嘶去死分寸無所哀控  
益自傷悲而不敢再瀆于君父之前也則時自  
解慰以為臣身非臣身乃 皇上之身也既當

不避寒暑晝夜為國宣力臣身非臣身乃造物之身也又當任其生老病死時至則行但念內閣非養病之地三月在告一痊無期國家多事而望病臣任事宵旰深憂而望病臣分憂如以跛驚涉峻崖遠水救近火既不可恃又不能待若復遷延不過為前閣臣陳于陛之續作飄泊無依之鬼耳伏想 聖衷既已垂憫今臣又萬分危急必蒙痛惜輒敢冒威懇祈允臣解職還鄉乘此殘喘未絕歸正丘首臣生當啣環死當

敬事草

卷三

五十二

結草九月十三日  
十月十四日奉

聖旨覽卿奏情詞迫切朕非不知體念方今國家多事宵旰靡寧全藉卿等同寅協恭匡輔國政安輯宇內卿乃屢疏求去殊非盡忠體國之念有疾不妨再加調攝痊可即出贊理以副朕眷懷不必再辭吏部知道

謝宣諭疏

奏為恭謝天恩事今日首輔趙志臯一本奉聖旨覽卿奏情詞迫切豈不體念但今國家多事邊境弗寧朕心日夜焦勞正賴卿老成任事公謹運籌弼成化理豈可忽然言去宜益展忠猷以副眷倚至意不允所辭次輔一貫便着鴻臚寺堂上官宣諭即出佐理閣中缺輔着吏部便會九卿及科道掌印官公同薦舉數員來用該部知道欽此鴻臚寺堂上官張棟等恭捧到

敬事草

卷三

五十三

臣榻前宣諭臣心惟慄寒汗流浸趾感激無涯悚懼並集不覺哀痛失聲游魂殘喘何當天聰勤隆至此也自臣伏枕以來今一百二十日矣屢蒙賚賜之厚復拜宣諭之殷 溫旨慰存至于五六寬假調理大破常格臣日夜望病患之少瘳圖犬馬之一效何期久滯膏肓至今未起皇上不加譴呵而尚厯憫惻盛典再及近今所稀臣為 皇上臣子不自謹疾以致 君父之憂不孝不忠孰大于是茲蒙 帝曜之吉臨懸

想災星之遠退苟飲食可以少進步履可以扶掖豈敢孤負鴻恩自捐丘壑顧 聖心雖甚慈惻天意未審若何內懷恟惶實難啟慶臣無任涕泣悲楚百稽百叩之至謹具奏恭謝以聞

三月初一日上十日奉

聖旨覽卿奏謝朕知道了方今國事多艱閣臣缺人已久宜亟加調攝痊可即出佐理毋得再辭以負朕眷倚之意該部知道

敬事草 卷三

五十四

謝再宣諭守催進閣疏

奏為再承宣諭感激異恩披瀝悃誠干瀆天聰事臣病卧中間首輔趙志臯具疏暫假奉 聖旨卿偶疾宜慎加調攝稍可即出輔政朕聞次輔一貫前恙少愈還着鴻臚寺官傳諭守催進閣佐理所奏會催閣臣候旨行該部知道欽此鴻臚寺官張棟等恭捧到臣傳諭守催臣感恩流涕固知所措驚魂靡息不能恭迎謹扶掖匍匐床下跪聽 溫綸叩頭謝恩訖伏念臣已成

敬事草 卷三

五十五

半廢之人僅存如線之命 皇上宵旰憂勞急資佐理眷懷舊物不忍輒遣傳諭至再即臣病少減萬分之一矣顧飲食艱難不能數粒兩膝怯軟步履不便臣心日夜苦楚願效犬馬而未能也茲聞首輔病告則又不勝驚駭臣年比首輔差少而一疾尚未即痊以臣之病知首輔之病實出至情但閣務劬勩而僅僅兩臣似不容皆在于告臣又思首輔前疏乞催閣臣伏望 聖明特簡以補一時之缺俾臣再假調理稍可

步趨臣何敢愛尺寸之膺負 陛下生成之德也臣無任感激哀籲之至八月初奉聖旨覽卿奏謝朕知道了今首輔偶疾調攝閣務繁重卿宜即出佐理以副眷懷所奏簡用閣臣候旨行該部知道

敬事草卷四目錄

報入直揭帖

請補閣臣疏

請假揭帖

謝遣醫疏

報入直揭帖

請補閣臣揭帖

請冠婚揭帖

回奏冊立分封冠婚聖諭揭帖

敬事草卷四目錄

報東三路捷請發犒賞揭帖

救傅好禮揭帖

報東倭平揭帖

請補閣臣疏


言京口儀真稅事揭帖

謝諭揭帖

京察自陳疏

言東功當賞不當罪揭帖

言考察自陳官擬去揭帖



請照推點陞科道揭帖

諫遣權使揭帖

催發會議丁應泰本揭帖

催允四川總督揭帖

諫變法征利揭帖

勅王官揭帖

救包見捷揭帖

謝諭揭帖

言徐觀瀾不可復遣勘揭帖

志  
卷四

敬事草卷四

柱國少傅兼太子太傅吏部尚書中極殿大學士臣沈葆楨

報入直揭帖

題在告五月所奉恩賚思諭日月相望道路聳  
觀臣至孤子人莫矜憐獨蒙厚眷鴻慈超絕前  
後臣竭口不能言感摩踵不能稱報惟有銘鏤  
肺腑傳示子孫而已宣諭之時猛欲即出緣夕  
卧之後身弱足軟連日學步初見風日適又感  
寒熱往來齒痛面腫之疾加費調理謹于本月

敬事草 卷四

十四日赴鴻臚寺報名十五日見朝及謝屢次  
非常恩典入閣辦事矣但臣猶有縷縷至情不  
敢不言臣病多端向已塵瀆但言其大者則腹  
背之間常如火烙閉目尤甚終夜不睡性躁妄  
發又不耐思量恐致錯悖辜負 聖知此臣內  
病之大者也至于步履極其艱難腰膝以下似  
非臣有出入禁闈寸步千里又臣外症之大者  
也總因飲食日少脾胃否膈况以年衰弱甚益  
難滋養今未減十之一二但因 諭旨荐頒寵

私過厚恩重身輕威尊命賤萬不得已扶掖而出冀藉如天福庇回春再生耳臣不敢愛身但恐誤國若孤君父眷倚之意萬死何足塞責今首輔在告而臣以一病軀獨任更無同心資助只取給于胞臆之內夙夜戰兢顛仆不遠就使旦晚之間首輔即出而閣事繁重恐非二臣所能拮据抑且萬萬不便傳聞伏望將吏部所推輔臣簡命數員共圖佐理今日第一急務臣犬馬苟可支持不敢推諉庶幾同寅協恭共襄

敬事草 卷四

大業以酬今日泰交之隆遇也

二十六年十一月十五日上

請補閣臣疏

奏為懇請亟補閣員以重政本事臣惟內閣缺官自六月初三日欽奉

聖諭令臣等議詳題請臣等欽遵屢疏吏部奉

旨會推至今五閱月矣未蒙點用 聖意淵微

固非臣愚所及但臣以久病餘息體力不前因

首輔在告 聖諭諄切抱頭忍痛扶掖強入五

內越裂百脉沸騰獨身獨任自苦自知日夜懸

望首輔即出尤日夜仰望 皇上點用蓋內閣

敬事草 卷四

之職潤色絲綸看詳章奏備朝夕之顧問參密

勿之論思實 聖諭所謂樞機政本之處至鉅

任也乃若詔誥制勅之重及諸供應文字之多

修辭揆義考舊酌新紛至沓來又不暇給任大

職艱事繁責備即有無人才略不能以一手足

之力辦此臣請以閣中故事言之遠不暇論止

如隆慶元年徐階李春芳郭朴高拱四人在閣

復進陳以勤張居正入閣是時同事者六人其

後高拱郭朴養病徐階致仕而趙貞吉入則同

事者四人四年高拱起用趙貞吉致仕而殷士儋入同事者五人五年陳以勤李春芳致仕在閣者三人六年殷士儋致仕而高儀入同事者三人惟 皇上初登極時高拱罷去高儀亦卒張居正獨在位旋以呂調陽入止二人至萬曆三年張四維入六年馬自強申時行入閣中有五人後呂調陽致仕馬自強張居正卒余有丁入在閣者三人十一年張四維丁憂許國入在閣者三人十二年余有丁卒王錫爵王家屏入

故事章 卷四

四

在閣者四人十四年王家屏丁憂十六年起用十九年申時行許國皆告病趙志臯張位入在閣者四人二十年王家屏去二十二年王錫爵告病伏蒙 聖恩以陳于陞及臣一貫備員在閣者四人由此觀之可見衆賢相聚乃克成功大厦之材必非一木閣臣舊例多時至于六七員最少亦不下三四員惟張居正擅權與呂調陽二人在閣者年餘此則千古覆轍所當永戒乃今令臣等二人獨當此任則是不戒前車千

古罪人也念此毛骨悚豎何能一息苟安况彼二人者當時精力強贍作止自由羽翼相承不致乏絕今臣等皆衰老餘年精耗神竭值剛明獨攬有難對揚逢國家多事紛紜不易調劑又且一起一仆雖二人亦不同事如盲子失侶獨行深山而責之負寶前趨刻期赴命雖在庸愚知其危甚入則抱枯腸涸肺之患出則冒專權獨擅之疑已則懷高位疾顛之憂人則致妨賢病國之誚難乎免于今之世矣寧不垂意悲憐乎即罔為臣等悲憐獨不念樞機何地絲綸何事安危治亂悉懸于此而獨委一二衰病之臣是獨不大可憐乎不寧惟是臣聞朝廷者四方之極大臣者萬民之鎮也朝廷立極大臣作鎮內外相維堂簾相承則綱紀振修而盜賊屏息若位署多虛法制陵替雖閭閻小民亦懷輕玩縱恣之念而四夷聞之必謂中國空虛元氣衰落且有不利之憂今以堂堂天朝濟濟賢俊可備任使者何限而至使密勿要樞亦虛不補非

故事章 卷四

五

所以壯九重之觀杜薄海內外邪僻之心也誠  
知慎重選用實古帝王進賢如不得已之意第  
慎事太過更近于弛進賢太難更近于踈尤今  
之所當深念而亟圖者臣受知最深圖報更切  
伏望納臣言將吏部所推閣臣特賜簡用以資  
佐理宣諭首輔即出辦事令臣得有所資承不  
至顛隕以誤國家十一月初一日上奉

聖旨朕覽卿奏情詞懇切具見忠愛元輔便着鴻  
臚寺官宣諭守催即出輔政以慰倚任佇待至意

敬事草 卷四

簡用閣臣知道了吏部知道

請假揭帖

題為給假事臣力疾勉強連日又加焦勞昨晚  
半夜舊病舉發遍身寒戰如水難以見風伏乞  
聖恩暫假數日即行趨閣辦事不敢偷安謹此  
具題伏候 勅旨十一月初六日上奉

敬事草 卷四

二



謝遣醫疏

奏為恭謝天恩事昨臣以病餘強出旋至困仆不能入閣乞請暫假奉

聖旨云欽此隨該太醫院院判徐文元羅必燁

御醫何子忠吏目許登雲奉命到臣寓所臣恭

設香案扶掖望闕叩頭謝恩文元等更迭診脉

共製醫方以攻臣病復備舉調攝之術以寬臣

心臣感激 皇恩不勝悲涕伏念臣久當退處

復此支離風寒奔走勞其形思慮危悚困其心

敬事草 卷四

藥餌空以自隨飲食尚無餘暇盖病本在身而

但以心勝病心則欲強身何能從強跂不立強

跨不行理固宜然非偶爾也乃蒙予假已荷慈

憐更軫 聖心備加矜惻示一體痾瘥之意勤

問疾醫來之遣終臣此生何以報德既造命于

君父命或可延已致身于朝廷身於何有臣不

勝感戴拱荷之至

十一月初七日  
上初八日奉

聖旨覽卿奏謝朕知道了目今國家多事政本缺

人卿宜慎加調攝稍可即出佐理以付眷倚之懷

禮部知道

敬事草 卷四

報入直揭帖

題臣于本月初六日偶因舊疾感發請給暫假  
伏蒙 聖恩俯允欽遣御醫徐文元等診視臣  
感激隆恩即具本陳謝外今病稍可不敢偷安  
謹報名廷謝入閣辦事惟茲犬馬之微軀至塵  
天地之鴻造捐糜莫稱銜結奚辭臣不勝感戴  
之至謹具奏聞

敬事草

卷四

一

請補閣臣揭帖

題臣逢時特達受恩弘深頃因病發請告即蒙  
許可隨遣御醫診視因獲更生臣之微身乃  
皇上再三生全之身也敢辭摩踵以圖稱塞除  
今日已報名廷謝入閣辦事外蓋內閣者 皇  
上之內閣天下幾務之所從出也臣不敢以病  
誤事又不敢以病推事前者臣屢造首輔首輔  
具言欲得靜養不能即出今臣在告首輔又貽  
書于臣囑臣早出即二臣皆健亦當固請增閣  
以圖同寅協恭之效今首輔既久不出 皇上  
又久不增則豈徒苦臣一身切恐誤國不小蓋  
臣于今日有瀕于死者三焉以久病餘生而夙  
夜繁劇不休必將以勞死一也才微德薄而加  
之孤立無助必將以罪死二也禁中之事非外  
人所知而獨任獨為雖無專擅誰則信之必將  
以讒死三也此臣之所以寧冒威嚴而懇求不  
已也即使臣身不病理亦當請臣聞之下臣事  
君以身上臣事君以人事君以身則一人之獨

敬事草

卷四

十一

力有限事君以人則衆賢之共舉無窮故古者  
進賢蒙上賞蔽賢有顯罰臣今已病而猶不避  
賢且至蔽賢罪又當若何意者 皇上謂閣職  
甚重而人才難知耶凡所謂人才者必用之而  
後知其為才不用不知其為才也其人若能讀  
書循理守已奉公則今日之端士即他日之名  
臣無不可用不必以未試而重疑之亦不可以  
小嫌而終棄之也在昔 皇祖世宗肅皇帝深  
惟 祖宗開設內閣與儲養翰林之意甚遠特

敬事草 卷四

十二

加昧于詞臣與百僚庶司甚殊朝夕侍從體貌  
優隆文墨雅尚顧問不輟故嘉靖間彬彬多文  
學名世之臣而留為 皇考登我 皇上之用  
遺民故老猶能津津道也臣隆慶二年進士尚  
得沐浴餘化聞是時在閣者常四五六人在諸  
曹者不但為兩京禮部堂上及吏部侍郎等官  
至如羅欽順郭朴嚴訥等為吏部尚書趙貞吉  
掌都察院事朱希周吳一鵬張治王用賓等為  
南京吏部尚書湛若水張邦奇為南京兵部尚

書雖兩京工部侍郎及太常寺卿亦用翰林若  
詹事府則常以尚書掌印而又用一人協理其  
盛如此衆賢彙征耆英畢聚國家有大疑事則  
考古證今靡有闕遺左匡右持多所裨助植縉  
紳之羽儀昭太平之盛治良有以也夫文昌之  
顯晦關世運之盛衰 聖主顧盼之間少有低  
昂而斯文顯晦之幾遂成懸絕茲者 皇上念  
大僚之久缺一時選補無遺而獨于閣臣及詞  
臣未即俞允臣愚惓惓不勝瞻矚 皇上動法

敬事草 卷四

十三

聖祖而此事猶異亦臣下未嘗引典故為 皇  
上明言耳臣望 皇上念閣臣之關係匪輕與  
皇祖之所以儲養瞻顧詞臣不薄少假燕閒早  
賜乾斷將前所推舉諸臣親加評品黜用俾令  
入閣佐理推廣此意及于詞臣亦俾之及時同  
升不致淹滯空老以培一代文昌之脉以弘將  
來大受之塗國事幸甚天下幸甚臣性不飲酒  
病久絕葷僅以一溢米一杯藥為命當此朔風  
凜寒辰入酉出一日不可知豈可謂有臣在閣

而不置一副貳以為之備臣恐他時言之已晚  
不避冒昧之愆惟冀 聖慈俯亮而賜行之臣  
無任激切屏營待命之至

十一月十四日

敬事草 卷四

一四

請冠婚揭帖

題臣等竊以為天下之事出于天理人情之極  
者必不可不行又至於數窮理極之時者斷不  
容少緩况家庭父子尤為至情不待矯強無俟  
人言者則今日 皇長子之冠婚是也臣等間  
侍講讀睹睿容温粹玉體充盈問學日新聰明  
天啟慶吾 君之有子頌義方之慇懃惟是冠  
禮未成儀章弗稱好述尚邈淑德愆期天聰轉  
高人心孔亟臣等職親地近幸無明諍顯諫之

敬事草 卷四

一五

嫌敢冀 皇上豁然允行令天下傳 聖明獨  
斷之美冬日維暮新歲倏更揆以勢情萬不可  
已臣等認忝輔弼之司動關天下指摘即一事  
不妥群議沸騰矧大典久稽贊襄何在豈不聞  
密勿近臣格心為上待言而悟為術已淺累牘  
無當負罪益深萬一此禮再遲大小臣工紛紛  
煩瀆轉覺明時觀聽不雅臣等區區固不足惜  
而謂千萬年有典有則之熙朝有因十八歲不  
冠不婚之元子宣播外夷昭示來世甚非所以

為訓也披瀝已盡不知所云伏望俯從無任激切隕越之至謹題請 旨十一月二

欽定四庫全書

一六

回奏冊立分封冠婚 聖諭揭帖  
題昨日禮部接出

聖諭朕惟冊立分封東宮及諸親王此乃 祖宗訓章大典嫡庶長幼一定自有次序緣因皇長子稟質清弱氣體未充况皇后年在妙冲又屢遭不諱大難故不得已遲緩少俟耳非有別意亂危國家昨者 大行皇妣之服已滿雖無三殿其二宮不日落成皇長子齡已過期體已充足爾該部便具選婚舊儀來看其冊立并加冠禮少俟二宮落成之日行朕又思三皇子五皇子六皇子七皇子俱已長成若再少待恐又費一番事不若亦于二宮完日一併加冠分封庶免煩擾內皇三子皇五子年歲稍長待分封之日可着出閣讀書親近儒臣朝夕訓誨以開蒙塞禮部知道欽此臣等伏惟皇長子冊立冠婚諸禮四海臣民瞻望已久皇上渙發慈衷布宣恩綍禮臣捧出中外傳聞朝署簪紳舉喜色以相慶閭巷蒼赤亦矯首而歡呼明 祖訓之當遵示長幼之有敘第緣中

宮有待以致延遲到今茲及禪祥遂求嘉儷元  
良早定先徵六禮之儀皇子分封並舉三加之  
典卜云其吉昉宸宮之告成愛而知勞期儒臣  
之訥誨言如金石事協典章臣等忝列樞機躬  
逢盛美中宵舞蹈曾莫罄其懽愉前此瀆陳翻  
自尤其過計竊惟本月二十五日時當長至日  
輝三珥占云大喜乃知 聖意方動于淵微靈  
貺已昭于玄象天時人事豈曰偶然萬祉千祥  
行當輻輳除選婚儀注禮部具題外其 皇長  
子冊立加冠皇三子皇五子皇六子皇七子加  
冠分封出閣等儀遵 旨俟二宮完日另行題  
請查得選婚該有 勅諭禮部一道謹擬上請

十一月二十八日上

報東三路捷請發犒賞揭帖

題昨得總督邢玠塘報內開征倭東路總兵麻  
貴報清正因圍困日久十一月十八日燒燬巢  
穴上船逃去官兵已入島山西生浦城等因兵  
部覆奏已經奉 旨外今日又接塘報內開中  
路總兵董一元報新寨倭長石曼子墮我師之  
計十七日撤兵渡海我師搜斬三十二級奪下  
米豆什器等物甚多燒燬大寨五座倭衆已皆  
盡走又一通內開西路總兵劉綎報十八日攻  
打行長巢窟奇兵由西北海口以草包土填窵  
登城內外夾攻倭奴望海奔走殺傷無算水路  
總兵陳璘因石曼子來援與之酣戰行長因得  
脫逃石曼子燒死等因臣連得此報不勝喜躍  
竊惟倭奴小醜自于天誅前者三路進兵不意  
中路見挫尚賴王師強盛廟筭不搖麻貴收功  
于東劉綎陳璘收功于西而董一元亦能因敗  
為功前雖見愚于石曼子而石曼子竟殺于陳  
璘清正行長雖以身免而倉惶渡海諒天不宥

此賊也今三路堅巢已拔八九惟釜倭尚在公然膽破合兵擊之指日可盡矣臣思參詳三路倭帥何為同日渡海又皆在會議之後此必密得關白死信共議逃歸關白之死似亦近真若其果然則禍本悉拔天意尤厚但倭帥相聚密謀而倭眾必不預聞我京師雖得聞報而軍中尚未傳聞相持猶故竭力死抗諸將之力也且倭帥雖萌去心非因兵竭糧盡力憊勢窮安肯捨十年之經營為一旦之奔竄此實我兵鼓舞

敬事草 卷四

二十

奮忠雖卻猶進之效所謂天運而人從時至而事起者關白以梟獍之資合六十六島之眾所用皆強力狡謀大將以數十深溝高壘連營八九十里其眾豈下百萬我兵纔出一年又不滿十萬眾寡實為不敵勞逸亦更懸殊而所戰克捷所守亦固圍促使盡竟收此功將士之奉命可謂殫竭心力而無遺矣今關白之死尚未可知縱令果死而成功猶非容易如其未死而成功彌堪嘉錄此皆仰仗我 皇上寵靈赫奕聖

武昭宣攬獨斷之上謀不以眾囂而微動決進剿之長策雖嘗小却而彌堅疆吏有所依憑軍資有所請給功罪有所分別機宜有所乘藉以致窮陬竒捷超古震今恩覆屬藩威加天海罷兵有期不勝慶幸第倭情極狡尤宜慎防九仞為山一簣必往申飭將士不可不嚴撫恤勞苦當加優厚臣查得舊年蔚山之捷蒙 聖心特軫兩次發大僕寺馬價銀各五萬兩先行犒賞以致軍中人人感戴彌加激勵今三路奏功比

敬事草 卷四

三十一

前較大蕩平有緒更須鼓舞伏乞 皇上渙發德音需宣大賚仍發大僕寺馬價銀十萬兩以示嘉獎犒勞之意使三路將士感誦歡騰倍力爭先剿絕餘寇以收蕩平之績惟冀 上裁臣忝備隆寄莫分 聖憂預觀盛美不勝歡忭謹申慶賀之忱

五十二月初五日

救傅好禮揭帖

題今日伏蒙發下太常寺少卿傅好禮一本為  
近郊之內假官抽稅辱國虐民乞賜拏究重處  
等事該文書官口傳

聖旨不論大小事情挾制朝廷着實出旨欽此先  
是數日之前本官曾到朝房投揭于臣備言畿  
輔窮民被害之狀極慮旦夕不測之憂欲臣轉  
達天聽少回 聖心至于流涕哽咽臣亦因之  
下淚但因連日閣務煩冗兼之病體不支因循  
未上聞也不意傅好禮今日又行催奏致干  
聖怒臣驚汗不已跣躄難容竊惟傅好禮迂愚  
瀆言不當 聖意加之以罪亦復何辭但察本  
官之心無非為國為民非敢故為觸迂况其人  
已老資望亦深伏願 皇上曲賜優容以彰天  
地之量臣既奉口傳不敢有違擬票恭進然實  
萬不得已之計也儻蒙 皇上霽威需恩有出  
于臣愚所望之外或改賜溫詞以安畿民之心  
或竟寢不下以示候行之意皆 明主之盛節

疏首立

卷四

十二

聖帝之芳規臣願 皇上為堯舜之君輒此苦

口臣無任千祈萬禱之至謹附奏聞十二月初八日上

先是初五日傅好禮具疏為假官抽稅辱

國虐民乞賜拏究等事 上未省發也至

八日好禮復持一疏跪伏文華門請面對

語甚懇且曰今候旨不得明當復來必得

命乃已 上怒以為挾制謫其官是夕

上又批發好禮前疏令廠衛逮假官抽稅

者蓋雖怒之而行其言矣然無何而復有

疏首立

卷四

十三

逮固安人之命焉



報東倭平揭帖

題即刻接總督邢玠等火牌飛報內開為釜山一倭不留海寇蕩平事據總兵麻貴差人李功相口報三路倭賊俱聚釜山船隻千餘俱入釜山半在船上聲勢頗大麻總兵列兵圍守西中人馬亦漸束逼倭于二十六日俱上船去訖釜山一倭不留奪獲馬牛甚多等因據此又據總兵官陳璘差官左揚口報自曳橋直至南海關山等處亦盡收取斬獲頗多俟塘報至日另行

敬事亭 卷四

二四

具報理合先行馳報等因臣不勝喜躍切惟釜山乃倭奴占據百年之地今一旦掃空不惟朝鮮永無倭患而登萊天津無路可入中國亦永無倭患矣此九九廟威靈 皇上英斷之所致也謹先恭賀以聞

十二月初十日

請補閣臣疏

奏為閣務缺人辦理孤臣憊極難支懇乞 聖明早賜簡命容令退休以光新政事竊惟內閣缺官今已半載止有趙志臯及臣二員見在而遞病迭興又不全入志臯嘗具疏請補臣亦嘗具疏請補又經三次揭催未蒙簡用臣蒲柳質衰狗馬疾甚實恐人道之患與陰陽之患并于一身而無以謝天下安能避煩瀆之咎不稽首于九閣之前竊惟神龍之所以布雨澤于天下

敬事亭 卷四

二五

者有風雲為之藉也風雲之藉不厚雖神龍無所施其神矣人主猶神龍也而必藉眾賢為之輔輔理單子是猶微風薄雲何以顯神明之功我 皇上聖神獨運而大澤猶屯于天下輔理之藉不厚也朝廷之有輔臣猶車輿之有輪轂也一輪缺則車不行豈惟不行將有傾敗之虞今獨以二病臣為輔二朽輪耳而不能當一輪之用又何望其鳴和鸞駕大輅收引重致遠之績臣又知其不可也往時四臣在閣每一事而

經四手耳目心思稍有優裕而得慮其所未及  
舉其所未周乃今獨令臣為之舉四臣之事并  
于一臣而耳目之應接不暇心思之料理不遑  
遂有因循姑置溺而不舉之職臣安敢自誣以  
為盡慚而無憾雖臣本意亦欲策發而謀斷無  
侶輾轉生疑至增一事為數事之勞愈多愈夢  
所以病益深哀益甚而職益廢也臣性稟迂愚  
與世無造火馳四應原非所長畧短天寒尤多  
不給况素無學問復鮮夾持日暮途遠不免倒

敬事草

卷四

二十六

行離羣索居慮難寡過一字有失萬謬叢生小  
犢債車啜嗟何及終負任使其危可知竊惟  
聖祖立制大小官員必有丞貳所以預防人臣  
非僻之心而厚之以寅恭之益使不抵于悔尤  
也自古名臣不能以一身獨為而况至愚極陋  
如臣能獨為乎即在卑僚不可以一人獨任而  
况代言佐政如閣臣可獨任乎外人不知禁中  
事必謂閣臣素為上所倚信而不增者乃臣等  
專擅之由欺蔽之故非上本意不然于 祖宗

設官之意宜增千萬幾樞本之地宜增何為久  
不增也 皇上聖政一新修廢舉墜諸曹盡補  
群賢悉登閣臣尤宜增而何久不增也今臣獨  
策駑足獨瀝枯腸獨當危機獨受惡名惟此閣  
中夙為射的而以臣為招雖家置一喙其能白  
乎伏乞 皇上憫臣哀羸危苦之極俯賜骸骨  
免貽政本之羞尤念政本安危大機早將吏部  
會推諸臣點用數員若尚未當 聖意乞勅再  
推二三員以資選擇庶幾輔理無闕而新政有

敬事草

卷四

二十七

光有如不蒙允行而復需後命造滋天下之疑  
而臣亦無所逃誤國妨賢之罪非所望也臣不  
勝披肝析膽懇祈之至

十二月初二十三日  
上次日奉

聖旨朕覽卿奏祈請懇切忠愛敬慎殊可嘉尚自  
古國家政務君主于上臣任于下都俞吁咈唐虞  
贊襄之盛治及我 祖宗設立內閣樞機政本最  
為詳悉朕豈不知但今閣務繁重倚任尤切人之  
賢否遽難周知乃欲斟酌發行豈有不補之理便  
着吏部通將前推再推堪任數員開具未用卿宜

盡心佐理不必疑畏以副眷懷該部知道

欽定四庫全書

卷四

言京口儀真稅事揭帖

題今日文書官盧受傳出御前墨字揭帖開採橫嶺礦務錦衣衛正千戶鄭一麒一本奏白蓮坡等處採出礦砂陸續煎成餅銀一十六兩五錢恭進適有熟識南直隸土著官民王國用等稱說京口閘清江浦等處往來客貨蝟集勅內臣高案督同王國用等前去計貨立店徵收稅銀以助大工事奉 聖旨銀兩交內庫收這所奏京口閘土著官民王國用等獻店徵租准着

欽定四庫全書

卷四

廿九

差御馬監左監丞高案督率王國用等前去會同彼處撫按官徵收銀兩解進以濟國用務要奉公守法不許擾害地方店名與做廣寧寫勅與他該衙門知道羽林左衛中所百戶馬承恩一本奏儀真等處請復舊稅理財最便特遣內府供用庫官暨祿督同徵銀類解以助大工事奉 聖旨這所奏儀真縣等處舊制設立抽稅衙門今被勢豪奸商侵擾隱昧着差內府供用庫官暨祿督率原奏官民前去會同彼處撫按等

官照舊復徵稅課銀兩解進以濟國用寫勅與他該衙門知道欽此到閣竊惟臣受 皇上極重之恩凡可以宣揚德意足國裕民者敢不將順顧思此事 皇上深居九重豈能盡知臣不敢不一言以罄忠悃臣惟我朝軍國錢糧絲毫皆出于江南今江南疲弊之極而又丁荒歉頻仍之際小民嗷嗷思亂甚可寒心况儀真與京口止是一江之隔不上一二里地豈有可兩稅之理徒令內官與外官政務紛雜棍徒奸黨肆惡橫征商旅不行農民重困 皇上仁民愛物之意抑而不揚二十餘年鴻名盛德從此傷損南京根本之地與國家財賦之區因此搖動且此兩處稅銀不過十餘萬兩取之小民甚苦而國家視之所得幾何必欲取盈亦無難處今賴廟社之靈貺 皇上之洪福海氛既清東師可罷每年浪費可節者多儻官用有乏雖令戶兵二部間或設處進用亦無不可在部之臣必當竭力豈敢抗違是不煩 聖心籌度而坐享富

疏言立 卷四

三一

饒之益且令群小絕窺伺之奸息培尅之謀而天下享安靜和平之福增光 聖德使人人誦萬壽無疆也臣不勝忠愛欲 皇上繼堯舜之後稱萬古聖明之主輒此惓惓待命

日 上十  
七日奉

二十七年  
正月十六

聖旨朕覽卿奏情詞懇切具見忠愛至意連年以來西討東征無發賑濟以致帑藏匱竭目今兩宮雖已就緒三殿將次興工且有應行典禮若非設處財用安忍加派小民所奏兩處地方不遠京口

疏言立 卷四

三一

聞已免差遣儀真縣等處照前旨行該部知道

謝諭揭帖

題昨日文書官盧受傳奉 聖意令臣撰京口  
儀真二稅勅書臣偶有愚得具揭進奏倉卒置  
詞蒙被採納即免京口一差臣愚下情豈勝踴  
躍自古惟唐虞之朝有都兪吁咈之盛夫君曰  
都而臣曰兪君曰吁而臣曰咈是是非非此何  
足以見堯舜之盛惟君以為是而臣執為非卒  
能擇善用中舍已從人此所以為堯舜也益之  
戒舜曰儆戒無虞罔失法度罔游于逸罔淫于  
樂任賢勿貳去邪勿疑謀勿成百志惟熙罔  
違道以干百姓之譽罔咈百姓以從已之欲無  
怠無荒四夷來王夫堯舜大聖人也何至有踰  
佚法度與夫遊逸淫樂諸事哉而益惓惓以此  
致戒乃知一日萬幾豈能委曲無失惟能受言  
此所以為堯舜也今日國家財計因征計賑濟  
宮工等費尚須有殿工典禮繁費所宜措處  
皇上不忍加派于小民而欲取足于商稅誠不  
得已之心臣體國憂思未嘗不日夜念此而與

故百立 卷四

三十二

主計者相對壘感也但財計惟用兵不可算今  
東氛淨息矣以後殿工典禮惟在 聖心 聖  
心體悉而容所司次第斟酌不致浮浪數年之  
內就緒何難不必過為預憂也孟子有言無政  
事則財用不足故臣不憂財用之不足而憂政  
事之不舉大學有言財聚則民散財散則民聚  
故臣不憂財用之不足而憂民心之或離宋臣  
司馬光有言天地間財貨止有此數不在官則  
在民蓋銀錢在世其數不多散于民間則遠近  
流轉子母相權而賴以養活之人眾聚于公所  
則積而不流母錢日少而相生相養之利微通  
都大邑之中有千金之商數人本處數萬人家  
皆仰衣食于其間而成富庶之國管仲治齊專  
務通商以成霸業率此道也臣伏觀 皇上登  
極以來憂民之言不絕於口而近今以來似覺  
憂國之心過于憂民茲蒙轉圜仰見 聖心至  
仁初無今昔第當專責部臣不須多術在昔  
皇祖時亦有典禮亦嘗用兵更多虜患而 皇

故百立 卷四

三十三

祖未嘗憂財之不足則以付之所司而委任責成耳 皇上惟法祖攸行高居安享而成無為之治尚何煩宵旰之憂正月上

敬事草 卷四

三二四

京察自陳疏

奏為遵例自陳乞賜罷免以清政本事今年當大察京官之期先該吏部等衙門題奉欽依令大臣照例自陳去留請自上裁臣不肖猥居輔臣之次容容步趨奉職無狀頃以首輔在告代庖三月伎倆益盡罪愆益多况茲所察乃六年中事而臣自甲午入京撫時揣物感昔傷今安能以頃刻自恕乎臣嘗誦宋臣范仲淹之言曰人主納遠大之謀久而成王道納淺末之議久而成亂政夫仲淹所謂淺末之議者謂刑法之

敬事草 卷四

三五

絲毫輕重錢穀之錙銖利病此類是已久而行之猶成亂政蓋以其為有司之一節牽補瑣屑無關政體故也若夫遠大之謀則必言政教之源流議風俗之厚薄陳賢聖之事業論文武之得失以此事君貽百世之安造萬民之福庶稱臣耳臣幼而誦讀三復斯語老而忝竊竟無一成豈惟無成殆有甚焉自甲午歲臣未入朝以前天下所苦者倭患之紛糾耳士風之縱橫耳

而邦域之間閭閻之下固晏然也從臣入朝而天下多事刑法之重輕不知其幾矣詎止于絲髮錢穀之利病不知其幾矣詎止于錙銖邦域日以動搖閭閻日以愁苦而異時太平景象不可復覩則 皇上久安久治之天下自臣為輔而不免于危亂之憂矣即淺末之議尚不能一補塞一維持而况于遠大之謀哉蓋臣墻觀局見所識不大淺中弱植所持不堅鄙心未化無以立準而標衡小器難恢莫克積誠而動主位

敬言堂 卷四 三十六

以德輕身偕心病每過廟門分為 祖宗所誅殛每入閣門則待孔子之鳴鼓外揆公法顯黜猶為寬誅內省私情褫歸斯其厚倖 皇上澄清九流宜自大僚始作新庶政宜自政本始臣謹引例自陳秉身俟罪伏望亟賜乾斷先加罷免庶本端表正而百執事淬礪承風矣臣無任惶恐待命之至

正月二十四日 上 次 日 奉

聖旨 卿輔弼重臣公忠端謹清望素隆朕切倚任豈可引例求退宜益盡心匡贊以裨化理不允辭

吏部知道

敬言堂 卷四

三十六

言東功當賞不當罪揭帖

題近日朝鮮贊畫主事丁應泰有本臣未見其  
詳傳聞疏末言臣曾經露章不宜預票伏惟  
皇上聖明事事獨斷臣雖擬票悉稟上裁應泰  
嘗論臣臣當引避豈敢復有參預但思此事乃  
軍國大務臣既在閣又適代庖而噤無一言則  
何以稱輔弼之名報 皇上特達之恩又臣之  
大懼也臣今萬不得已除不敢預票外輒效區  
區犬馬之忠亦不知其當否臣惟東倭發難已

敬事草

卷四

經七年一旦蕩平此非常喜事一則 天地

祖宗默祐國家無疆之福一則 皇上智勇

天錫獨斷不搖之大功然而十萬將士披堅執  
銳萬里遠征仰承威靈之重以伸撻伐之勲其  
勞亦不可泯也據奏賂倭賣國則將士皆當有  
罪不得言功矣此十萬人者久勞于外瞻望恩  
澤如農之望有秋也一旦失其所望而又加之  
以罪竊恐人心忿怨不可強制萬一激變為梗  
是一倭去而一倭生損國威重亦不可知賂倭

事情豈敢懸斷其有無亦何必曲為之庇護顧  
思 屢旨責成惟取蕩平既已蕩平當從功論  
即應泰之能激勵將士亦是一功所宜同錄古  
稱功疑從賞罪疑從輕此聖王治天下之要道  
今日之事似宜務從寬厚溥加恩澤以慰士卒  
久勞之心以平各官相持之情且將天兵無敵  
之威 皇上廟算之神宣布天下而使夷狄盜  
賊絕其輕侮窺伺之意光于史冊震耀千古盛  
德美功垂之無窮此其所得為最大也若因人

敬事草

卷四

三九

臣之一節小爭而牽連無已以致功賞不速國  
體有妨不惟以後有事之時難以用人即今日  
十萬人馬未易收拾臣之憂也恐致悞國不忍  
不言輒敢不避形迹竭誠上聞伏惟 聖明不  
以臣之不肖而棄其言萬一臣言可採乞特降  
聖諭令該部施行臣無任祈望之至  
丁應泰本樂惑 聖心已授意陳監擬  
旨將批矣而此揭適上遽得停批臣聞之  
感泣流血 上實明聖而浮雲蔽之一言



而可回敢謂吾君不能哉

故書

卷四

四一

言考察自陳官擬去揭帖

題今日蒙發各官自陳本令臣票擬查得舊規  
在京四品以上自陳去留不下部覆竟稟上  
裁例當去其一二以昭聖主之威福方今乾  
陽御天諸臣皆砥礪自效無甚不肖之人皇  
上神明照察伏惟欽斷其協理戎政兵部左侍  
郎余立生平謹飭亦無可指但入官年久體貌  
頗衰屢曾乞休未蒙賜允似應准其致仕臣票  
擬以上此係詢之吏部探之公評非臣之私臆

故書

卷四

四一

也恭俟

聖裁施行

正月二十八日上

請照推點陞科道揭帖

題照得各衙門官但以得陞為榮不分內外惟翰林吏部科道四衙門官地居清要以內轉為榮外轉為辱外官雖尊不屑為也故舊例考察畢後凡四衙門有汰處未盡者即從外補蓋因平時無法處之借此以為遣發俗語謂之明陞暗降又每年二月八月科道官有年例之陞亦是此意 祖宗良法相傳已久不可廢也近年以來偶有推而未允者被推之人心懷忿恨憑敬重道 卷四 四十二

恃要路播弄風波如舊年戴士衡恨白所知之推橫開禍端可以鑒已今京察畢復當推陞四衙門官儻又不蒙點發或點其陪推竊恐此人懷怨踵計又生事端以為明時之累伏望 皇上俯從部意咸賜照點庶幾要路肅清而煩言永息政體所係臣敢預為之請臣又思考察之後缺官甚多諸凡所推悉祈留神統發則遷轉接續而事無曠廢又大小臣工願望之意也 初二 日七

諫遣權使揭帖

題近日京口權使 皇上幸聽臣言即時罷遣臣感激 恩知徹于心贅不可以言盡也臣尚延殘喘莫非大造之生成未罄愚忠輒申不諂之祈禱臣早歲遭逢 聖明日侍講讀于穆清常欲致君于堯舜講大學終篇則深以財聚則民散為戒講孟子首簡又以後義先利進規蓋于當時未嘗不丁寧啟沃豈其今日乃可以依違順從也伏見比日言利之疏不絕于御前搜括之使四出于天下樞心灑血抑鬱錯愕愧居論道經邦之官耻為容悅佞諛之輩仰天俯地莫置一身 皇上至聖至明願垂省察臣且未暇悉數其餘即以市舶一事言之則知各處之言利者虛妄不足信矣謹按浙江市舶司舊在寧波府臣寧波人也備知其詳建置之時因日本番船進貢而設有內監官一人文職提舉官一人嘉靖初裁革內監官嘉靖中倭亂貢絕并裁提舉官今倭奴久已絕貢番船息影不來無

市無舶定海一關不過本地漁船及近境商船出入軍門譏察非常因而稅之所稅實數臣不能記大氏不過千兩悉充兵餉之需利甚薄也忽于昨日有留守後衛百戶張宗仁言歲可稅銀四萬兩而蒙遣奉御劉成往夫此稅原無幾何而一設市舶即不足以充本監衙門公用又安得取盈而上供既不足于上供勢必遍搜各府巧征橫索祈免 皇上之譴責而不顧小民之怨咨臣恐利未得而徒襲朝命辱國體也當

疏事草 卷四

四一四

初市舶為番貨買賣而設尚謂徒擾于民無益于國罷之今無舶久矣復何稅焉 皇上試召張宗仁等而問其所謂市舶者何義彼且緘口不能對又何知其所入之多寡也蓋寧波府原係窮邊不通商賈所謂市舶者但以三年五年之間倭番一貢有海舶來設置內臣鎮定之防其為亂而非以為利絕倭之後久已罷設而本地方無一市一舶也安所得多銀而進之臣今請罷必以臣為庇其鄉里而不足信臣雖庇其

鄉里鄉里未必感臣臣欺罔 皇上 皇上必罪臣臣雖不肖誓不敢以鄉里之故欺 皇上也但臣叨在日月之際而不言則浙中撫按道府等官及鄉之父老子弟必責臣本鄉之事尚爾聾啞又何以佐理 聖明叅知幾務故不得不以實聞儻 皇上之信臣不加于信張宗仁則萬不得已又有一說見今織造有太監孫隆開礦有僉書劉忠皆在浙中皆 皇上親信之臣必不欺也試以密札問之當知臣言不妄况

疏事草 卷四

四一五

設一衙門則有一衙門之費雖 明旨禁其擾害而地方自當供應皆民財也皆官帑也其所費又當數倍于進用浙之民豈不盡乎伏乞 皇上俯念濱海地方土瘠賦繁民力久困有萬難支持之勢俯採臣言免差市舶臣之萬幸浙之萬幸不然乞將今差劉成停止而于織造孫隆開礦劉忠二人內改命一員令其就彼兼管前事仍命其或多或少或寡從實徵收不得分外搜索以滋民困則尚姑徐徐之小策也夫海內利

病皆臣所宜陳說但知之未真者猶難深言知  
而不言罪將安往 皇上天縱聖明必因臣之  
所言以及臣之所未言臣惓惓忠愛彌無窮焉  
又非獨為一鄉請命便謂可以塞責也古語云  
寬一分則民受一分之賜臣亦云民受一分之  
賜 皇上增萬分之福臣顧畏民器增光 聖  
德惟恃 眷知輒忘觸忤不勝懇切祈求之至  
二月初  
十日上

敬事草

卷四

四二六

催發會議丁應泰本揭帖

臣惟國有大事則下九卿會議更大者下五府  
六部九卿科道會議至于府部九卿科道會議  
則盡在廷之公論無復有餘矣議若有異猶似  
可疑至于盡同更無可疑矣自有東事來 皇  
上以聖明獨斷無不中合機宜爰收蕩平之績  
近日賄倭退兵之說起明旨謂七年狂寇豈五  
千兩銀能買其退敗此一言真天下萬世不易  
之定論中外咸誦 皇上明見萬里非虛語也

敬事草

卷四

四二七

今覆議已上而未蒙批發則棄師之功罪必不  
敢敘而將士之疑畏必不能釋臣日夜憂慮十  
萬兵衆恐其久而生變朝鮮君民恐其久而生  
疑此事十分美成獨此毫釐牽制不免稽盛典  
而留衆心早完一日則國家一日之福也蓋丁  
應泰內失將士之心外失朝鮮之心萬無可留  
之理而其所奏蔚山事情有勘科係 皇上所  
特遣自當從公勘報必有定論惟是一斷之間  
于國體軍情大有關係臣且不暇多言只如兵

費一節十萬軍馬在彼每一日該費銀一萬兩  
每一月該費銀三十萬兩若遲留一日多費一  
萬兩遲留一月多費三十萬兩夫善取不如善  
節空費府庫不大可惜乎又如朝鮮陪臣因辨  
誣謗帶領多人待命兩月光祿供給亦復不貲  
若早為之昭雪此費又省幾何以上特就臣所  
聞見言之耳若乃自薊至遼驛遞糧餉因東征  
未了而費者不知其幾自山東海路到朝鮮兵  
船餉船尚不絕運所費又不知其幾向無爭辨

敬事草 卷四

四十八

則此時督撫已可奏功已可撤兵矣惟因誣奏  
不已乃復虛費無窮儻復致有意外激變之事  
其禍與費又可勝計乎伏望即將會議本批發  
并將前次會議朝鮮國王本亦批發二本一發  
則處置東事者盡善盡美全始全終而無一毫  
之滲漏真可垂之萬古銘諸東海與日月齊明  
天地並久矣臣樂觀成功惟欲輔全盛美俾無  
少缺不勝款款之愚悚息俟命

二月二十  
二日

催允四川總督揭帖

題今日蒙發兵部奏請先撤劉綎兵馬防禦播  
酋一本守票仰見西顧憂勞至意除臣即時擬  
票外臣思前日吏部因科臣建言議改四川巡  
撫為總督兼轄川貴湖廣三省以便防禦播酋  
實為當今切要良策蓋楊應龍近日肆虐三省  
殺掠無數屢經該撫按告急甚有難制之勢惟  
改總督則衙門不必增費而節制可以歸一庶  
便剿處之圖今巡撫譚希思已因京察奉旨調

敬事草 卷四

四十九

用正需交代之際官無固志而寇復跳梁事難  
復緩望即允發促部會推刻期赴任庶使逆酋  
知儆三省獲安

二月二十  
四日

諫變法征利揭帖

題臣以譚庸誤塵輔弼元首股肱義同一體疾痛痾瘵靡不相關伏見 聖明睿知動符帝王竊以為堯舜成康于今復覩而乃為群小所中競開利端日遣中使四出絡繹不絕至于上激霆怒逮繫守臣烈焰益張衷謀愈進盛明之朝豈宜有此關係最大夫天之立君非使之自奉適而已所以使為元元百姓主也百姓有顛連無告則君當為之拯救有貪污強暴則君當為

故百立

卷四

五十

之誅殛如此始為天心所享而人皆悅從可以長保其富貴不能為百姓主百姓必揚揚去矣頃年經費浩繁司計者日夜持籌苟有絲毫遺利誰肯漏隱而留與群小言者蓋臣工計其利復計其害能斟酌于利害之際而處置有方群小顧其利不顧其害但攘臂干掎剋之謀而攬亂無極故財賦之計必當與士君子謀不可與閭閻小人謀也昔劉晏為唐理財一切委任士人不任胥史胥史尚不委任况群小哉財者生

民朝夕之需性命所關一錢得失不惜破命而爭其急如此人主以軍國之費不得不徵則必與達國體識民情明義理知時務者百番諮議百番規畫務俾上下無怨遠近不驚有恩以結而使之樂于供有政以齊而使之不難于供然後布其法于天下蓋 祖宗于成法世世謹守無敢以己意嘗試而漫為也今閭閻小人何知民情何知國體何知義理何知時宜變法征利何等大事而乃隨奏隨准星火促行不令閣部

敬事草

卷四

五十一

議擬不許科道封駁不傷于太易乎理財之法不可偏委一人 祖宗定制錢糧互相覺察故弊源清而蠹竇塞今獨使一人專勅行事惟意所為憑恃寵靈擅作威福以勢凌撫按使不敢一問其出入以刑劫有司使不得一加調停彼其潔已奉公耶人亦不得而知彼其侵牟無藝耶人亦不得而知惟奏官是仗喇唬是用一人尚足為害况于多人一處尚不能堪况于遍處使 皇上二十七年愛民之心鬱而不揚雖諄

諄戒其不許擾民然不擾民何能得財卒亦付之空言矣群小之嗜利也如蠅之附腥蚊之嗜血而又使之有所憑藉此所謂虎而翼者也中官生長禁內何知民艱况所推舉不出於該監而出於群小此所謂虎而冠者也彼群小者皆四方無藉不齒鄉黨之人或犯罪脫逃或遊手乞食或強盜竊盜常思飛揚跋扈以亂天下者頃因東事悉走京師會東事告成擯棄不收而乃設此詭計以圖一逞皆亂民也安可與之謀

敬事草 卷四

五十二

國乎群虎百出逢人跑躄寸寸張羅層層設套於是商旅必不行而賦稅無所得且至于索居民矣於是居民見索生理日迫而禍且至于尋干戈為盜賊矣百孔千瘡良醫莫措其手土崩瓦解良吏莫施其力是 皇上歛財之意本以備不虞而反以召不虞也臣觀宮中費用甚儉無濫賞無妄施竊計一歲所節當不下數十萬此盛德也東師既罷又當歲省數百萬此亨時也又如昨者群臣爭辨東事 皇上以一言斷

之早斷一日即省費一萬此聖政也可見裕國之術在留心政事政事既治國用自充臣請借此為例而試籌之 皇上試垂聽焉臣惟中使衙門皆係創設並無舊緒可因又係特遣不比泛常差使大約中使一員其管家司房豈下十人在外直堂官吏書手須二三十人門厨皂隸更夫等役復當二三十人快手巡攔之類二三十人略計其數已百人矣至于分遣官員豈下十人此十人者各須百人之役則千人矣凡此

敬事草 卷四

五十三

千人皆欲養其父母妻子僮僕每家但以十口為率則萬人矣每人日給須銀一錢萬人日給須銀一千一年須四十餘萬矣是創設一中貴衙門而每歲費官銀四十餘萬及其所進纜得數萬此不亦空費者多而實得者少徒養游手之人以竭官私之儲而歛百姓之怨乎計今所遣已二十處歲當糜天下八百萬倍加于征倭之費則倭雖平而餉愈增安得息肩之日也况其倚勢為奸橫征強奪者又何限小民何所歸

命乎 聖思甚密聖美甚精于此偶未之及耳  
伏願深惟治亂之源詳審重輕之辨掣回所差  
內臣遣發原奏官民仍勅以後不許再有續奏  
以杜亂萌 明詔內外各該衙門修舉政事無  
令冗耗以節財流舉天下財計盡責成戶部俾  
令悉心籌畫以開財源則府庫坐見充盈而田  
里亦無愁病元元萬姓國本庶得復安 大聖  
人之鴻名盛業垂于萬萬世矣用臣之言而不  
效臣請伏妄言之誅 二月二十七日

敬事草

卷四

五一

此疏上後內差為之少止而河南山東蘇  
松常鎮皆併差于礦使蓋亦稍見採用云

劾王官揭帖

題臣昨出朝至端門外有一官揚揚而來以惡  
語侵臣臣謹避之及遣人詢問乃義勇右衛百  
戶王官也臣是時以為小官無知宜加容忍不  
曾少露聲色始免其辱即有衆人攙扶而去臣  
靜思之王官于正月二十四日上本以防倭為  
名進錢一萬二千兩討南京黃天蕩地方設立  
營伍結黨販鹽仍求朝廷每年費十數萬兩贍  
彼防守蒙發臣票臣思南京乃國家陪都江南

敬事草

卷四

五五

為財賦要地而兵馬錢糧皆軍國大計鹽利又  
九邊接濟之長策防倭之兵宜在于海邊不宜  
在于腹裡况倭氛已淨正當撤兵息民之時何  
得更創營伍且南京武備自有營兵總之于兵  
部水兵總之于操江上下江又有會哨巡視等  
官何賴一小官建言增兵始為長策又以萬金  
之利玩侮 至尊進上甚少而費國甚多種種  
狂悖罪不容于誅矣竊詳其意蓋因黃天蕩在  
大江之中原係浩渺賊藪彼欲得之以為巢穴



奉 旨給與誰敢制之因而恣行劫掠打鹽賣  
鹽聚眾起事東危京城西侵淮揚南窺蘇松北  
侮江西志不在小又自謂一呼之下即可聚數  
千精勇其為倡亂之首復何疑也當時臣恭票  
上進伏計 聖明必不以臣擬為非顧久未蒙  
發臣實關心觸事感衷義不容默今日若不處  
治他日滋蔓其費兵力財力又當不貲輒請  
批發處治以絕海內盜賊覬覦之心臣非徧量  
寡容而有此衆論誠以憂國深懷日夜不能釋

故言 卷四

五十六

之故伏乞 聖明亮允實社稷之福奉

御批朕覽卿奏具見忠愛懇切思慮周詳深慰朕  
懷嘉尚不已宜益展猷為弼成化理奸逆結黨陰  
蓄異志同謀狂肆已有旨了特諭卿知三月初二日

救包見捷揭帖

題昨見戶科都給事中包見捷等一本為懇乞  
聖明罷礦市撤中官以弭亂本以安宗社事奉  
聖旨朕恭閱 祖宗訓錄已知國初各省直皆有  
欽差內官鎮守監鎗等項與同該省文武將吏  
協同行事體訪官員得失軍民利弊其間徵收  
稅課進獻土產以濟國用相沿以久至于嘉靖  
年間撤回停止但今典禮相繼工作浩繁費用  
不敷若不權宜措辦安忍加派小民朕敬 天

京事 卷四

五十七

法 祖四海一家稍俟充足自有處分且礦店  
稅課屢旨已悉非王官等招兵立營陰蓄異謀  
之比你每職司言責不諳時務黨護庇私要名  
賣直好生狂肆包見捷這畜本當拿問重治姑  
且降一級調外任用不許朦朧推陞其餘的且  
各罰俸一年若有再來激擾的一併重治不饒  
吏部知道欽此臣俯伏捧誦不勝驚駭不勝悚  
懼竊念見捷小臣上觸 聖怒見捷方譴而臣  
不能以一言救解臣心不安 皇上方怒而臣

不能以一言將順臣心尤不安 聖意堅固開  
導甚難少有磯激豈惟無益于救解而或反增  
夫罪譴小臣之齏粉國事之決裂皆不可知此  
固臣當量力審幾之時從容轉移之會也願  
皇上平氣葆和虛懷廣度俯思臣言必有萬一  
之裨臣聞治天下有經常之法有權宜之術經  
常之法 祖宗之所世守天下之所共遵可萬  
世常行而無敝豈以一時匱乏而不可用也權  
宜之術 祖宗之所偶有天下之所駭聞可暫  
行于一時而不可以久行可止行于一處而不  
可以遍行故生民視之為苦而不能無怨人臣  
議之為非而不能無言經常之法譬之膏粱也  
權宜之術譬之藥石也膏粱可以常進而藥石  
不可以常進有人于此日以藥石為膏粱而其  
子姪昆弟臣僕苦口諫之所不悅而從者希矣  
今礦店等事非 祖宗之舊制非有司之常守  
竭百姓之膏血貽社稷之大憂體國慮時之人  
往往聚首而寒心蓋不獨一見捷等乃滿朝文

敬事草 卷四

五十六

武相率而固請于 君父之前者也 明旨謂  
權宜措辦稍俟充足自有處分則 皇上之心  
亦知此非經常之法但暫一試而旋當報罷者  
也若是則言者固當言而未可盡非聽者亦當  
聽而未可遽怒矣夫雷霆之威豈宜輕擊輕擊  
則陰陽失和而萬物不生臣以為見捷此疏宜  
溫詞開諭使知權宜之事偶一暫行如不可行  
次第當罷則民心自安群言亦定遽降顯罰絕  
人再言是以藥石為膏粱屏忠言于不信更張  
無日改圖絕望臣等不勝大懼矣伏乞 皇上  
念天下大事非胸臆可以獨制天下人心非威  
嚴可以強服治亂安危之幾必使眾人共言之  
而與眾人共圖之上法 祖宗務法其所遵而  
無法其所悔將處置包見捷一 旨俯賜收回  
以安人心以光 聖德或明示以權宜之意罷  
舉之期使海內民心不驚不疑而大小臣工相  
忘于無言天下幸甚臣又惟之事經于滿朝之  
所言則天下人心之所同然不可違也臣為

敬事草 卷四

五十九

皇上腹心之臣豈不欲將順而不能違天下之人心則不得不出于匡救臣願 皇上亦毋謂天子之尊可以抑拂天下人之心天子之所以尊者以天下人共順而尊之也天下有不順則不尊矣竊料見捷被譴滿朝之臣必群起而救之若復遷怒于其間則人心益失而國體愈傷是又臣之所大慮也伏望 皇上深惟遠計大加含容和顏色而受之以昭天地之量以保尊崇之體臣不勝懇懇預禱之至

三月十四日 十五日奉

敬事草 卷四

六十

御批諭內閣朕覽卿奏忠君憂國至意已悉洞知但怒此輩不諒上意逞臆煩擾姑從輕處了所奏已知道了特諭卿知

謝諭揭帖

題昨戶科都給事中包見捷等以言礦市忤聖心致蒙降罰臣祈 皇上平氣葆和虛懷茹納究經常權宜之殊術為輕重久暫之異用經常可以世守權宜難于久行言者固當言而未可盡非聽者亦當聽而不宜遷怒又恐自今以後尚有言者儻有餘怒或加重處則雷霆終日轟轟有妨雨露之澤霜雪不時凜凜豈昭天地之仁懇切預禱乞賜優容庶使遠近民心不致驚畏不但諸臣之幸而已也臣意如此顧情迫才鈍詞不宣意大懼干瀆 尊嚴至今慄悚今日文書官盧受恭捧 御批到閣諭內閣朕覽卿奏忠君憂國至意已悉洞知但怒此輩不諒上意逞臆煩擾姑從輕處了所奏已知道了特諭卿知欽此臣循環三復流涕被面若拜萬金之賜何勝銜結伏念臣賦命不猶玆然無侶居鄉立朝皆鮮同志乃今復以一身直閣莫共商求任性冥行觸情妄發自分得罪匪朝伊夕何

敬事草 卷四

六十一

期乾坤覆露父母鑒容雖于所請之事未即回  
春而藹然知遇之意已溢言外臣雖孤立而  
聖眷若此天下之最不孤者莫如臣矣能不感  
奮以圖報耶恭讀諭以忠君憂國四字許臣實  
深褒獎顧臣自揣亦私以此期許而不敢過遜  
蓋臣自登朝無一日不周旋于講幃之間親承  
玉音屢沐賜賚自頂至踵誰非恩波臣父母每  
訓臣曰若負 皇上是負天地臣佩服此言淚  
未嘗收摺此一生斃而後已况今奉非常委托  
于群臣中更無比兩敢復有一毫欺罔懈怠推  
托依違于其間哉第此心念欲 皇上為堯  
舜之君而少有同異即如疾痛之切體此心念  
念欲 皇上之民為唐虞之民而少有失所即  
如焚溺之在身故托之章疏竭其鄙愚不得不  
有違拂之辭而非好為牴牾也惟賜採行是臣  
得紓其忠愛之時矣臣見不忠之人若鷹鷂之  
逐惡鳥決不敢為之救解為之救解者亦必忠  
君憂國之臣不然臣豈忍以不貲之身為不肖

敬事草

卷四

六十二

人出力哉惟 皇上亮臣此意則孤臣有托矣  
所奉 聖諭謹尊藏閣中以昭泰交之盛謹敘  
感激踴躍欣忭之意恭謝以聞

敬事草

卷四

六十三

言徐觀瀾不可復遣勘揭帖

題今日偶感不能入閣然未敢瀆奏伏蒙發本到臣擬票內有勘科徐觀瀾一本辨邢玠之奏及言不能復勘等情臣反覆參詳難于下筆蓋觀瀾與玠等互相奏訐讐恨已深有如水火之異勢矣若不共聚一處尚可與之解和今既責其共勘而使勢如水火之人聚于一處啟口容聲皆是矛盾尚有何人居中調和而了此大公案乎不至于相毆相擊及褻國體為外夷笑不

欽定四庫全書

卷四

等大有異同兵部題覆又將安從若今再勘則將士皆四方之人一散不可復聚從何質正若欲不勘則戰者必欲從厚和者必欲從薄紛紛爭辨何時可已朝廷處置不當何以服人心而杜人口事幾之分在于今日不可不慎也欲另遣往勘雖嚴限即行尚須一月不免拖延臣前日擬將遼東巡按往代陳効意正為此陳効初亦以遼東巡按而無監軍者循此舊規故輒擬也今若以遼按不可遣則及今另遣廷臣似猶得策不然擔閣愈久而議論益多矣臣票擬不難不過慰諭觀瀾令其釋嫌去忌仍前往勘而已然于臣私計甚便而國計非忠何則終難回觀瀾之成心亦終難回玠等成心而徒孤屢旨催促之意或反釀東師不虞之變則皆臣今日依違苟且所致是不忠故不敢也此事非臣下所能裁斷不敢不言臣驚魂未定不宜復預東事然頗知獨立未嘗預和亦未嘗預戰惟理是從至于懷苟且之心以誤國家則萬不敢願少

欽定四庫全書

卷四

報萬幾一加展轉勿謂東事已了勘功小節而  
輕之勿謂成命已須難于轉移而執之為將士  
造福為軍興惜費保國家之威重鎮四夷之觀  
瞻詳決善處以免後來之紛紛臣為此扶病具  
揭詞不盡情將徐觀瀾原本封進恭候 聖諭  
方敢票擬 三月二十  
四日上

敬事草卷五目錄

偶疾揭帖

謝諭揭帖

報入直揭帖

保劉元震揭帖

辭甘鎮大捷加恩疏

辭票首輔加恩疏揭帖

再辭加恩疏

三辭加恩廕子疏

敬事草卷五目錄

獻倭捷請御午門揭帖

救吳寶秀揭帖

御午門樓乞扈從面對揭帖

平倭請頒詔揭帖

請補閣賜閒疏

倭平言兵不可易動揭帖

論好貨好勇好色揭帖

請禱雨揭帖

錄上萬曆十三年禱雨聖政揭帖

萬曆十三年四月五月聖政

乞大減典禮買辦揭帖

言太倉罄竭揭帖

催發吏部陞官本揭帖

乞止典禮錢糧揭帖

分別降謫官員揭帖

催點閣臣揭帖

催考選科道揭帖

又催考選科道揭帖

敬事草 卷五 目錄

二

防虞揭帖

回防虞諭揭帖

乞罷廣西貴州稅使揭帖

回奏揭帖

敬事草卷五

柱國少傅兼太子太傅吏部尚書中極殿大學士臣沈一貫

偶病揭帖

題臣昨因感冒不能入閣辦事深慙曠職今日

早起正擬趨赴眩運復作脚膝軟怯容臣再請

理一日明當進閣不敢偷安臣不勝悚懼之至

謹具題知 二十七年四月初六日上即日奉

御批朕覽奏知卿偶感微疾本送私寓票擬卿宜

慎加調攝稍可即入輔政特諭卿知

敬事草 卷五

謝諭揭帖

題今日臣因偶病妨直具揭陳情奉 御批云

欽此該文書官史賓恭捧到臣臣謹焚香叩頭

莊誦恭領訖竊惟臣昨日病未入閣心期今日

可入不意清晨起時頭眩脚軟嘔惡欲仆又復

遂巡就寢念閣中更無同寅而臣至曠廢兩日

負罪不小敢不奏知不意 聖慈曲軫特賜温

綸且許本送私寓票擬尤為超踰體息如臣么

麼何以堪此臣身雖在寓而心懸闕庭日乾夕

惕度刻如歲但病係痰火而時近炎夏誠恐發

作無時有難决擬若再難强容臣遵奉特諭私

寓票擬苟可扶掖决不敢恃寵私偷安自便

也謹陳感激微忱恭謝超常恩眷回奏以聞

初六日

報入直揭帖

題臣昨以偶病蒙 皇上欽遣文書官捧温旨

慰諭臣不勝感泣當已具揭恭謝想蒙賜覽昨

暮天涼臣獲一睡今日扶掖入閣謹具奏知但

臣衰病侵尋拮据莫逮兩日少懈便覺閣務業

積人情玩弛乃知古之大臣日乾夕惕宜無暇

遑而官盛任使實不可缺 皇上一日不棄臣

臣一日不敢惜狗馬之力但閣臣員缺已久伏

望早賜增補使臣有所衡藉以同心報國又臣

區區狗馬之忠也

初四日



保劉元震揭帖

題今日日講官侍郎劉元震揭帖到臣告病求去內云已經具奏臣看得日講官每日撰進講章事關啟沃本官學問淵源裨身恭謹兼管教習庶吉士勤于訓誨入官幾三十年清白一節今春自陳臣擬照舊供職實非有私惟因未蒙批發本官心懷憂慮不敢寧居故有此乞伏望皇上念其效勞有年俯留供職則講筵庶有裨益詞林亦不乏人伏候 勅旨

敬事堂 卷五

四月初一日

辭甘鎮大捷加恩疏

二臣奏為恩命踰涯措躬無地乞容辭免以安分誼事本月初十日准吏部咨該本部奉 勅吏部甘鎮大獲全勝奇捷殊常內閣輔臣殫忠運謀勞績可嘉茲特加恩示酬元輔志臯加無太子太師進中極殿大學士廕一子與做尚寶司司丞還賞銀五十兩彩段二表裡次輔一貫加少保吏部尚書廕一子與做中書舍人還賞銀四十兩彩段二表裏各餘官如故都照新銜

敬事堂 卷五

五

給與應得誥命如勅奉行欽此臣等仰被隆恩俯循愚分驚隨寵至慚與悚并竊惟朝廷欲行勸功之典則不得以特賞槩無功臣子欲懷立功之心則不得以冒功膺懋賞臣等佐理無狀罪愆多端慮高位之疾顛憂常職之猶愧朝夕跼踖起處靡寧昨者賓酋蓄謀甘鎮傳警邊臣合策驕醜就殲斬馘七百有奇招降五百餘口漢番憤鬯朝野歡騰此皆 廟社凝庥神祇錫佑聖武昭于九塞皇稜暢于三垂自天降功誰

敢貪此至於奉宣威靈獎率將士或運籌幕府  
或執銳戎行亦惟疆圉諸臣之力臣等優游巖  
廊偶逢盛事何忠之殫何謀之運何勞可敘何  
績可稱而與介冑勞臣分功受賞是大造不無  
偏予而近臣先被溢私也况前年因延綏之捷  
進殿加官錫綸延世至今負乘猶有餘慚乃又  
叨踰何所用耻秩太崇則傾仆易恩太重則稱  
塞難揣分揆恒其能湏臾自適乎伏望 皇上  
俯鑒艱衷收回成命容臣等並免陞賞庶繁纓  
不至于見惜而斗量稍緩于就傾矣臣等不勝  
激切祈望之至奉

敬事草

卷五

六

聖旨甘鎮奇捷殊常朕心嘉悅不已卿等運籌帷  
幄匡輔贊襄勞績宜當首敘加恩示酬國家盛典  
宜遵成命不允所辭吏部知道

辭票首輔加恩疏揭帖

題發下票本內有首輔趙志臯辭免加恩一本  
伏念臣等叨居輔職碌碌無功仰蒙 皇上垂  
念國體因甘鎮大捷並加異數臣等已經共疏  
懇辭未蒙 俞允為欲各言其情故志臯有特  
疏臣亦有特疏雖各具意出同然志臯此疏  
願 皇上特賜准辭俾臣亦得隨例並免以安  
止足之分不勝忻幸謹封還原本不敢預票惟

聖明亮允乾斷

四月初十日

敬事草

卷五

七

再辭加恩疏

奏為恩重踰涯揣躬難冒再瀝悃誠俯容辭免  
事伏蒙 皇上以甘鎮大捷加恩臣等臣隨首  
輔志臯具疏懇辭奉 聖旨甘鎮奇捷殊常朕  
心嘉悅不已卿等運籌帷幄臣輔贊襄勞績宜  
當首敘加恩示酬國家彝典宜遵成命不允所  
辭吏部知道欽此除銀兩表裏先該臣候旨間  
文書官史賓恭捧到臣私寓不敢固辭謹叩頭  
祇領赴鴻臚寺報名廷謝外其陞轉廕誥等恩

疏事 卷五

八

實為踰溢萬不敢承乃微誠未獲上通而諭旨  
更加溫渥豈以臣等為例辭而已乎夫恩波浩  
蕩斯乃上惠人臣內揣尤甚分明首輔有懷亦  
既專跡自懇矣臣亦何敢畏避煩瀆不一畢吐  
乎臣又竊大位頃復代庖正思薦達同升以廣  
茅茹之途引避微躬以逃鵜梁之誚而宜退且  
進無功受賞冒濫之風先自臣始靜言思之實  
難為顏今天下釁孽多萌災沴時作財用告匱  
致礦稅之紛紜法制陵夷縱豺狼之搏噬虜憂

疏事 卷五

九

猶大播逆未芟疏鑿正勤採辦莫集臣方慚格  
正之罔效恨調劑之無能而奈何因此一捷遽  
謂帷幄有人勞績宜敘耶且以閣臣敘邊功昔  
固有之但其時臣主俱榮信有勞績亦何慚之  
有茲 皇上獨運安攘之策邊臣交成捷伐之  
勲而臣之庸庸僅持文墨事任功效與昔懸殊  
何至論賞尚循彝典難為天下解矣伏望 皇  
上俯鑒愚誠收回成命容臣以原官供職用免  
官諤而責後圖則臣之所得已弘敢不夙夜臣  
不勝惶恐待命之至 四月十四日奉  
聖旨甘鎮奏報奇捷誠邊臣戰士戮力同心朕已  
鑒知陞賞俱從優敘卿為輔臣朝夕協贊殫忠運  
籌加恩酬勞寔為舊典乃屢疏陳乞情詞懇切陞  
轉加銜特允辭免成卿勞謙之美其廕子恩命宜  
勉祇承慎勿固辭卿宜益展謀猷弼成化理以副  
眷倚至意該部知道

三辭加恩廕子疏

奏為奉職無狀冒恩增危三瀝固祈望收成命  
事項因甘鎮竒捷加恩臣等臣不勝跼蹐謹奏  
為恩重踰涯揣躬難冒再瀝悃誠俯容辭免事  
奉 聖旨甘鎮奏報竒捷誠邊臣戰士戮力同  
心朕已鑒知陞賞俱從優敘卿為輔臣朝夕協  
贊殫忠運籌加恩酬勞寔為舊典乃屢疏陳乞  
情詞懇切陞轉加銜特允辭免成卿勞謙之美  
其廕子恩命宜勉祇承慎勿固辭卿宜益展謀

敬事草

卷五

猷弼成化理以副眷倚至意該部知道欽此温  
綸下布感涕溢零 聖心殊甚體憐而世賞猶  
然濫及顧及覆思維真有難于覩受者臣亦何  
敢憚于煩瀆而不披析以懇乎盖西陲之捷仰  
藉我 皇上英略如神威稜遐迩將吏效命爰  
奏成功臣德不足以干羽階庭才不足以折衝  
俎豆眇無籌策以奉贊襄前此兩疏已備此意  
抑臣所慚猶不止此臣職在輔弼事總綱維四  
方艱虞孰非臣責今西陲雖振國靈而海內實

多釁隙憂不在四夷而在中國患不在財貨而  
在民心邦之杌隍有若綴旒蹶起救之每苦無  
策臣方當貶秩以謝天下歛迹以避賢人又何  
胞懷冒茲優渥且廕子之命 聖朝以延世之  
賞厚臣下至恩也天下之民當子豈殊于臣之  
子當子乃 皇上推子民之意以及臣而臣不  
能奉 皇上德意以及民詩所謂我躬不閱遑  
恤我後者臣今日之謂徒令賞罰失中勸懲失  
次而無以為磨礪人心之具整頓綱紀之資此  
臣所為聞命縮瑟而大懼隕越以辱朝廷者也  
伏望 皇上俯鑒微誠絕無矯飾將廕子恩命  
并聽辭免庶使臣得少逭毫末之罪以為朝著  
之率儻效尺寸之功再僥異時之賜臣無任戰  
慄禱祈之至

四月十六日  
上十八日奉

聖旨敘勞加恩國家彞典卿宜仰遵成命不允所  
辭吏部知道

獻倭捷請御午門揭帖

仰惟 皇上神明踐阼二十七年文治既敷武功亦暢間有么麼竊發靡不旋踵芟夷始含螫而跳梁終駢肩而伏斧然猶一方之小醜而非絕世之梟雄力不殫于經年事不勞于再舉惟逆酋平秀吉飛揚海外嘯聚夷羣乘篡國之餘兇肆啟疆之狡計蹂躪屬國盤據釜山方弭耳以乞封忽磨牙而橫嚙朝鮮百年之社稷蕩為丘墟八道之生靈悉塗草莽而我頓兵三路轉

故言並 卷五

一二

餉踰年雖寧鎮倖賊甘鎮賓首其毒未有如此之甚者也恭遇 皇上毅然獨斷大發六師黜道旁之煩言制幄中之勝算于是將士用命水陸交馳乘倭運之天亡暢威稜于日域馘俘無算蕩掃靡遺危國復存捷書飛奏天地為之開霽朝野為之歡騰宜遵典彛昭告成事伏望 皇上俯從部請親御午門獻捷獻俘懾邊圍窺覲之釁受朝受賀慰臣民仰望之心則日月增光大啟重昏之旦乾坤忻合永延全盛之禧臣

等無任踴躍祈求之至 四月二十一日上

故言並 卷五

十三

救吳寶秀揭帖

二臣題臣等聞知江西南康府知府吳寶秀被逮到京諮訪輿論委有可以哀憐者雷霆之下無人申救臣等若不為言下情終難上達除李道所奏事情已有江西巡撫夏良心巡按馮應鳳各本諒蒙慈覽但念寶秀係新任官到南康纔十六日罪過必少遽爾被逮殊為可憐又其被逮之日伊妻盡出簪珥得銀不及四兩付彼盤費而即感激痛傷自縊身死遺下七十八

敬事草

卷五

一四

歲之老母八歲以下子女三人離家七千餘里未得還鄉又無兄弟在家可依孱然書生若下詔獄必致糜碎種種苦情又可憐也臣等竊惟皇上聞此必加矜惻如蒙特賜貸宥實天地再生之德若不遽宥望乞從寬處分免發鎮撫司竟付法司擬罪或禡職為民或發配發落使其歸收妻骸送老母幼子還鄉以活一家之命亦昭皇上曲全之仁應古帝王罪人不孥之意感聖朝不測之恩也蓋此一事關係聖政

不小茲者五府六部定國公徐文壁等會同申救豈其滿朝勳賢而私一寶秀實拳拳效忠于皇上為社稷長久太平至計也臣等忝為輔臣不能反覆懇切引君當道而幸聞忠計尚不表章使憂危不關于聖心亂釁遂起于今日容悅偷安誤國大事臣等罪戾何所逃之伏乞皇上法天行健賤貨貴德將徐文壁及夏良心馮應鳳等疏虛心評覽不難轉移以延生民之喘息以固國家之命脉臣等無任祈求之至

敬事草

卷五

一五

二十二日奉

聖旨吳寶秀等抗旨阻撓稅課拏解來京本當打問朕覽卿等所奏姑准所請送法司擬罪具奏諭卿等知

御午門樓乞扈從面對揭帖

題臣忝充近輔久隔 天顏幸逢臨御之辰實切瞻依之念查得萬曆二十年寧夏獻俘 上御皇極門百官行常朝禮 上少憇煖閣輔臣進面恩致詞奏事畢 上御樓萬曆三年遼東獻俘先期 上命輔臣扈從無入班駕至皇極門輔臣前致賀詞行叩頭禮隨駕登樓今者聖駕既免御門臣欲面恩無地積年拱極朝宗之意鬱而不申幸逢望雲就日之期不勝踴躍

故事 卷五 十六

伏乞 聖慈少垂降接容臣扈從登樓于未行禮之前得賜面對一二以昭君臣泰交之盛臣無任懇切仰祈之至伏候 勅旨 四月二十二日奉

聖旨朕正欲召卿面見以昭君臣泰交之義但朕連日因祈雨澤未普焦思動火不柰勞煩且獻捷大慶又不可曠行勉力御樓以成典禮覽卿所奏具見忠愛免其扈從照常隨班行禮特諭卿知

平倭請頒詔揭帖

題今日文書官捧出禮部獻俘儀注一本除臣已恭票上進外臣復查萬曆二十年寧夏獻俘時曾頒詔天下咸使聞知自東倭發難已經七載徵師發餉遠近震動夷狄盜賊莫不生心如長昂屬夷也而屢犯遼東趕免款夷也而妄窺宣大近稱虜王亦為西邊松首所惑而有搖動之意楊應龍一土官耳而旋撫旋叛行兇于川貴之間雖中土無賴少年往往有豎白旗播妖

故事 卷五 十七

書出不遜語者彼皆謂朝廷方急東征無暇他顧故敢如此今既蕩平似仍宜頒詔天下以昭聖武神威之盛然亦止是諭告咸知不加恩澤條款似屬宜行該部所擬未及于此臣謹擬諭帖一道上進伏候 聖明裁斷施行 四月二十

諭帖諭禮部東倭蕩平宜詔告天下着擇日具儀來行

請補閣賜間疏

奏為曠瘵滋久衰病日深懇乞 聖明亟簡賢  
碩以重政幾早賜歸休以明臣誼事臣自舊年  
十月因首輔請告閣中空虛勉策病軀奉 命  
入直至今已踰半載臣不敢顧惜餘生以滋退  
託之罪扶左掖右辰入申出然以單力肩重任  
大懼失誤屢上疏揭請增閣臣亦既洞寫肝腸  
無復餘瀝矣而未奉 明命實切憂惶何 皇  
上愛惜名器之太重而顧惜神器之太輕不求  
敬事草 卷五 十八  
所為共理之人乎今首輔未出閣中名為二臣  
而實一臣又以病不肖之臣充則名為有臣而  
實無臣臣之軀體委漸羸乏手足痺疼耳目回  
惑有日異而月不同者乃若心思浸以閉塞不  
能轉目忽焉遺忘茫茫曠曠此謬誤之徵也必  
不可以獨任即使政體簡要率由經常猶恐有  
廢墜之虞況今紛至沓來支離鞮鞢調劑不易  
轉移甚難如救焚拯溺豈可後時今茲不圖又  
將無及伏計 皇上必不視閣臣為冗員必以

為要樞顯任難輕畀耳獨不念持之太重而反  
近于輕擇之太精而反至于廢乎詞林才品久  
在 聖心遲疑經年適生揣議豈惟不利于臣  
抑亦非國之福雖 皇上躬斷大事無賴臣隣  
顧維軒轅至聖猶置六相虞舜重華亦資五臣  
多士寔寧振古如是是用披赤投丹瀆干宸聽  
伏望 皇上採擇僉舉斷于淵衷早將閣臣員  
缺或從廷推或出特簡以資輔理以孚泰交尤  
乞憫臣哀頽留之無益恩放還山俾釋重負實  
敬事草 卷五 十九  
聖皇始終曲全至仁也臣不勝悚息祈懇之至  
四月二十  
七日上



倭平信兵不可易動揭帖

題昨日 皇上以倭賊既平頒詔天下滿朝臣子欣欣然謂睿筭神謨警服四荒之遠洪福景運昭垂萬禩之長莫不舉手加額而相慶相勗蓋因今日之功而思前日之所以成此者不易又思後日之所以繼此尤不易也是役也關首雖黠不過一人奴也群醜雖繁不能當我一大郡也螻蝻中於一隅師遂勤於七省數百萬之裹糧六七年之奔命豈惟大小臣工竭智畢力

敬聖草

卷五

二十一

即 皇上旰食宵衣亦不能一日康豫夫以國家全盛聖主獨斷而成功猶若斯之難也蓋用兵之事資費浩大徵發艱難虛內事外本非長計而又勝敗之數最難預期反掌之間風雲變色東功之成天幸不至之絕耳痛定知痛至今思之不能不為慄慄有如水火焚溺可復蹈哉故古稱制治于未亂保邦于未危從天下之未亂未危而圖之一善言即可以結民心一善政即可以弭民患為力易而取效大也至于已亂

已危而圖之即集衆思而未必濟事持衆善而未必釋憂稍失筭于秋毫即貽禍于罔極衽席之間瀚海再波葭屋之下夷首接踵憂勞不得不萃于 聖躬財力不得不耗於中外成敗勝負之數又不得不聽於不可知之天命縱爾善收亦已疲瘁萬一蹉跌悔何可追故舉朝之忠計咸謂 國家之武功雖可觀而文治實多闕如礦稅擾民太甚閭閻民不聊生盜賊日夜窺伺而有竊發之虞守臣竭力補苴而有難支之

敬聖草

卷五

二十一

勢孔子有言有國家者不患寡而患不均不患貧而患不安憂不在顛吏而在蕭牆之內臣每誦斯言輒為震惕自古蕩析播遷之禍皆始于上下不均民心好亂可不畏哉伏望 皇上居高聽卑思患預防勿任一己之情而拂百姓之欲勿貪沾沾之利而輕丕丕之基勿謂小民易虐而刑法可箝勿謂盜賊易誅而甲兵足恃聖心抑慎 聖斷清明常欽欽如倭患未平之時而不少怠荒庶幾上下交利臣主俱榮盛德

成功傳之萬世社稷幸甚臣愚幸甚閏四月初九日

敬事草 卷五

廿二

論好勇好貨好色揭帖

題臣惟昔人有食芹而美者思以獻其君所懷雖淺意則忠矣臣今亦有一得輒以奉獻惟皇上垂採焉臣看詳詞臣所進 皇長子講章係孟子梁惠王下篇內齊宣王自言其好勇好貨好色而恐不能行王道孟子歷為解之言三者皆無妨于王道若好勇而好一人之敵此匹夫小勇不可好也一怒而安天下之民如文王之遏密武王之勝殷則為大勇即王道矣好貨而與百姓同之如公劉好貨而使其民居者有積倉行者有裹糧即王道矣好色而與百姓同之如太王愛厥妃而使其民內無怨女外無曠夫即王道矣蓋三事皆人情之所有而不能無者惟推此心以及于民而使之各遂其情即天理也王道也王道豈遠于人情哉臣觀此意大有裨于今日輒敢引以為喻自平秀吉為亂朝廷封以王爵而諭之釋兵亦猶湯之於葛文王之於昆夷以大字小王道也而倭乃負固不

敬事草 卷五

廿三

服自絕于天於是 皇上赫然震怒一意征勦  
爰整師旅以存朝鮮以慰中國非所謂一怒而  
安天下之民者耶如此大勇民惟恐 皇上之  
不好勇也王道也若撫劔疾視而謂人莫敢我  
當不論義理但任血氣乃匹夫小勇非王道矣  
煌煌東功孟子不得見于當時而臣見之于今  
日臣不勝慶幸以為 聖明頌乃若好貨好色  
二事則臣頗有所疑自礦稅之令一出而天下  
皆疑 皇上為好貨臣竊謂 皇上甚節儉必

敬事草 卷五

十四

不好貨所以留意于積儲者備緩急之需耳第  
公劉推好貨之心以及民于是弛征勸農通商  
惠工其所以為民者無不至能致民有積倉累  
糧之富而遂其建邦啟土之圖故曰王者以民  
為天民以食為天知天之天者王業可成民之  
不可不富如此今以礦稅為已私而使民生怨  
詛之心起反側之虞則與公劉之心甚異而去  
王道甚遠 皇上何不推此心以及于百姓而  
使百姓均遂其好貨之願乎豈有百姓饒餘而

入主不足者哉又如 皇長子年已十八而選  
婚之使未出天下又以為疑夫舊冬節奉 聖  
諭皇長子齡已過期體已充足爾禮部便具選  
婚舊儀來看欽此 皇上慎重於數年而特舉  
于一旦不由廷臣之固請而出于 聖心之獨  
裁孰不仰 皇上啟佑之深慈謂嘉禮即可觀  
也今八府淑女報齊久矣而猶未遣官刷選不  
知舊年之特諭者何心而今年之需遲者又何  
心夫以太王之聖而猶愛其妃是知伉儷之好

敬事草 卷五

二五

入同此情雖聖賢亦然惟太王推已及人而使  
無怨曠故王業從此而開 皇上至親 元子  
而尚不免于愆期不幾于所厚者薄乎 諸王  
子女婚姻莫不以時 俞允而獨斬于親胤之  
子不幾于所薄者厚乎安得不使人疑也易首  
咸恒詩首闕睢桃夭麟趾王化所關周基八百  
實始閨門 皇上以此為念即王道矣夫削平  
倭奴永清瀚海樹威異域之外至難也 皇上  
不惜夙夜憂勤費財百萬而猶為之莫安民生

使無反側之憂 詔行嘉禮使無怨曠之感不  
過一 明旨耳至易也而顧久不為蓋 皇上  
急倭患之震隣而輟轉于思故處置適當而收  
成功不急二事而有輕視之心故惟意所出置  
人言于罔聞夫人主不可一日不使天下歡戴  
使天下歡戴此天之福也臣願 皇上於天下  
事皆如征倭一事力行王道以收聖神之名使  
萬方黎獻舉皆傳誦四夷盜賊莫敢生心豈非  
帝王之大業敢乞 宸慈早將冠婚大禮及礦  
敬事草 卷五 廿六

統二事俯從所司奏請處分天下幸甚愚臣幸

甚 閏四月十

請禱雨揭帖

題竊見春夏以來亢旱連月每見雲合輒起大  
風間得微雨無救枯槁來年絕收成之望黍豈  
鮮發生之期自京師以至遼東山東河南山西  
陝西皆稱不雨米價日貴民心惶惶仰惟 皇  
上夙夜焦勞宮中密禱臣等大小衆職不能黽  
勉調燮消災迎和深切悚懼前禮部題奉欽依  
行順天府官祈禱既未昭格宜加申命合無勅  
下禮部令其再行虔誠致禱以徼天佑以慰人

敬事草 卷五

廿七

心謹擬傳帖一道進覽伏乞 聖裁施行

諭禮部去冬至今亢旱為災已歷三時河井乾竭  
二麥枯槁民無所賴朕日夜焦思動火深維失  
德致此你部裏便具儀遣官祭告 天地社稷  
山川并應祀神廟竭誠祈禱內外大小臣工着  
令痛加修省各勤職業以回天意毋得徒飾虛

文 閏四月十一日 諭

錄上萬曆十三年禱雨聖政揭帖

題頃者六氣失調三時亢旱仰塵 聖心焦勞  
深宮虔禱并勅文武大小臣工痛加修省以消  
天災臣待罪輔弼五年于茲燮理陰陽實惟典  
責災旱若此咎將誰歸因追思萬曆十三年四  
月禱雨未應 皇上親霈德音親御布素自武  
英殿徒步出大明門祇叩 郊壇虔申祭禱又  
召輔臣九卿諭以天下有司貪賊害民致干天  
和令該部慎加選用德音惻惻朝野歡呼三輔

故言並 卷五

十八

臣亦各引罪自責交相儆戒是時臣備員講幄  
記注起居竊窺 皇上於諸臣藹然如家人  
皇上於小民肫然如赤子也撫今思昔如在目  
前臣因恭閱紀載即此匝月之內 聖政極多  
不獨躬禱一事如親享 太廟詰責太常卿沈  
人种轉身輕慢復用為福建巡撫如念刑獄冤  
濫去熟審尚遠即諭刑部輕罪減等重囚情可  
矜疑者虛心鞫審如念燒造磁器屏風燭臺及  
大龍缸糜費難成即並行停止如念天下災傷

地方錢糧出辦艱難即傳旨蠲免一年并免先  
年災傷地方帶徵錢糧如念戶部婚禮錢糧難  
辦即減三分之一至于並建眾輔召見煖閣君  
臣唯諾宛若唐虞美政多端史不勝紀匝月如  
此餘月可知輔臣申時行許國王錫爵王家屏  
並以當代名賢濟濟在閣此謀彼斷協力贊襄  
智慮周詳精神暇豫知無不言言無不行故上  
下泰交共成盛治至今海內思歌謳吟使 皇  
上循此不已堯舜何以過之邇年以來端居靜

敬言並 卷五

二十九

攝朝講希御勵精軫恤之念不無少遜于前而  
首輔趙志臯又抱病經年給假未出臣以哀庸  
之才一身獨任智慮不逮于前人精神每眩于  
多事倉皇救過然且不暇其於 聖政闕失安  
能從容調護以時禪補致使盛美漸隳瑕疵累  
見試檢比來所行復有曩時一二乎曩親禱  
郊壇親享 太廟今對越久虛庭燎無光矣曩  
詰責沈人种猶加器使今遷謫不還即考選科  
道之命亦不下矣曩慮刑獄冤濫今守令無辜

被逮縉紳滿園矣曩停止燒造今開採之使  
布滿天下矣曩蠲及帶徵錢糧今皇店稅課股  
民骨髓矣曩戒剥害小民今無藉棍徒假官橫  
噬莫可誰何矣曩傳免婚禮錢糧三分之一今  
冠婚冊立等錢糧多至鉅萬需求日急矣曩四  
輔並列召對煖閣今閣臣寥寥晉接無期矣試  
舉今昔之政虛心並觀豈不天淵懸隔若兩人  
之所為者前海宇寧謐今安得不騷動前百姓  
謳歌今安得不怨咨不見其形願察其影即今

敬事草 卷五

三十

楊應龍以小醜敢為跳梁臨清負販窮民敢與  
中使作仇湖口儀真上新河等處所在為梗人  
情騷動可知也中外諸臣懷忠極言者不知其  
幾詞意迫切有非人臣所忍聞賈生痛哭流涕  
長太息之談不至於此即諸臣之惋惻而天下  
怨咨可知也靡不有初鮮克有終開元天寶可  
為炯鑒 皇上何忍以三五盛治而任其日頹  
日弛乎臣上累新政下愧舊臣災沴頻仍救禳  
無術躑躅徬徨徒有涕淚偶因禱雨省愆愴然

追感謹將萬曆十三年四五月 聖政摘舉  
畧節以干霄覽 皇上即不遠師帝王近法列  
祖第以所嘗躬行者反覆思維恍然省悟如寐  
斯覺如醉斯醒紹續前美蕩滌後瑕則勵 聖  
德於廢闕之餘德愈光宣 皇仁於壅關之後  
仁愈溥騷動復為寧謐怨咨轉為謳歌人心不  
搖天災可挽百祥並集萬福攸同 皇上直與  
古帝王齊名而臣亦藉以少逭戾愆不至為前  
諸臣罪人矣臣無任激切仰望之至謹具奏聞

敬事草 卷五

三十一

萬曆十三年四月五月 聖政

萬曆十三年四月朔 上親享 太廟諭內閣  
今日朕行禮時見太常寺卿沈人种於賜福昨  
并贊回宮不行退遜輒便轉身是為輕慢着回  
將話來先是吏部推福建巡撫都御史以人种  
及光祿寺卿嚴大紀名上御筆已點人种而是  
日人种失儀詰責奪俸留部疏三日不發遣文  
書官李恩到閣傳旨欲用其次閣臣申時行等  
附奏云人才各有短長人种任外官二十餘年

欽定四庫全書

三十二

未嘗親朝廷之禮密邇天顏矜持太過故有差  
錯若為巡撫綽然有餘已蒙欽點宜仍用之以  
昭器使之公有頃文書房傳旨云先生每既這  
等說便用他罷部疏仍批紅發行

三日 上視朝

五日以祈雨祭告 天地 社稷山川等壇

六日 上視朝

七日大學士申時行等題查得節年事例立夏  
以後令法司及錦衣衛審錄罪囚謂之熟審目

今亢旱傷農正宜理枉申冤拔幽宣鬱無使愁  
苦之氣上干陰陽之和如先時舉行亦弭災一  
事也 上從之即諭刑部兩法司并錦衣衛見  
監罪囚答罪無干証的放了徒流以下通減二  
等發落重囚情可矜疑着虛心鞠審并枷號的  
都寫來看

十一日諭內閣茲者三祈雨澤天未霑施朕心  
甚憂懼朕步行親詣南郊祭禱卿等傳示禮部  
查例來行

欽定四庫全書

三十三

十二日發下御史鄧鍊條陳本文書官劉成口  
傳聖旨燒造磁器內有屏風燭臺碁盤花瓶已  
燒成的揀好的進不堪的變賣未燒的停止應  
該供用的照舊燒進大學士申時行等題臣等  
接得江西巡按揭帖備稱燒造繁雜如屏風等  
項費過錢糧甚多竟無堪進者茲蒙採納御史  
之言特有停減之命視民如傷從諫如流真可  
媲美 二祖超越百代臣等又聞燒造數內有  
新降式樣大龍缸一項亦屬難成尤為糜費如

并將此項停罷則民間之苦俱為蠲除而聖仁普被和氣可回疏入 上欣然從之

十四日 上御文華殿講讀

十五日 上致齋於武英殿以輔臣從詣 郊

壇布服未備特賜上用布疋申時行青藍各二疋許國王家屏青藍各一疋

十六日 上以詣 南郊禱雨預告于奉先殿

及 聖母前仍致齋於武英殿

十七日昧爽 上親御布素自武英殿至皇極

敬事草 卷五

三十四

門御煖閣三輔臣侍太常寺請詣 郊壇致祭

上徒步出大明門百官皆前導 上數目輔臣

使近前至南郊次昭亨門賜輔臣九卿茶恭詣

壇位祈禱如儀禱畢出御幄次召輔臣九卿諭

曰天時亢旱雖由朕之不德亦因天下有司官

員貪賦壞法剥害小民不肯愛養百姓以致上

干天和今後還着該部慎加選用都察院行文

與他每知道務令着實奉行毋事虛文將還近

侍請進法駕 上遽麾却復步至皇極門御座

時行等叩頭 上復詣奉先殿謁 聖母告至是行也往返殆二十里羣下慮勞聖躬而 上親舉玉趾無難色憂憫惻怛形于辭色者備至百官萬民無不手額歡頌焉

十八日文書官李恩傳旨天下災傷地方着蠲

免錢糧一年大學士申時行等題見年災傷地

方幸沾恩澤而先年災傷地方尚貽困累則帶

徵錢糧是也蓋往歲撫按官報災該部以錢糧

蠲之則損額徵之則不堪故權擬暫停而帶徵

敬事草 卷五

三十五

於豐歲然連年災傷帶徵愈多愈不能辦雖遇

豐年民窮如故臣等以為帶徵錢糧一節亦當

議處以蘇民困 上從之即諭戶部天時亢旱

屢禱未應朕思民為邦本今小民困苦各災傷

地方錢糧出辦艱難殊可憐憫朕心惻然便查

各撫按官奏到災傷重大去處覆勘明實准蠲

免本年分錢糧其先年拖欠帶徵完者酌量具

奏定奪以副朕軫恤民窮至意

二十三日 上視朝



二十五日 上御文華殿講讀

二十六日 發下尚寶司少卿羊可立乞罷黜以息爭端本內有姦黨語大學士申時行等欲將此本下六科問可立姦黨是誰次日奉 聖諭朕昨日覽卿等所奏欲使羊可立明說姦黨是誰但人急便胡攀亂指使彼胡發一言於國體何朕今發一札子今後諫言之臣要存國家大體不可逞己之私意致起紛爭淆亂國事論卿等知之時行等題茲奉 聖諭仰見 皇上

故言直 卷五

三六

洞照羣情既以杜妄指者之口顧惜國體又以安危疑者之心聖見高出尋常萬萬非臣等淺陋所及所有 聖諭一道謹尊箴閣中以彰皇上至公至明之美政

五月九日發下戶部戶科請停買婚禮金兩等項各一本文書官李浚傳旨准減免二分還買八分大學士申時行等言 皇上以婚禮之資有所費用乃因親廣愛之至情復以部科之言計為量減尤納諫受言之盛德臣等參詳部科

兩疏一則謂舊例本無而頓增不貲之費恐經用益虧一則謂召買已多又加以非時之索恐買辦不給一則謂買辦銀二十萬每年已如數添進不可復加一則謂蠲免錢糧百餘萬見今無處抵補難以別指惓惓勸 皇上惜財愛民詞極剴切望 皇上俯賜允行或大為減免以修應天之實 上使中官傳諭云先生每既這等說准減三分之一

十九日 上視朝畢退御煖閣召輔臣時行等

教事草 卷五

至前手授陝西巡按御史董子行本商量政務

閏四月十

乞大減典禮買辦揭帖

題昨該戶部送到揭帖為庫貯萬分匱竭懇乞  
聖恩寬假以軫時艱事內稱恭奉 嚴旨召商  
督辦典禮急用錢糧查得太倉銀庫僅存銀七  
萬七千餘兩因商人繞泣儘作商價猶未敷數  
此外並無存積臣讀至此不勝駭愕臣向聞太  
倉匱乏每懷憂慮而不謂其罄盡一至于此萬  
一國家有不備不虞之事動作須錢何以應之  
將無錯愕倉皇而束手待斃乎此真寒心慄股

敬事草

卷五

三八

天下最大之憂蓋總計國家正賦每年不及四  
百萬而各邊年例常過于四百萬該部歲歲拮  
据不勝勞苦乃今 皇上所取大典金寶玉料  
珠香等物計算買辦當二千四百餘萬其數五  
倍于正賦非有神輸鬼運豈能給此縱將每年  
正賦盡充此供亦當總六年之輸方始能敷正  
賦自有正用固無可省之理况以一理之費至  
二千四百萬自古所無譬猶挾山超海苦人以  
難而終不能副徒為天下所駭耳蓋 皇上方

且慎重典禮而偶未筭及錢糧不覺允所司之  
派如此諒非 聖意臣下安可不言今邊餉解  
官號呼以求而未能給發然萬不可稽以召士  
卒脫巾之變東征將士尚有送供與撤回之費  
方煩處給至于西播用兵四方災傷且置之度  
外而未暇遑及矣尚書楊俊民日夜焦迫憂悶  
致死則計臣牽補之難實為可憐而軍國關係  
之重尤宜軫念也臣聞在廷之言皆謂 皇上  
大婚止用十七萬豈有皇子典禮而可加于

敬事草

卷五

三九

皇上乎于禮為不順以前惟東征之費最大鋪  
宮之費又最大今此傳辦尤為極大決難措手  
于時又不堪若論戶部職掌當急軍國之需以  
防亂釁仍須稍加積蓄以備不虞今帑藏既虛  
而有此傳奉該部自合披誠奏請以祈減免  
皇上至聖至明豈不念典禮關係觀瞻固不可  
缺而軍需關係安危尤不可缺緩急先後輕重  
多寡 聖心必有酌裁何得隱忍不言而直至  
罄盡如掃然後言乎此臣所以震悸不寧懼無

以為國也伏望 皇上俯加照察惟懷永圖詰責該部何不早言以裕國計仍督今後務須日夜講求毋復怠緩尤望 皇上裁酌典禮之中寧儉無奢將前項傳辦大加減省以立子孫萬世常行之法使該部可以遵奉辦進不致妨悞大典違拂 聖心國計幸甚臣等幸甚

上十九日奉

聖旨朕覽奏具悉忠愛懇切已知道了

故事草 卷五

四十

言太倉罄竭揭帖

題臣此月之內所上奏疏揭帖至萬有餘言自知冒煩莫此為甚祇緣心切憂惶不覺諄復不然豈敢妄瀆至尊為哉昨日發下山西撫按乞救異常旱荒二本此 皇上垂憐窮邊危民而欲推至仁以弘濟之上惠也除臣恭票上外臣連日有聞正欲入告蓋臣近因戶部言典禮錢糧難措太倉所積罄盡為此驚心多方訪問則有惴惴其慄不獨為典禮未備憂而且為軍國

故事草 卷五

四十一

大事憂立不安坐不寧恐變起邊陲事在眉睫今雖亟處尚患不給者矣戶部題各鎮年例銀兩奉 旨准發即時起行例也訪得近日雖奉明旨悉皆空文無實解官守候一月至今尚未得行此類不止一處邊方軍士何所仰以度晨夕活妻子哉又訪得各鎮軍士缺糧有自去年秋冬至今未給者其為引領又當何如薊鎮管糧郎中於一月前被彼處軍兵圍計錢糧該郎中窘迫開庫與看盡其所有而散與之每軍止

分得銀五厘幸而各軍素能體諒郎中亦善委  
曲謂戶部早晚發來僅免于亂今尚未發此輩  
非孝子順孫必致鼓譟終當作何究竟作何收  
拾已上事情甚的而該管官乃上畏 聖明之  
督責緘口不言下圖苟且以儻來望各處解到  
而遠水不救近火近開援納事例一月之內又  
且掃迹無應目下給發已該一百萬兩日過一  
日益又增多而山西又來求賑當以何物應之  
即有題覆不過是紙上哀憐而已巧婦不能為  
故事章卷五 四十二

無米之炊非天雨錢粟必無幸矣查得太倉止  
有老庫銀二百萬從來不許輕動今豈可動乎  
即欲動之目下便當發一百萬餘能支幾時乎  
欲借之兵工二部二部自有急費且無多儲欲  
借之各省直各省直歲額尚稽何言額外事關  
安危時又緊急誠宜特煩 聖心勿以此事作  
等閒勿以臣言為過慮細加思繹早賜籌處以  
定國家呼吸之傾危臣不勝瞻睇之至  
上日 閏四月二十五

### 催發吏部陞官本揭帖

題臣昨接得吏部揭帖南北大僚卿寺曹省以  
至藩臬各官未蒙點發者多甚非所以重天工  
而勤庶績也我 國家官制乃 太祖高皇帝  
深鑒前代濫員之弊親加斟酌至于晚年而始  
定星布基置各有司存或總其綱或分其緒每  
設一官必有一事原無剩餘冗冒之可缺也况  
今中外多故而藉以竭慶彌縫者比往時為更  
急如帑藏匱乏戶部尚書最急大典在邇禮部  
故事章卷五 四十三

尚書最急吏兵二部樞轄文武豈可久缺侍郎  
至如南京吏部尚書乃百僚之長而虛矣南京  
兵部又參機務彈壓根本者而堂上無一人矣  
南京總督倉場侍郎錢穀重任也而亦虛矣巡  
撫係一方總轄而鄖陽之缺又虛矣雖寺省之  
分猷司府之宣化何一官之可缺何一日之可  
缺缺則必有受其弊者蓋事有定曹則精人有  
專委則奮衆人同謀一事雖愚必明一人獨謀  
衆事雖智必愚一人止作一事則閑習而多得

一人兼作兩事則倉遽而多失本非職掌而輒  
時署管已既有代斲血指之羞人亦有五日京  
兆之玩其積弊已多者必將諉罪于前人而釀  
釁方始者又將留禍于後人以故千瘡百孔左  
支右吾苟且目前而無終歲之計豈但官非其  
人人非其官亦為官不即工工不信度惰窳玩  
愒積漸然也若正推不可則陪推可用若原推  
不可則後推可用若見推盡不可則再命之推  
必有可用推舉在下簡用惟上凡此一代人才

敬事堂

卷五

四一四

孰不感知思報何為久稽登庸阻天下效忠之  
路也臣備員糜餼空度歲時身既妨賢鮮同升  
之儔而又坐令吏治不振官常不修明作之氣  
衰鹵莽之風熾大臣委之而小臣竊之士人委  
之而吏人竊之生殺之柄皆歸奸頑予奪之權  
盡制豪猾夷狄盜賊輕 朝廷之無人政利國  
虛臣罪滋甚不勝憂惻不勝憤懣伏望將吏部  
前後推補總疏速賜點發庶百職皆得其序而  
德意有所導揚也臣無任鵠立待命之至

乞止典禮錢糧揭帖

題茲蒙發下戶部計處財賦本章令臣擬票除  
臣恭擬上進外臣看得財賦一事不惟戶部甚  
難設處即臣亦甚難擬票深恐所擬未合 聖  
心顧反覆思維別無善策 祖宗以來止積得  
老庫二百萬其難可知每歲天下進京止四百  
萬而出亦如之本無贏餘也而連年用兵及舖  
宮等費乃至加用六百八十餘萬則楊尚書盡  
力搜求于四方而本官亦因之以斃其不可復

敬事堂

卷五

四一五

繼又可知矣今欲一旦責成代署之人豈能神  
運鬼輸乎擬 旨責成亦虛文耳豈惟虛文恐  
有實禍何則邊軍乏餉已久而濟之之策窮也  
夫典禮至大給商誠急但以軍情而論則濟邊  
尤急邊軍窮苦止靠月糧糧久不與變在目前  
一行鼓噪中外動搖此事關係宗社安危安得  
不凜凜危懼即使觸雷震犯譴責猶不至于  
壞軍國之大事被不赦之惡名也此固人臣之  
所能權亮輕重緩急而自為計者故疏中之辭

止有哀懇該部既不能奉行設處矣則不若霽  
發德音慨賜停止亦可以收盛德之名而使  
天下萬世傳誦無窮不然以必不可能之事而  
責之以必能彼既難副此亦徒勞若夫各處可  
催可括之錢已擬嚴旨催其徵解不敢少為  
寬縱也臣觀東事告成皇上之福甚大從此  
海內清平休養生息再更數年該部儲節必多  
以次進供源源有日下不勞上不匱且不至以  
空乏貧苦之形傳播夷夏使其窺知國家虛  
實此籌財之上策若舍此而求奇皆反裘負薪  
竭澤求魚財聚民散之事臣不敢也

五月初九日上

敬事草

卷五

四十六

分別降謫官員揭帖

題近日點發吏部催補京堂之疏一時增四尚  
書二侍郎一巡撫舉朝歡暢謂聖心轉移泰  
和在即矣惟是庶僚多缺則中外尚傾耳而聽  
銓曹猶束手無措也昨者亦曾總催未蒙併發  
豈謂其中有降謫官員可疑者在乎夫降有不  
同有因觸忤威嚴為欽降者有因科道糾  
察為例降者欽降者陸遷不可朦朧而該部  
若擅為混推罪也例降者原題不過懲創而該

敬事草

卷五

四十七

部若抑遏不推亦罪也此兩者當有分別難以  
槩視槩視則偶挂彈章者永無湔洗之期而科  
道之權上與至尊等是天地有棄物聖人有  
棄人不惟非曲成弘覆之仁抑亦非舍短取長  
之道人才實難安得盡無纖疵薄議者而用之  
乎臣查得今次總催元無欽降在內即有一  
二人亦係例降非欽降也伏乞俯垂亮察  
早賜點允臣無任祈望之至謹題請旨

五月初九日上

催點閣臣揭帖

題自首輔臣志臯給假以來臣以一身直閣九月于茲綿力靡勝罔知攸措頃緣首輔十五疏乞歸 溫旨勉留諭以國家多事內外艱難正賴同寅協恭贊襄不逮仍諭吏部閣輔又缺便着會推在任在籍堪任及前推員數開具來用臣莊誦再三不勝喜躍以為 皇上留神輔弼原欲備官特因慎選而尚懷恭默今歷時既久必為通時矣疇咨既深必得賢雋矣日夜望

故事 卷五

四十八

新命之下而又復杳然若歲大旱雲方合而忽散若濟巨川舟徒橫而不來不惟無以慰首輔之心臣亦何以為情也首輔尚病 皇上以六曹幾務總之于閣而寄之于臣臣不盡心則臣之罪但臣能盡心而不能強其才之所不能又不能保其身之必無病今國家多事內外艱難誠如 聖諭夫曰多事則千瘡百孔繭絲牛毛豈一身耳目所能周曰艱難則蠶孽萌生蝟起蜚踊豈一手足所能支語曰一手獨拍雖疾無

聲一心獨運雖指不明故尊賢使能俊傑在位又國家閒暇之時而明其政刑此治天下之常也雖有賢能置之優閒而不用雖有政刑束之高閣而不舉以此治閒暇之國家尚不可而况以此治多事艱難之國家乎又况臣以衰殘之年獨入獨出目不給視手不給披心不給慮紕政日行而臣不能挽亂徵日見而臣不能弭痰火中攻屢至眩瞶筋力外竭兀欲顛仆若不付托名賢使之整理廢弛日久雖有善者莫能如

故事 卷五

四十九

何矣 皇上業知政本之重而徒屬之一病臣是 皇上以臣為孤注而以天下戲也臣業知己之不能而徒防賢路是臣以身為孤注而以皇上之天下戲也天下後世其謂之何望將吏部會推總疏速賜點用數員俾其協力贊襄以紓 皇上之焦勞以成首輔之忠愛使臣得退歸田里以終餘年 五月上

催考選科道揭帖

題該吏部都察院及科道等官屢催考選行取  
官員投揭到閣臣反覆看詳大約謂臺省空虛  
憲法廢墜代庖者不便於彈壓無攝者多至於  
曠鰥不啻詳矣臣又何言然臣又思之臺省之  
官非他官比其朝夕論列則 皇上之耳目也  
其中外巡察則 皇上之紀綱也耳目廢則上  
孤而國危紀綱廢則下玩而國亦危此誠不可  
久缺者故 祖宗舊制六科給事中多至五十

敬事草

卷五

五十

餘員十三道御史多至一百餘員遇缺輒選初  
無定期而 皇上往年嘗命一年一選誠急之  
也今南北差遣委實不敷而行取到京者乃博  
采於四五百人之中勤咨於四五年之內又  
上請者不知其數而後得取可謂擇之又擇難  
而又難矣待選已久奉 旨無期 聖意淵深  
衆所未解臣愚伏思往時一年一選登進頗易  
不無狂躁之士濫于其間涸清正論是誠傷于  
太數乃至連年不選登進過難屢經黜陟之後

零落已盡宣達無人貞肅罔藉是則傷于太踈  
今此一時所謂勢窮理極不可復緩矣中外見  
明旨不下則無端揣摩以為 皇上不無憾于  
舊臣因曲防乎新進故是役也遲留沮抑以預  
折其喜事之心夫具曰予聖詩人良規予言莫  
違孔子深戒臣想 聖意必不其然何則臺省  
之職豈惟欲其叩墀排閤光補衮闕抑又待其  
發奸摘伏糾正官邪彼百司庶府箴慝何止萬  
端四海九州隱憂豈但千計而惟科道官布列

敬事草

卷五

五十一

中外此不言則彼言繼續後先甲失之則乙得  
故能震聳奸回支持宇宙輔立良善纏綿邦家  
是故大小臣工孰不妨其多口如臣塵忝亦難  
保其不言然惟畏其有言故猶幸而無罪是固  
儆戒相成之地也夫毒藥所以攻病苦于口而  
益于身忠言所以觸邪逆于情而利于政故以  
天下官吏言無不欲科道少而以天下軍民言  
無不欲科道多正為閭閻之奸弊吏不能譏察  
者惟科道能譏察田野之抑鬱民不能上聞者



惟科道能上聞故吏有所憚而不敢為則其害除民有所藉而得為則其利興科道之有裨于國家而不可缺明矣况今次行取皆歷久練達之才而一時部院諸臣又無不欲仰體 聖心精求細擇者乎伏乞 俯賜俞旨及時登用第令恪遵 明命遴選老成端正體國奉公之士毋收喜事沽名結黨行私之徒考選既定仍一一開具履歷考語以待 聖明親點則顯陟出于九重私交絕于羣下虛浮者無所冒進忠

敬事堂

卷五

五二

蓋者必不見遺 皇上既待諸臣以腹心諸臣必願為 皇上耳目庶幾紀綱有維忠益得廣而襄天工成至治端在茲矣

五月二十七日

又催考選科道揭帖

題臣竊惟近日第一緊要政務莫急于考選科道今行取諸臣鱗集待 命久矣臣下屢以為請非敢為瀆誠有萬不得已者蓋 祖宗設立科道之意初非取其備員亦非不知聒擾之可厭也深維天下之釁虞當防而 國家之神氣宜振凡朝政有得失邊情有緩急官吏有賢否閭閻有苦樂上不能親以德意達之于下下不能親以艱難聞之于上必有寄夫封駁之責巡察之權使其自大僚至于小吏一言一動皆得以摘舉自 闕下至於遐陬一利一弊皆得以敷陳然後官無留隱民無隱情雖有鬼蜮之奸不崇朝而發露雖在要荒之外可計時而馳聞畏此 簡書戢彼越志官清吏肅盜息民安此設立科道之本意也故許風聞言事雖有激聒而亦加優容蓋惟恐其畏縮不言故耳即所言未必皆當而要之勝于不言言不當則擇而行之者在上不言則上雖欲聞而無由 祖宗所

敬事堂

卷五

五二

以多其員數而及時選補者為此譬于人家若無體察巡視之人則工不即事盜且生心一惟之外耳目盡塞而奸慝叢至又使以數畝之官而但責一二人巡視則顧東失西跋前躓後耳目依然蔽塞奸慝依然叢至如此而欲家之無壞不可得矣夫治家如此而况于國乎今科道差遣不敷常以一人兼數人之事此特有兼攝之名耳考其實職必有不舉舉亦不能如一人一事之精蓋朝廷以鹵莽苟且而寄官官亦以鹵莽苟且而報事勢則然也無是恠者何則以一人而兼數事其時其力不能委曲周詳必將借耳目手足于官吏書役之流彼官吏書役之流守法者少賣法者多合其衆人之奸智以欺兼攝之一人雖勤如孔明嚴如包拯力必不暇舉智必不暇察矣一日誤數事百日誤數百事舉天下而論其兼愈多其誤愈衆於是庶頑羣盜與此輩合而國與民俱受其害矣然則又不考選是明奪科道之權而授之于此輩使得

故百立 卷五

五十四

以盜其權而行其私不知天下軍民受貪官污吏之害者何限貪官汙吏之大幸軍民之大不幸故臣前疏云以天下官吏言無不欲科道少而以天下軍民言無不欲科道多正謂此也知此利害甚大得失甚遠則知激聒之事特其不堪之小小者亦可以優容而不計矣伏望皇早賜俞旨但令其慎選端良勿以浮薄進則耳目廣神氣張而官吏之儆戒有資軍民之受福無量矣

故百立 卷五

六月初五日上

五十五

防虞揭帖

臣惟東征川兵近報不服發回四散東行恐其  
流落作賊心常憂念昨見兵部參押兵游擊王  
之翰臣又不覺心動因而思之潛住都城窺探  
鑽刺者恐不獨將官有之近日奏楊應龍過犯  
之人皆係川兵川兵之潛住都城者必多矣又  
復思之川兵土官多姓楊必應龍之族其兵必  
應龍之兵則潛住京師者又不獨應龍之讐且  
多應龍之黨矣夫應龍今方聽剿而此輩精健

敬事草 卷五

五十六

矯捷登高踰險騰躍如飛流入畿輔又無紀律  
作歹何難况海內民窮奸豪不少向以東征會  
集今以事畢無歸指天畫地夜聚曉散今大工  
正興軍匠喧雜儻此中有乘機混入或為細作  
或肆狂圖驚動 宸嚴大非穩便雖萬萬無他  
而損威不小臣心懷憂疑不能帖席也伏乞  
皇上慎重起居申嚴門禁令巡視 皇城工程  
等官比常倍加嚴謹仍申飭嚴衛五城巡捕等  
衙門將京城內外亦比常倍加嚴緝一面催辦

工程早完以肅穆清以安辰極抑臣有言臣見  
近日天下人心大不安靜流言煽惑睥睨竊發  
之事安保必無不獨一應龍之黨而兵部堂上  
見在止一本兵京營之中兵皆市徒官皆債帥  
無一足恃臣願 皇上加意于此多選謀略文  
臣入為侍郎以備督撫不時之用多選忠勇武  
臣入補京營以備將帥不時之用而又明正賞  
罰大肅紀綱使人有所嚴畏遵守其嚴衛緝事  
乃國家緊要衙門官校人等別無恩澤止靠三  
敬事草 卷五

五十七

年類奏陞賞又吝不與無以為激勸之資并乞  
率循舊規恩威並用使其鼓舞効力此未嘗有  
費于朝廷而裨益者弘也書曰惟事事乃其有  
備有備無患儻不以私憂過計為謀惟 皇上  
採用或特賜批荅密傳兵部舉行六月二十  
諭朕覽卿奏具見忠愛懇切籌國嘉謨誠可嘉尚  
大工建造謹慎門禁都着該管內外官員用心趨  
造嚴加巡視關防兵部侍郎京營將官便着該部  
遴推堪任的來簡用京城內外地方如有異言異

服無藉奸徒指稱文武官吏潛住結聚流傳煽惑  
的廠衛城捕緝事衙門即便訪拏具奏其廠衛三  
年類奏陞賞乃激勸恩典偶因提督管事陞遷未  
定是以暫停着查照舊例舉行卿可還傳示各該  
衙門知道特諭卿知

敬事草 卷五

五八

回防虞諭揭帖

題臣前日私憂過計因川兵四散疑其流入京  
師大工未完門禁難肅具揭仰祈慎重起居厚  
防意外奉

聖旨云欽此仰見 皇上聽納之度保泰之懷  
不勝忻幸臣惟楊應龍乃豪奸劇賊足智多謀  
財富善能使人力强敢行稱亂今既罪彰見剿  
益將大肆狂圖神出鬼沒前者禁中累失門釘  
焉知非其竊去也古稱勇士一人雄入九軍如

敬事草 卷五

五九

荆軻曹沫要離豫讓之流史冊章章示人炯戒  
是以天子出警入蹕清道而行所居之宮比于  
上帝之清都薇垣之辰極人莫敢望安可窮年  
累歲工作不休使丐兒乞徒游行無禁 宸居  
御寢歷歷可以指知寶閣珍臺昭昭在其目睹  
守衛捍圍之士在于其外而流離瑣尾之輩乃  
入其內譏察防禦不過數輩而操梃持錘乃至  
千百啟釁召侮莫此為甚臣實為此惴懼也雖  
有部伍然人衆而稽考難周雖有閤守然日久

而關防易懈如往有倒死在內而經宿始覺以此推之能保無潛藏隱匿為叵測者乎與其過于弛寧過于防宜上緊趨造嚴加關防遴選文武將吏激勵嚴衛城捕 明旨既下臣當欽遵傳示但臣此揭原為楊首而起事關軍機宜加秘密儻蒙特發一諭俾兵部遵行尤見 聖明孜孜夙宵圖治至意

六月上二十

欽定四庫全書

卷五

六十

乞罷廣西貴州稅使揭帖

題臣惟礦稅二事天下皆以為不便而 皇上獨以為便亂端數見天下皆以為危而 皇上獨以為安豈 皇上之心獨與天心通而能保天下必無事乎臣愚殆不能曉也 聖意堅定轉移未聞臣民日夜禱求庶幾少減而乃日甚一日使人何所歸命至於廣西乃窮苦百粵之地諸蠻巢穴控禦為難民無他業惟田是資犛種出沒往往病耕地促賦逋一切官俸軍需皆

敬事堂

卷五

六十一

仰給於廣東 先朝設置總督兼制兩廣意正為此此地自給且不足而况可加一稅使乎四萬之征從何而出尤不可之大者也昨日奉旨又有貴州之差則滿朝臣子益驚怖而歎息矣蓋貴州乃古羅施鬼國地皆蠻夷山多箐穴水不涵溽土無貨殖通計民屯僅十四萬石為天下第一貧瘠之處官戎歲給全仰於湖廣四川二省蓋本非都會之地從古不入版圖戎朝但因雲南而自此借一綫之路以通往來一

綫之外悉皆夷峒鴟張豕突易動難安今云產  
有水銀鉛銅硃砂雄黃白蠟等貨每年可徵稅  
銀三萬五千兩名馬四十匹理所必無臣不敢  
信縱使有之亦出蠻夷地方今蠻夷侵田奪貨  
逞欲無厭撫之尚難豈可復擾彼稅使安能從  
蠻夷征乎况楊應龍正肆猖獗 朝廷方議征  
討一新督撫鎮守等官而施為次第尚無可言  
昨巡撫郭子章交代以書問臣內設四策一曰  
戰二曰撫三曰先撫後戰四曰先戰後撫臣心  
敬事草 卷五 六十一

皆以為難不能對答蓋撫則損威辱 國而此  
首又非撫之所能定前事覆轍已為可鑒臣故  
難之戰則須兵一二十萬餉一二百萬假以便  
宜寬之歲月而彼主我客彼守我攻難易懸殊  
勝負莫料臣又難之臣思督撫鎮按等官正是  
無米而炊徒手而搏千難萬難不堪展布之日  
皇上宜為之夙宵軫念發餉處兵以鋤此首梟  
獍之心聯屬諸夷招採異類以削此首羽翼之  
助庶可近安楚蜀遠通滇南而還太平之舊觀

何為顧惜小利妨害大事又遣此一稅監耶臣  
恐彼處久困水火望救之民將避益深益熟之  
害奔迸林藪助賊為虐益難拊循益難攻討一  
綫之路坐致淪沒而雲南亦將永斷矣關繫  
國家安危豈小小而已哉且用兵之法弱當示  
之以強饑當示之以飽貧當示之以富不足當  
示之以有餘今天帑所儲原無不足司農出入  
尚可拮据而必以窮乏二字遠播夷方兵戈之  
場亦皆刮取楊酋若信 朝廷窮乏則猖獗益  
敬事草 卷五 六十二

甚若不信 朝廷窮乏必謂方各兵費不能用  
兵而其猖獗亦甚非所以昭廣大富實而警服  
蠻夷反側之心也妨於安攘大計又非小小夫  
各處礦稅臣每苦諫未即 賜允猶日庶幾至  
於貴州則萬萬不可所宜亟收 成命誠欲奮  
誅楊酋當示兵力之雄財力之富決不可虛示  
貧弱為彼所侮既不惜兵餉大發將士則宜先  
免此三萬五千以慰彼軍民之心權衡于輕重  
緩急之間所蠲者甚少而所獲者甚多願毋以

反汗為難安危之幾在呼吸間也臣不勝懇竭  
祈求之至

六月二十五日  
上三十日奉

諭次輔朕昨覽卿奏揭忠君愛國遠慮深謀嘉尚  
不已且貴州稅課差官非專為貨財欲訪彼中軍  
民之利病起釁之由耳既卿這等說朕亦思念正  
在用兵征討之時勅諭留中未發已停寢矣况大  
臣義同休戚尤當仰體調停鎮靜何乃各衙門今  
又紛紛瀆擾其如國體何前遣內官張慶已不着  
去了特諭卿知

欽事草 卷五

六十四

回奏揭帖

題昨日文書官史賓捧出

聖諭云欽此臣盟手祇誦加額歡呼 皇上從  
善實不難于轉圜而臣等匡時未有工于納牖  
言而當理無不允俞偶此遭逢何勝慶幸蓋貴  
州合省八府不能及中原一大郡洪武初原未  
開設三司後因雲南隔在天末非此無所借途  
不得已而從百夷鬼國之中開一線置郵之地  
其所需官軍俸糧皆資川湖協濟而本處莫能

欽事草 卷五

六五

供給仕宦之人皆不樂往諺云天無三日晴地  
無三里平人無三宿情此其涼瘠不堪反覆難  
定之狀可知矣况今楊首跋扈憑陵五司巡撫  
江東之輕率寡謀深兵浪戰以致喪沒官民土  
軍至七八千人酋益猖狂四出而地方無兵與  
糧戶兵二部正難計處若加以權使一徃民心  
必將動搖恐三萬五千之說未必得而雲貴二  
省之地可先失矣蓋地既不可時又不可取利  
甚微而貽害甚大又不可誠燃眉之急事反掌

之禍機故臣未暇為各處危而亟為貴州危即在廷諸臣于各處有言有不言而于貴州無不言是皆出于忠君愛國之至誠也伏蒙 皇上洞悉政機深惟兵計念天討必加之地尤 廟謨宜謹之時特轉天心停差不遣昨奉 諭札即傳部科莫不欣欣喜色若獲天球衆心成城鼓舞若此楊首小醜知不足滅矣七月初一日上

敬事草 卷六

敬事草卷六目錄

請考選科道揭帖

言播首反狀揭帖

言播事揭帖

諫礦稅揭帖

乞搜播首賄黨揭帖

請增閣僚及選科道揭帖

請發離使救草揭帖

救天下災荒揭帖

敬事草 卷六目錄

辭倭平恩第一疏

辭倭平恩第二疏

辭倭平恩第三疏

救曹學程揭帖

開刀揭帖

再救曹學程揭帖

言東餉不宜深求揭帖

三救曹學程揭帖

謝留曹學程揭帖



言遼東虜倣揭帖

辭倭平恩第四疏

辭倭平恩第五疏

救華鈺等揭帖

諫礦稅揭帖

請簡閣臣選科道揭帖

典禮揭帖

典禮揭帖

災異修省揭帖

敬事草卷六目錄

言財計揭帖

典禮揭帖

敬事草卷六

柱國少傅兼太子太傅吏部尚書中極殿大學士臣沈一貫  
請考選科道揭帖

題臣惟考選科道一事近該吏部都察院屢疏  
上請即臣亦兩次具揭未蒙俞允今取到官員  
守候半年而不得選科道官員差用日缺而不  
得補兩下皆難莫此為甚夫在廷臣工孰不畏  
言官之口者而顧同辭為懇豈非愛君體國之  
公心有所激於中而不能已乎臣敢不忘煩復  
敬事草卷六

為 皇上再陳之臣惟朝廷之大日有萬幾海  
宇之廣動多罅隙 祖宗設置科道用廣耳目  
雖其言未必皆當而必不可無此言雖其人未  
必皆佳而必不可無此人擇言而行擇人而使  
則聞見皆通而政事修舉若厭其言而空其人  
是自塞其耳目也不可必矣政苟無關何恤乎  
人言如其有關何可無人言惟有言之者而後  
上之德意得以宣于下下之利弊得以聞于上  
其言之所及既裨益于國事而言之所不及亦

有警于人心 皇上試思結黨欺君者固言官也而發奸摘伏者非言官乎激聒煩擾者固言官也而決疑成務者非言官乎特以發奸摘伏決疑成務者順于心而易忘結黨欺君激聒煩擾者逆於意而難釋故耳言及乘輿則見為多言及臣民何厭其多 朝廷畏之政事自然補緝臣工畏之奸邪自然退懾天下畏之盜賊自然消滅科道之力不可泯沒昔在 祖宗列聖亦惡欺黨亦厭聒擾而終不廢考選為其益故

敬事草

卷六

二

也伏乞早允部院前疏或特降一札以示慎選之意令其必公必明毋私毋濫則俊又在官

國家之福

二月初七日

七年上

言播酋反狀揭帖

題昨暮臣接四川督撫李化龍巡按趙標各揭言楊應龍已反臣面審各承差皆言應龍遣子朝棟領兵二萬出貴州而自以兵四萬圍綦江綦江縣去重慶府只二日程萬分危急承差行時聞綦江已破將官房嘉寵等未知下落必有再報等情總督書中言新到川中軍門原無一兵惟松潘防虜有總兵之兵若防播止有房嘉寵等新兵二千土司之兵急難調至此酋久雄

敬事草

卷六

三

三巴漢兵心膽俱碎土兵狐兔有情必須調募陝兵二枝浙兵二枝馬步萬餘以為主兵則蜀人氣振而土司可用乞賜早允又言軍機重務兵糧未充今 旨似宜且言防禦庶彼無必死之心而事可緩圖若或急之恐難轉手等情臣惟此首可憂久矣不謂遽大發也工部侍郎趙可懷係重慶人昨與本兵同來會臣言首實勅敵畜志不小為今之計一曰兵二曰餉川中皆乏戶兵二部宜破格處三曰官有事地方不可

但用文墨之士宜將各司道府縣官就近選調  
諳練機宜者充之庶群才畢集地方可保統望  
皇上加意密諭遵行楊首耳目甚多機事易洩  
臣親書潦草更祈 聖明鑒宥伏候 勅旨月

二十一日  
上本日奉

諭次輔朕覽卿密奏忠君愛國誠慮良謀嘉尚不  
已心甚惕然朕居深宮倚任文武將吏平治天下  
何乃倭方退遁虜即侵犯今楊首又大肆跳梁官  
民受其慘害中國兵餉何以連年堪此其彼處督  
撫鎮巡文武等官職任安在卿可益竭心思籌畫  
緩急即便擬一傳旨來行特諭卿知

故事並

卷六

四

言播事揭帖

題昨日臣因楊首作反具揭上奏該文書官盧  
受恭捧

聖諭到閣諭次輔朕覽卿密奏忠君愛國誠慮良  
謀嘉尚不已心甚惕然朕居深宮倚任文武將  
吏平治天下何乃倭方退遁虜即侵犯今楊首  
又大肆跳梁官民受其慘害中國兵餉何以連  
年堪此且彼處督撫鎮巡文武等官職任安在  
卿可益竭心思籌畫緩急即便擬一傳旨來行

故事並

卷六

五

特諭卿知欽此仰見憂勞邊事無時暇遑 聖  
心若此賊不足平矣臣本疎庸不足負荷既叨  
任使敢不拮据雖忠君愛國夙誓非虛而誠慮  
良謀自揆實歛今倭患雖平而太平未復北虜  
之驕尚可係羈播首之微乃敢跋扈連年用兵  
公私交竭復有此亂其何以堪顧事不容已則  
宜處兵處餉選將選官而加之信賞必罰一如  
征倭故事處兵處餉惟在 聖心不吝而已選  
將選官與賞罰等事臣茲畧陳臣恭繹 聖諭

謂倚任文武將吏平治天下彼處文武等官職任安在嚴督所及洞悉弊源臣惟督撫李化龍係新任官有難責備原任四川巡撫譚希思徒負虛名真同木偶楊酋逆計滔天了不知覺招兵之議久允至今未補有臣如此尚何足賴若禍端之成實由貴州巡撫江東之貪功妄進致我兵數千無一生還召亂損威人皆切齒至于雲南巡撫陳用賓積有顯功而今春乃與希思東之一槩拾遺公道安在節奉 聖旨留陳用賓東之致仕希思調南京別衙門用處分至當矣然尚有論用賓而不聞有論東之與希思者公道又安在臣愚以為江東之宜革職譚希思宜閑住而陳用賓宜獎留則賞罰始明也雲貴川廣原係遠方宦于是者謂之劣處今日之事大宜更調賢才特加激勵天下礦稅擾民即未能俱罷亦宜先罷四川蓋採木之苦已深用兵之累益甚縱不撤還亦無所得反滋其亂亦不可知不如早撤以收民心也 皇上命臣益竭

敬事草

卷六

六

心思籌畫緩急今各部院良策亦儘可採者惟一一允行幸矣除各本到日臣當竭忠票擬外茲奉 命謹擬一傳旨上恭候 聖明裁定施行  
行七月上二十

敬事草

卷六

七

諫礦稅揭帖

題臣惟礦稅之事在廷臣上言者日繼 皇上必厭棄不覽故寂無荅者臣備員輔弼宜裨助皇上不宜猥隨廷臣但事勢至于極窮而明主可以理奪亦宜俯回天聽舍已從人 皇上但察諸臣之心何為而苦瀆豈皆沽名豈皆邀譽若事不至於召亂啟釁不可一朝居必不忍協志同辭強拂 君父而不止也合文武勲戚六卿九列大小臣工盡天下讀詩書知古今歷

世故者無一人敢助 皇上即民間愚夫愚婦亦不敢有助 皇上而 皇上獨不回心蓋未思此事關於國家存亡治亂之幾若是亟耳且皇上之積財也出於何意以為患貧乎焉有太平 天子而至于貧乏者非所患也以待不時供用之需乎 皇上天性甚節儉未嘗妄費分毫無待此也抑為萬世子孫長久計儲蓄乎則九州四海之供歲歲不乏源源而來他日之供自足他日之用何必今日而預作萬年計殆非

也豈為深宮燕閒無物可娛以此充耳目之玩好乎窮人窶子生不見金寶者偶見則詫之為美 天子之視金寶習見習知亦與等閒物無異而豈以是嬰心遑遑求益不已哉又非也若是則甚非所急何為而汲汲求也昔我 世宗肅皇帝甚惜福一衣一履終年不換手不弄金玉口不談財貨故德流四海家富人給延福增壽積慶至今曷不仰法 聖祖而思所以惜無疆之福哉夫富有四海 皇上之祿也節用愛

人 皇上之福也祿不患其不足而福宜積於有餘滿招損謙受益時乃天道故曰金玉滿堂莫之能守富貴而驕自貽其咎蓋財聚則民散民窮則盜起此理必然所不易者燎原之勢已在目前安可不改圖也前日貴州礦稅蒙 賜停止今四川尤急安可不停伏想 聖心必已感動惟早命一日則早受一日之賜揚首介在湖廣川貴之間腹心之患猖獗不休則無川貴無川貴即無雲南此一事者關係三省存亡三

省若失則內地若陝西河南湖廣皆當作邊境  
防禦危矣危矣故川省內使所宜早罷顧臣猶  
有憂焉姑無論中原民心搖動將有亂虞而大  
可憂者又已形之雲南矣雲南孤懸天末自唐  
宋不入版圖而我朝乃比於內藩第以處置  
得宜故也今遣中使往彼夷夏交被其殃臣初  
猶恃彼撫按或能調停庶幾苟延作轉旋之計  
不意中使與撫按大相牴牾彼遠地之民既無  
撫按足恃而夷獠之性又苦中使誅求一旦變

敬事草

卷六

告尤難措手播方煩兵又安能以餘力餘財越  
貴州一線路而為萬里雲南計乎必不暇矣臣  
中夜遠床而走謂四川似猶可為雲南必將無  
救不敢不早言也 皇上勿以臣為無端過計  
而藐忽勿以臣為黨助撫按而生疑撫按於臣  
何有苟可以歡 皇上則願窮天極地效琛貢  
珎臣之志也何苦而屢進煩言 皇上至聖極  
明曩所宸斷有臣下萬萬莫及者天下莫不敬  
畏如神明倚藉如天地誰敢異同而惟此求利

一事斷之太過大拂人心患害逼前有如水火  
臣未暇為天下謀而且為四川雲南謀以救眉  
睫之急伏望 特發德音將此二處內臣比貴  
州事例即賜取回以保全地方臣才謏力微雖  
忠義滿腔而紙筆有限惟 皇上俯採非採臣  
一人之言乃採天下之公言也

七月二十  
九日上

敬事草

卷六

十一

乞搜播首賄黨揭帖

題臣遣接本兵揭帖言楊首投賄事不勝駭汗嘗聞此首之黨極多自四川湖廣江西南北直隸處處密布金錢寄於人家隨取隨用今敢藐言本兵加之汗衅此外何所不至若非田樂忠貞不二嚴潔如霜幾中其巧計矣伏望即差官校往任丘拏各犯來京盡法處治一面密勅廠衛等衙門嚴搜逆黨仍特獎諭田樂為國忠貞伴任事者不以汗蟻為患以風大小臣工同心

敬事草 卷六

滅賊庶幾破其陰謀狡計鼓我義憤忠猷而蕩平為期也臣手書潦草不勝戰慄懇禱伏候

勅旨 八月初七日上

請增閣僚及選科道揭帖

題臣惟天下之治當與天下賢才共圖之百司庶府不宜使一日瘵曠也又况瘵曠滋久而治理有不病者乎閣臣久缺未蒙 簡命臣以一身拮据已十二月於茲矣夙宵惴慄恐負委托才單力匱踈漏實多輔理無狀自揣甚明此瘵曠之一最大事也中外各官推補未蒙 批發者多妨誤不少而科道缺人已二三年近來零落殆盡無攝太繁耳目益為壅塞手足益為瘵

敬事草 卷六

十三

痺尚誰能宣 上德達下情肅群僚貞百度者乎此又瘵曠之一大事也夫閣無具員而使臣獨受其敝諸衙門不能為臣念不能為臣請臣既數請又不見察空寘身于叢棘之中湯火之內而無補 國事空忝為 皇上最近臣而不能自達其景苦之情 皇上不一憐臣臣又何所憑恃以畢其報 主之忠乎科道久缺大小各衙門屢請之而未蒙賜允 皇上慎重之意諸臣已能仰體若非政事有大妨碍安敢合詞

瀆請而不休如此也伏望 渙發天心俯納衆  
論將吏部前次屢推閣臣本 簡命數員以舉  
政綱將吏部近日覆吏科本亟允考選以肅政  
紀庶幾得人以任衆職而治平端有賴矣八月十七日

欽定四庫全書

卷六

請發齏使 勅草揭帖

題先諫都察院題監察御史應朝卿接管兩淮  
巡督鹽課無理河道并監兌漕糧催徵未完錢  
糧等差俱應請勅以便行事臣等先於八月十  
四日循照舊規擬撰勅稿二道進呈 御覽未  
蒙 批發二十五日照前復進亦未蒙批發臣  
等切照兩淮鹽課居九邊餉資之半而東南漕  
輓供京師官府之需至于漕河有沮洳之虞逋  
負無催徵之計以此四項極艱鉅之事而兼責

欽定四庫全書

卷六

十一

于一御史之身 朝廷即日夜程督猶恐其奉  
行不力而不免於因循玩愒之弊况可先為臯  
緩若不急之務乎若今年料理不先則明年諸  
事必誤京儲莫繼邊餉莫供運道或妨吏婪無  
做追求誤始彼將有辭伏望軫念將前進敕稿  
揭帖二道 俯賜批發寫敕催本官星夜前去  
整理庶於轉輸不乏憲典無墜九月初一日上



救天下災荒揭帖

題臣忝備輔員義同休戚事至今日患已剥膚輒悃款進言冀回天聽今天下可憂者莫如楊應龍陷沒綦江毒鋒甚銳顧此猶川貴一隅事也又莫如雲南播與緬通而稅使撫臣不協若一動搖必無出兵收復之理顧此猶雲南一隅事也乃如西虜不靖嘯聚於榆林寧夏之間以十萬計此憂尤大幸彼將士力禦虜西北行則臣因目前之稍寬且置于度外者也今遼東

故

卷六

十六

警報日至虜二十萬環視四境本鎮主客堪戰兵馬僅萬餘貼防不足何況於戰而將士以朝廷賞罰不明莫肯用心百姓以礦稅騷擾又生外心一有疎虞陵京震動此其關係不細臣之所甚懼也而又有大於此者則中原民心盡離荒旱又廣流移載道號籲莫憐人皆謂今年天下必有變告此豈特一方隅一邊境之虞而已乎據各撫按奏陝西則西鳳二府救荒不遑三陟七郡一望皆赤矣山西自二三月前已稱

斗米價銀錢五分今當更甚矣河南則兩河皆災不下十六七年景象山東無處不災斗米價銀二錢至于畿輔之內垂潦並集河間廣平尤不堪命矣然則江淮以北半壁天下無地不災而况迤南則湖廣又災夫湖廣天下魚米地諺稱湖廣熟天下足自大江東西皆仰給焉而荆岳諸郡委為巨壑國儲民蓄極目蕩然湖廣不足則天下盡不足各處盜賊必將蠭起矣臣為此懼如痴如惜而不能朝夕若不亟圖救拯斯

故

卷六

十七

民安所倚仗乎及今救之猶難為計遲至冬春即當無及何也粟非天雨財非鬼輸民既乏食非二麥無以接濟而麥熟湏明年四月安能相待當此之時而朝廷若無哀憐之意賑濟之方則謂上棄我矣不去而為盜賊乎臣又不暇論九邊三輔之急而已也即京城米價殊可駭異往時京城米價大米每石不過銀五錢小米每石不過銀三錢即有騰貴不過量增一二錢今大米一石至銀一兩六錢小米一石至銀一

兩四錢夫京師生靈何啻百萬而米價三倍何以度日米價如此他物可知秋成如此冬春可知貧人滿前亡賴皆是寧肯餓而斃乎必將奮挺持耒而為亂矣夫一處有亂尚可撲救京師四方之極而 皇上宅中圖大之地也是安可不孜孜焉思患而豫防乎今閭閻之人徃徃作不祥之言珠沉玉碎了不顧惜此等民心尚安與之共保金甌而長享太平也夫天運不能常稔而無災所貴聖人能補天運之所不及以為

敬事草

卷六

一八

萬民立命故必有仁心必有仁政仁者與民同欲之謂弗百姓以從已之欲非仁也萬曆十六七年天下嘗告災矣是時 皇上至誠哀憐極力拯救屢發御前之藏鏹而分遣使者四出賑恤故百姓雖餓而不亂有死亡而無異心然猶有劉汝國之變今天下之為劉汝國者比比皆是而動靜機括分於毫芒伏乞 皇上大發慈悲之心以救天下之急大渙王居之積以收天下之離亟下所司共商長策不惟出生民於水

火實安 社稷於泰山也即不發帑賑濟亦宜及早收回礦稅內臣即不收回礦稅內臣亦宜及早按問奏官奏民及匪人棍徒置之於法即不欲盡停天下礦稅亦宜先停四川雲南遼東用兵處礦稅即不欲盡停諸礦亦宜先停諸稅即不欲盡停諸稅亦宜先將各處米糧一切免稅以救溝壑之輾轉以息萑蒲之孳聚蓋 祖宗定制稅課司各色有稅惟米糧無稅不但米糧無稅雖農具亦無稅所以厚民生奠國本者

敬事草

卷六

一九

如此今不遵 祖制一槩抽分四方之米販不來而農人之生業蕩廢此絕民生而戕國本也惟捐除米糧稅課使商賈通行脉絡流貫以有餘救不足則 朝廷雖不能一一賑濟盡起疴羸而猶可緩其無聊賴之心以行其自相養之術有司從此招糴勸分發倉煮粥尚有措手不然而豺虎據市舟車絕踪竈突無烟揭竿四起嚴旨雖日督而有司何策之展哉臣欲 皇上為堯為舜宜以崇論匡時而每論愈卑至於設

此無策之策懷心甚苦若 皇上普回好生之  
心益光初御之政則堯舜在瞬息間惟祈斷自  
宸衷亟覃聖惠仍 勅戶部議所以佐元元之  
急臣不勝極瞻遙盼叩闔籲天之至九月上

敬事章 卷六

二

辭倭平恩第一疏

奏為恩命踰涯撫躬惕息懇乞 聖明俯容辭  
免以安愚分事昨日吏部接出 聖諭勅吏部  
東倭蕩平大獲奇捷內閣輔臣運籌帷幄勞績  
可嘉茲特加恩示酬元輔志臯加無太子太師  
進中樞殿大學士廕一子與做尚寶司司丞還  
賞銀八十兩綵段四表裏次輔一貫加少保改  
吏部尚書廕一子與做中書舍人還賞銀七十  
兩綵段四表裏各餘官如故都照新銜給與應

敬事章 卷六

二

得誥命如勅奉行欽此臣等捧讀 恩綸不勝  
感激不勝惶悚竊惟倭奴狂逞憑陵朝鮮 皇  
上憫念藩籬出師征討天威遐邇戎捷全收其  
神謀雄斷裁自 聖心其轉餉調兵畢舉群力  
而間關戮力水陸齊驅又有諸文武將吏在總  
之師武臣力一人之靈天叶神符一人之慶也  
臣等官叨密勿職在論思不過參籌於帷幄之  
中未有橫草於疆場之外而敢貪天之功與將  
吏分賞乎伏望 聖慈特停前命非止全始終

之遇亦以昭錫予之公臣等悃款由衷毫無矯

飾必祈矜許庶幾少安

九月十二日奉

聖旨倭奴狂暴侵掠朝鮮勞師動衆經費七年朕在深宮焦勞勿息仰賴天地祖宗洪庥元兇殛滅文武將士用命水陸誠俘屬國保全東疆安靜卿等朝夕匡輔殫忠運籌功當居首况敘勞加恩原係彛典已有成命卿等宜欽承之慎勿固辭吏部知道

敬事草 卷六

三二

辭倭平恩第二疏

奏為備瀝危悃乞停誤恩以重功賞以明分誼事比因東征奏績錄敘功次伏蒙 聖慈加恩臣一貫陞少保吏部尚書廢一子給誥命及賞賚銀幣除銀幣已領外其陞廢等臣即隨首輔趙志臯具本祈免天眷深渥未許控辭感涕交零溯冰莫處夫明主御時嘖咲必惜衣裳在笥敝袴需功雖銀與幣宜慎所予然猶可曰至尊之賜無敢固辭也乃若三孤副台鼎之尊冢宰

敬事草 卷六

三三

樹簪紳之表延賞以裕後逮封以光前此超倫邁等累世一見之恩自非德冠中外功書旂常嘉謀俾入告之猷貞軌快巖瞻之意何以壓服輿論克當隆典如臣者寒素微生么膺陋學濫陪帷幄茂著事功方當褫斥以投閑胡乃覲顏而忝竊臣未嘗預封未嘗預戰亦不任責亦不任功嘗蒙疑謗幾陷不測賴 聖主神明出之於鼎鑊之中且假忠誠之譽昔弦高犒晉魯連却秦實有其功尚不受賞臣實無功而敢掩將

士之績受極踰之賜乎今東藩雖靖而西播不

庭一隅雖安而四海未測為憂方大為罪方多

所加恩數實不敢承伏望特回淵慮俯照微衷

追寢新給俾循舊次國賞無濫臣分亦安尚容

陳力以酬大造

九月十五日  
上十八日奉

聖旨東征功成雖朕諭一意進剿斷定實文武將

士七年暴露苦勞且會勘昭明悉寬優敘錄普天

同慶共樂太平卿忠貞輔佐朝夕畫謀加恩示酬

原不為過卿宜勉遵成命用表中外威揚慎勿復

故事

卷六

辭吏部知道

辭倭平恩第三疏

奏為隆恩難稱控籲莫回極懇 聖明必容辭

免以這罪戾事項以東征奏績大賚及臣深揣

無功再疏辭免申命再三彌彰瞻愛顧自回環

實難承領螻蟻微誠前疏未盡宜淵聽之莫回

而 溫諭之頻及也輒敢復瀆臣惟昔人有言

無欲者始可稱王佐臣雖非其人而既居其位

則當心效之而力勉之諉則罪矣不可逃矣此

番賞格似無可議而臣自處若不審亦議端也

敬啟

卷六

三十五

蓋東事善成上實 明主之功而臣無一功下

實將士之力而臣無一力此將士之在事內者

必且詫之為奇尤異勳賞不及格而懷缺望之

心在事外者必且詆之為貪冒罔功賞過其格

而生異同之說臣惟無所預賞使缺望者曰彼

未嘗利焉吾賞不為薄可無憾矣使異同者又

曰彼未嘗利焉心亦無所為可以諒矣是臣區

區一平政息紛之愚計耳勘由于科覆由于部

皆本至公而擬票由臣又不得不示之以無染

譬如分肉者稍利其餘必疑以為貪愛珍衛也  
誰深服者臣僻海窶夫委巷下士無奇謀異能  
而取大位於臣涯分不啻踰濫見今尸曠常思  
退休何更加盈以速顛蹶祖父皆有素風必不  
敢多覬封綸于地下子孫再蒙廢敘何須積組  
以貽之臣方嬰羶羊之危豈堪鼯鼠之厲第望  
朝廷無事海宇泰寧聽臣息機捐慮解職還鄉  
優游以終餘年則 皇上之賜極弘而臣之願  
永畢矣伏懇 聖慈俯亮亟收所賜逭臣大戾

敬事草 卷六

二十六

貽臣以安 九月二十四日奉

聖旨東事七年勞費師旅朕居深宮宵旰不遑賴  
卿股肱贊襄匡定疑貳成此安攘大功今恩覃中  
外卿當佐理乃勞謙不居非朕眷倚一體之意覽  
奏情辭懇切至誠廢子特從辭免其餘恩命卿宜  
祇承還加賜大紅紵絲蟒衣一襲以示眷酬該衙  
門知道

救曹學程揭帖

題臣看詳覆奏本內有曹學程雖在情真之列  
而衆心猶甚矜憐臣思學程身為憲臣心高氣  
傲觸突天地冒犯雷霆理屈詞窮不能為解然  
而滿朝臣工舉救之者豈學程能為遍懇而滿  
朝臣工私一罪人哉蓋學程不足惜而御史官  
可惜為御史官惜者為 皇上之國體惜為  
朝廷之風紀惜也御史立丹陛間持綱肅紀而  
一旦棄市不免過摧士風大駭物聽天下人心

敬事草 卷六

二十七

有所不安故忠君體國之臣殊甚憂之臣觀九  
卿疏中亦不敢言其無罪但謂其母老身孤而  
懇求恩貸於情於法未嘗不明晰而兩盡乞姑  
留以無拂九卿之情傷君臣一體之義蓋諸臣  
之為學程者正為國體而 皇上之從諸臣者  
亦為國體非為學程也今兩宮美成吉典具備  
東功又奏八表蒙恩倘 詔停天下行刑一年  
以昭大慶以迎嘉祥回殺氣於軍旅之餘消災  
沴於饑饉之日尤臣願望之意普天率土咸從

萬萬歲無疆之壽

九月二十  
二日上

敬事堂 卷六

二八

開刀揭帖

題蒙發刑科三覆奏本臣謹照常擬票上進臣  
惟各犯雖係會審情真但歷查節年皆不多決  
例該閣臣揀其情罪尤重者開坐揭帖請自  
聖裁臣今仰體好生大德謹於應決數內看詳  
得鄭國錦等十二名情罪尤重相應正法其餘  
皆可暫免行刑仍令法司牢固監候臣謹開坐  
應決姓名揭帖一本以備 御筆勾用處決再  
擬開刀本旨意一道伏候 聖斷施行再照今  
故草 卷六 二九  
年天下人心皆望 皇上停刑意實惓惓臣敢  
復為之請

一第... 反文句

再救曹學程揭帖

題臣看詳三覆奏本各犯情真但有甚與不甚之分耳其甚者臣已擬決不甚者悉祈 賜留仰體 皇上好生之德也內惟曹學程之獄衆心憐之所以憐者非獨為學程一囚實念冠裳縉紳之類而懷兔死狐悲之情倘 聖明之朝而戮及言官上損國體下喪士氣所係非小故衆皆惓惓為請非敢為一囚屢瀆也願 皇上俯察衆心出於公忠而非有私比為國體霽威嚴為群心敷恩澤姑寬學程一日之死九月二日

敬言並

卷六

三

上二十  
五日奉

御批覽卿奏情辭懇切知道了

言東餉不宜深求揭帖

題今日蒙發下戶科李應策等一本為東征軍餉大欠綜覈懇乞查究併嚴諭欺昧臣工以重國計事欲嚴查士卒的數坐以侵盜罪名臣閱此議恐誤大事蓋諺有言成大事者不惜小費自東事之興遇有請餉 皇上皆令即時允發故將士感 皇上之重功而輕財也無不效命至於成功詎以事成功就而與較錙銖致重罪乎必非 聖心矣即有善後留用及撤回補給等費數亦有限與舊時之茫茫無涯者不同皆當處給不可少也武士不惜百死以奏大功文臣乃惜一財而舉重法人心其肯服否功未成則輕財而誘使建功既成則重財而追論為罪仁者必所不為且令四方兵聞之孰不解體又何鼓舞也茲臣擬票謹奉宣 皇上德意寬將士之心而勸後之建功者於治亂安危之幾甚有關係伏乞 聖明乾斷施行九月二十三日

敬言並

卷六

三



三救曹學程揭帖

題臣昨晚出朝房吏部都察院等衙門官會臣復言曹學程事欲再疏申救情意哀懇行路之人皆為心惻臣敢再以上聞臣之意非為學程惜為朝廷之御史惜伏乞 大弘天地之仁免其即刑以全縉紳之體以慰滿朝文武之望九月二十五日上

欽定四庫全書

卷六

謝留曹學程揭帖

題伏蒙發下處決重囚開刀本 御筆勾決咸當其辜臣不勝欽服已即刻發行其曹學程舉朝文武官員咸為乞恩緩死臣因具揭懇請奉御批覽卿奏情辭懇切知道了欽此臣恭承獎遇感激忘身仰誦 恩綸連呼萬歲隨即傳示滿朝文武官員俱各在文華殿前歡聲如雷連呼萬歲叩頭恭謝而出臣惟今年諸福駢臻聖心歡豫但當東征西討之後宇宙之內殺氣太多災沴盛行宜更有迎和導祥之政而迎祥導和必自得人心始曹學程雖犯重辟而舊係言官凡在縉紳咸悲同類為祈一旦之命以增聖政之美伏蒙 皇上俯循眾志大普好生君臣之間應答如響不惟恩威迭施使政刑無枉濫抑亦天地交泰觀殿陛有都俞傳播四方忻忭可想人心若此嘉祥鼎來矣九月二十五日上

欽定四庫全書

卷六

言遼東虜警揭帖

題頃得遼東督撫塘報言大虜自錦義地方入  
犯二十日二鼓入口至次日辰時始盡約五萬  
騎越大路南掠大凌河右屯地方首尾夾河而  
陣計二十里皆精兵有盔甲者我兵雖有備然  
眾寡不敵已嚴行堅壁清野固守為主無誤大  
事等情臣據此謹奏容再探以慰 聖懷  
九月十七日

敬事草 卷六

三四

辭倭平恩第四疏

奏為瀝悃辭恩未蒙悉聽更叨特賜彌切慚惶  
固祈收回以安分誼事比臣具疏為隆恩難稱  
控籲莫回極懇聖明必容辭免以遠罪戾事奉  
聖旨東事七年勞費師旅朕居深宮宵旰不遑賴  
卿股肱贊襄匡定疑貳成此安攘大功今恩覃  
中外卿當佐理乃勞謙不居非朕眷倚一體之  
意覽奏情詞懇切至誠廢子特從辭免其餘恩  
命卿宜祇承還加賜大紅紵絲蟒衣一襲以示  
眷酬該衙門知道欽此臣詞已竭 聖意未旋  
雖免延世之賞猶申晉秩之命况加蟒賜益煥  
龍光顧揣微躬若為啟慶除蟒衣一襲該文書  
官恭捧到閣臣不敢固辭謹叩頭祇領隨報名  
廷謝外臣恭揣聖意蓋謂東功告成宵旰甫釋  
諸臣盡賞難忘帷幄之功而七載匡襄亦有一  
言之助是則恩非誤濫辭乃勞謙也訓詞溫厚  
德音勤奉雖臣至愚庸不涕泣然臣實無勞亦  
非過謙詞臣之守筆橐常職也不可謂勞閣臣

敬事草 卷六

三五

不預邊功前約也不可謂謙臣肝膈至情具於前疏不敢一字虛瀆此辭非例辭也例辭者可一而不可再再則誠矣三則堅矣於心真不安而辭有所不獲已耳人臣事主宜懷至誠豈可心實願欲而姑為退託之形乎夏間甘鎮之賞臣嘗辭之而終不能盡辭至今慚慙顧猶以當時事理似有可受今日之事與前甚殊而臣之堅決已非一日是區區之愚志而忠于事主之職分也且臣素懷微尚久玷周行意有難忘終敬事堂 卷六 三六

難遣釋即不能一旦遂初亦焉可竟負夙志幸捐牖下尚擬披緇猶立朝端自宜與秩胡顏之厚可以冒斯 皇上曲亮臣心特優臣遇則早下爰立之命以廣進賢之途俾臣得藉寅恭共圖贊襄此恩之大視晉臣之秩不啻萬倍多矣伏乞 聖慈乾斷即准辭免以成臣勿欺之意以釋臣疾顛之憂仍乞早補閣臣以寬臣獨任之勞以付臣急公之望摺為犬馬圖報弘恩臣無任披肝析腎懇求之至九月上 二十

辭倭平恩第五疏  
奏為極寵難酬單詞未達懇望 聖明俯亮愚誠亟俞辭免事頃臣具疏為瀝悃辭恩未蒙悉聽更叨特賜彌切慚惶固祈收回以安分誼事奉

聖旨朕屢旨卿運籌安東加恩國典原不為過卿宜勉遵成命勿復勞謙固辭所謂閣臣便着吏部通將推舉員數開具簡用該部知道欽此恩眷轉薦於臣甚榮退揣微躬終難冒覲伏惟敬事堂 卷六 三七

聖慈天厚諒不以辭瀆見訶輒復披丹必求矜允臣嘗讀詩曹風候人篇曰彼候人兮荷戈與役彼其之子三百赤芾維鵜在梁不濡其翼彼其之子不稱其服夫候人荷戈而之子赤芾勞者不酬而酬者非勞誰其與之者鵜鵠不能濡翼求魚而竊在梁之魚以為食君子不能以德受服而竊他人之芾以為榮是以詩人譏不稱也臣亦有職職在論思舉職為功溺職為罪今臣溺職甚矣不自為罪而又竊他功以為功神

明其許之乎臣聞之君不虛授臣不虛受妄受不為忠妄施不為惠臣之不稱蓋非一端略見前疏語猶未盡蓋不以安民定國為榮而以寵祿光大為榮罪也趨庭之時嘗服知足知止之訓而壞之於天子之廷非孝也以辭始以受終虛言以誑主上不忠也首輔之辭臣擬以允而身則受之不誠於其友非信也又不獨攘人之功不義而已也夫曩者閣恩之所以難辭者有由焉難於妨眾耳今首輔在告執辭甚堅

敬事草

卷六

三十九

而閣中獨臣正可以自行一意之時此而不辭辭無日矣臣宜束身引退不惟不退而冒進不已又托之乎明主之不聽辭以解其嘲百為其身圖而不一為公家圖何以倡師師之風成開濟之計哉以臣區區之私而屢煩宸章諭勉抱歎殊甚惟君臣相與以心而相濡以道無所待於儀章之縟與夫往復之頻也伏祈皇上亟賜乾斷免臣新銜而容臣以原官供職臣不勝榮幸其懇添閣臣實臣日夜禱求虔虔愚

款臣不敢不為社稷計而皇上亦宜為祖宗之社稷計勿謂有臣在閣閣中不為無人亦勿謂聖主在上閣中可以無人遴簡英賢早賜登用俾臣有所奉以期寅亮之績以酬天地之恩臣無任馳衷懸睇之至

十月初二日上  
初六日奉

聖旨朕以國典酬功原非為過卿乃陳奏不已且言忠孝信義為實情詞懇切出於至誠前項恩命勉從辭免成卿勞謙光美後勿為例所請早簡閣臣具見忠愛已知道了候旨行該衙門知道

敬事草

卷六

三十九

救華鈺等揭帖

二臣題近者湖廣荊州府推官華鈺經歷車任重被內臣陳奉許奏蒙差錦衣衛官校拏扭來京計期將到中外官員軍民人人哀憐而該部院及科道等衙門咸為之具本申救又各來會臣等具言無辜之狀欲臣等轉請於君父之前臣等竊惟礦稅內臣係出創設一時人心在在驚駭陳奉特借鈺等以警眾耳未必鈺等真有罪也夫撫安人心之道惟在處置得宜愈激

敬事堂

卷六

四一

則愈不安 明旨屢禁不許騷擾地方諄諄戒內臣安靜行事意正為此陳奉處置既已有失皇上必宜有所轉旋使 明旨信於天下而人心免於驚惶實臣等願忠之意也查得四月間南康知府吳寶秀等逮繫到京蒙 皇上至仁大德竟從寬宥臣子無不欣幸天下無不傳誦今臣等不揆愚陋敢乞將華鈺等二臣再敷天恩一例曲貸豈惟寬容囚繫實以慰安眾心即萬一不欲遽宥亦乞竟付法司擬罪發落而

免其鎮撫司打問則不測之威與不測之恩並施而中外之欣感畏服並切矣蓋孟子有言善政得民財善教得民心欲得民財必當有善政欲收民心尤當有善教伏願 皇上以善養人聯屬天下毋令咨嗟驚憂傷積累之大德臣等無任屏營懇切瞻祈之至

十月初七日 上奉

聖旨覽奏已知道了且華鈺車任重借意抗旨受託激亂好生可惡卿等如何也學群小浮躁瀆激其於國體何已有旨了

敬事堂 卷六

四十一

諫礦稅揭帖

題臣惟自礦稅使出而天下舉疑 皇上為好  
貨臣竊意不然淵微之中必有非淺見所能窺  
者或謂三殿大工急需在邇亦非也殿工雖大  
群臣能辦之何勞 聖心經營為哉或謂頃歲  
以來 國家多難倭虜交訌之餘揚首又見告  
矣脫復有變安可無防蓋為萬年無窮計耳顧  
臣思之亦有疑焉乘多暇之時而為不虞之備  
信乎思患預防矣然設聚斂之策而傷樂生之

敬事草

卷六

四二

民則亂未必弭而反以生亂憂不能除而反以  
啟憂此未可為遠猷完策也 皇上亦過思過  
慮而妨太平之業矣蓋圖治則亂必除就安則  
危必去定遠則近必靖宅下則上必寧天子以  
天下為家天下安則天子始安未有天下不安  
而天子之家能獨安者故聖人在上必使政刑  
修明德意翔洽中外相保大小相維盜賊自除  
夷狄自服即有不靖舉吾大順之民而誅之若  
是則盡四海九州無不為一人衛而無勞一人

之自衛故聖人之身之家與天下並安而傳世  
無窮也此道也帝王相傳之常道也 祖宗以  
來世世守之即 皇上二十載以前無非此道  
是以四夷來王萬方頌德在 朝豈無諭訛之  
臣特唐虞所謂讒說殄行耳一滌除之而清矣  
域中豈無蠢動之黨特唐虞所謂寇賊奸究耳  
一徂征之而平矣臣以為太平無象但常守此  
政即為太平至治無奇但常存此心即為至治  
金甌常固宸極常尊可萬萬年無他虞不必更

敬事草

卷六

四三

為一法以防亂而自無亂可防矣區區斂財以  
為備何為乎今不遵循已行之善政不保持已  
致之太平而徒斂財以為備是天下本無事而  
自為多事以開亂也為計左矣使天下囂然喪  
其樂生之心而懷反側之思人無老穉靡不感  
額家無大小靡不撫心日與中使為仇時與奏  
官為冤皆幸災樂禍而思盜賊誰為 皇上畫  
此計者盡改初御之善政而為批政盡捐初御  
之仁心而為厲心今日之所為是則前日之所

為非矣曷為百姓歌舞於昔而悲號於今哉臣聞鹽鐵均輸不足以富漢而漢由此耗瓊林大盈不足以富唐而唐由此危隋之末年洛口之倉如山而適為群盜之資唐太宗時御史權萬紀言銀冶之利太宗曰昔堯舜抵璧於山投珠於谷漢之桓靈乃聚錢為私籍卿以桓靈待我耶即黜萬紀不敘此貞觀之所以為隆也苟有善政雖無積蓄而國安如無善政雖有積蓄而國危若四海鼎沸即無一方獨稱寧土若衆心

敬事堂 卷六

四四

皆離即無一隅獨可托身流人四起群盜交作金錢愈多愈為身累雖有穀粟不能獨食雖有臺池不能獨樂此時此際安知人主之為尊九重之為高持此將安歸乎故不若使衆心成城共為朝廷守也不若使百姓皆足共為朝廷供也不若使盜賊不興無俟征伐之為大利也不若使華夷率俾胥歡然如一家之為大安也故曰未有上好仁而下不好義者也未有好義而其事不成府庫之財非其財也昔人喻好利

而不顧其民者如割四肢之肉以充其腹腹雖暫飽然肉盡而身已斃矣又如竭澤而魚今年取魚豈不或多或少不知魚種絕盡而明年無魚皆善喻也伏望 皇上憬然深思渙然省悟修明自昔講行之正道誅絕今日曲竇之邪人如日方食而復明如天垂陰而復光即未能越堯舜超禹湯而增光于 祖宗第如萬曆二十年前之所為亦還太平之舊觀為守成之令主詩曰靡不有初鮮克有終臣竊為 皇上誦之惜之

敬事堂 卷六

四五

臣忝備輔員義同休戚主榮臣榮主安臣安天下怨咨危亂將逼臣不啻慚憤何敢隱默不盡言臣不勝翹首跂足灑泣祈天之至七月二十

請簡閣臣選科道揭帖

題冬深寒甚調攝為難仰惟 聖躬至重幸萬  
珍愛臣狗馬賤疾初因感冒風邪隨加嘔吐頭  
疼背強五內如翻比來略可又患牙疼苦楚叫  
號未即寧帖欲強出則身猶軟軟慮病轉加欲  
且止則閣中久虛心旌難定伏蒙 天恩寬假  
頂戴奚勝為國忘身微臣分誼數日之內得一  
稍可即當匍匐趨直不敢偷安也臣因有感敬  
以一言進諺云人命無常在呼吸間臣病甚之  
時一語不能復出一思不能復措乃知古人作  
事常加預備王者建官必有副貳閣務繁重豈  
可專倚一臣念至於此心猶慄慄也伏願 早  
將吏部所推諸臣 欽簡數員俾與臣等一同  
辦事講習政體考究典常分管 制誥勅書文  
字及撰閱日進講章等件庶幾輔理不乏 聖  
治有光臣非敢避勞辭難為推諉之計亦非但  
憂讒畏譏逃專擅之罰揆之事理合該如此極  
知煩瀆亦當力請臣又惟之行取諸臣待選都

敬事草

卷六

四二

門者已一年于茲矣記得舊年此時 皇上恩  
許行取乃由天心之自啟非因臣下之請祈至  
慈念也需遲到今尚未許選不審當時之允取  
者何心而不允選者又何心諸臣僦居債馬糶  
米買煤費用匱竭假貸無所值茲寒冬為費更  
倍臣實不忍士夫流落于 聖世而忝為縉紳  
之領袖得不入告于 至尊祈一憐念乎今科  
道衙門萬分缺人入選之後在科者猶可敘差  
在臺者尚當試職而大小按差需代甚多中外

敬事草

卷六

四二

蠹弊日叢一日後來整理用力更難 皇上軫  
念政體尤不宜輕視而姑緩之也併乞 早賜  
俞旨令部院考選以充差用實目下萬分不得  
已之務臣不勝翬翬之極思十一月初二日即日奉  
聖旨朕覽卿奏懇切具見忠愛至意卿疾未愈宜  
慎攝稍可即出輔政欽簡閣員乃政本重臣豈有  
久缺之理已知道了行取還候旨行



請簡閣臣疏

奏為 聖慈深念政本 明旨極快輿情懇乞  
蚤成大信以圖共理以拯孤危事臣以孤迹適  
當危機狗馬之病日沉幸不即填溝壑秋毫皆  
皇上力也一陽嗟植無物不生枯槁回春敢忘  
大造謹於十一月初七日叩首 闕廷入閣辦  
事訖顧臣病告疏中乞 欽簡閣臣及考選行  
取諸臣奉 聖旨朕覽卿奏懇切具見忠愛至  
意卿疾未愈宜慎攝稍可即出輔政欽簡閣員

敬事堂 卷六

四八

乃政本重臣豈有久缺之理已知道了行取還  
候旨行欽此除考選一事各衙門析肝合請情  
苦語哀旦晚之間必有 明旨惟是閣臣未簡  
中外生疑幸渙綸音群疑稍釋而傾耳逾時新  
麻尚密此獨臣之所急各衙門無能為臣急者  
安能不諄諄以請夫政機繁重匪一臣可辦而  
臣竭蹶趨事獨徃獨來者一年有奇此古所未  
有頃卧私邸閣中虛無人者二旬尤古所未有  
也臣未病時顧左失右顧前失後刺謬舛錯臣

自知之獨賴鴻慈猶寬譴責耳而今大病新起  
凶陽更多形神恍惚若攝若離視瞻徬徨若忘  
若憶雖黽勉自誓無敢苟且而心血耗甚則未  
了一二而輒眩瞽隨之矣定而復甦甦而復事  
時時抱頭摩眼抑心取氣日月遞來知非久理  
臣不足惜如國事何夫為君難為臣不易 皇  
上焦勞宵旰千難萬難臣亦人類豈不知勉修  
其所不易以少分 皇上之難乎當予告時宜  
百千申請仰祈 聖俞而近于要要則人臣之

敬事堂 卷六

四九

大罪也宜百千隱忍恭俟 聖裁而近于罔罔  
又人臣之大罪也矧狗馬之病安知不復作復  
作則安能不復請時作時請勢自不免而閣中  
之虛又恐不止如前之二旬斯時也即免于要  
亦入于罔即免于罔亦歸于誤均罪也誤而勤  
皇上之斧鉞何若慮其誤而早請之且廷推堪  
用諸臣皆講讀侍從舊人久者二十餘年近者  
十餘年堯舜知人不待終日况夫信者人君大  
寶 皇上謂無久缺之理豈以日後一日至于

歲餘尚未久乎伏乞少撥燕間亟檢部疏簡定數員俾同辦事臣情辭兩極不勝翹企待命之

至十一月十四日上  
十六日奉

聖旨朕覽卿奏具悉忠愛詳慎嘉尚不已政本重地豈可久缺原為甚重其任便着該部會同九卿科道掌印官通將前後所推閣員還再公舉在任及在籍素有才望者勿拘員數來用以彰朝廷博采求賢之意其行取科道候旨逾時已知道了卿可善加調攝弼成化理以副眷倚至意

敬事草

卷六

五一

典禮揭帖

二臣題臣等竊見典禮大事久稽日切于心不能暫釋去冬十一月二十八日禮部接出

聖諭朕惟冊立分封東宮及諸親王此乃祖宗訓章大典嫡庶長幼一定自有次序緣因皇長子稟質清弱氣體未充况皇后年在妙冲又屢遭不諱大難故不得已遲緩少俟耳非有別意亂危家國昨者大行皇妣之服已滿雖無三殿其二宮不日落成皇長子齡已過期體已充足爾該部便

敬事草

卷六

五一

具選婚舊儀來看其冊立并加冠禮少俟二宮落成之日行朕又思三皇子五皇子六皇子七皇子俱已長成若再少待恐又費一番事不若亦于二宮完日一併加冠分封庶免煩擾內皇三子皇五子年歲稍長待分封之日可看出閣讀書親近儒臣朝夕訓誨以開蒙塞禮部知道欽此臣等於時捧讀綸音手足舞蹈謂聖謨一斷則由冠婚而冊立而分封而出閣決於今歲行之父子兄弟極天倫之樂事朝野臣民騰快觀之歡心矣是

以一歲之間跂拱聽命不敢妄有瀆陳也不謂  
選婚雖行而大工未就六禮易備而珍寶難完  
致令聖意之所欲行者尚無定日臣等不勝悚  
念竊惟 皇長子明年十九皇二子齡亦十五  
皇五子皇六子皇七子皆以次漸長時難久虛  
禮當悉舉必俟兩宮之告成與禮物之悉備日  
居月諸需緩過甚臣等徧採在廷之議皆言禮  
貴及時道難執一稽累朝之舊典酌今日之新  
儀速下禮官早定時日所有儀物權從簡省一

敬事章

卷六

五十三

可以昭 皇上貽謀立教之端一可以啟皇子  
敦朴還淳之漸惜福則福倍臻養德則德滋厚  
其所饒益算數無窮况今戶部錢糧實難措處  
而問寺告乏邊餉日迫即 皇上親運神籌此  
二千四百萬之數必不可辦而三日一小催五  
日一大催終亦徒煩也伏覩 皇上新政罷三  
輔之加稅禁其疊徵睠四陵之龍脉不許開礦  
軫念災黎亟加賑救種種德音中外歡傳蓋聞  
聖人不疑滯于物而能與世推移又聞聖人法

天地之易簡而成位乎中此往古之謨訓聖哲  
之芳規也伏願 聖心轉旋道從易簡 勅下  
禮部將舊歲 聖諭中冠婚冊立分封出閣等  
事次第擇日具儀舉行觀會通以行典禮使萬  
世有所法程臣等區區一腔血誠不勝跂祝一  
月二十  
九日上

敬事章

卷六

五十三

典禮揭帖

題臣伏觀 皇上篤念天性至親真仁極愛顧  
復勤懇規慮周詳起卓于常情萬萬立教自家  
大普肅雖之化盡倫惟聖宏敷佑啟之慈臣不  
勝欽服 皇長子明年十九體氣既充實應舉  
大典 諭旨久頒固無庸臣下之請但臣忝備  
輔員又獨在閣不能少釋于懷謹會同首輔志  
臯具揭上瀆輒再進一言臣惟今戶部錢糧甚  
艱于措處而 聖心斟酌極妙于時宜且皇三  
子明年十五並可冠婚皇五子皇六子皇七子  
肩次年齡咸當序及必導前而引後庶奉後以  
從前天秩既無紊施青春亦免虛度邦家胥願  
臣子同心但九邊餉銀乃士卒軀命所關而社  
稷安危所寄缺時甚久缺數又多如積火薪中  
勢誠危急比聞薊鎮軍士已有下臺者矣不守  
臺則不為 朝廷用不為朝廷用必將生他心  
此輩禦賊不足為賊有餘安可以無恤也兩淮  
鹽課已借過二十八年明年無可借矣河東鹽

敬事草

卷六

法為小人壞盡又極難處矣而太倉出入歲止

四百萬今年東餉只撤兵費過四十餘萬西餉

踰一百一十萬大典金珠共費踰百萬此皆經

制外事共費過二百五十餘萬則九邊正供安

得不缺儻致士卒脫巾虜盜交發 九重之上

能宴然而已乎古之念將士者解衣衣之推食

哺之衣食尚可以減則邊餉之視典禮其緩急

輕重可辨矣必欲冠婚冊立分封出閣同時悉

舉則禮以財詘而財以時詘俯從易簡乃協時

敬事草

卷六

三五

中天下方將欽誦 聖德而不以為儉如欲備

物將大典分別先後次第舉行序有漸而期不

愆財可供而國無詘也伏想 宸衷必有善處

惟乞 早賜裁定或 勅下戶禮二部會集府

部九卿詳議長便恭候處分十九日月上

災異修省揭帖

臣惟人主于天相去甚近天心仁愛則時出災異以儆之慎不可不敬承也邇歲之災甚多而今年雷擊太廟樹木遼東軍器被火浙江邑漂福建石飛以至陝西山崩地湧之變尤為罕絕荒歉半天下人民流離守邊軍士嗷嗷待哺播酋肆螫勤兵四方臨清民變建寧士叛皆非細故近日火星一逆禁內隨火感應之速可畏殊甚臣聞占家之說火性急疾故其應速金木水

故事草

卷六

五十六

之性次之土性尤遲應各遲速不同大抵速者禍小遲者禍大要在明主修德則天意默回反災為祥亦易易也臣記萬曆十三年火星入南斗占為天子下堂走此非吉語而 皇上是時特發睿心躬親常禱應天若此遂為千古聖德豈但弭災致祥而已哉今災異甚多憂危不小皇上但寬仁廣義受諫親賢恤軍民之怨咨勤邊腹之隱慮整理初御遠大之志罷改頃歲近小之圖則乾坤道泰民物阜安而社稷之慶畢

臻福履之綏日集矣頃者火災修省之命未下諸臣不無少望乃年終類奏災異在邇望特發一札以昭敬天之誠顧此尚是彌文尤祈大新時政以安邦家庶有裨于實用也蓋天聽至近天心至神決非禱祠可祈虛弭可塞晏嬰有言禳無益也祇取誣焉天道不誦不貳其命若之何禳之言禱祠之無益于事也孔光有言天見災異以譴告王者欲其更改若不畏懼而輕忽簡誣則凶罰加焉詩曰敬之敬之天維顯思命

故事草

卷六

五十七

不易哉又曰畏天之威于時保之皆言不懼則凶懼之則吉也王嘉曰動民以行不以言應天以實不以文下民細微猶不可詐况于上天神明而可欺哉推誠行善民心悅而天意解矣言應天之道在修德以及民不可虛也此皆往哲之格言明主之寶鑑惟 皇上省納

十二月初十日

言財計揭帖

題昨晚接得戶部揭帖上請 聖明速罷礦稅以延民命以裕國計臣看詳此奏耿耿在懷人臣言不切直不能悟主所望 聖明茹納則政事始有調停君臣同德而中外安寧也今財用實訕邊供日匱戶部計窮為此苦口然所以匱者有故焉因以前北伐東討近日西征及大典諸費皆出經制之外難供固宜夫聖主以儉德先天下以仁恩育萬民厚下恤窮固帝王之美意然亦須有良法以佐之不然而人臣但以空言求君人主但以嚴旨督臣何益之有臣愚以為戶部此疏切直有美處置尚踈似宜出旨督其集文武大小官員共求長策以暫濟經費之窮事畢則止必有善處豈得坐視以階亂 皇上聖德如天仁恩似海亦宜俯加採納少賜變通如礦稅等事屢旨不許困商擾民嚴禁利棍肆毒可更者更可止者止則君臣交修互儆而和氣自回財用自足矣

十二月十五日

典禮揭帖

題恭惟立春令節一年首占天日晴明風光和煦應為豐稔之象太平之徵臣不勝欣忭顧惟冊立冠婚之典未行 皇長子睿齡日長在廷文武屢貢封章茲又叩闕冀聆 恩旨臣雖一身直閣四顧不遑而于此最大典禮最切政機安敢躡嚅不盡言臣于十一月二十九日會同首輔具揭上請臣又特揭恭請俱未奉 旨

皇上愛子之心出于天性昭然為天下所共知

敬事草 卷六

五九

長幼之序屢奉明綸的然為天下所共信何為久稽此一舉乎伏乞體 祖宗眷祐之殷 念聖母顧懷之切而俯徇群臣跂盼之意渙發德音 敕禮部擇日具儀舉行蓋年長十九時逼三陽儀節繁多所當豫辦 明示允俞庶臣下有所遵守臣典司迫切竭愚進言無任懇誠祈禱之至

十二月十三日上

敬事草卷七目錄

教程紹揭帖

再教程紹揭帖

典禮揭帖

言湖廣當增設視師大臣揭帖

三教程紹揭帖

請補科道并乞假揭帖

乞罷免簡閣臣疏

再催補閣揭帖

敬事草 卷七 目錄

回慶魏巡撫揭帖

請舉典禮揭帖

言時事揭帖

再催補閣臣疏


回諭札揭帖

入直揭帖

言陳奉揭帖

催發引奏本揭帖

回典禮諭札揭帖



擬上典禮勅諭揭帖

催發典禮勅諭揭帖

回諭札揭帖

催發吏部陞官本揭帖

封還張忠議鹽本揭帖

催發吏部堂官引咎本揭帖

言孫朝參魏允貞事揭帖

謝考滿賜鈔錠羊酒疏

言隴澄宜賞揭帖

敬事草 卷七 目錄

言征播功狀揭帖

辭考績加恩第一疏

辭考績加恩第二疏

拜命請添閣臣揭帖

請留蕭大亨陞李應策揭帖

回修琉璃河橋揭帖

催點發各省考官揭帖

請禱雨揭帖

擬諭帖

請慶遼東撫鎮等官揭帖

回廟享諭揭帖

報平播揭帖

回諭札揭帖

請典禮揭帖

敬事草 卷七 目錄

敬事草卷七

柱國少傅兼太子太傅吏部尚書中極殿大學士臣沈一貫

救程紹揭帖

題歲間吏科左給事中程紹一本為中官不宜  
 輕信外政不宜輕假伏望 聖明稽 祖訓之  
 嚴杜專擅之漸以正國體事奉 聖旨韓薰已  
 有旨從輕處了程紹這廝又來黨救瀆激本當  
 拏解究問姑且着革了職為民不許朦朧推用  
 吏部知道欽此是時逼歲將除方當恭賀元節  
 臣不敢輕有塵請連日輾轉心猶未忘夫紹以  
 不諒瀆言上激 聖怒小臣承譴復何所辭顧  
 言官之職專在諫諍而人才進退事關吏科揆  
 之事體似亦不得不言者心實效忠非有他也  
 仰惟 皇上聖仁天育廣度海涵往時言官有  
 被黜者輔臣救之多蒙 俯宥天下至今以為  
 傳誦史冊萬古以為光輝今臣雖孑然一身亦  
 忝輔臣之數而六科寥寥止存七人紹復見黜  
 則辦事者益少矣伏望 皇上少霽天威俯容



程紹照舊供職如謂罪難盡宥則重加罰俸以示懲創以彰恩慈今當三陽交泰之時萬物發生之候群心欣願德澤臣亦瞻望光輝憑恃寵私萬申祈請

二十八年正月初三日上

再救程紹揭帖

臣謹題年間科臣程紹一本奉 聖旨韓薰已有旨從輕處了程紹這廝如何又來黨救瀆激本當拏解究問姑着革了職為民不許朦朧推用吏部知道欽此臣于時不勝駭愕亦不暇致詳倉皇具揭為紹申救于今年正月初三日上進後接各諛科道官公疏揭帖到臣臣再三披閱始悟 聖意似非責紹而所發為民之旨或為韓薰也蓋臣以孤身在直更無交資思塞神

敬言直

卷七

蒙筆輕語失但知急救言官不知錯會 聖意

自愧不已追咎不已伏乞 恩慈俯加鑒宥今科道二疏未發則紹方以待命為恭未敢遽出而該科事冗檐閣日多伏乞 皇上早賜批發慰留令紹得安心供職庶于政體無碍 聖德有光臣亦得以少逭不詳不審之戾矣

正月初八日上

典禮揭帖

題臣惟昔之愛君者進諫必于無人之所蓋諫  
于有人之所者不無邀名之意諫于無人之所  
者乃出愛君之誠故也臣備員輔弼托在腹心  
凡遇大事必以揭請正做此意今 國家第一  
典禮關係最大歲月已愆佳期甚迫有萬難再  
緩者無過 冊立冠婚群臣合詞豈其出于邀  
名臣之屢揭實乃由于忠愛必祈回天俯採非  
可姑置不行者也臣謹披心再陳之蓋 皇長

敬事草

卷七

四

子長髮以來屢奉 綸音念睿齡之過期嘉體  
氣之充足篤愛真慈肫懇深至不由請乞霈發  
宸衷朝野傾心比往更切舊年冬禮部尚書余  
繼登等以為請吏部等衙門尚書李戴等以為  
請定國公徐文壁等以為請侍郎張養蒙以為  
請科道官以為請臣偕首輔志舉屢以為請連  
章累牘無非仰述 皇上之慈訓非能于慈訓  
之外更增一詞也顧候 旨踰時未蒙 宣示  
意者以建儲之典宜於春成婚之候宜于春時

至而事起耶乃今 皇長子年已十九歲當三  
陽時序更新條已旬日月月易邁瞻望彌勤首  
輔及宗人府等衙門皇親等官又後先以為請  
矣前此猶可少俟于今寧復可俟乎古人有云  
男子生而願為之有室女子生而願為之有家  
父母之心人皆有之 皇上天性之愛萬倍恒  
情燕喜之春萬臻景福而 皇長子年登弱冠  
尚爾垂髫不得當成人之稱遂室家之願於體  
不雅於禮不安試揆父母之心能無惻然深動

敬事草

卷七

五

乎易傳有之父父子子兄兄弟夫夫婦婦而  
家道正正家而天下定矣夫定天下由於正家  
正家由於一家之人各得其正然則此禮之不  
容稽也就一家言父子之所以親兄弟之所以  
序夫婦之所以別者係于斯就天下言禮得而  
天下定禮失而天下違者係于斯關於治體甚  
非細也臣遭際 聖明本欲希都俞吁咈之盛  
而相忘于無言靜聽明綸用彰睿斷私心過計  
恐 聖意復遲則群心愈惑而多口復滋又恐

傳示不預則臨期驟行而所司罔措况朕肱之  
義休戚惟同典禮一日之稽即臣愚一日之罪  
安得不披丹密言伏望 特下玉音令禮官詠  
吉具儀早成 冊立冠婚諸禮則國本不搖人  
心慶祝萬年有道之長端在於此臣不勝懇迫  
祈額之至 正月上

敬言宜 卷七

六

言湖廣當增設視師大臣揭帖

題今日發下兵部覆川貴總督李化龍本臣看  
詳本內言川貴督撫道將俱已近播彈壓惟湖  
廣兵將不齊餉又不備儻致失期咎將誰諉欲  
責成湖廣巡撫義在同舟一切軍興悉心料理  
俟川貴兵齊之日協同行事不得自分彼此一  
節臣惟兵部所言固是常理湖廣巡撫委宜責  
成但臣連日與在廷講求湖廣偏橋總兵陳璘  
因播亂而特設者也擁重兵三四萬而止令司

敬言宜 卷二

七

道一二人與之共事權輕不足以制之且全楚  
遼遠難周而其民輕心易動陵寢重地四達要  
區今令巡撫止備西偏移彼駐劄恐其顧彼失  
此憂虞不無若兼制彼此為力不專儻首流突  
中原為患更大不如特差一大臣俾監視陳璘  
之師既制大兵兼處糧餉事寧與總兵一併裁  
革而令巡撫仍駐省城居中調度接濟兵食鎮  
安地方似為長便臣輒擬旨上請不敢擅便伏  
候 聖明裁定下部院議處施行 正月上

三教程紹揭帖

題近者 皇上批發科臣程紹本處分韓薰斥  
之為民臣一時昏愚錯加理會謂 皇上斥紹  
為民上揭申救既而省悟前失再揭陳情敦請  
明示 聖意以便遵守乃今數日矣不惟臣章  
未下即科道官及吏部所上章亦未下使紹進  
退惟谷不敢入科科務業積無人辦理則是紹  
本無罪 皇上亦未嘗罪紹而由臣之言使紹  
自引為罪不敢出也即臣初意本以救紹而不

敬事草 卷七

審不詳一時妄發不幸反涉妬媚之疑何以自  
解大臣之義以人事君臣未能招揀薦達以重  
朝廷而又蒙此疑萬一上下不信雖欲少效尺  
寸其道無由命一刻未下則臣一刻不安搢心  
深咎咋舌痛懲實有違違不能已者伏乞 皇  
上俯垂照鑒罪臣黜臣惟命或諒臣無他而俯  
寬之亦惟命若紹則必祈明示淵衷早發明旨  
俾令照舊供職庶九重好德之誠洞然四達而  
百工熙事之報奮迅咸起臣亦得明其區區留

賢之心過與天下共更而有所濯浹以圖後効

矣 正月十四日  
上十八日奉

聖旨程紹屢次煩擾黨護瀆激有旨降斥為民卿  
乃再三請救具見敬慎休容姑念該科程紹着  
降一級調外任用韓薰着降雜職邊方用不許朦  
朧推陞卿宜安心佐理以副朕惓惓眷倚至意吏  
部知道

敬事草 卷七

九

請補科道并乞假揭帖

題臣昨仰恃 恩私累救程紹伏蒙 聖慈垂  
亮寬紹之罪止于降調知 皇上萬分為臣轉  
移臣不勝感佩六科止有七人而紹復降出人  
益寥寥有廢事之憂伏望 皇上早允行取之  
選以備任使幸甚臣舊冬感冒風寒乘春而發  
痰涎上攻足軟體乏無以近得家報有親兄病  
故哀泣過傷心神恍惚連日未能入直緣在燈  
節假內未即瀆聞今尚須調理數日輒以私假

故臣並

卷七

為請伏乞

俯俞不勝感戴之至

二十八年正月十九日上

二十日奉

聖旨覽卿奏謝朕知道了卿兄家逝哀泣過傷未  
能入直卿宜為國慎攝稍可即出佐理行取之選  
自有該部院題請何乃諸臣要譽沽名紛紛瀆擾  
煩激是以延遲非有他故也卿言科務寥寥恐有  
廢事之憂具見忠愛詳悉便着該部院查有候補  
起復的分別奏用該衙門知道

乞罷免簡閣臣疏

奏為極陳曠瘼不職虛負 眷知仰祈 聖慈  
特賜罷免亟簡賢輔以重政幾事臣迂魯書生  
素無遠略 皇上念臣講讀召自田間延之政  
府七年于茲矣犬馬猶能戀主葵藿亦自傾陽  
臣獨何心而忍言去今天下多事大異曩時悉  
之靈誅安遠萬世之史罰臣食多鯁鱸往往廢  
箸而歎夢亦駭愕時時撫牀而起心欲外嘔淚

故臣並

卷七

十一

從中流有不得不哀鳴于 皇上者 皇上躬  
堯舜之資而治日建于漢唐之季有君無臣臣  
之愚不肖亦大可見矣廷推諸臣無非倍蓰什  
伯于臣者而又未簡用天下必且指而詈曰賢  
臣之未登以不肖臣一貫在也不知引退而空  
自妨途無愧而不知耻莫甚于是此臣之所為  
大辱也 祖宗設官自府部至郡邑孰無副貳  
而內閣重寄尤備其人非徒藉其寅恭亦以防  
夫專擅臣何人斯而獨久此即專擅大戒凜凜

自誓而負乘有日積愆必多雖無其心已有其跡疑端所生危機所伏此又臣之大恐也夫千金之裘非一狐之腋大厦之棟非一木之枝臣昔與二三同官交相麗澤尚不免于謬訛迺今左顧右盼莫咨莫詢即欲問諸所司而辰入酉出日亦不足職掌異任接見無由以孤臣之矇瞽應萬幾之紛沓一目而南北視一足而東西驚其何能給諺云獨樹不林則臣之謂矣蕭曹丙魏房杜姚宋之賢猶相輔仗以有成也今濟濟諸賢悉置不用而獨畀一不肖之臣臣不知皇上何為而忍此且美錦之裁不付于學製美玉之琢必待于良工初入閣時島氛雖未淨而海內猶謐如也今奏牘紛紛無非愁嘆焉用彼相誰生厲階德薄位尊公餗將覆語云小犢償車臣之謂矣昔司馬相而中國重李綱入而朝廷成閣臣失職豈獨臣憂抑社稷之憂 皇上之憂也臣之內不足食而 皇上之天下寧堪一再壞乎何為而久不念此夫臣之事君猶子

敬事草 卷七

十三

事父義無求去之理去亦將何歸第臣留一日增一日之罪留一月增一日之罪非徒無益不免于害留之無庸則去恨晚矣伏乞 皇上于廷推諸賢急點數員入閣辦事放臣歸田俾賢不肖各得其分臣情迫辭艱干冒 宸嚴無任戰慄隕越之至 正月二十五日奉 二十七日奉 聖旨朕前覽卿奏已諭卿為國慎攝暫假數日今何又有此奏朕心甚為惻然方今國步艱難眷倚方殷豈可堅辭求去宜遵前旨加意調理稍可即入輔政所請閣員情詞懇切便着該部通將前推員數開具來用吏部知道

敬事草 卷七

十三

再催補閣揭帖

題臣近日慘罹家難哀泣過深傷損心肺二經因感痰嗽怔忡等疾舊恙并作終宵不眠飲食日減醫藥罔效久稽入閣之日滋多曠官之憂幸蒙 聖恩賜假從寬尚有容身之地又蒙 允臣請添閣臣之疏宣取廷推職名恭俟 簡命以刻為年而于茲數日尚未聞 命則臣積誠之懇又似成虛而不能回天矣薄命至此能無自傷 皇上一舉筆之間即可登進群賢增閣

敬事堂 卷七

十四

治理免臣專擅之罪寬臣拮据之勞而何為深斲乎臣口不能言身罔攸措時時吟嚙獨語與喪魂失志之人無異萬不得已冒死再請伏乞少垂頃刻將吏部疏內諸臣 賜簡數員入閣辦事若眷注舊臣不忘起用亦乞傳示 聖意差官驛召庶賢才聚會政幾無曠而臣免于妨賢誤國之罪矣思涸情迷涕泣不知所云

上日

二月初二

回慶魏巡撫揭帖

題伏蒙 發下魏允貞告終養本傳旨准去令臣擬票臣宜恭遵但思巡撫係一方重臣留則可留去則必于吏部覆本之內票去有難竟放臣謹照舊擬下吏部俟部覆至日伏候 聖裁傳示施行

二月初四日

是時魏持稅使孫朝急朝屢譖之吾特保全魏以抗朝也 上為之留中

敬事堂 卷七

一五

請舉典禮揭帖

題臣前次揭帖言人臣愛君甚者諫之必于無人之所蓋心膂之言密勿之議無沽名干譽之心皆愛君體國之實則其納誨必如此矣是以明聖之主每感而思思而採也臣再以一言進惟不以為瀆而俯採之臣惟天下有必不可已之事有必不可緩之時時至則事起當乘時舉事不當因人之激而更生厭棄之心事至則言多當據理酌言不當因已厭聞而并置

敬事草 卷七

十六

當行之事古之聖賢豈無事與心違紛紜膠牘不如其願者乎又豈無言與心違抵諱觸忌不堪聽聞者乎雖大聖上賢諒有躁煩愴忿之情與人同矣獨計天下事當與天下人公之宜行宜止自有定衡而非一己能行止宜遲宜速自有定期而非一己能遲速於是平其躁心靜其煩慮破先入之見祛旁出之情意雖不得徐而度之以理已雖不快勉而抑之以人長懷却顧熟思審處要於當而後已此聖賢所以善成天

下之事也何則必有忍乃能有濟小不忍則亂大謀幾微之不制而天下國家之患將叢故聖賢慎之也今皇長子典禮一事大小臣工奏牘日上臣誠慮之言多則聽必厭聽厭則心必煩雖天海包涵必有不快者矣然使事稍可已姑已何傷而此則萬萬不可已之事使時尚可遲姑遲何害而此又萬萬不可遲之時諸臣言之豈不自知其激聒彼亦萬萬不得已而言也皇上于此亦萬萬不可因言而厭因厭而置矣

敬事草 卷七

一七

臣虔虔致禱願皇上葆和養中澄虛觀理盡融成心兼除意氣固不必徇物亦不必拒物以天自處以道自御上揆祖宗之彞典下念父子之至情近察朝野之輿心遠維宗社之永計聰明睿智之聖通天徹地之明一裁度間諒有洞然而無疑惻然而心動者向也諸臣未言而皇上特諭所司舉行今臣下之所請特述皇上之言耳非有所增加也皇長子年十九矣去冬喜事臨近之旨衆所歡承言猶在耳此



而不冊立不冠婚終當何時舉行作何究竟總之必不可遲之事不可付之罔聞也臣仰勸皇上無厭賄擾迎和導祥早發 明旨令禮部擇日舉行以定國本以安人心惟幸原而俯允之臣不勝力疾哀籲二月初七日奉諭次輔朕覽卿奏揭悉見忠愛至意朕怒其煩擾離間不體上心頻數賄激且事體隆重屢旨明白所奏已知道了

欽定四庫全書 卷一

一

言時事揭帖

臣舊年秋冬間見年穀不登物價翔貴民心嗟怨流言數興心恒懷憂謂必有盜賊竊發之虞屢次上揭乞 皇上敷仁政以收民心減征求以養民財既蒙 省納而臣又每與所司商求賑借恤濟之方詰捕防閑之具不敢少懈今輦轂之下雖獲安全畿輔之間掠劫不少至于赤地千里草木都盡死殍載道商旅不行殊可憐也殊可憂也近聞徐州上下有盜糾衆倡亂不

欽定四庫全書 卷一

十九

勝驚駭日夜靡遑訪求消息今日傳聞徐州兵備郭光復設法擒拏首惡孟化鯨等二十餘人明示脇從黨與准其出首免罪一時人心稍已寧帖但有元兇趙古元先已出游不知向往深為可慮此宜亟行各處多方懸購以絕禍源者也臣惟天下之亂常起于盜賊盜賊不除而至干蔓延則救之不勝其救矣山東河南乃天下腹心之地豪傑迭興之所近來白蓮羅道之教盛行妖言邪謀所在布滿談兵說劍嗔目語難

因見朝政之有非借為煽惑之口實又乘民心之思亂遂興不軌之邪謀幸賴祖宗在天之靈皇上無疆之福及其未發一舉撲擒而巨魁猶在禍本未除安知死灰無復燃之勢此又各省直之臣所當同心密訪者除臣與諸臣竭力申飭鼓舞外謹先奏聞更祈皇上推廣至仁以保愛黎元敷求大道以計安國本脩初御蕩平之王道停比年權宜之近圖臣舊年又曾請皇上多收練時務識兵機者置之京師

敬事草 卷七

二十

及近畿地方以備不虞此誠急務乃遼東又缺巡撫矣最難得人豈無可用之才正以在遠難待如臣閣中尤宜早簡以備顧問以立政本臣非為身謀實為國謀大抵處置萬幾以得人圖治為要凡吏部推舉本章早賜允發庶幾群賢畢集衆績可熙也

二月初九日上

再催補閣臣疏

奏為候簡閣臣日久未奉明綸力盡意危竭哀復懇并乞俯容休致以免曠愆事臣惟誠有鬱于中而不得達則鳴力有乏于用而不得休則求誠大鬱而至于竭力大乏而至于憊則其鳴與求不得不衰然惟當其時肩其任迫於水火而不能逃者其哀鳴哀求最切從旁而視雖或憐之不能與之同也皇上以閣事獨付于臣如臣之力足以瞻舉方當詫遭逢之甚竒喜

敬事草 卷七

二十一

左右之無掣惟恐人之分也又何大聲疾呼于九閣之前請益而不已不懼罪乎顧獨任所以榮臣也而臣之所最苦此獨也獨思則不用獨決則不衷獨聽則不徹獨察則不明獨處既久而莫聞規導之言日淪于面墻之愚善有所不及收過有所不及更或以心力不繼而略或以目力不足而弛明知其宜然而鹵莽者不少至于所不知者又何可勝道也皇上幸寬臣謂可備員耳天下方憐臣偶未彈糾耳而臣以隻

影汗玉堂之署歲有六月前此已誤豈庸再誤日愈多罪愈積而懼愈甚何能畧刺安乎胡可謂閣中有人而不廣求贊襄此何地也而令單弱空虛至此極也有大物于此使數人共舉之則不勞而行其力分其知間其于事周以詳故也缺一人焉餘人必告勞矣盡去其餘人而責于一人豈惟不能舉且告壞矣抑此猶事也臣請更言食有食于此本以饌數人也而獨責一人兼之其人有醉飽以斃耳夫食尚不可兼也

故事

卷二

三十二

而况于事又况天下之大事乎然則臣之所苦亦可喻矣臣嘗聞之人主之道與人臣異人主之權不可以不專而人臣不可以專故天下之所歸者一君而君之所任者非一臣若使君之所任者惟一臣則群賢不得進矣得亦此一臣失亦此一臣所得必不能如所失多百官必且無表兆民必且無望四夷盜賊必且無忌憚矣今以臣之不才孰如衆臣之才多以臣之不肖孰如衆臣之肖多以臣為才為肖而獨任之是

謂天下鮮任臣也四夷盜賊寧不輕朝廷無人而薄中國為易與乎何則國有輔臣猶家之有督幹也家無督幹而盜有不決其藩窺其戶者乎傳曰不信仁賢則國空虛此猶謂無仁賢也非無人也今并其人而無之三尺童子知其空虛思盜之矣且臣愚不識皇上之所以屢推而未簡者何也事有妨于舉而言有妨于聽姑且置之猶有說也若簡閣臣惟聖心之所嚮何所妨于國乎便于時而固持若此也如臣

故事

卷七

三十三

不肖則于國誠妨于時誠不便而又衰老疾病顛連困乏至于今之極皇上因循而不俞其去何也臣之此請蓋兩歲之間無月不有而比日遂以乞身讓位揭請隨之復束之高閣矣豈臣之所以瀝懇者猶有遺義乎雖欲追煩瀆之愆烏可得已且臣之不敢獨擅亦區區之赤忠也不敢久妨亦惓惓之少效也非獨投老求間為自便之計而已也伏望大濟恩慈少垂憐憫早賜黜用新推俾令入閣辦事而放臣歸山以

彰蓋帷之義生當啣環死當結草

二月初九日上奉

聖旨朕覽卿奏屢簡閣員情詞懇切引喻更深具見忠愛敬慎誠可嘉尚已知道了卿告請日久政本空虚朕心朝夕懸望卿宜亟入贊襄以副眷倚至意所辭不允吏部知道

敬事草

卷七

二四

回諭札揭帖

題初七日臣因 皇長子典禮具揭上請今日談文書官張文元恭捧 聖諭到臣寓所 諭次輔朕覽卿奏揭悉見忠愛至意朕怒其煩擾離間不體上心頻數括激且事體隆重屢旨明白所奏已知道了欽此臣力疾叩頭恭接莊誦不勝慶幸不勝感激 皇上天性至親仁同天地屢旨明白昭如日星佇當煥發恩綸嘉成典禮臣先承優答洞悉淵微其為踴躍比恒萬倍

敬事草

卷七

二五

若諸臣者其煩擾誠有之而離間決不敢更祈聖明容納特示吉期庶使衆心皆安而群口盡息也所奉 聖諭謹尊藏閣中以傳永久臣謹具回奏

二月初十日

入直揭帖

題臣正月間因長兄有訃不勝手足痛楚于本月二十一日具揭乞假少申家庭緘奠之禮伏蒙 聖慈俯賜俞允隨因感傷致疾幸獲小愈謹于今十五日廷見謝恩入閣辦事訖

二月十五日上

奏事立

二六

言陳奉揭帖

題蒙發湖廣稅監陳奉一本內因楚中地方屢行鼓噪奏稱守臣朋謀逆 旨事下臣擬票臣惟陳奉係御前差官臣子敬事 至尊即宜推及 至尊所差之人禮也各官私多公少臣不能保其無 嚴旨切責亦不為過但臣反覆看詳上年十二月武昌既有一變以後漢口又是一事黃州又是一事襄陽府光化縣又是一事青山鎮陽邏鎮又是一事武昌縣仙桃鎮又是一事

故軍草

卷七

二七

一事寶慶府又是一事德安府又是一事湘潭縣又是一事巴河鎮又是一事民變連起如此之多則楚中幾無完土處處人皆不靖矣夫元元萬姓孰不願樂生于聖世者何為敢與 至尊之命使抗哉蓋其情急事危雖 至尊之命使不暇顧矣 至尊之命使尚不暇顧彼干一二有司又何能顧而能聽其禁戢乎竊詳陳奉之意亦無可奈何而姑卸罪于有司耳蓋礦稅二事實非民之所欲奉在地方實非民之所喜

奉即欲與民相安而不可得其身實孤其跡實  
 危淋漓苦楚非虛言也何也奉命征收其職也  
 急征則斂怨于兆民森森瓦石之間無所置身  
 矣缺征則得罪于 皇上赫赫嚴旨之下身亦  
 齏粉矣即使今日苟安豈保他日無事地方倘  
 一搖動激變之罪何逃故不得不預鳴以為俾  
 免計耳臣愚以為民情一變亦當致敬而况于  
 屢變既已屢變而又窮治亂黨深督有司則民  
 益無所恃而變益愈急不惟無俾于稅事抑且  
 速害于地方今楚中方征楊首家增賦處處  
 添兵而又以此迫之適驅之使從賊耳誠非善  
 計臣愚懇勸 皇上發仁言仁政以收楚民之  
 心上策也不然將此本留中而另發 密旨令  
 奉從寬行事中策也必嚴督之則楚民素稱悍  
 暴而楚地又甚遼遠深山大澤易歲亡命盜賊  
 一行嘯聚揚首更難收拾而中原之事多矣昔  
 高皇帝時陳友諒以楚中兵與我大戰數十鄱  
 陽之役御舟為大礮擊碎 聖躬幾危而後勝

敬事草 卷七

廿八

之 皇上宜思 聖祖之創業如此艱難而今  
 日守成誠非容易毋謂楚民可忽也臣久懷憂  
 慮輒此布聞所有 聖旨未敢輕稟惟俟 聖  
 裁施行臣之所恃者 皇上也 皇上若不諒  
 臣之赤心臣何所恃臣若不以赤心事 皇上  
 臣又何為臣為國大事懇懇瀝忠  
二月十六日上

敬事草 卷七

廿九

催發引奏本揭帖

題昨日刑部侍郎謝杰董裕咸來會臣言本部尚書蕭大亨一品三年考滿吏部查理已明引奏復職本未蒙發大亨不敢入部而侍郎又不取代庖一應出入公文停閣十餘日矣臣聞此言輒自警省豈 皇上謂臣票擬有未當而留中乎臣請明之本月初四日蒙發票時臣查舊規部院正官考滿加恩如太子少保戶部尚書楊俊民陞太子太保都御史袁貞吉陞太子少

敬事堂

卷七

三十

保皆就于引奏本內票陞例也今臣獨領閣務恐不周詳又嫌專擅故不敢即擬而下部查例以明臣敬慎不專之義應與應否該部必不差錯儻謂臣越例市交則萬萬不敢伏祈 聖明鑒察早將吏部引奏本 乾斷批發准令大亨復職庶使刑篆有歸而政務無廢其恩典出自朝廷恭候 聖明欽定以昭優禮大臣之意

十五日

回典禮諭札揭帖

題今日文書官趙金恭捧 聖諭到閣諭內閣朕仰承 天眷 祖德賜生元子暨諸皇子前屢旨明白去歲以來卿等數揭上請朕以其元子冊立冠婚之禮重典且原所居之宮狹小已着該監將慈慶宮葺飾以備移居昨該監奏已工完茲大典可挨次舉行其分封諸王悉照前旨行卿等宜體朕意撰勅諭禮部擇日具儀來聞還示諸官不得又來煩阻欽此臣不勝踴躍

敬事堂

卷七

三十一

忻忭當即舞蹈叩頭欽遵附奏外臣惟 皇長子冊立冠婚諸皇子分封諸王 天地 祖宗屬意已久 皇上斷自 聖心親灑宸翰諭臣等撰勅舉行仰見 皇上至聖至神有典有則慰 廟社 慈宮之望延子孫萬億之休荅華夷臣民之心錫宇宙綿長之福此普天同慶率土齊歡無不敬祝 皇上萬萬歲壽者也容臣即會首輔志臯同撰勅諭上進其慈慶宮既改為元子之宮舊懸扁額悉當更定容臣等擬名

上請諸王分封遵奉前旨亦宜即行冠禮容臣等傳示該部臣再惟 皇上此舉承 天意以弘 祖德至敬也建元良以定國本至仁也明長幼以廣藩衛至公也順群情以寧海宇至恩也凡在臣民無不思服豈復敢有煩阻者乎小臣無知妄行賄瀆誠所謂螻蟻微物不知天地之高深者也伏惟 皇上廣度弘包顧神養性臣不勝惓惓已即欽遵傳示該部令諸官恭體 聖心不得又來煩阻外其 勅旨尊藏閣敬事草卷七 三十一

中以傳固極三月上二十

御批朕覽卿奏具見忠愛敬慎但昨日畜物之疏朕知出位效顰沽名挾己置之不覽姑從寬處了今卿奏勸朕始知之况此大典前有屢旨明白實乃斷自朕心豈可聽其無知小人乘機賄瀆哉卿宜仰體朕意傳示大小群臣知悉

擬上典禮勅諭揭帖

題伏奉 聖諭云 欽此臣等不勝慶忭謹欽

遵擬上 聖諭一道恭進伏望 皇上親賜裁

定施行 皇帝勅諭禮部朕仰承 皇天眷恩

祖宗慶祐賜生元子暨諸皇子體奉 聖母慈

訓屢有諭旨申明朕以元子冊立冠婚典禮重

大且原居之宮狹小今將慈慶宮葺完以備移

居冊立冠婚次第舉行其皇三子皇五子皇六

子皇七子 併加冠分封爾部便擇日具儀來

敬事草

卷七

三十一

欽哉故諭三月上二十



催發典禮勅諭揭帖

題前二十六日恭奉 聖諭朕仰 天眷 祖

德賜生元子暨諸皇子前屢旨明白去歲以來  
卿等數揭上請朕以其元子冊立冠婚之禮重  
典且原所居之宮狹小以着該監將慈慶宮葺  
飾以備移居昨該監奏已工完茲大典可挨次  
舉行其分封諸王悉照前旨行卿等宜體朕意  
撰勅諭禮部擇日具儀來聞還示諸官不得又  
來煩阻欽此臣等不勝欣忭隨查舊典擬勅進

敬事草 卷二

三五

呈至今旬日未蒙 允發在朝臣工接踵來問  
或責臣等撰述稽遲致成擔閣或疑臣等擬議  
未當有煩 聖裁臣等告以即日擬進並未稽  
留但學識疎淺容有未當然累朝典章具在已  
曾參考 聖諭又極詳明不必潤色若夫儀注  
條目自應部題竊揆 聖明旦晚定發又謂首  
夏清和成禮甚便竭誠敦請責在輔臣臣等又  
謂 天性至親 聖心尤切宸衷獨斷金石不  
移且 皇上方令各官無復煩阻而臣一貫已

曾再三面與滿朝言之矣宜當靜聽 德音不

遠或又謂冊立大典舊規原該文武百官頌章  
奉勸令 聖意獨斷四海皆知累朝舊規似亦  
難緩此言則臣等頗以為然而亦未敢許也因  
此密揭上請望 皇上早將勅書欽定傳發以  
昭始終獨斷之意以免群臣勸請之煩且 皇  
三子今齡十五諸皇子皆漸長成冠婚諸典接  
續當舉前者有阻則後來必妨前既通行則後  
亦無碍庶幾庭帷長幼之和氣充溢而社稷宗

敬事草 卷七

三五

廟之禋福無窮也臣等忝備股肱義關休戚撰  
發勅書又係職掌謹齋沐同心具茲披瀝緣係  
事幾不欲外洩臣一貫謹勉強手書潦草殊甚  
更祈聖慈矜宥

四月初五日  
上初七日奉

御札諭內閣 祖宗制度國家典禮朕審時察理  
裁奪奉行昨以慈慶宮修葺完備皇長子暨諸皇  
子冊立分封冠婚大典已諭卿等撰勅挨次舉行  
偶有畜物謝廷讚乘機出位要功朕因惡其狂妄  
以致少待使天下臣民曉然出自朕心斷定不惑

於奸小之賂瀆也今覽卿等奏揭具見忠慎詳悉  
已知道乎卿等可傳示諸司靜俟移居畢即發勅  
行矣不得逞臆又來賂阻特此諭知

敬事草 卷七

三

回諭札揭帖

題今日文書官丹登捧到 御札諭內閣 祖  
宗制度國家典禮朕審時察理裁奪奉行昨以  
慈慶宮修葺完備皇長子暨諸皇子冊立分封  
冠婚大典已諭卿等撰勅挨次舉行偶有畜物  
謝廷讚乘機出位要功朕因惡其狂妄以致少  
待使天下臣民曉然出自朕心斷定不惑於奸  
小之賂瀆也今覽卿等奏揭具見忠慎詳悉已  
知道了卿等可傳示諸司靜俟移居畢即發勅  
行矣不得逞臆又來賂阻特此諭知欽此臣恭  
繹 聖謨不勝喜躍仰惟大典定自宸衷乃  
皇上奉 天法 祖之至誠建極明倫之盛舉  
操柄未嘗移于下議論未嘗採于人屢旨甚明  
臣民久喻昨奉諭旨謂修葺慈慶宮以備皇長  
子移居已見 聖慈真切聖慮周詳今又奉諭  
謂移居畢即發勅行尤見時日不遠益宜靜聽  
大小臣工寧復敢有狂逞腹臆以滋賂瀆者乎  
臣一貫在閣辦事職當奉行已即傳示首輔及

該部科令百官恪加遵奉外其慈慶移居當擇  
吉日伏想 聖明留意所奉 御札謹尊藏閣  
中以昭謨訓于萬世

四月初七日上

敬事草 卷七

三八

催發吏部陞官本揭帖

題昨日吏部堂上官來會臣言本部推陞本已  
上數日未蒙 允發欲臣具揭催請蓋舊規推  
陞過後方因此缺可以大選今未允發則于大  
選實有妨碍事非得已輒為代奏伏乞 皇上  
早賜發票以通銓法

四月初二日上

敬事草 卷七

三九

封還張忠議鹽本揭帖

題蒙發山西礦課太監張忠一本為鹽議已定  
鹽課未定仰遵 明旨酌議鹽價懇祈 聖裁  
永著成令事令臣擬票臣惟各處上本例有揭  
帖致閣臣得預為講究尚多下部使堂司各盡  
所長查例題覆然後臣從而據理擬票此舊規  
也惟欽差內臣並無一揭到臣無由知其源委  
張忠所奏又為鹽事國儲邊計關係非輕數千  
餘言倉卒難解臣實愚昧不敢妄擬况欲酌議

敬事草 卷七

四十

鹽價永著成令豈臣一時片言所可輕預乞允  
臣所擬下部看詳必有以仰副聖心者惟 聖

慈俯亮

五月初  
六日上

催發吏部堂官引咎本揭帖

題臣惟國家設官分職各有攸司夙夜在公尚  
恐職務不舉豈有一衙門官至于半月之久而  
通不辦事之理又况吏部乃百司之長諸職之  
統尤為緊要而可以廢曹乎臣連日聞吏部尚  
書李戴等因科臣李應策參論趙壽祖蕭大亨  
而波及其司官因上疏引愆閉門俟命自前月  
二十六日至今已十四日矣詳李應策之疏不  
過譏評司官於堂官無預而堂官深自引咎是

敬事草 卷七

四十一

亦其小心敬慎之一端也人臣之道禮當如此  
聖心明見諒不深求然未省發則彼一衙門大  
小官員皆逡巡不敢視事矣遂使投文領文員  
役日以百數莫不稽誤出入下部本章日以十  
數莫不稽誤題行各處緊要缺官至有關係軍  
機者無從擬議上請其為妨廢尤非細故前日  
都御史溫純特來會臣昨又移書于臣欲臣揭  
請臣職在股肱不敢坐視伏乞 皇上將吏部  
前本早賜批發令其即出供事庶百僚有所統

率諸政有所振舉此合朝之心非特臣與温純  
二人之意也伏候 勅旨

四月初九日上

欽定四庫全書 卷七

四十二

言孫朝參魏允貞事揭帖

題臣惟今日政體有一時之低昂而關當代之  
治亂不無大煩 皇上之主持者則孫朝魏允  
貞之事也我 祖宗斟酌百王立綱陳紀詳審  
精密防患最深如設官分職布列中外內則閣  
部院司以至臺省百僚外則都布按司以至府  
縣各屬靡不相兼相制糾結維持有一官必有  
數衙門為之統轄有一事必有數耳目為之經  
承一口不敢獨決一手不敢獨裁一足不敢獨

放言並 卷七

四三

行一心不敢獨制故當其任者雖似有掣肘之  
苦而事精物詳法行政肅規摹廣大體統公平  
君子有所依憑以效其忠小人有所忌憚以斂  
其惡國家二百年来太平無事者以此凡人臣  
之老于世故久于仕途者莫不抑心戢志以為  
宜然而不敢有所屑越惟敢作敢為不知事體  
之人則忿其拘束而思決裂之此甚不可許者  
也一有偏信獨任則勢重于極而難轉毒鍾于  
隱而難治矣憂患之來豈淺淺乎如巡撫一官

祖宗所特遣以肅憲于一方者也於是雖無所  
不統而錢糧制于布政獄訟典于按察各差巡  
按又頡頏于一時未嘗不寓相制之意焉故足  
倚信也惟今礦稅內臣則體統不載于憲綱職  
守不著于會典欲行即行欲止即止欲參論即  
參論欲罪罰即罪罰使中外臣僚不得寓一毫  
相制之微意而盡廢 祖宗之良法竊以為假  
之太過矣非惟憲臣不能制也且反制憲臣亂  
是用長屢奉 皇上嚴諭豈不望其會同和衷

敬事草

卷七

四十四

而撫臣以安民為務中使以搜民為務職事既  
已相反調停何處得施理所難通必不能盈其  
欲法所難假必不能快其私水火異心終無聚  
會臣久已憂其有今日之紛紛矣夫 祖宗久  
設之官經制也 皇上暫遣之使權宜也以權  
宜而妨經制非久安長治之道也朝廷之所以  
尊而國家之所以安者惟恃此體統法度撫臣  
必不可廢而狗內臣內臣豈可縱而參撫臣撫  
臣可參又何有于按臣又何有于司道而又何

有于府縣盡魚肉之矣軍民何所恃以為安乎  
如此則百僚撫綏之計窮而四海更生之望絕  
內外低昂陰陽消長于此乎決 皇上不可無  
主張于其間也且臣聞之醫之用藥必使之相  
畏而相使然後得其用用人亦然使之相畏然  
後各懷小心而不至于廢法使之相使然後共  
舉職守而不至于廢事且兩重其人縱有一人  
壞之而尚有一人救之可無意外之虞既已相  
畏必復相制皆莫敢自為用而盡為朝廷用此

敬事草

卷七

四十五

明主用人之術也今日之事即不能伸此抑彼  
以為撫臣重猶當兩存而兩制之使形跡渾成  
無所測 皇上之喜怒官府一體無所竊 皇  
上之威權庶幾國紀無虧而民心無失也臣為  
宗社計久遠以效忠于心腹之前敢不危慮極  
思 五月上

謝考滿賜鈔錠羊酒疏

奏為恭謝天恩事臣以一品三年考滿伏蒙

聖恩遣御前牌子李虎賜臣原封鈔二千貫羊

一隻酒十瓶齋捧到臣私寓臣謹焚香叩頭祇

領訖伏念臣性資薄劣才術疎庸猥蒙特達之

知謬辱贊襄之寄優游一品荏苒三年民有化

離蓋鮮阜安之策國多氛沴曾無燮理之方未

遑逃祿以歸耕長愧尸居而素飽會茲考績顯

秩黜幽乃荷 聖慈更隆晉錫追靈誅而存舊

敬事草 卷七

四十六

拜駢貺以轉新寶鏹累千分重珎于御府牲醪

維旅流温玉於天庖恩自中來益從外至念支

離之已久憂責方深承拂拭之過勤感銜彌甚

何以仰酬天地誓惟俯竭股肱以飲冰食蘖自

將少圖尺寸第補袞調羹無術終負高深臣不

勝頂戴感切之至除報名廷謝外謹具奏謝月

二十  
日上

言隴澄宜賞揭帖

題今日蒙發兵部覆兵科本為黔師報捷滅賊

有期諸路未齊糧餉不繼懇乞 嚴旨急集兵

糧議殊賞以收全勝事除督兵催餉等情臣已

票擬外其欽賞隴澄一節臣查得隴澄係鎮雄

府土知府原名安堯臣即貴州宣慰安疆臣親

弟同母鳳氏所出也年方十七歲見領兵征播

蓋揚應龍與安疆臣接界聲勢相倚往來相通

以為疆臣必當助已又料前巡撫江東之叅論

敬事草 卷七

四十七

疆臣疆臣必不為朝廷用故敢乘機跳梁而不

知 皇上已正江東之之罪收安疆臣之心近

又有旨備言朝廷推誠布公賞罰明信微功必

錄豈負忠義之臣令疆臣奮忠討逆奉公滅私

進兵報効毋生疑阻該督撫宣諭與知故鳳氏

踴躍受命而傾心于國家矣初安兵直入大水

田去逆巢止十里此時安氏頭目尚有暗與播

通者三月二十九日楊首龍安營隴澄持鎗督

陣大戰殺其頭目五十餘人斬級近萬殲其第

四子楊惟棟而安兵亦多損傷隴澄即將中間  
隱情言于其母兄之前疆臣遂傳令殺其目把  
羅鎮而鳳氏掃土起兵把盞送二子徧傳酒于  
各目復於四月十一日進兵近今又報隴澄計  
哄楊酋招其頭目尚義黃繼枝來營議撫賊果  
具降文備禮物遣尚義等二十四人來皆擒送  
貴州矣尚義等係賊親信腹心軍門懸賞以指  
揮募之者也今既被擒則賊勢益窮而安氏之  
實心益見故該科引朝鮮蔚山例請先賞隴兵  
敬事章 卷七 四一八

若干金該部議覆止賞隴澄一人金幣蓋將結  
安氏忠義之心而絕楊酋交通之望且鼓漢土  
諸將觀望之意所禪不細也臣謹票擬并詳始  
末以聞伏惟 聖明裁允 五月二十

言征播功狀揭帖

題臣今日在閣接得川湖貴州總督李化龍征  
播揭帖書札言王師八路進剿賊難應援亦難  
防守故只集兵關內以俟大戰三月二十九日  
戰水西安氏兵四月初三日戰我綦江兵此二  
枝兵在八路中稱最勁者然皆先敗而後能勝  
之可見賊本勍敵未易與也安氏損兵千餘大  
頭目柯阿箇之二子俱傷但土司耻敗不盡報  
耳初四日以後戰我合江兵連戰二日不分勝

敬事章 卷七

四一九

負至初七日投文詐降總兵吳廣亦詐應之而  
嚴備以待初八日捲土來戰廣力戰敗之初十  
日賊集其衆苗而搢之曰爾等不為我盡力我  
今上國任官兵殺爾衆苗曰合江手硬綦江銳  
狠委實難敵明日當敵南川至十一日詐降我  
南川十二日劫營先已審知而伏兵以待之復  
敗而去於是父子相哭而上海龍固十六日川  
兵四路始會而約期十七日南川兵先至圍下  
各有殺傷日暮據其關十八日綦江合江兵俱



至盡掃其國下周圍之小國苗兵有殺者有散者有去而投安氏者今國下已無苗賊惟有保國苗而已其黨田一鵬等五十一人謀為內變已領高推官執照內一人漏泄賊盡殺其妻子事遂不成然自此腹心盡潰父子相疑四面攻之不自焚即當為人所執不能逃矣右李化龍之言如此臣不勝欣忭此賊旦晚可殲以寬皇上西南之憂但地方殘破已甚所宜極力撫摩官兵會集甚多所宜破格酬賞况聚兵非難

敬事草 卷七

五十一

散兵為難善始非難善終為難官帑既空民財又罄上下告急凡事掣肘所以汲汲為之計者臣與部院憂責尚殷敢不竭力尤祈加意惠綏勵精振飭賞罰並舉恩威互行如天地秋殺之後繼以春生使臣下有所奉行億兆有所倚命也臣撮其略節以便 聖覽

五月二十

辭考績加恩第一疏

奏為考課無功隆恩難冒懇乞 聖明特允辭免以安愚分事臣以一品三年考滿該吏部題奉 聖旨沈一貫簡任密勿叵贊忠勤茲一品滿考勞績茂著著加少保改吏部尚書餘官照舊蔭一子與做書舍人給與應得誥命還賞麒麟胎背服一襲欽此臣捧誦 恩綸不勝惶悚除麒麟胎背服臣不敢固辭容拜賜廷謝外竊惟考課之法總三年功過之實以行一時黜陟之權勸懲攸存風勵斯遠載在令甲為法甚嚴况閣臣乃九重之倚毗庶府之瞻矚稱職則天下蒙其福曠職則天下被其害功過視諸臣尤大而黜陟比諸臣更嚴也臣自忝竊以來優游送日燮理無絲毫之益經綸罔一線之長愆尤叢生罪垢山積下慚所學上負 聖朝正當

敬事草 卷七

五十一

及此省成明示幽黜 皇上寬其厚釁錄其微勞特詔所司復其故處斯則如天之聖德甚弘而溝澮之臣涯已溢矣何復詢不可循之故典

而假非所望之誤恩晉崇秩于三孤超先諸老  
轉峩銜于首部統率百僚追寵其先人延賞其  
後嗣宜黜而陟文過為功甚非所以貽愚臣以  
安而昭至公之典也臣聞明主之敷恩也匪日  
是計惟功是計今臣計日雖三年之滿而程功  
無一字之裨老悖多昏自知猶審既已隳職而  
壞身矣雖欲名之為積資養望亦不可既已殃  
民而蠹國矣雖欲名之為伴食充位亦不可蓋  
易大傳云德薄而位尊知小而謀大力小而任

敬事草

卷七

五十二

重鮮不仆矣臣德薄不能強而厚也知微不能  
強而多也力小不能強而大也顧不能自強而  
猶能自量如屠羊說之辭為三旌庶幾亦可復  
不自量則蝨蝮斃于多取螳螂糜於敢當必無  
幸矣伏望 皇上察臣悃誠毫無矯飾收臣新  
命俾緩顛隳如欲策勵其將來姑令率循夫舊  
貫仍乞博採賢碩共圖政幾臣敢不竭盡狗馬

銜結環草

五月二十四日  
上二十六日奉

聖旨卿碩德重臣勲勞茂著考績加恩原係彞典

宜體朕眷懷恪遵成命不允辭吏部知道

敬事草

卷七

五十二

辭考績加恩第二疏

奏為再瀝悃誠懇辭誤渥以少釋慚負事臣頃  
以一品三年考滿濫被隆恩具疏辭免奉

聖旨卿碩德重臣勲勞茂著考績加恩原係彞典  
宜體朕眷懷恪遵成命不允辭吏部知道欽此  
仰惟 聖眷優崇恩綸稠疊感激涕泗誼當勉  
承但臣反覆思維實增慚懼若芒刺之集於背  
而叢棘之寘於身也心之神明已不自許敢不  
再三披陳伏祈憐察臣嘗聞伊尹有曰一夫不

敬事章

卷七

五十四

獲時予之辜又嘗聞程顥有曰一命之士苟存  
心於愛物於人必有所濟臣幼服斯言壯欲行  
之老而無成有不能頃刻寧矣蓋綠克已未盡  
忘身不真雖懷捧日之忱竟抱書空之悔經年  
姑待於時何所短長逐節支持於世焉能輕重  
見義無必為之勇懷情有不盡之嫌以 祖宗  
二百年泰寧天下而眷眷多事自臣獨事始然  
則人之不獲豈止一夫撻市之羞又將誰諉求  
去不得祈死不能不得已而托之於程顥之言

以為苟有濟于分毫亦庶酬夫萬一也然而燎  
原焚之勺水救之曾所餘之幾何福輕於羽禍  
重於地雖至愚亦知辨况臣有天下之任者也  
非一命之士也安得妄援而自解乎以故視日  
如年覩寵若辱首尾狼狽魂魄分張不敢覬祖  
帳之榮不敢希蓋帷之厚但得賜歸田里詠歌  
太平臣之願也亦臣之幸也比當考課意極浚  
巡聞閣中有前輔臣王錫爵不報滿故事竊欲  
倣之而或以為非制又復覩顏過部矣夫爵賞

敬事章

卷七

五十五

朝廷礪世之具也臣豈敢逃之遭逢聖賢用世  
之資也臣豈不願之顧用以褒德而德涼用以  
報功而功茂前人際亨履泰彰賜所以著恭今  
臣業釁積愆冒恩所為滋罪且閣臣缺員久矣  
皇上甚靳簡用而專意於臣 皇上所以望臣  
者蓋倍而臣之所以負 皇上者亦倍見恩難  
報見職難供晚節未知後功莫料日復一日危  
而又危加之官高其危彌甚伏望 皇上察臣  
固避悉由悃誠心相體亮而義相成就特准辭

免新命俾仍舊官策勵辦事都俞之朝寧需進  
秩不勝激切懇誠敦請之至  
五月二十七日  
上二十九日奉  
聖旨覽卿再辭恩命具見忠懇考績舊典原非過  
分豈宜固遜還遵成命以慰眷懷所辭不允吏部  
知道

故言造

卷七

五十六

拜命并請添閣臣揭帖

題臣行能無取奉職多愆昨以考滿蒙恩超踰  
過甚不勝惴慄再瀝辭免 聖眷特厚溫綸渚  
頌臣拜受誠慙控遠似瀆謹已祇領于今日報  
名廷謝外但念臣壯不如人老尤無用縲當揆  
路復晉孤卿輕塵何增岱華之高涓滴何益溟  
渤之大况夙病纏糾新痾轉增不惟力倦筋衰  
抑且智昏神困誠恐辜負恩造罪戾滋多么麼  
隻身萬死奚益輒恃寵眷因披禱求伏乞 皇

故言草

卷七

五十七

上垂念政本不可久虛孱愚不可獨任親發藻  
鑑簡用忠賢庶幾贊襄多而政事理朝廷重而  
海宇安也臣不勝感激天恩之至謹具題恭謝  
並申懇  
六月初  
一日上

請留蕭大亨陞李應策揭帖

題今日蒙發刑部尚書蕭大亨告病一本令臣  
票擬臣查得蕭大亨前經告病擬留未發近以  
一品三年考滿蒙恩復職繼因科臣李應策論  
趙壽祖而波及本官大臣之義引咎求去彼自  
為名節計也顧本官典刑署兵心力俱瘁姑無  
論功而勞亦可錄通考非過已蒙 聖明洞鑑  
則今告病之疏宜蒙 聖慈慰留刑獄事繁杜  
門非禮伏乞批發以隆大臣之體以慰在廷之

敬事堂 卷七

五十八

心臣不勝惓惓再照李應策舉發趙壽祖私書  
公正可嘉已蒙 聖恩紀錄聞應策曾經吏部  
推陞京堂近今又催未下則紀錄之文似成虛  
典而非所以昭特勸也伏乞檢發吏部推陞李  
應策前本准其陞轉又臣所惓惓

六月初四日上

回修琉璃河橋揭帖

題今日該文書官冉登捧出

聖諭諭內閣朕聞知琉璃河橋南北要路原是  
皇祖時修蓋過經今年久坍塌損壞朕憫念往  
來官民跋涉艱難朕昨朝謁 聖母奏知 聖  
心嘉悅欽降銀一萬兩并朕內帑積餘及各處  
進助銀兩今命內官監太監何江前去修造卿  
等可傳示該部選委勤慎司官一員與同一體  
以董其事務要工堅省費作速完成此乃朕意

敬事堂 卷六

五十九

一應工費不得科擾小民還寫勅與他諭卿等  
知欽此到臣私寓臣謹焚香叩頭開讀訖仰惟  
皇上大孝承親至仁拯物通居儲之泉寶造利  
濟之津梁以世間珍錫世間福廓鴻恩于終古  
流顯號于萬年願推此心加諸四海出民生于  
已溺奠皇祚以如磐臣不勝頌禱之至除即欽  
遵傳示該部遵奉外所有御札尊藏閣中以垂  
永久回奏以聞

六月初六日上

催點發各省考官揭帖

題臣昨接得禮部揭帖為議覆科場事宜等事  
因浙江江西鄉試循例推舉考官上請 聖明  
點用已經五次身題日期迫近跂望懇切欲臣  
代為陳請臣至庸愚未測 聖意但思天下秋  
場皆以八月初七日鎖院行事而浙江去京師  
四千四百里江西去京師四千六百餘里原定  
出差齎捧等限浙江八十八日江西九十四日  
今考官事體更嚴即令日夜奔馳亦須五六十  
日該部若不催請必致有誤賓興咎責奚辭故  
爾屢瀆伏乞即賜點發再照以後尚有湖廣山  
東山西河南陝西及應天順天諸處并乞 聖  
心一視同仁隨題點發庶昭右文之意而于盛  
典有光矣  
六月十九日  
九日上

請禱雨揭帖

題今夏酷熱異常天久不雨諸穀焦枯物價盡  
踊即蔬菘之類入市亦少加以疾癘流行瘡痢  
時作群心惶惶仰籲無所恭惟 皇上敬天勤  
民仁慈隱惻伏望 特諭禮部行順天府官竭  
誠祈禱并令張真人醮龍行雨庶幾天心默回  
聖澤溥被而萬民受更生之賜臣不勝懇祈謹  
擬 聖諭一道恭進伏冀裁定施行

擬諭帖

諭禮部今歲旱熯異常田禾焦枯且多疾疫朕  
心深用兢惕着大小臣工痛加修省順天府竭  
誠祈禱張真人恭詣黑龍潭請雨以圖消災霽  
澤  
六月二十日  
十一日上

請處遼東撫鎮等官揭帖

題臣接得遼東總督巡按屢次書揭及巡撫李植自致書揭皆言巡撫與總兵該道意見不合事事參差蓄疑蓄憤日甚一日彼此之間已成不易釋之疑與不可解之讐今總兵揭誓詞于通衢以告神明矣此豈可下與士民見而外與夷虜知乎不但不能同心報國僇力防邊必且虜至而戰守乖方盜發而緝捕推諉釀成大變有不忍言全遼之危如同累卵此鎮兩年之間

故舊並

卷七

六十二

兩易撫院三易該道五易大將更換一番則地方人心搖亂一番再不得人旦晚難保巡撫李植先經奉 旨回籍聽勘吏部廷推久未點發使植候代而不得去上下離貳展布實難總兵該道又當議處皆宜妙選刻期代任今虜零竊無日不有轉眼秋到益無措手恐內變外患一時並作雖有智者不能為計臣敢不避各官嫌怨竭忠為國上聞

回廟享諭揭帖

二臣題今日該文書官張文元傳出

聖諭諭內閣近因久旱不雨天時炎熱朕昨偶爾中暑心胸煩懣夜寢不着目今頭眩身軟 廟享親行恐暈踣不能成禮卿等傳示各官務要虔潔恭誠供事行禮特諭卿等知之欽此謹即傳示各該衙門欽遵外臣等伏惟 廟享當親而未舉 聖心抱歎而不寧即孔子所云吾不與祭如不祭之意仁孝之至誠也敬祖尊宗之

敬事草

卷七

六十三

忱每切于內法祖紹宗之道必殷于懷不既其文當既其實伏願事事以宗廟為重時時以續繼為先則在天神靈鑒 皇上不得已之意而錫萬世無疆之休矣所奉 聖諭尊藏內閣臣等謹回奏

六月上二十

報平播揭帖

題臣即刻接偏橋巡撫江鐸塘報逆賊楊應龍已就天誅不勝欣喜謹以原報奏上釋 皇上

西顧之憂謹具奏知六月二十八日即日奉

御札諭內閣朕覽卿揭奏偏橋巡撫江鐸塘報逆賊楊應龍於六月初六日已就天誅此實仰賴天功朕心嘉悅不已其赦宥無辜撫安地方合行事宜卿可傳示該部議擬具奏特諭卿知

故事草

卷一

六十四

回諭札揭帖

題今日該文書官張文元捧出

御札諭內閣云欽此臣恭捧開讀不勝欣誦竊

惟此賊憑凶恃險敢肆跳梁辜恩犯威難容覆載王師遠征誠非得已但既進兵交戰理當刈草除根騎虎背上豈能輒下故于盛夏毒暑之候赫曦淫潦之中揮汗稱干冒死致敵亦文武將士分義宜然至于克收成功則天地垂庥祖宗賜佑 皇上又獨持威斷密運機籌故歷世

故事草

卷上

六十五

跋扈之雄數月削平而盡不獨師武臣力能致此也 皇上一聞戎捷即念人勞高居九重思周萬里謂溽暑成功事非容易并加憐惻形于詔詞即此一言解愠薰風不異矣又令臣等擬議赦宥撫安合行事宜真所謂天地長育父母生成固結流離之心昭蘇溝壑之望遠近聞之誰不感泣臣即遵旨傳示該部欽奉施謹歲聖諭于閣中六月二十八日



請典禮揭帖

二臣題恭惟 皇長子典禮前奉 聖諭冊立

冠婚挨次舉行臣等欽遵撰勅上進而未蒙

賜發累經大小臣工時來詢問臣等告以 聖

意天定 聖愛逾深拱候 玉音旦晚可待九

夏炎熱行禮為難不須煩言止當靜聽顧今伏

暑已盡爽氣方臨臣等欲復因循不請不能矣

時享期屆 祖宗必且鑒歆 萬壽節臨 聖

心又極歡豫矧大捷正報武功告成人心太和

敬喜宜 卷七 六六  
天意允洽伏乞 皇上特渙綸音以成慶典

三十  
日十

敬事草卷八目錄

回奏典禮 聖諭揭帖

言遼東等巡撫當點揭帖

再催揭帖

請 皇長子講學揭帖

請補閣員疏

言朱選郎揭帖

礦稅揭帖

言顧編修揭帖

敬事草 卷八目錄  
再言朱選郎揭帖

回奏御殿揭帖

典禮揭帖

佑聖夫人謚揭帖

回解妖犯之疑揭帖

言川貴總督揭帖

請假揭帖

朝審主筆大臣揭帖

乞休疏

謝遣醫疏

謝賜猪羊江才疏

請補閣臣揭帖

言典禮揭帖

乞補閣避位揭帖

請簡川貴總督揭帖

告病乞休疏

謝宣諭疏

催簡川貴總督揭帖

故百立 卷八 目錄

因王給事言調護中宮揭帖

回諭調護中宮揭帖

廷見後揭帖

起居揭帖

極言調護中宮揭帖

起居揭帖

時事揭帖

回奏揭帖

暫假揭帖

言張真人揭帖

言劉侍郎揭帖

寶鈔局火起居揭帖

入直揭帖

票吏部本推陞欽降官揭帖

言劉侍郎揭帖

登樓受俘請扈從揭帖

謝賜揭帖

催庶吉士補科道揭帖

敬事草 卷八 目錄

陳見求面對之語揭帖

敬事草卷八

柱國少傅兼太子太傅吏部尚書中極殿大學士臣沈一貫

回奏典禮 聖諭揭帖

題該文書官并登傳出 聖諭諭內閣朕覽卿等揭奏具見忠愛懇切典禮隆重皇長子素秉清弱盛夏溽暑慮恐煩勞誠重之故少俟耳朕心已定卿等可傳示文武百官靜候傳行毋得要譽沽名又來煩聒擾阻諭卿等知欽此臣捧誦再三仰見 皇上愛念 皇長子至濇溫厚

敬事草卷八

藹切不勝欣忭臣謹會同首輔趙志臯西奏上言竊惟冊立冠婚典禮乃 祖宗家法昭垂

皇上天性繫屬在家法為世守不可已之事在天性為真誠不可過之機展轉 宸衷必且旦夕不能去懷而萬倍于人臣之所請者臣子似無庸言也然而不容不言則以時至而事起萬古觀瞻恒于斯君令而臣恭有司職掌恒于斯即如王府封婚之本日見允俞而 皇上元子之禮顧闕未舉相提而論羣情之不能頃刻寧

可知矣茲奉 聖諭以溽暑為慮以少俟為期

而令臣等傳示百官靜聽毋聒臣等敢不備宣聖意切告諸司但事有行期則不言而喻若更無定日將雖令不從臣等愚竊謂百官實宜靜聽不擾以明承順之恭 皇上尤當早斷弗疑以光佑啟之大也除即傳該部科轉傳欽遵外尊歲 聖諭于閣中昭示永久顯候 明定吉期以慰群望

二十八年七月初二日上

敬事草 卷八

言遼東等巡撫當點揭帖

題頌者仰藉 天地祖宗鴻祐 皇上聖武神  
威揚應龍既授首趙古元又就擒人心肅寧斯  
誠大慶然尚有最可憂者遼東是也遼東兵疲  
民竭虜肆盜多而撫鎮道三臣彼此嫌怨舌戟  
心刀攻擊無忌勢有不能一日容者夫遼之一  
隅所恃惟此三臣耳而乖戾如此方自相傾害  
之不暇而暇防禦乎絕塞軍民日夜憂地方破  
裂將有寧夏之變故數日內吏部兵部都察院  
敬事草 卷八  
及兵科及薊遼總督遼東巡按相繼具奏臣亦  
上揭以請望 皇上亟點遼東巡撫往代李植  
行事諸臣之心豈有一毫已私不約而同惟為  
國家保全重鎮也望眼將穿而 皇上無發蓋  
未諗遼之危急如此岌岌耳若不再請臣罪何  
辭夫巡撫李植奉旨着回籍聽勘久矣特以無  
人交代不得脫手而 皇上靳于易之豈謂植  
尚可用乎欲保全植莫如待勘明後用之內地  
以盡其長再留于遼不惟遼之災亦植之災矣

又豈謂吏部所推有未當乎若謂未當則亟令  
再推可也更加遲回所損于遼大矣今天下巡  
撫有四缺皆當急補而遼東第一次則延綏次  
則蘇松次則福建皆勢窮理極不可更遲但遼  
尤其甚者以一點之難而貽四方不測之患後  
之噬臍當何所及伏望 皇上少假燕間檢出  
吏部會推本均賜早點實今日燃眉急計  
上日

再催揭帖

題臣惟遼東之危如累卵今年決難保無失事但猶望其少失事耳該巡撫李植已經奉旨回籍聽勘候代之人安可責成而總兵馬林該道張中鴻與之牴牾為仇三人三心虜若一來誰與防禦 皇上不點新巡撫是棄遼也遼危則京師危矣臣已兩次進揭詞拙語劣不能感動聖心伏乞即檢吏部會推遼東巡撫本點發以

保重鎮

七月初六日上

啟事

卷八

五

請 皇長子講學揭帖

二臣題先於四月二十日奉 聖旨皇長子講學因天暑熱自四月二十一起暫免講學欽此照得輟講已過三伏立秋復踰一旬暑氣日消涼颯漸爽正宜及時講學恭候 欽示日期以便照常供事謹題謹旨

七月初九日上十二日奉

諭卿等知

啟事

卷八

六

請補閣員疏

奏為極陳君臣事使大義萬無獨用一臣之理懇乞 聖明深惟遠計率循舊章博簡賢良以重政本事比者亢陽不雨 皇上躬禱深宮穆然齋居凝神靜覽臣惟恭默思道正感發肖象之時而憂旱勤懷尤敷求霖雨之日乃堂陛之亢無逾于今臣孤身直閣二年于茲矣即不敢自陳所苦以干矜憐敢不以君臣事使大義一颺言于 明主之前臣惟自有天地即有君臣故言直卷八

有君必不可以無臣君則一君而臣必不可以一臣徒恃一臣與無臣同無臣則上孤主勢而下亦將有不細之憂易曰雲從龍風從虎夫龍至神矣然非有雲為之乘則龍勢亦單而不能以自神虎至威矣然非有風為之驅則虎勢亦孤而不能以自威人臣者亦人主之風雲而所恃以乘藉驅使者也君而無臣則勢亦單孤而何以成神威之尊故孔子曰賢人在下位而無輔是以動而有悔此一悔者豈其臣之悔乃其

君之悔也遠稽上古自堯舜未嘗獨命一官近遡累朝自 高帝未嘗獨用一臣今閣中寡然幾於無輔無輔而能免于悔乎臣嘗以蹇劣請增美而不見信嘗以病患請增美而不見信又嘗以覆餗債軼請增美而不見信夫天下惟常理可以久行而出于常理之外者不可久行無論臣之不肖不可獨任雖有天下全德具才之臣亦萬無可以獨任之理何也天下之幾務甚大何可獨任天下之人才甚多何必獨任故古敬事草 卷八

有六相九官四輔之倫後世盡然使其相仗相資相監相濟以舉大物而不令偏用獨任禍不旋踵故曰偏用成奸獨任成亂此其初起于人主一念之因循與人臣一念之貪戀以至此也宇宙間無一物不可用而無一物可獨用穀之養人也而種有五穀亦不可獨用獨用足以致疾也自餘皆偏勝之氣疇至之味可以一嘗不可以久進故藥有配合制伏之法食有調和節宣之宜設官則有副同叅佐之疇官人又有協

恭和衷之訓皆所以預防人臣之專擅以奉人主之威神而使無下移旁落之漸也臣奉職無狀 皇上幸退臣以授能者臣之大願儻未厭臣則無用臣猶可獨用臣不可此理亂之大防古今之通忌臣之所必不敢承也伏望 皇上綏繹臣言本于至誠而關於大計遠循帝王千古不易之定制近尊 祖宗一代世守之彝章無謂因循嘗試可以久行無謂苟且支吾可無大患鑒前慮後圖治防危即將吏部屢推閣臣故事直 卷八少假燕閒欽定簡命以佐萬幾以寧萬世此非但微臣之慶乃天下臣民之慶社稷國家之慶也七月十四日 上十六日奉聖旨朕覽卿奏具見忠慎詳悉內閣政本重地豈有獨任之理朕常繹思所以遲緩者慎重其職任耳卿可傳示便着吏部通將前後所推閣員開具奏來朕自裁定簡用方今國步艱難卿宜安心調燮弼成化理以副朕眷倚至意

言朱選郎揭帖  
題本月十七日蒙發吏部尚書李戴告病一本內言文選郎中朱敬循俸深選滿例不復入并乞依擬陞授太常少卿臣即票上未蒙 俞發臣中夜自省心實無私擬亦非謬自来文選郎中止管六選郎出衙門其曾為考功郎中管過考察大事者五選郎出蓋此官乃恩怨之府不可久居若多管一日便有貪權戀勢之罪臣誼官箴部規國制皆當如此至于選郎陞太常少卿亦歷年舊例毫非有所優假也今朱敬循俸深選滿例不復入一一皆符真非虛語未蒙批發則戴必心懷懼惶益增其病而部務日積選事亦無管理擔誤不小伏望 皇上俯察將前疏早賜允發以慰戴心以通部事七月二十三日 上

故事直 卷八

礦稅揭帖

題臣惟朝廷之事非萬分緊要者大臣必不合詞以請昨日六部九卿公疏為中使釀亂等事一本臣願 皇上留神省覽蓋此一事原旨明言權宜暫行乃今久而不收加而益甚害滿天下禍迫目前臣子於君均同休戚剖心敷肝所利于 皇上者甚大不止數千萬銀兩之利而已也 皇上至聖至明何煩臣下多說特欲從容詔罷耳然早罷一日則國家蒙一日之利而

故事並 卷八

二

特起於奏民之恣為奸黨而成于中官之聽信撥置故至此極憂國者不得已而設二策焉其一力請召還中官而罷礦稅以信權宜明旨上策也其一即不遽罷乞以見在定額責成撫按有司照數包徵轉送中官解進而盡逐奏民奸黨不許停留地方以除百姓餓殍饑虎之害中策也上策即未行中策甚易行乞斷然行之以收人心以存社稷今原奏奸黨無不起家發富立致萬金者轉相歆倣徒累益繁而流害愈亟民窮則變變即難救法窮則變變即可通惟俯察而善圖之至于中官典兵古今大忌唐之中業殷鑒不遠此萬萬不可之事臣知必不許允茲未極言臣無任披瀝懇苦之至

敬事草 卷八

十二

七月二十五日上



言顧編修揭帖

題蒙發票本內有翰林院編修顧天峻一本為不能供命乞放回籍事臣看得此本天峻之意專為辭免考官而發今早投揭到臣臣以大義誨之言臣子之分惟上所使欽命既下豈有改移之理况明早例該入場期限已迫不得誤事獲罪非小本官感激鴻恩已欽遵前旨外茲臣擬票乞即賜發庶無妨明早入簾

八月初六日上

敬事草 卷八

十三

再言朱選郎揭帖

題伏蒙發吏部尚書李戴等一本為大選益迫懇乞天恩允陞選滿司官以便銓補事令臣擬票照得近年文選郎中最難得人多以被言敗官不足惜也今朱敬循管過考功文選廳歷多年恪供職業絕無浮議此爾來之所僅見循例擬陞足以示勸儆一槩稽閣則淑慝無分銓曹混濁而仕路終無可清之日矣伏乞准其陞授幸甚臣謹票擬上

八月初十日

敬事草 卷八

十四

回奏御殿揭帖

題該文書官廬受捧出

聖諭諭內閣明日朕壽節天下藩王諸司及文武百官慶賀來朝朕欲御文華殿受賀以成君臣尊敬之禮但其殿宇丹墀窄小駕儀排班侍從不便卿等可傳示禮部鴻臚寺暫免行禮特諭卿等知之欽此臣惟 皇上乂道化成壽安萬國天地神祇悉呈符瑞王侯夷夏盡同車書正下土快瞻之期遠人利見之日臣等濯心引首敬言並

卷八

一五

思效呼嵩祝華之忱而俄奉 綸音令傳暫免皇上固輟轉宸慮未嘗頃刻忘下濟之恩惟因便殿規模難展備禮雖未奉光儀而藹然君臣交孚之情已見乎詞矣謹仰承即刻傳示該衙門欽遵外臣等因思之今紫極久虛青蒲莫對朝廷之儀不肅上下之泰未交近日工部請先建朝門隨營正殿此聖帝明王之所以秉籙奉天握樞臨極上以集寶命而紹帝統下以開萬世而寧兆民至急務也若文華殿乃經筵日講

之常御九卿百執有定班今 聖體悅康 皇

情豫暢時一命駕引見羣臣商議政經考論道

德此尤臣民萬心所共祈仰臣等因事獻忠輒

附塵瀆伏惟 聖明留意所奉 聖諭謹尊歲

閣中 八月十六日

敬言並 卷八

一六

典禮揭帖

二臣題恭惟 皇上萬壽聖節以來連日天氣  
 清和 聖心豫悅朝野臣民歡欣鼓舞躍臣等碌  
 落無能浮游度日既叨祿位尤濫恩賜不勝慶  
 幸不勝慚愧茲因職掌攸關輒有上請竊惟  
 皇長子大禮父蒙 聖心乾斷諭旨詳明長幼  
 之分無淆次第之舉將斷乃今金秋薦爽行禮  
 正宜伏想吉期掄選素定惟望宣示中外俾諸  
 司恪奉肅將庶于臨期無所愆失臣等不勝惓  
 惓其慈慶宮已經脩完謝土宮名所宜更改恭  
 候 聖明欽定其餘殿門等名乞勅該監查數  
 到閣容臣等擬議上請 勅旨八月上二十

佑聖夫人謚揭帖

二臣題昨蒙發下佑聖夫人謚號命臣等撰擬  
 臣等欽遵恭擬勤敬榮安二謚進呈請 旨點  
 用一謚伏蒙 皇上二謚俱點臣等備查歷年  
 夫人俱無賜謚間有賜謚者止於二字今蒙二  
 謚俱點未知四字全用或止用前二字後二字  
 恭候 明示發下遵行臣等竊惟夫人賜謚已  
 蒙特恩即用二字其為泉壤光榮已多若加累  
 字不惟于國典有碍而恩亦大褻非所以立訓  
 也臣等心竊未安不敢不再奏伏乞鑒定九月初一  
 奉日  
 御批朕恤佑聖夫人徐氏奉侍三朝恭勤懋著昨  
 點謚號四字俱賜與他以示眷酬此係特恩不為  
 例諭卿等知

回解妖犯之疑揭帖

題蒙發刑部為恭報緝獲妖犯事一本令臣擬  
票 聖意謂孟化鯨等彼處撫按既已問結今  
又何為解京欲出旨查明其故仰見 皇上明  
察詳慎至意臣惟孟化鯨等從逆謀亂罪在不  
疑原不必解京但倡逆首惡乃趙一平而邇為  
近畿擒獲尚欲輾轉恣辨故江北撫按解送孟  
化鯨等來面相質證以彰天誅之至公原非解  
來之意乃欲正趙一平之罪而非為疑孟化鯨  
故舊堂 卷八 一九  
之獄也臣看詳刑部此本是請旨命三法司公  
同會勘謹照常擬票上進伏乞 聖裁  
九月初二日

言川貴總督揭帖

題播州之亂仰仗 皇上神明威武悉行剪除  
惟是善後事宜尤貴詳慎總督李化龍蒙 允  
回籍守制頃廷臣會推堪任者尚未奉點此事  
之不可緩者也昨本兵會臣于朝房續有一議  
敢用奏聞初廷臣會推之時皆舉京營尚書王  
世揚眾口一詞無有同異因不可無陪而舉貴  
川巡撫郭子章為陪以其在彼有功也適李化  
龍書來言宣慰安疆臣恃有前功妄冀厚賞不  
可無以裁之臣等因而共籌 皇上若用王世  
揚甚善若用郭子章恐子章于此有難處焉蓋  
安氏與楊氏接壤世姻聲勢依倚楊氏發難之  
時天下疑安氏為助而安氏又與貴州甚近安  
若助楊無論楊不可誅而貴州省城亦不可保  
故當時定議務收安氏之心使之為朝廷用而  
不為楊氏用又不欲使安氏獨成其功致令挾  
功邀賞氣勢益張或觖望生心為患叵測故一  
面使郭子章于貴州竭力鼓舞推心結納令其

建功以報朝廷而一面李化龍徵兵四方恭行  
天討以示朝廷用兵不可藉土司之力蓋總督  
裁之以法而巡撫收之以恩兩相濟而後安氏  
始入掌握中也夫天下之理威之入于恩也易  
恩之入于威也難子章之于安氏方以恩收之  
耳豈可遽以法裁乎不裁必恃恩而多求裁之  
則生怨而啟事故子章之為總督勢不便也惟  
特遣一重望大臣往則可以據理而折衷奉法  
而定制即子章亦可因而操縱以行其控禦之

敬事草 卷八

廿一

術此定西之長策也臣等愚意仰祈 皇上俯  
採僉謀點用王世揚俾往總督而令郭子章照  
舊巡撫與總督同心行事於計為便蓋楊氏未  
滅則憂楊氏楊氏既滅則憂安氏天下之事善  
始不若善終 皇上宵旰憂勤以成大功而臣  
等處置一差恐後虞猶在不敢不盡言 九月初  
四日上

初七日奉

御批朕覽卿奏具見為國籌畫詳慎王世揚可用  
但協理京營亦係重任郭子章着照舊巡撫地方

卿可傳示該部另行會推忠實才望的二員來用  
特諭卿知

敬事草 卷八

廿一

請假揭帖

題臣于初五日趨朝出門偶為風寒所襲感有腰疼之疾不便屈伸步履痛楚呻吟求醫服藥滿望即愈未敢瀆聞今尚難期仰祈天恩暫假數日調理謹題請 旨 九月初七日 上初九日奉 聖旨卿偶疾准暫假調理稍可即出輔政以慰眷倚至意

敬事草 卷八

三三

朝審主筆大臣揭帖

題照得朝審係國家大典欽定于十六日行主筆大臣尚未命下今日已是十三蒙發刑部本票乞即定發臣前次擬遣兵部尚書田樂為其加太子太傅也因未蒙允故用衙門為序將戶部尚書陳渠及樂兩請或渠或樂皆可主筆惟聖明裁定再照今歲兩宮將成 聖心歡豫西播平定四海瞻恩該部以停刑請乃恭體 皇上好生至情而茂宣天地之和氣也臣敢不仰 承并擬停刑一旨以進儻蒙賜允尤不勝喜躍

九月十三日 上

敬事草 卷八

三四

乞休疏

奏為哀頹日甚任重難勝懇乞 聖慈准容退  
休以明臣誼事伏念臣稟氣不完受才最薄今  
年六十有四羸病候尋加以家難頻仍遂感心  
悸之疾百體之中無處不病每一病發顛連移  
時累疏求休未蒙賜允拳拳愚衷亦欲自盡但  
惟內閣政樞職親地密 祖宗舊制必詢一時  
碩學重望之臣專職其事而又選三四人協同  
辦理不授非才亦無獨任臣以庸虛覲顏慶此

敬啟

三五

獨謀獨慮莫稟莫詢每至敝筆腐毫常恐失墜  
今心思竭多血氣衰甚涉秋以來怛怛動搖如  
坐顛車壞舟之中本月初五日感冒風氣腰疾  
乘之許告恩深調理未効若復棲棲貪祿不自  
揣量致悞政幾罪戾焉迨伏望 皇上廓日月  
之照垂天地之仁察臣苦危特加哀憫容臣退  
休以延殘息以釋重負以避賢路早簡名碩以  
副股肱之托光佐 聖治輯寧邦家  
九月二十九日  
奉 一日

聖旨卿忠誠謹慎朕眷倚方殷偶疾調理稍可正  
望入閣贊襄豈宜求退所奏情辭懇切殊為惻然  
便着太醫院堂上官率領御醫前去診視調攝簡  
用閣臣朕知道了不允所辭吏部知道

敬啟

三五

謝遣醫疏

奏為感激遣醫特恩恭陳謝悃事本月初五日  
臣因患病乞假并求退休伏蒙 聖慈矜憐遣  
太醫院院使徐文元等六員到臣私寓診視臣  
不勝感激恭設香案就床望闕叩頭謝恩訖竊  
念臣賦氣最薄受知甚深待罪多年衰頹已劇  
茲當子身佐理之日無值庶政叢脞之時憂懼  
銷其精神驅馳疲其筋力而臣調攝無術疾痰  
遽嬰給假經旬已沐眷慈之渥乞身垂老大非

敬事草 卷八

二十七

得已之心猥蒙天語之傳宣更遣國醫而臨視  
發藥籠之劑將造命于刀圭分秘殿之春遂回  
生於蔀屋有何微倖值此遭逢儻蒲柳之質未  
凋敢辭藜粉柰犬馬之力已竭尚觀蓋帷九月二十

十一日 十二日 奉

聖旨覽卿奏謝朕知道了政本缺員少俟簡用機  
密重地豈可久虛卿宜慎攝稍愈即出佐理禮部  
知道

謝賜猪羊酒米疏

奏為恭謝天恩事近該臣以患病給假調理伏  
蒙 聖恩遣御前答應牌子邢忠齋賜臣鮮猪  
一口鮮羊一錠白米二石酒十瓶甜醬瓜茄一  
罈到臣私寓臣謹于卧榻叩頭祇領訖伏念臣  
適以衰齡誤膺重寄七年竭蹶曾無調鼎之功  
萬苦侵尋遂抱採薪之疾仰勤慈眷特賜矜憐  
昨遣上醫已飲和於仙劑今煩中使更分貺於  
天庖味旨且多感深以泣恩深推食覺七箸之

敬事草 卷八

三十八

生春諭重加食扶危羸而起色儻未先於朝露  
尚仰荅乎高旻九月二十

聖旨覽卿奏謝朕知道了禮部知道



請補閣臣揭帖

題頃者臣因患病不能入閣每日御前章奏發  
臣私寓票擬臣心如刺頃刻難安乃于前月二  
十九日強出供職豈期力不從心旋復困仆臣  
伏枕而思閣臣乃密勿之臣閣務皆樂宜之務  
密之為言秘也不可洩而使踈幾之為言微也  
不宜宣而使著蓋軍國大計決于一言若上未  
發而下得窺其端事未行而人先傳其響啟奸  
召釁關係匪輕故內閣切近禁地與外朝相懸

敬事草 卷八

二十九

奉有特旨不許閑雜人等擅入防宣洩也往時  
以三四臣同直一人偶病餘人尚多入直者代  
天之言不致曠官廢事在告者徼天之惠亦得  
安意靜養故二百年來閣門無封閉不啟之時  
閣務無私居辦理之日今臣孑然一身而獨任  
此職者三年矣一嬰霧露則閣門長閉遂成空  
署發本擬票經行長安街歷外朝而後至御前  
夫私寓非內閣比左右耳目豈能盡防長安街  
非禁地比往來經行豈能盡密易曰君不密則

失臣臣不密則失身幾事不密則害成萬一漏  
洩機宜釁彰隙兆是國家受害成之憂而臣不  
免失身之禍也臣之未病憂力弗勝臣之既病  
憂幾不密力之弗勝既難勉竭幾之不密尤難  
曲防勉而弗勝尚資睿斷之周防之不密將誤  
國事之大臣心怔營而若碎夢錯愕而常驚日  
夜不安職此之故欲強起入直則羸體難扶欲  
請假調理則妨害日甚故不敢憂瀆擾之愆而  
已于再三之請也伏望 皇上亟簡閣臣數員

敬事草 卷八

三

入閣辦事在任在籍 聖明夙有定裁非臣所  
敢僭擬儻蒙如臣前請就近簡用俾幾務有歸  
不至屑越道路則于今日似為便臣亦得安意  
調理少寬憂惶生則報國有期死亦幽魂不愧  
五月初

言典禮揭帖

題文書官金忠捧出 聖諭諭內閣 祖宗制  
度父子天倫朕豈不知冊立冠婚分封典禮屢  
有明諭靜俟舉行何昨者諸司不體上心不遵  
屢旨又數來激奏必有群小之輩捏扯無根之  
言故來要譽諫阻好生可惡卿等輔弼股肱宜  
體朕意可傳示大小諸司靜俟旨行若有不遵  
瀆擾的必待來春舉行諭卿等知欽此臣等謹  
即欽遵傳示該部科通行恪奉外竊惟大典一  
敬事堂 卷八 三十一

事屢奉 明綸長幼次第既昭若日星三禮並  
行復堅如金石臣等恭體 聖意傳約諸臣靜  
聽無譁既無遺力矣乃復嘖有煩言恩干清燕  
此臣等之罪也然天下之大事與天下顯然共  
行之則人自無言乃者年復一年日復一日  
皇上又斷之意繼之以需故天下又信之人轉  
之為疑臣等備員股肱義同心膂猶能以肝膽  
孚信至於諸臣則影響相驚口語滋沸矣諸臣  
猶可以理論至於天下又影中見影聲外傳聲

矣是以意想測度捏扯滋繁職此之故也語曰  
揚湯止沸不如絕薪去火今未見於事誰信臣  
等之心未踐於行誰信臣等之言臣等捧誦  
綸言進退維谷在 皇上必謂臣等不能委曲  
調護致生煩言在諸臣又謂臣等不能仰贊  
睿謨克光盛典此臣等之難也夫 聖意久定  
本無可疑何必啟天下之疑盛典將行本無可  
言何必招天下之言鎮靜人心之機懸於 皇  
上伏望旦晚傳諭禮部示以嘉期使天下曉然  
敬事堂 卷八 三十二

見 皇上之心將人人歌誦之不暇復何煩瀆  
之有 十月十日  
五日上

乞補閣避位摺帖

題臣抱病多時幾務久曠屢欲勉強入閣柰苦於羸弱無畏風寒日夜憂煎頻起頻仆臣伏而思之既受 皇上深知摩頂放踵復何顧惜但頂踵徒損而無補于國不惟無補然且有損誤國之罪將焉所逃臣力竭矣前以偏用獨任有覆餗之患屢請增閣臣而不允近以私居票擬有漏洩之憂再請增閣臣而不報臣竊惑之古今命官之法無如唐虞曰疇咨曰枚卜人人而咨訪之人人而卜度之豈不詳慎然得其人則曰往哉汝諧即未得其人亦曰我其試哉未有遲延二三年而尚不決者今在任在籍諸臣瞭于 聖心何難簡用推擇之旨不知凡幾下吏部之疏不知凡幾上似行而復止屢跂而成空雖云慎重其人豈宜遲延至此夫大車之載非一馬之任必多其馬力而後可若群駿在前棄而弗御而第責之于一虺隤老馬欲進不能求逸不得此馬折膝破蹄亦何足惜而僨轅折輓

寧非主人之憂乎事關密勿其利其害惟 皇上與臣共之臣之利害止於一身 皇上利害關於宗社臣業已委致微軀為齏為粉所惜者皇上之宗社耳伏望 亟賜簡用無使政本為虛位而 明旨為空言若臣真乃曠官廢人孤恩負托久留已誤豈容再留再誤伏乞 早賜罷斥以重樞機

十月十七日上

請簡川貴總督揭帖

題臣惟播州之役自二三年來百方拮据始奏此捷善後諸務正在目前不意總督李化龍丁憂廷推王世揚郭子章二人代之乃世揚以京營重任蒙留子章以制禦安首難動復推賈待問王象乾二人既一月矣尚未欽定昨得四川巡按書揭云播中素稱沃野人人垂涎今當鼎革之時原有地上者思欲多占原無地上者亦思妄認四方流民充斥其間皆來占籍而各土

敬事草

卷八

三十五

司指以楊應龍侵奪為名紛紛告爭邊界必今冬清丈明白不誤來春耕種方可圖安若不耕則千里無食難保不亂若妄認則彼此戕賊亦難保不亂故新推總督不可容其緩來也在貴州按撫亦云破賊四月地尚無屬民尚無主地大奸多復生後憂且五司愚其民曰仍立五司有司號其民曰當為郡縣漫無統紀至相爭殺黔既不敢問蜀又不復言日夕月深患在眉睫其言若此則彼處日夜望新總督之早至情甚

急矣乃今尚未簡用到任益無日期撫按聽總督而不敢區畫總督聽朝廷而莫為主張以百戰所得之地方而置之若棄以二三年憂勤之功緒而終于無成五司團結夷心日歸是去一酋而生五酋本靖亂而反兆亂機會輕擲再圖費手臣之所大懼也伏乞 皇上亟將吏部會推川貴總督本即賜點用令兵部馬上傳發刻期到任圖善後長策紓西顧之憂

十月二十日上

敬事草

卷八

三十六

告病乞休疏

奏為病臣曠職久誤政幾仰祈 聖明亟賜罷歸以逭罪戾事臣以虛庸獨承眷倚叨逾已極報稱未能頂踵可捐髮膚何愛抱病以來已經兩月前蒙遣醫授餐仰荷生成庶幾骨肉不意福過災生欲起更仆疾攻其外憂煎其內肌膚瘦而如削精神散而若浮聞人聲則承響而驚操七筋則不寒而顫日奉御前發下章奏勉強票擬每閱一疏目昏花而屢拭每擬一票意瞶

敬事草

卷八

三十七

亂而常更無值天冬沍寒粟肌刺骨下床褥如離襁褓之難越階除如涉山川之阻蓋臣賦氣既薄為年復衰受事多時馳驅已竭至於近日則舉手投足無非艱虞觸目傲心盡皆愁嘆日銷月鑠彌不可支蒙 皇上殊恩不啻赤子之於父母何忍去國而徇馬力窮不堪於驅策桑榆景迫無望于栽培亮此身不復久在人間終無當于付托矣閣臣何官幾務何事踰六望七臣年何年兩月支離臣病何病 皇上雖垂情

簪履不宜以萬幾之重付衰病之臣臣雖心戀

恩私豈宜以垂斃之身玷 聖明之括小則曠

官廢政大則釀釁兆危害于國家有不可言者

伏望 聖慈寬臣尸素之罪早賜骸骨還山使

臣數載拮据不至盡隳于末路而 皇上萬年

基緒亦不大壞于病臣臣不勝拊床流涕懇惻

哀籲之至

十月二十五日 上二十六日奉

聖旨朕覽卿奏前疾未愈心甚惻然方今國家多

事正賴卿老成忠慎調燮贊襄安忍言去卿宜慎

敬事草

卷八

三十八

加調攝稍可即出輔政便着鴻臚寺堂上官前去

宣諭不允所辭吏部知道

謝宣諭疏

奏為恭謝天恩事頃臣以抱病纏綿具疏乞恩  
罷免奉

聖旨朕覽卿奏前疾未愈心甚惻然方今國家多  
事正賴卿老成忠慎調燮贊襄安忍言去卿宜  
慎加調攝稍可即出輔政便着鴻臚寺堂上官  
前去宣諭不允所辭吏部知道欽此欽遵該鴻  
臚寺卿張棟等到臣私寓恭捧宣諭臣病不能  
興謹伏枕望闕叩頭謝恩訖伏念臣樗材既朽

敬事草

卷八

三十九

駑力復窮尸位七年祇負恩于天地抱痾兩月  
乃獲譴于神明憂幾務之寢隳微寵靈而丐去  
方祈憐允更荷眷留輝煌天語之丁寧鄭重臚  
卿之臨况支離病骨厓繫屬于 聖心荏苒餘  
年忍棄捐乎國事顧臣身承獨寄愈重則愈覺  
其難效鮮一籌彌久而彌增其罪空有懷而莫  
吐夢寐皆驚屢非位而猶淹股肱盡廢昔也居  
山林而思魏闕今則游廊廟而憂江湖埃罪未  
誅祈死不得是以五衷結轡氣忿瀉而生災萬

慮侵尋心猖狂而若醉大忝臣子之誼反貽君  
父之憂賜之老成忠慎之褒過情太甚責以調  
燮贊襄之效稱塞何由感極涕零憂深汗浹儻  
未填乎溝壑尚仰谷乎生成

十月二十  
七日上

敬事草

卷八

四十一

催簡川貴總督揭帖

題臣聞善作不如善成善取不如善收播州之事今總督李化龍丁憂無人作主雖得其土置之若棄內則五司爭界外則安氏垂涎若不急遣人代之是廟堂之計失而西南之亂未有涯也臣日前已具揭上催未蒙省納臣心若焚何能安枕上則 聖意之難知下則人言之叵測惟有候旨而已伏乞 皇上早將吏部會推點用一人催去以圖善後幸甚儻前踧難以尋檢

故事革

卷八

四十一

乞特發一諭令吏部寫來或令再推即賜點用庶軍國大事無誤而臣責亦可少塞矣臣伏枕憂思謹以上請不勝跼踖之至

九月二十  
九日上

因王給事言調護中宮揭帖

題臣適接科臣王德完揭言中宮事臣兢惶殊甚切思此等流言在一月前滿京四布日至于臣之耳臣仰信 皇上曩倫建極萬無可疑近聞 皇上宴游中宮必從尤無可疑每為人言而臣一口不能勝人之多今德完果有此奏正為謗傳滿衢而欲明 皇上之心光 聖德于萬古也臣伏枕思慮竊恐 皇上偶未下察致動 宸威使人益增其疑輒敢強疾草奏 聖

故事革

卷八

四十二

明舉動關係匪輕惟冀萬分慎重或因此而明示 皇上惇倫厚紀之意使天下流言盡息尤在廷之願望也臣不勝披祈肝膽之至

上

十月二  
十九日

回諭調護中宮揭帖

題今日文書官并登傳出 聖諭朕覽文書見  
工科都給事中王德完不諳規矩妄言宮禁是  
非且中宮乃 聖母選擇朕之元配見今侍朕  
同居一宮就少有過失豈不體悉優容前准后  
弟王棟之罷伯爵實朕厚禮之意邇年以來稍  
稍悍戾朕每隨事教訓務全婦道中宮亦  
知改悟何嘗有疾畜物狂肆妄言惑亂觀聽卿  
等為朕輔弼股肱有君臣一體大義特諭知之  
敬事草 卷八 四十三

欽此臣等欽捧恭誦不勝戰悚臣等昨接王德  
完揭帖見其言及宮闈草野賤臣徒抱愛君之  
心不識告君之體則恐其上干震怒矣但此等  
風聞非止於一人亦非始于一日自兩月以來  
道路喧傳遍滿都市臣等屢聞駭震不已惟仰  
見 皇上敦敘彝倫懋建皇極一言一動無不  
以帝王為師豈于宮闈之間而生得失又見  
皇上厚禮王棟有加無已寵以伯爵隆以時賜  
則于中宮之禮占知無間始終每聞人言輒百

口為 皇上解釋今奉 聖諭悉知皇上加厚  
中宮之心真可示之天日矣然彝倫之重乃四  
海臣民所共瞻仰萬世史冊所共記注得則頌  
為鴻名失則指為瑕類關係甚大視一政一事  
之得失不同中宮伉儷 皇上二十四年于茲  
朝夕侍奉日月久長中外欽仰人無間言 皇  
上蓋之如天容之如地禮遇教誨固甚優厚萬  
一自今而後厚道稍減則天下見影生疑日滋  
多口臣等雖家置一喙安能闡揚 聖心而天  
敬事草 卷八 四十四

下萬世遂成謗聲輔弼無狀罪不可逭矣 皇  
上視臣等為股肱而臣等自視乃 皇上之子  
也 皇上為父中宮為母惟願父母安樂福祚  
無窮人子之心始能即安涕泣之導何能遽已  
伏望 皇上養性情平喜怒必毋使舉動少有  
過當以保堯舜之鴻名以釋道路之妄語以靜  
諸臣過計之煩言萬代觀瞻在此一舉伏乞  
聖明特加留神臣等無任惶悚懇祈之至謹具  
回奏 十月十三日



廷見後揭帖

題臣抱病多時不能入直政幾久廢日夜靡寧  
前具疏瀆陳懇祈罷免正惟曠官之是懼豈敢  
退托而求安荷蒙 聖慈眷留遣官宣諭君憂  
臣辱恩重命輕苟喘息之尚存何捐糜之敢避  
謹於本月初二日報名廷謝入閣辦事訖旦夕  
病衰殘之質不足以任天下之重憂懼交攻之  
心不足以圖天下之謀則臣所以如醉如癡跣  
天躡地者也

二十八年十一月初二日上

敬事草

卷六

四十五

起居揭帖

題昨日文書官再登口傳起居備知 聖體入  
月朔日以來動火害目連日進用湯藥未覽文  
書臣惟 皇上一身乃九廟神靈之所憑藉四  
海臣庶之所瞻依少有違和倍當靜攝既動火  
害目一切文書自宜暫停臣惟火因氣而生氣  
平則火息目乃心之竅心靜則目清怒發而不  
及制事久而不能忘則陽氣上升鬱而成火火  
多病目理之固然伏望養情性以中和懲忿慾  
以清靜廓然太公物來順應如皎日之消寸雲  
如紅爐之融點雪則心君泰然百體從令主靜  
以制天下之動執簡以御天下之繁古先帝王  
之所以無為而治者其道由此法宮嚴邃未緣  
躬承謹具祗候萬安

十一月初五日上

敬事草

卷八

四十六

極言調護中宮揭帖

題臣惟古之愛君者必于無人之所款曲進言  
臣千載竒逢為 皇上腹心之臣敢密以腹心  
之言進前月三十日接得 聖諭具揭回奏比  
時臣病初起不能盡言然恐洩漏 聖諭除首  
輔外嚴密至今不敢使一人見也外廷言正紛  
紜若見此諭必又生出一番新奇疑議臣之調  
停愈苦愈難矣蓋此流言之興非但今日在昔  
十年前民間即已鼎沸萬曆二十一年二月內

敬事草

卷八

四二

輔臣王錫爵指誓天日為 皇上辯白其揭帖  
中已有外人疑不利於中宮以為奪長之地者  
臣力辯之等語 皇上試取先年原揭一觀則  
從來人情險仄可知况遲至今日而典禮未定  
何恠夫紛紛也獨臣以股肱大臣心信 皇上  
恨不分百身百口為 皇上辯白而臣以辯白  
之故吞荼茹苦忍謗忍譏者亦不下于錫爵顧  
臣分也亦復何言若以諭札傳外外人必不謂  
皇上一時因小臣生怒而必謂果符前情不利

於中宮矣然則民間數年之謗本虛而反以為  
實 皇上數年之旨本實而反以為虛臣所以  
為 皇上辯白者不以為愚即以為佞雖欲再  
開口何可得乎民間設疑以待 皇上 皇上  
不知而誤墮其中此時紛紛臣尚可以辯白千  
年萬載史書之中誰能為 皇上辯白者况今  
天下處處愁苦人人造言到處粘帖日新月盛  
各邊糧餉匱乏各處豺虎縱橫不逞無賴之徒  
常思乘間而起若大綱常大倫理稍有未妥則  
奸雄必且借詞安危關係不小安可以無一辯  
白也 皇上以上聖之資建彛訓之極必不肯  
有一毫差誤臣讀 聖諭內有悍戾不慈之語  
不覺惶怖欲絕及至亦知改悟何嘗有疾驚魂  
乃稍定耳中宮為 皇上元配選自 聖母體  
統甚隆既二十四年矣歲時甚久見今朝夕常  
侍同居一宮恩好甚篤被 皇上肅雍之化以  
成柔嘉之美天下各王府以至萬國四夷無不  
歲進表箋瞻仰戴仰儻聞此諭而妄加驚疑尤

敬事草

卷八

四八

為未便試觀臣庶之賤夫婦之間即有違言不  
告鄰里矧尊儼於宸極言隱于掖廷一字絲綸  
震動天地如之何其可輕也臣揆度 聖衷原  
無纖毫芥蒂特以臣等腹心大臣不覺深言至  
此耳所奉 諭札臣今既不敢發示于廷以傳  
臣下又不敢尊歲于閣以傳史官擬欲繳進御  
前未敢擅便謹此密請惟幸 裁許臣聞聖主  
刑家之化以和洽為至美大臣格心之業以調  
護為精忠 皇上之尊天也尊者意向衆目所  
窺萬一左右顛愚未知大體不悟 皇上之言  
出于辯白美意而或妄猜妄搆浪傳浪語幾微  
之際不防末流之患非細則此諭非惟不宜昭  
布于外廷此意亦不宜微露于宮禁也情之至  
迫者臣不忍不言語之至深者臣尚不敢言哀  
病餘息驚戰不已累思數日始成此揭惟 皇  
上諒之察之臣草芥冀土耳尚自愛惜不忍汗  
萬古史書為子孫累矧父事 皇上母事 中  
宮 宗廟社稷之依天地神人之主身為輔弼

受恩隆重安忍坐視不言少傷令名為萬古史  
書譏訕天地不壞則史書不滅一字得失臣甚  
畏之欲保令名請自慎發絲綸謹戒樞機始故  
竭其區區之愚

十一月初六日上

敬事草 卷八

五十

起居揭帖

二臣題前日蒙傳諭 皇上動火病目數日以  
來一切文書多未覽發仰知 聖躬尚在珍調  
臣等備員股肱心傾葵藿不勝瞻依以日為歲  
竊惟近年 龍體偶有違和多在頭目之間總  
之皆屬火症火之為症由六氣之侵七情之感  
相激而起水不上行則鬱而生火肝氣受害則  
病移于心况今節交冬至乃陰陽相薄之時寢  
膳不時賸理不密則風寒之凝龍鑪火之薰爍  
敬事草 卷八 五十一  
皆能為害故月令仲冬齋戒掩身去聲色禁嗜  
欲安形性此古先聖王順時保畜之術也伏望  
皇上慎攝起居平衡喜怒使天君常泰元氣常  
充耳目清明肢體強固宗社幸甚謹具題恭候  
萬安 九十一月初九日上

時事揭帖

題自初四日文書官傳 聖目動火未覽文書  
臣隨首輔及下僚恭候 起居至今文書尚未  
傳發臣心惶惶憂思天和或未盡回也官禁遠  
密莫從請問百僚問臣無可置對中外人心同  
臣惶惶臣亦因之加憂增病再感風寒然不敢  
上聞則以臣子不能為君父解憂安可致君父  
為臣子動念故不敢也諒惟 天地錫祥 祖  
宗禔福增萬安之慶矣伏乞 宣示以副億兆  
敬事草 卷八 五十二  
引領之誠臣再惟一日萬幾堯舜所儆今此違  
和乃 皇上夙宵不寧所致但恐文書未發日  
多則 聖心焦勞日甚而妨于調攝不小今最  
急者冬至大祀在十六日 皇上既萬分保重  
則遣官恭代原有舊規所宜早命凡關 郊壇  
及祭告 諸陵遣命之本俱宜早下至于水旱  
蠲恤本題留朝覲官員本題補川貴總督本皆  
係緊要而九邊軍餉本尤至緊要蓋邊軍缺餉  
有半年以上者矣當此窮冬儉歲何以聊生脫

中鼓譟理勢必有寧夏之變殷鑒不遠臣昨與  
 都御史溫純商量純言必不得已且再借太倉  
 老庫銀以救燃眉猶勝于亂若亂起而復救事  
 益多矣臣心是之敢預奏聞伏乞寧耐 聖心  
 靜養 聖目且將前項緊要文書先發臣不敢  
 不竭蹶恭擬以稟 聖裁臣自恨才短不能代  
 天誠微不能感聖致令君父獨勞可勝踖踖然  
 區區愚忠措不敢懷欺罔專擅之私存鹵莽苟  
 且之心以負天地生成之恩若夫草莽微生有  
 故事草 卷八 五三  
 何足惜狗犬賤疾亦不須憐稍可見風即嘗就  
 日鞠躬盡瘁臣子當然不敢絮絮上聒于宸  
 聰也惟幸至仁少寬之耳恭惟 萬安并陳悃  
 款微忠 十一月上 十二日

回奏揭帖

題今日文書官盧受口傳

聖旨王德完因為大小九卿諸司官員救護瀆激  
 着打一百棍發原籍為民冊立冠婚本欲舉行  
 因大小臣工沽名市恩屢屢瀆激所以延遲又  
 該司禮監成敬口傳 聖意大小臣工為皇長  
 子重為王德完重如為皇長子重不必又來瀆  
 激如為王德完重上本來故致延遲欽此二臣  
 傳意甚詳臣恭聽竦繹謹即欽遵傳示大小臣  
 故事草 卷八 五四

工恪加遵守仰惟 皇上天性至恩國本遠慮  
 上遵 祖宗家法申言長幼有倫屢諭極明昭  
 垂四表原不須小臣聒瀆致干震怒乃其自取  
 諸臣瀆救亦屬常事既蒙切責諒皆震懼拱聽  
 德音以光大典 聖意久定不移豈以人言而  
 早亦豈以人言而遲伏乞 皇上以聖躬為重  
 培養性情迂迎和氣為宗廟社稷萬萬保重不  
 必以小臣觸迂介懷臣不勝惓惓仰祝之至十  
 月十七日

暫假揭帖

題臣于二十日在閣辦事被風寒所感至晚到家體如焚灼今猶未入一米蓋緣感而復感以致病之益深也臣自傷薄命痾瘵相纏縱獲安痊尚須調理伏乞 聖慈矜允暫假臣不勝伏枕叩祈十二月二十三日本日奉 聖旨朕覽卿奏偶疾准暫假調理稍可即出輔政吏部知道

敬事草 卷八

五十五

言張真人揭帖

題伏蒙發下大真人張國祥二本為乞恩優免差徑并乞免本山上清宮差徑事一為豪惡乘機侵葬祖塚強占山場事臣擬下部院此係舊制不敢違越而三次蒙發改票臣未測 聖意所在但思天下田土除皇莊外無不出辦差徑者今國祥恃恩祈免上比皇莊已非國制且其糧數二百八十石加三百五十石計田將有二萬餘畝恐當盡一縣境土矣安可悉蠲其徑耶如此則縣官無寸土之餘而軍國費用靡出矣臣查得品官蠲免皆有定數即皇親勳臣之家亦無全免之理 皇上既欲特廣聖恩亦宜下部斟酌不惟通融民力辦理公儲且以防奸沮釁過不道之源而弭專之漸也其侵葬一事已悉依其原奏行彼撫按勘問 皇上明見萬里伏乞 俯垂睿照庶政無偏黨而人咸悅服臣謹再改擬票上進仰候 宸斷施行十七日

敬事草 卷八

五十六

言劉侍郎揭帖

題掌詹事府事侍郎劉元震九年考滿已經具  
題未奉 俞旨照得本官真操薦行瞻學長才  
直講多年日勤啟沃九載一官有難久滯該部  
擬陞尚書實係常格觀其遠引嘉靖中年張邦  
奇例則知自隆慶以來侍郎未有待九年陞者  
矣無論本官之才可用即講幄近臣勤久如此  
諒蒙 聖心之嘉獎矜憐也但禮部尚書今雖  
見缺已經吏部會推未點本官雖亦預推宜俟

敬寫 卷八

五十七

親擢今考滿本宜就見掌事府加與尚書職銜  
似為妥當既係日講仍宜帶學士銜照舊掌詹  
給與應得誥命伏望欽定發行庶昭典學崇儒  
德意而詞林預有光榮思靖獻矣

十二月初六日上

寶鈔局火起居揭帖

題今日寶鈔局失火臣不勝驚駭隨聞救熄下  
情始安仰惟 皇上福履廣大萬神護持精稷  
潛消興居集慶顧茲冬寒風高之日倍當申儆  
內外慎加豫防庶幾有備無患也臣無任瞻依  
恭候萬安

十二月初七日上

敬寫 卷八

五十八

入直揭帖

題臣於十一月二十三日再感風寒乞假調理  
伏蒙 聖恩俯垂亮允因得詢醫治藥幸全微  
軀天地高厚之德頂踵無以報稱已于今日報  
名廷謝入閣辦事訖不勝感激二十月十  
二日上

欽  
聖  
裁  
卷八

五九

票吏部本推陞欽降官揭帖

題前日蒙發吏部推陞官員一本傳 諭何喬  
遠遠中立係 欽降官員如何亦在陞內 命  
臣出旨臣于此時心亦甚駭吏部何敢若此今  
接回話揭帖始知 欽降官員有不許朦朧推  
陞之旨者吏部不曾推陞今何喬遠因失僉職  
名降者遠中立因救顧憲成降者既非觸尊紀  
上亦非有不許朦朧推陞之旨照常推陞亦可  
原也既已認罪伏望 俯鑒寬容臣謹擬票上

欽  
聖  
裁  
卷八

六二

進  
恭  
候  
聖  
裁  
七  
日  
上  
十



言劉侍郎揭帖

二臣題恭惟 皇上懋勤聖學命講官逐日撰進講章體貌錫賚素蒙優渥凡在詞林靡不感佩講官原用六員見在止二員殫心敷陳亦不暇給而侍郎劉元震近以三品九年考滿該吏部照例擬陞尚書未奉 俞旨臣等竊惟舊例考滿官員非奉旨復職者不敢管事今元震已離舊官未拜新命兢惶跼躄進退無據所有詹事府印信及日講事務臣等未敢擅便處分但

敬事草 卷八

李一

查舊例九年考滿官陞授二級本官與例相合吏部所擬及臣等所票第循典故非敢私也伏望 皇上俯垂清照渙發隆恩准陞劉元震禮部尚書兼學士仍掌詹事府印信照舊日講或念其微勞給與應得誥命稍示眷酬庶掌詹講讀不至缺人而本官可申其靖獻之忠矣今詞臣寥落差用不敷臣等不得不為之惓惓月十二上十日

登樓受俘請扈從揭帖

一題臣以非才待罪密勿自甲午到京恭遇 皇上御門獲申一謝其後相繼免朝未睹 天顏之喜色者七年于茲矣念臣昔以編修侍講筵無一日不承清燕而今叨近輔顧不如昔之遭逢之為奇也饑渴之懷難以言喻茲遇 皇上以征播功成御樓受俘正天下快覩之期微臣媚茲之日查得萬曆三年獻俘輔臣有扈從登樓之例竊不自揆仰徵 聖慈容臣是日扈從

敬事草 卷八

李一

登樓一申起居以表瞻天就日之誠起居既畢臣仍退趨大班同群臣拜舞慶祝于 闕下用成大禮是不惟微臣竊藉寵榮而 聖主推心降接之隆有光疇昔盛世君臣同游之烈不減祖宗矣不勝髦髦之極思伏候 勅旨二十月日上二十 五日奉

朕正欲召卿面見以昭君臣交泰之義但今朕近日偶感風寒服藥調攝不奈勞煩且征播功成獻捷大慶又不可曠行勉力御樓以成典禮覽卿奏

具悉忠愛懇至免其扈從照常隨班行禮特諭卿  
知

謝賜揭帖

題今日獻俘伏蒙 聖恩念臣侍班風寒特賜  
臣甜食二盒伏薑一盒臣謹叩頭祇領訖恭惟  
皇上赫誅播賊武績告成凌寒御樓受俘明法  
正當萬國來朝之日四夷造廷之時臣在班行  
悉聽輿意或頌聖靈之遐暢國有明威或言及  
側之必誅天無遺討莫不震心悚目忭手歡顏  
衆堅忠順之心人戰二三之志 皇上六飛一  
御萬目改觀真如太陽出而氛祲消玄冥開而

象締合不惟欣逢盛烈抑亦快覩宸暉占祉錄  
之無疆信壽圖之罔極此臣之所以手舞足蹈  
有萬于恒情者也矧茲涼賤更荷匪頒衝寒臣  
分當然錫畫君恩持異誓當結草寧直銜環二十  
月二十  
六日上

催庶吉士補科道揭帖

二臣題照得戊戌科庶吉士蒙 皇上加意作  
養三年有成 命臣等考試散館內黃國鼎等  
十二名已蒙 准授翰林院編修等官其梁有  
年等七人例應授科道等官吏部二次題請未  
蒙准發臣等竊思各官已經散館無所歸着一  
時同學悉被恩輝而獨遺七人于心未忍今給  
事御史察察缺差數月以來零落尤衆以此七  
人填補亦未為多伏望 一視同仁勅下吏部  
准其補授供職庶臣等得終教習之事而各官  
可効奔走之勞矣十一月二十六日上

陳見求面對之語揭帖

題前日獻俘侍班蒙 皇上念臣風寒特賜伏  
薑甜食三盒臣隨具揭奏謝 皇上體悉微臣  
真同心膂有知不能展布四體竭忠殫猷以圖  
報于萬一非人也臣前請扈從頗欲陳見所懷  
既已無緣敢申筆札臣惟方今王靈不振屢奏  
武功時賊授首倭奴遯踪北虜尋盟西戎歸土  
今播酋又禽舉族為俘稱盛際矣然兵非佳物  
武非善經費財損人塗原膏草內地之所傷者

亦不可以數計故曰不祥之器聖王不得已而  
用之上帝好生不好殺堯舜帥仁不帥暴豈可  
嘗試乎譬之水火豈可屢蹈哉漢光武以兵定  
天下者也嘗曰每一發兵便須頭白其畏言兵  
如此臣願 皇上之念此而重此也惟是諸將  
之賞不可不酬前此陝西松山之功再敘未下  
臣竊疑之 皇上未嘗吝武功之賞而何為留  
此豈視松山之功同于閔視歲修之易乎夫松  
山拓地千里驅虜于絕漠之外至今諸酋未嘗

不望陰山而哭誠國家不易建之勲而近百年  
未有之事與閱視歲修相去天淵不可以例論  
臣固願 皇上之察此而無惜此一賞以收邊  
臣之心也今播功又當敘矣望與松山之疏早  
賜並發不然將士缺望而異日何能驅使誰用  
命乎臣固知 皇上加意于此必無所怙然不  
得不先事而言也抑又有大者焉今天下朝覲  
官員並集闕下既覩獻俘之盛典咸昂首軒眉  
誦功德之巍巍矣而其聚頭竊語又願觀 皇  
敬事草 卷八 六一  
長子冊立冠婚諸皇子分封典禮之成為千載  
一時之榮遇此事 聖心久定發一 明旨舉  
行至易也目下歲已逼除數日即為春首禮官  
之疏諸臣之牘又不容已與其待請而後行孰  
若不請而自行以明 皇上天性獨厚之至仁  
乾綱獨斷之至健曠然改萬方之觀歡然慰萬  
方之願而蕩然釋萬方之疑豈不甚盛德哉臣  
既蒙超常之視不可自視為尋常之臣日慮人  
衆口多喧譁煩聒恐春來而煩聒又起是以先

事而請及時而陳惟斷而行之即此歲內發  
諭禮部俾令擇日具儀則萬世典禮萬心注瞻  
而一旦裁定天下之頌 聖德者又當出于武  
成之上萬萬倍也  
十二月十八日上

敬事草卷九目錄

求補閣臣及禮卿揭帖

再求補閣臣揭帖

糾劾來朝官請臨御揭帖

請允首輔歸揭帖

催考官揭帖

請補天下官揭帖

請補講官揭帖

言大禮揭帖

李成梁可遼帥及宣大督撫當補揭帖

再催遼帥及言罷斥多管揭帖

乞假揭帖

辭府江恩命疏


謝問疾賜物疏

再辭府江恩命疏

乞歸疏

三辭府江恩命疏

乞慮囚揭帖



乞歸揭帖

言楚亂揭帖

四辭府江恩命疏

大典揭帖

五辭府江恩命及乞歸疏

回諭札言楚變處置揭帖

又言楚事遣官揭帖

催點各司道官揭帖

票鄭國泰本附揭帖

言首輔病催補閣員揭帖

擬救荒諭揭帖

催補科道揭帖

言李頤當陞揭帖

救何棟如揭帖

再揭帖

催點四川巡按揭帖

救何棟如馮應京揭帖

催大審揭帖

敬事草卷九

柱國少傅兼太子太傅吏部尚書中極殿大學士臣沈一貫

求補閣臣及禮卿揭帖

題照得新春序入典禮將行又當會試殿試之年有考試讀卷等事一一繁重皆宜備官而首輔在告既難強起臣愚一身不給任使乞將屢推閣臣特賜簡命以供承弼典試之用其禮部堂上止有右侍郎朱國祚一員亦難展轉併乞檢吏部所推尚書侍郎各點一員庶幾衆職

敬事草卷九

有供而典禮無廢緣時日近迫職掌攸關不敢不摘其緊要者冒顏以請惟垂念而亮允

正月初五日

再求補閣臣揭帖

題照得今年二月當會試之期舊例命閣臣一員主考今首輔病已危薦止臣直閣無可承遣又禮部舊例該知貢舉官二員一員入場供事一員在部掌印今止有右侍郎朱國祚一員不免顧此失彼殿試事務尤係內閣專職往時閣臣四五員分理尚恐不給今臣豈能獨辦亦恐禮部之難拮据也直今冠婚冊立大典將成備禮備官需人尤急臣于本月初五日上揭恭請

敬事草卷九

久候未下輒敢不避煩瀆乞皇上親簡閣臣二三員以資贊襄并于吏部會推本內點禮部尚書侍郎各一員以充任使臣素嬰多病近益衰殘年間屢告實非得已今月初十日詣午門前謝假俄觸風寒即發痰暈又汗又吐又下一時並集移時方醒扶掖還家調理緣係令節不敢奏聞至十三日因頒詔慶典強出供事今猶目眩耳鳴不耐辛苦君恩山重聖眷天隆委身鞠躬自臣分誼但恐力窮智竭僨轅覆餗憂不

細也既無所推避又無所控祈且係迫切緊要  
之際安得不哀請于君父之前惟冀 聖慈俯  
留片晌之神不惜隻字之重命官分治以亮天  
工庶幾臣得藉手以報鴻恩

二十九年正月十六日上

敬事章 卷九

三

糾劾來朝官請臨御揭帖

題該刑部等衙門一本為糾劾事因天下大小  
官員來朝擬于二十三日舉大班糾劾之典臣  
惟朝覲考察國家大事既以黜陟寄之部院慎  
詳隲而明至公又以糾劾揚之大廷飭訓辭而  
昭聖意不過一臨蒞一戒諭而激勵人心之大  
機實在於此自頃以來 皇上葆真清籙希傳  
蹕音而法禁浸踈人心浸玩則所以易踈而密  
起玩而惕者正在今日蓋此典乃三載一行非  
故百五 卷九

常行之典各官又萬里遠至非常朝之官考察  
既畢雖薄有所懲而糾劾未行豈翻然知改非  
引之于至近臨之以至尊肅之以彈章需之以  
玉音則德意無由而宣達精神不見其流通計  
事雖成視同故事人心終無警吏治終難興也  
比者征播獻俘御樓受賀各官快覩猶謂竒逢  
若親以其職事而儼然睹天威于咫尺翰然聆  
天語之責成其為濯摩更當萬倍伏願 皇上  
暫移天仗一御文華殿面賜糾劾處分不惟使

來朝諸臣有所稟承而在廷在外爭自奮矜思  
宣德意于天下矣正明上

敬言立  
卷九

五

請乞首輔歸揭帖

題蒙發首輔病告本令臣擬票臣一向望首輔  
再起且避嫌疑不敢輕票其去比冬入春臣親  
見其病勢沉重而其二孫及諸家人皆向臣洒  
泣若擬再留則臣以不誠事 皇上且以不信  
待僚長矣為輒擬恩放一仰體優禮輔臣之意  
查例從厚臣不敢私惟 聖明裁亮二月初四日上

敬言立  
卷九

六



催考官揭帖

二臣題會試各供事官例以初七日陞辭入簾  
今已初六矣臣等推舉考官正副二員未奉  
俞旨時日甚迫伏乞 皇上垂念即賜批發庶  
不誤明早入簾大事伏候 敕旨 二月初六日上

欽定四庫全書

請補天下官揭帖

題昨吏部尚書李戴到朝房會臣言大察之後  
外任缺官甚多而最緊要者天下兩司缺七十  
餘員頃者推補未俞不勝懸跂臣惟布按二司  
官乃一方官之綱紀綱紀弛則條目廢簿書期  
會無所稟承貪酷縱肆無所稽察錢糧無所督  
催盜賊無所詰捕訟獄無所清理軍民無所安  
輯地方關係誠非眇小大察畢時 明旨令各  
官領勅之後嚴限刻期到任不許留京過家違  
者聽撫按官嚴叅重處蓋宸衷之周于四海如  
此今吏部推本未下又上總催及職名脚色一  
本簡要明白便于覽裁伏乞留神點發臣愚不  
勝惓惓 二月初三日

欽定四庫全書

請補講官揭帖

二臣題照得日講官舊例六員後止存二員一撰大學衍義講章一撰通鑑講章今春講官劉元震考滿未經復職則僅存朱國祚一員撰通鑑講章而衍義講章闕人撰述因循日久曠廢滋深在元震則堅以未奉復職之命不敢朦朧直講此其翼翼之小心也乞命元震照舊日講惟復別有處分庶臣等有所遵奉不誤講讀大

事 二月十四日

敬事草 卷九

九

言大禮揭帖

題臣自去年春夏之交入侍 皇長子講筵至于杪秋病告不出昨者循例入侍曠違一年矣仰見睿體益克睿學日懋聰明仁孝簡默端凝甚肖我 皇上真吾君之子也臣不勝慶賀臣惟冊立冠婚之典屢奉 諭旨昭如日月中外遵守亦既有年臣每抑按諸臣令其靜俟今春已過半而未聞當詳一則信 聖衷之無他一則諒時勢之難緩頃 皇上渙發天心特命移

敬事草 卷九

十

宮又傳講學此中外所為安定也但眾口不齊人情難保桃夭之期甚迫而迨吉之命未聞其為激聒端恐不免伏望趨此諸臣無言之時接續發諭令禮部擇日具儀以成慶典以彰英斷幸甚臣惟我國家聖聖相承家法極正我 皇上至孝寧親至友睦弟至慈鞠子一動一作必于禮制皆可為萬世準繩緝熙光明正在今日以昭令名于海宇以軼顯號于帝王令索瑕指類之徒不得輕弄筆舌豈不美歟臣又惟華封

老人之祝帝堯也一曰富一曰壽三曰多男子  
豈不以富而且壽始見福徵多子多孫方稱全  
福此盛德聖人之所克享而忠愛臣子之所共  
祈也臣嘗恭考我國家史牒 太祖開天立極  
壽考發祥時則二十五子一百二十一孫累朝  
以來本支日茂如 成祖四子二十一孫 仁  
廟十子十四孫 英廟九子三十孫 憲廟十  
四子二十一孫 皇祖世廟篤生 穆考光啟  
皇上所誕八子五女十一子女孫當其時龍種

尚書書 卷九

滿前捧觴上壽衍皇派于不億奠磐石于萬方  
有親見曾孫而含飴嬉弄剖圭分封者父子祖  
孫白首與朱顏相映宮闈熙熙稱至樂已故記  
稱父母和順而本之于宜爾室家詩詠克昌厥  
後而繼之以綏我眉壽然則室家之樂正以醞  
釀太和而開 聖心之愷懌子孫之昌正以培  
養元氣而增 聖壽于萬年也今 皇長子既  
踰冠室之期諸皇子亦當長成之日繩繩繼繼  
宜子宜孫 皇上方以盛齡凝命厚德歛福可

以齊休 二祖而度越 諸宗令螽斯麟趾圍  
繞膝前而共舉萬年之觴此人間之至樂 聖  
皇之能事豈惟家慶實乃國禎何不及時而遂  
舉此禮也臣又聞之信鄙俚之談者閑理義之  
論狗曲小之忌者妨遠大之福故無稽之言勿  
聽弗詢之謀勿庸惟德動天眷德自古談陰陽  
天人而窮理盡性以至于命者莫詳于易易曰  
天之所助者順也人之所助者信也是以自天  
祐之吉无不利也夫以天人之助而歸之順信

敬書 卷九

十一

則一德修而與吉會可以斷天下之疑矣今豈  
有以妨忌曲說進而致 聖心不能釋然乎明  
主舉事惟問典憲何如理義何如聖賢之謨訓  
先王之成法何如若浮游紛淆依托疑似非經  
非法之言皆絕勿進故禮樂明備道德崇厚而  
祿壽亦無窮也今臣雖愚所靠者 皇上所重  
者 君父所守者忠敬所願者吉祥日以福壽  
康寧為 皇上祈祝于 皇天后土 社稷  
祖宗之前即滿朝臣子賢愚不同而此心盡同

儻有小小妨忌豈忍冒昧隱默不思一為委曲  
通融成全之計者乎 皇上聰明齊天諒無此  
等繁係有如一不釋請思 祖宗時循用何道而  
康寧福壽則知妄忌不足信而良時不可失矣  
臣獨力承天無可推托故不覺率爾深言不知  
忌諱揆理度事稽古考今聖賢垂世立教之論  
祖宗光前裕後之蹟昭然不爽更無纖疑實非  
強辭借言為開道計 皇上信臣甚專托臣甚  
重而又正在少歡樂多憂虞之際放心沃心釋  
敬事草 卷九 一三

虞成歡真輔弼事臣復何人而敢懷情不盡是

一其區區惟

聖明留神省察

二月二十  
七日上

言李成梁可遼帥及宣大督撫當補揭帖

題臣惟當今急務莫有甚于邊防者遼帥馬林  
既見黜矣 聖諭令兵部早補是誠至計昨接  
塘報言虜歹青等于三月初一日犯錦州方春  
虜馬正弱而敢于入寇其蔑視中國甚矣幸我  
兵偵探備禦無所失即出境耳遼之仕官及舉  
監生員吏役人等連名投揭朝房謂昔李成梁  
鎮守遼東二十年屢奏捷功虜人畏服自成梁  
離鎮十年之內八易大將戎務盡弛戰守無資

敬事草 卷九 一四

遼事之壞已到七八分處還將成梁前去方可  
整理不然日壞一日必無遼矣彼家在鐵嶺為  
國為家必宜盡力况其威名夙著命若一下虜  
必知懼非他將所能及也衆人再三懇臣奏聞  
昨本兵與臣商量故俯順輿情推舉前去伏望  
皇上軫念遼東國家肩辭陵京藩鎮准命李成  
梁出鎮仍乞稍加禮數作彼忠勤勉以大義勿  
許以老為辭國事幸甚臣又惟宣大與大虜只  
隔一牆虜王雖安靜而別部小達子時時作歹

未可便置度外又况虜性無常安知不乘我懈  
弛俄作參差乎今宣府巡撫王象乾已陞川貴  
總督而宣大總督楊國禎又適丁憂二缺皆經  
會推未蒙點用臣以為此又一大急務也巡撫  
之篆可令總督暫管而總督又缺復令何人代  
庖一切撫賞諸夷統率將士分布兵馬督理糧  
餉緝捕盜賊安輯軍民皆非小務又無主管則  
內而廢事外而損威諸虜聞之不益輕中國乎  
此二員官比之天下各衙門官萬分緊急伏乞  
敬事草 卷九 十五  
早賜簡用點發幸甚幸甚臣考嘉靖間 皇祖  
甚重邊計然尚有庚戌之事虜騎直薄京城烽  
火照徹禁內 皇祖至廢寢食逮 皇考時俺  
谷因愛子來降感 朝廷不殺之恩始受封爵  
然虜王之所不能制與陽順陰逆狼子野心者  
又何限也比來居安忘危玩視忽戒頗輕邊任  
頗薄邊功如閱視之賞稽格不下饋餉之需乏  
絕不繼豈所以慎疆圉而衛社稷哉有如虜一  
旦狡焉逆我頽行縱有善救者起而撲滅其所

傷豈一二乎孰若明賞罰善廢置謹守成法不  
費心力而永絕患虞之為愈也臣寄任匪輕憂  
責實大敢不縷縷盡言幸而無他臣言猶為遠  
慮不幸有警曉下便生近憂禍福之機寧可料  
度有備無患古之格言伏惟採納芻言見之施  
行幸甚 三月初九日上

敬事草 卷九

十六

再催遼帥及言罷斥多官揭帖

題臣惟 國家大事莫甚于邊防而我 朝建  
都與虜為隣朝發夕至尤為喫緊 祖宗列聖  
經略備具至于 世廟親罹庚戌之變尤極加  
意焉遼東近罹倭虜之擾者十餘年殘破疲累  
危到七八分處今日再不整理必有不忍言者  
總兵馬林既蒙革任內外無論謂非李成梁不  
可 皇上徃年特用李如松固嘉成梁威名尚  
在而謂其子必能制虜也今若即使成梁老手  
敬事草 卷九 十七

展布視子更精必當不負任使矣麻貴亦一老  
將威名不減但係西人必用西兵為家丁馬林  
因用西丁攪擾遼人家為之厭苦麻貴若不  
帶家丁則無手足若帶家丁又蹈前轍不若成  
梁即用遼丁為簡便也二人之外豈無他人皆  
止因人成事僥倖成功者耳成梁雖老久無宦  
情而其精力矍鑠尚稱謀勇廷臣推舉不敢孟  
浪惟冀 允可至于宣大總督宣府巡撫臣前  
揭已盡實宜早點又有薊遼總督延綏巡撫二

推亦宜早點邊寄之重萬倍常員因循既久不  
惟我軍懈怠抑使夷虜生心剝膚之憂所宜惴  
慄望勿以等閒例視也臣又惟帝王圖謀大事  
必講求長便講求長便必博採群言博採群言  
必舍己從人若一人斷制必有未盡小事有錯  
猶可改圖大事有錯悔之無及九邊之計豈但  
軍民生死所關抑亦社稷安危所係要使眾人  
各吐所懷百司共効其力頃見 嚴旨罷斥多  
官臣不能無疑焉臣今進言 皇上必謂臣為

敬事草 卷九 十八  
救多官耳夫多官固亦宜救而得失尚小若邊  
計軍情得失甚大願 皇上于此虛心觀理露  
威反汗實宗社無疆之福即不能盡釋于胸亦  
宜稍加分別兵科其職掌也事有不可得而辭  
者即言不當尚宜審之容之况其言或有時當  
者耶職方郎中舉用大帥匪可草草倉卒為也  
其員外郎二員管督捕編軍主事六員除管山  
海關外其五員分管清軍驗軍九門存恤若推  
補將官係郎中專職同僚素不參預一槩降調

此亦 睿思之所偶遺也夫恩施于不當施之  
處則褻威施于不當施之處則濫褻恩濫威而  
欲求治猶及冬于夏而易秋于春臣民無所托  
命矣昔賢有云天下事非一家私議願平氣以  
聽之臣今亦願 皇上平氣虚心講求長便採  
臣芻言臣此心不欺可對天地惟 皇上照臨  
三月上

乞假揭帖

題臣于前晚出閣到寓為涼風所襲吐瀉兼作  
因而滿身如焚百節盡痛呻吟苦楚本期調理  
稍痊入直今雖三日未見有效臣心萬分不安  
伏乞 聖恩准容給假調理謹題請旨  
十八日奉  
聖旨卿偶疾准暫調理閣務繁重稍可即出輔政  
吏部知道

臣芻言

一十

欽定四庫全書

二十

辭府江恩命疏

奏為驚聞殊命分難覩承懇乞 聖慈俯容辭免事項臣偶疾請告調理該吏部接出 勅諭勅吏部府江叛徭蕩平大獲全捷內閣輔臣運機調鼎勞績可嘉茲特加恩示酬元輔志臯加無太子太師還賞銀八十兩綵段三表裏次輔一貫加無太子太傅還賞銀七十兩綵段二表裏各廕一子入監讀書餘官如故都照新銜給與應得誥命如勅奉行欽此移咨到臣不勝愧

敬事草

卷九

三十一

汗不勝感泣顧揆愚分深切兢惶隨該文書官金忠恭捧銀幣到臣私寓臣不敢固辭扶掖望闕叩頭恭領容臣另行報名廷謝外惟是陞廕萬分難居輒敢畢其區區之愚臣惟朝廷之所以御世者惟賞罰賞罰當則人效其官而莫敢逃其責人盡其力而莫敢愛其身故賞罰非可以意輕重惟功罪是視也府江之捷介胄士之勞也臣居內閣獨特文墨議論耳即有題奏之經承大都皆職掌中常事非能運籌授畫如古

發蹤指示者比也武夫力而獲諸原文臣坐而分其賞人當謂何 恩命出于 聖心意常從厚而閣臣不預邊賞臣等屢言不可復濫也明甚臣聞施惠于人者當令其可受古者愛獎袴以待有功雖在金幣未可輕與顧 皇上體貌輔臣時加橫賜而臣既忝其官敢辭其賜抑情而受猶有可言若加官廕子非常恩數疆臣之蹠血履腸者上賞不能過此而臣何人也敢冒領乎聽臣之言行臣之意所以榮臣厚臣者甚

敬事草

卷九

三十二

多臣之所得侈矣臣願 皇上推優厚輔臣之心徧及勞臣毋使人有缺望之嗟不均之歎又願 皇上推賞人從厚之心罰人從薄使皆游于光天化日之內以無傷其樂生之心則臣立下風竊得分光借輝逃咎塞責臣之幸也 皇上之賜也伏望俯鑒臣言非虛收回成命將陞官廕子誥命等恩准臣辭免臣無任懇切感激之至

三月二十八日  
四月初二日奉

聖旨府江大獲全捷朕心嘉悅卿為輔臣朝夕協



贊殫忠運籌加恩酬勞實為舊典宜遵成命不允  
所辭該部知道

敬事草 卷九

二三

謝問疾賜物疏

奏為恭謝天恩事臣因患病假調理伏蒙  
聖恩遣御前答應牌子張瓚齋賜臣鮮猪一口  
鮮羊一羴白米二石酒十瓶甜醬瓜茄一罈到  
臣私寓臣謹就卧榻叩頭祇領訖伏念臣拙于  
養生每處危而僥倖果與病會至伏枕而呻吟  
厓君父惟疾之憂拜御厨大烹之賜如枯荻逢  
春風以披拂似涸鮒獲江海而浸濡應知帝矜  
之所照臨定見凶躔必為退匿肉骨有望鏤心

敬事草 卷九

無涯 三月初二日奉

聖旨覽卿奏謝朕知道了禮部知道

再辭府江恩命疏

奏為殊錫難承小量已溢再懇 天恩准容辭  
免以分明義以倖生全事項蒙 皇上敘錄府  
江功次推恩及臣晉無官傳廢子給誥內揣非  
分具疏控辭奉 聖旨府江大獲全捷朕心嘉  
悅卿為輔臣朝夕協贊殫忠運籌加恩酬勞實  
為舊典宜遵成命不允所辭該部知道欽此臣  
竊思人臣所畢世而奇遇者人主之隆恩所鞠  
躬而恪遵者人主之成命臣獨何心而敢固為

敬事草 卷九

二十五

煩瀆之辭哉自量審美維此府江之捷蓋緣惡  
徭作梗郡邑受殃鎮臣運籌武夫効力蒐獵芟  
刈以靖黎民其功固偉而比之禦虜禦倭征誅  
不軌者亦為有間故總督之酬止于量陞一階  
及銀幣之賞耳將帥以下尤其斤斤至于該部  
科道一無擬及矣夫行賞止于如此而臣則居  
中受成者未嘗費一札之書借一籌之箸也乃  
至及膺異數超彼督臣勞未嘗居衆人中而賞  
乃出于其上豈不妨公是失人心內何以質方

寸外何以對百僚寧非寡廉鮮耻而犯在得之  
戒哉恭繹制詞過稱臣朝夕協贊者豈以臣有  
奔走微勞假此以示慈惠乎則臣滋不敢當臣  
在閣八年三蒙陞廢一以考績兩以邊功邊功  
既是濫叨考績亦為溢賞撫躬省分常懷撲滿  
之憂循名責成更深覆餗之懼自舊年秋冬積  
苦勞瘵屏居三月始獲生全而入直以來連綿  
猶故曾無一日稍獲安舒自忖福分有限天命  
難知獨惟茹苦絕甘竇慈與儉或可將此償彼

敬事草 卷九

二十六

稍延視息且以多病之軀當多事之日効無一  
二罪有萬千長思退閒舉賢自代而可躡進無  
己不知止足哉此所謂害生于恩寵翻為辱者  
疾顛速戾愈不能少待矣謹用百叩懇辭伏願  
俯亮臣言悉出衷素收回成命以遂禱祈則寵  
臣厚臣者大而感激鴻私益比于天海矣

四月初三日  
上初六日奉

二十九年

聖旨朕以府江叛徭蕩平文武將士俱已敘功陞  
賞卿為輔臣朝夕贊襄勲勞茂著加恩示酬寔遵

彛典宜遵成命不必固辭該部知道

不  
卷九

二七

乞歸疏

奏為積病轉增負恩深重懇乞 聖慈放歸田里以延殘喘事臣前以吐瀉兼作具奏乞假奉聖旨卿偶疾准暫調理閣務繁重稍可即出輔政吏部知道欽此隨蒙府江論功賜臣銀幣臣已冒領錫臣陛廢臣已懇辭 皇上優眷近臣垂鑒微悃甚深極厚臣私惟終始相成之誼死生戀闕之誠溝壑未填捐糜斯稱而不意命與厄會疾又大作蓋臣稟賦原弱憂勞又過舊年

敬事草

卷九

二八

秋冬淹纏三月而始入直入直之後旋病旋強至于新春謝假僵暈闕下移時方甦此萬目之所共憐也無何以殿試大事係臣職掌竭一生之力而手口拮据僅以訖事然以積痼積劇夙疾轉加醫家診視皆云病在骨髓感觸而見實非旦夕可愈臣展轉牀箠若癡若狂一聞斯言淚交頤頷臣本草芥豎儒受知 聖主荐陟穹階至膺獨任 皇上之遇臣太深矣然天下之責臣亦重矣 皇上所欲為者臣不能片言將

順天下所欲 皇上為者臣又不能積誠感通  
是臣么膺微身上虛 皇上之知而下業天下  
之罪也 皇上如天如地猶能容臣而天下多  
心多口孰能恕臣臣豈能犯天下之所不容而  
獨容於 皇上之側乎醫進死徵之言卜有游  
魂之兆臣猶遲回瞻戀謂螻蟻或將動天膏肓  
庶幾起日而不虞一旦委頓至此臣如不起負  
皇上矣負天下矣惟此一息尚在此 皇上乞  
身而歸無論臣萬苦中首丘之念可憐 皇上

敬事草

卷九

三十九

明與天下矜臣之餘生而天下亦及今明釋臣  
之重責臣即死固萬勝於生也夫昔之忠臣有  
浮以鴟革諫以牖屍終不忍生前言去者臣非  
不知此義緣臣股肱之分既不當以口舌為盡  
職而昏憤之中尤不能以心思期再計抑而行  
之必發狂疾惟 皇上憫臣特放回籍儻藉藥  
餌幸獲生全是 皇上之再造天地不足喻仁  
臣矢有啣結而已 四月初五日

### 三辭府江恩命疏

奏為懇祈乾斷必容辭免誤恩以安微分以示  
隆知事頃者 聖慈因府江之捷加臣以陞蔭  
誥命等恩臣具疏再辭奉 聖旨朕以府江叛  
徭蕩平文武將士俱已敘功陞賞卿為輔臣朝  
夕贊襄勲勞茂著加恩示酬實遵彝典宜遵成  
命不必固辭該部知道欽此臣惟昔人辭恩有  
禮當辭讓而為恭者若臣今日非此之謂也是  
恩也在 聖主可以施在臣不可以受臣之前

敬事草

卷九

三十九

疏既已詳矣大約事在一隅後非再舉疆臣畢  
力臣微寸勞臣又仰體愛惜名器之心一循該  
部具題斤斤擬賞故總督戴耀止陞一階總兵  
童元鎮尚需吏議自餘更微略無優多也臣於  
諸臣尚爾而乃身受異恩豈非歲身不恕而何  
以示公道乎臣夙稟庭訓頗知止足常憂薄福  
消受為艱今官已極矣恩太深矣手不執戈肩  
不荷戈而徒以筆札小技博金紫殊榮于臣涯  
素千踰萬侈夫捧盤水而加盈之必有傾溢之

患乘駿馬而馳驟之必有顛蹶之虞臣得無是念乎昔晏嬰不受却殿謂之幅利其既也又納邑與政而免于難始乎不受終乎不處乃始成一晏嬰臣竊慕之而又竊愧之晏嬰在齊能以君顯納約進規為後人法至今讀徵招角招之言而想見齊庭盛事然猶自處恒儉若此也臣行能淺劣無一足稱而位過前賢未知稅駕積憂成疾既瀕危殆尚可以冒誤恩乎 皇上厚臣以恩不若信臣以心寵臣以多不若貽臣以

敬事草 卷九

三十一

安臣氣息不屬艱于舉筆如復未久又當搜索枯腸瀆聒天聽伏望俯加原亮聽臣辭免庶

聖朝無虛濫之典而臣亦安分誼之常矣臣無

任馳情懸睇之至

四月初七日 上十三日奉

聖旨朕以府江大獲全捷敘功陞賞卿為輔臣朝夕調燮茂著勲勞加恩示酬宜遵成命慎勿遜辭

該部知道

乞慮囚揭帖

題臣惟舊年秋冬至今久旱不雨連日又有怪風昏霾民間二麥無望草木不芽衆口嗷嗷流移滿路兼之疫氣時行極可危慮仰惟 皇上側身修德密禱明祈無所不至而上天猶未昭格臣在床箒不能頃刻怠違思所以少裨 聖籌無由也臣惟天子者天地山川百神之主也今之天地山川百神亦待 皇上之仁而始發其仁耳成湯以六事自責而大雨立應 皇上

敬事草 卷九

三十一

亦嘗以步禱郊壇而時和歲豐此古今所交誦也臣願垂惻民隱發政施仁使實心著見 德意下流宸衷所注群臣自然奉行而霑被不患不遍真今日萬姓虔仰之意也臣又聞孝婦含冤三年不雨刑獄之濫能干天和今熱審雖近只循行故事發放一二輕囚以塞責耳未為曠然一至仁也臣願 特發大慈悲心于熱審前命三法司將見監刑部及鎮撫司犯人統加會審從寬奏請釋放如有情法俱重難以寬假者

亦乞量罪遣發免其久繫以散鬱蒸之氣以暢  
愁怨之心則萬口歡呼遠近傳頌實感和召祥  
一大事也易曰雷雨作解君子以赦過宥罪欲  
祈天地雷雨之解先為政刑赦宥之解著之聖  
經恪可遵信臣偶有一得輒力疾草奏惟 皇  
上省覽採擇

四月上  
二日

敬事草

卷九

三三

乞歸揭帖

題臣頃以百病攬心萬愁攻體內外傷感一時  
並作於本月初五日具疏乞恩准放回籍拱聽  
旬日至今未蒙批發徬徨躑躅時刻難居萬幾  
至繁不暇省察愚誠耿耿終當自言竊欲再具  
疏陳而心緒憤亂無分毫接續之氣不擇妄發  
又恐觸冒威嚴今只得仍寫前疏補進御前伏  
乞少留睿思特加哀憫准臣回籍調理倘未遽  
填溝壑猶當勉竭狗馬咏歌太平若遂棄捐誓  
將結草以報高厚之萬一臣不勝涕泣祈求之  
至

四月上  
三日

敬事草

卷九

三四

言楚亂揭帖

題臣伏病在家連日訪問外情知楚事更多不敢不奏武昌之亂因陳奉既參馮應京去任即大出告示數其過惡誅張得意小民家家痛哭雖老稚亦追送馮應京如其父母因而互相殺傷以激此變陳奉見勢來危急躲入楚府若非楚府則奉為粉齏久矣巡按在常德地方未回巡撫在省城小民恨巡撫曲護陳奉隨車痛罵放火烧其衙門昨巡撫疏中但言失火諱之也

敬事草

卷九

三五

觀其引罪深切可見矣今小民群聚圍繞實未嘗散就使暫散安知後之不復聚而相擊殺乎不獨省城即通省大小軍民無不怨彼故道途皆梗消息不通眾怒水火不可嚮邇矣蓋武昌之民前年已作一亂冀奉猶有改圖今彼日甚一日決然不與俱生臣固慮奉必遭毒手奉不足惜如國體何為今之計宜早發一諭數奉過惡而罪之另選一老成忠慎者往以安楚民以尊國體不宜待百姓之殺奉而後圖之也

楚民素悍勇好亂陳友諒子孫極多今改姓柯在承天興國州地方滿山谿皆是從來不服王化有司不敢制憂其叵測兼以蠻夷雜居之處易動難安若亂而後收拾為力萬倍宜萬萬加意臣在床蓐千回萬轉頃刻難處輒草此揭以請若但責奉改圖恐其禍本未拔釀亂未已耳伏祈萬萬留意幸甚幸甚

四月初十日

敬事草

卷九

三六

四辭府江恩命疏

奏為誤思非典萬不敢當四懇俯亮微誠收回成命以免屢瀆 至尊事頃以府江之捷加恩及臣臣已三辭備輸誠款奉 聖旨朕以府江大獲全捷敘功陞賞卿為輔臣朝夕調燮茂著勲勞加恩示酬宜遵成命慎勿遜辭該部知道欽此控辭愈力天語愈溫徒令臣感激隆知伏枕號泣藉使可受則既叨顯榮又免陳瀆於臣豈不甚利甚便而顧有不可覲顏者非為例當

敬事草 卷九

有辭讓故事也亦非但為閣臣不與邊賞一節也蓋是役也一方之事數月之勞督臣奉將天威指顧而定故臣之擬是賞也雖本之部議無所異同亦謂計功議酬略亦相當是以謹守常格無踰越也夫既以常格律人即當以常格自律既以無踰越處人即當以無踰越自處安有施之人者一格而受之已者又一格是將托之于何典乎又非徒如此也凡當事者宜受上賞助旁者宜受中賞今以臣之在旁而賞乃出于

當事者之上本末不相稱倒置莫甚又豈可令人見乎若曰督臣之賞不薄則臣宜薄于督臣若曰督臣之賞尚薄則臣宜無賞以謝督臣又不獨如此也凡功大者敘及本兵敘及主計而臣今未擬及也敘及議科敘及勘道而臣今未擬及也所以不及者亦非忘之為功小而可略也既曰功小而可略何特于臣而異等豈于彼可略而于此不可略乎然則臣不但無以謝督臣亦無以謝廷臣猥濫名器紊清典常立朝泣

敬事草 卷九

三十八

官何以施顏題書答問何以置辭上以非倫之制詞誣逝者何以告先下以非分之廕敘誤後人何以貽穀執法得而褫奪行道得而吐唾有臣如此安所用之夫王者以榮祿砥礪人而未嘗不鄙饗饗之士人情誰不厭貧賤豔富貴而烏可希壟斷賤夫之所為臣三疏中已悉此意小醜備物危亡之符力不回天有此控擾若不獲命其能無再瀆哉伏願 皇上鑒臣之情纖毫無假亟准辭免俾安分誼若隆恩厚德則銘



之心齋存，啣結不足語報者矣。臣不勝徬徨迫

切叩首叩首之至。四月十八日奉

聖旨：朕以府江獲捷，卿居政本，贊襄加恩，示酬實

遵彝典。卿乃屢辭，情詞懇切，具見忠慎謙美，誠可

嘉尚。陞官特准辭免，廢子宜勉，祇承方今國家多

事，卿宜慎攝，稍可即出輔政，以副眷倚。至意該部

知道。

文獻通考 卷九

三十九

言大典揭帖

題臣嘗揭請舉行大典而考我朝 聖祖神宗

皆因時起事以至於後昆蕃衍福祚靈長言皆

有徵意期啟沃不覺疊疊滿篇不知曾 賜覽

觀否無論在廷之煩瀆可厭即臣亦自厭其煩

瀆而終不能無言焉蓋此舉自 國家盛典至

今日又國家曠典顧為理勢之所必然古今之

所同然如日用飲食不可缺之事乃常典耳何

得視之太重持之太堅而至于行之太緩乎生

敬事草 卷九

四十

子而願其長長而願為之冠為之婚又願其及

早成立育男舉女啟後光前自遠古以至來今

自天子以至庶人誰不同此心同此事臣故曰

此常典不足以煩 聖心之遲回也 祖宗累

朝繼繼繩繩以及我 皇上 皇上二十齡而

誕育 皇長子以及諸皇子今 皇長子已屆

皇上誕育之年而典禮尚遲則誕育亦且遂遲

皇長子遲則諸皇子亦且以次遲然則 皇上

齊天之福固不減于 太祖而 太祖有一百

二十一孫 皇上尚未有一孫更待何年而遂  
此多孫之願乎青宮正位玉樹盈前環幄遶階  
逶迤為壽一派分支共扶國祚于萬世 皇衷  
有不悅豫而 聖體有不安康乎士庶之賤有  
三十歲而見孫者至尊今日尚缺此事臣因以  
為晚也臣比纂修玉牒恭計天潢之多至有一  
十五六萬位矣此皆從 太祖一身之所衍生  
者 皇上體厚氣完福隆慶備亦可期子孫有  
如此多當從今日早為之計 皇上寧無意乎

敬事草

卷九

聖

臣又思 太祖既有一百二十一孫而又享極  
高之壽此可見冊立冠婚無妨于聖躬而適足  
以致永年多福之驗也 太祖以無疆景祚開  
創于前 皇上以無疆景祚紹述于後仁覆天  
下萬福自集聖德益大聖壽益高 太祖未嘗  
疑子孫之多以為妨礙比類而推理亦彰彰著  
明矣蓋唐虞之朝稱無稽之言勿聽弗詢之謀  
勿庸凡假借禍福之言牽合徵應之語非存之  
典籍載之詩書者宜無聽納于耳芥蒂于心孔

子曰大德者必得其位必得其祿必得其名必  
得其壽詩曰嘉樂君子顯顯令德宜民宜人受  
祿于天保佑命之自天申之易曰積善之家必  
有餘慶書曰惠迪吉從逆凶惟影響夫曰令德  
曰積善曰惠迪修此道者諸福必從此理自然  
萬無一爽舍此之外皆所謂無稽勿詢而帝王  
之所逆棄者何足以縈牽心胸而擔誤天下之  
大事也 皇上幸乘此諸臣拱聽之時獨奮英  
斷成大信于天下 諭禮部將三大典禮擇日

敬事草

卷九

聖

並行天下幸甚宗社幸甚 四月二十日上  
二十二日奉  
聖旨朕覽卿奏懇切詳明具見忠愛敬慎已知道  
了但大典所用器具成造未備且昨覽文書見禮  
部與多官又共上本章瀆阻故爾疑遲所奏已知  
道了

五辭府江恩命及乞罷歸疏

奏為輔理無功有罪世賞冒濫非宜乞恩准容  
辭免仍乞罷放歸田以重政本事頃臣因病兩  
疏求歸未蒙批發府江敘功加臣以晉官廕子  
給誥等恩臣四疏懇辭奉 聖旨朕以府江獲  
捷卿居政本贊襄加恩示酬實遵彛典卿乃屢  
辭情詞懇切具見忠慎謙美誠可嘉尚陞官特  
准辭免廕子宜勉祇承方今國家多事卿宜慎  
攝稍可即出輔政以副眷倚至意該部知道欽

敬事草 卷九

四十三

此夫臣之事主豈敢飾虛固辭大恩亦以誠難  
自欺而正不可改故也臣在閣七年獨任者三  
年矣去冬一病幾不復生今春以來顛踣者屢  
而不諒者尚曰未然人固有勞瘁愁苦不得志  
如臣而不病者乎金石將銷而况血肉之軀耶  
可以喻矣今臣未敢論病但論不職則臣之當  
黜不當賞明甚前疏所陳亦姑與督臣廷臣較  
而言其不可耳非原本之論也請復陳之人之  
責臣者皆曰天下無不可為之事明主具可為

堯舜之資而不為堯舜則輔弼大臣之辜也既  
不能矣亟宜奉身而退以付能者天下寧無人  
乎臣深以其言為然生平伎倆竭于此矣虛擲  
歲月于今極矣尚復遷延更何所待今日已誤  
可再誤乎此臣之所以悚息悲啼而不覺病之  
危殆也引罪求去萬不得已 皇上不孜孜政  
事而獨拳拳以府江之恩私臣人以為上之所  
以厚輔臣者如此寧不聽其一言乎輔臣能多  
取于上如此謂不能得請于上乎典禮之未舉

敬事草 卷九

四十四

也閣臣之未補也多官之虛席也考選之久稽  
也礦稅之橫索也刑獄之滋濫也宣索之過侈  
也放逐之莫還也有一于此足以罪臣而况無  
此以責臣臣何所持以謝天下含垢忍辱而無  
耻今古惟臣一人耳不能為國家畫一奇無分  
毫功德報朝廷酬天下而身都大位不去既已  
罪矣又復竊人之功冒人之賞且倍蓰焉尚有  
人心乎昔齊桓公出行見老人而賜之衣辭曰  
願賜一國之寒者賜之食辭曰願賜一國之饑

者今天下之為饑寒者多矣而臣不能以老人之說效臣之罪可擢髮雖應賞亦當辭又况不應賞乎臣既不能以正輔導而今日之賞安敢不以正辭 皇上第中心無為以守至正復萬曆初年治平之觀則君臣偕榮河潤無限必不令臣之子孫不立門戶矣敘廢誠非臣願不敢以汚明命玷國章懇乞 聖明察臣危衷味臣若言容臣辭免廢恩仍放回籍以為奉職無狀之戒別選賢才以資弘贊之功天下未嘗無賢

敬事草 卷九 四十五

才也惟選擇而任用之必有旋乾轉坤之策若臣伎倆已盡空留無為也臣不勝哀懇之至四月二十二日 上二十三日奉

聖旨府江大獲全捷卿運謀贊襄加恩示酬實為舊典乃屢疏陳乞情詞懇切廢恩特允辭免成卿勞謙之美方今國事多艱卿宜慎加調攝稍可即出輔政以副慰朕至望所辭不允吏部知道

回諭札言楚變處置揭帖

題該文書官盧受傳出

聖諭諭內閣朕以開礦稅課原為裕國愛民權宜之計何乃內外官員不能仰體協恭任事殊負委任德意近湖廣激變軍民鼓譟異常該撫按官奏來昨東廠具奏傳聞奉差校番有被變民細縛投江而死者又有羈留不能回報者覽其各奏連日焦思雖係內官陳奉濫用匪人徵多解少致啟釁端其該地方諸文武官受朝廷爵

敬事草 卷九 四十六

祿誦孔子教言既不能遵旨調停和衷於平日又不行忠君執義撫戢於臨時職守何在法紀奚存各處若皆群起效尤縱惡長奸辱國損威莫此為甚陳奉已有旨回京治罪而鼓譟之相戕其中喧聚猖亂必有指使首惡之徒卿等為朕輔弼股肱義同休戚作何安撫禁戢並查處該地方經管官員及正法首惡脇從姑免追治詳擬奏來特此諭知欽此臣捧誦欣嘉仰見聖心加意楚事講求安撫禁戢仁義並施之術

臣聽聞滿耳前揭略具日訪夜思頗得機要臣思李道本處分發去彼處亂釁可解五六分矣楚中喜見天日必歡然呼萬歲矣此只是前一看耳楚中還看朝廷後着如何百姓不堪陳奉之害及叅隨人等剝民奪民淫民妻女不勝憤恨群然並起勢不俱生忿之所激不顧生死今聞明旨取回陳奉治罪則百姓憤心漸平但恐自知有干憲典懼心未釋或尚屯聚未即解散耳臣之愚慮以為當先安人心而後以解散

敬事草

卷九

四二

繼之先散黨與而後以正法繼之總當先遣才望大臣往代巡撫之任密授方略按先後着數而行蓋楚人怨撫臣支可大極矣變之初起有坐其門呼名而罵者撫院之火亦百姓所為因按臣出巡在外撫臣一味詭隨全不禁約叅隨之橫故百姓恨陳奉而因及撫臣撫臣被百姓輕侮至此則臨事不足仗倚可知百姓於撫臣尚且罵詈焚燒則於各地方官不復顧畏可知臣記得萬曆初年浙江兵民兩變毆打巡撫吳

善言 旨意但歸罪於啟釁之人而以德意撫戢其軍民遣侍郎張佳胤為巡撫密授以意佳胤於是宣布德意撫安地方從容訪其渠魁一舉擒之奏報朝廷榜示天下不激不徐甚為得法今日楚事當畧倣此意而圖之蓋楚中治亂安危在此一舉得法則收拾甚易可止如浙江之變不得法則收拾甚難恐遂為寧夏之續矣聖諭所謂首惡正法脅從姑免追治甚得定亂之法但倉卒之際尚未知誰為首惡誰為脅從

敬事草

卷九

四八

不但事有枉縱而恐百姓一聞拏治之意誰不自驚自疑彼首惡者反得挾衆人驚疑之意以自固又或至于逃江匿湖煽動蠻夷為患不小故臣請且慰安解散而以安撫禁戢二事並授意于新巡撫行之陳奉罪惡深重宜明示重處以洩衆憤巡撫支可大先事不能規正遇變不能彈壓當勒令回籍閑住而遣一大臣星馳代之許以便宜從事到彼宣布恩威分散黨與然後從容密訪致變之人與鼓譟之人務在的實

設法擒拏為首者即以正法其餘姑免深究冒  
濫匪人剝民奪民淫人妻女激變百姓者亦各  
以其罪罪之本省官員不職者聽科道糾劾吏  
部分別處治大小缺官亟與除補仍徧諭天下  
撫按司道各以楚事為戒國事民生務要調停  
區處停當礦稅中官以陳奉為戒虛心公平與  
外臣共加調停毋得偏執已見大小一心中外  
共濟則不但三楚之事可定而天下之民舉安  
矣臣卧病私寓心神憤亂倉皇上陳其餘未盡

敬事草

卷九

四十九

事宜容臣細加審處謹具上聞

四月二十三日

又言楚事遣官揭帖

題竊見古人遇有難處之事必先擇一了事之  
人假以便宜則事功不勞而成湖廣軍民鼓譟  
一事臣引先年遣張佳胤之例以對 聖問因  
思群臣可以堪此任者亦少若外面遷轉則恐  
到任稽遲且朝廷密意無由指授在廷之臣未  
經事變者又未知其能辦此否若官階已崇及  
曾經用兵者又恐百姓驟聞或生驚疑而成他  
變臣反覆思維又與部院商確惟用工部左侍

敬事草

卷九

五十一

即趙可懷最為妥當本官曾任陝西應天兩處  
巡撫遇事善處迎刃立解不激不緩動中機宜  
若令本官照張佳胤故事往代支可大巡撫湖  
廣地方朝廷授以方略令彼便宜從事限五日  
以裡起身前去臣知其到彼必能宣布恩威解  
散亂民訪察不職文武官員職除首惡放釋脅  
從不致枉縱不須焦勞而事可盡辦也往時張  
佳胤原是特旨欽遣不由部推故臣與部院議  
定始敢密以聞早遣一日則有一日之效惟復

仍命廷臣會推候旨點用伏乞 聖裁其湖廣  
司道府縣等官有缺而未補者臣已密語部臣  
速推相應人員星馳赴任并乞 聖明密賜點  
用臣謹擬諭帖一道惟裁擇施行

敬事堂 卷九

五十一

催點各司道官揭帖

題頃接新簡巡撫湖廣侍郎趙可懷揭帖內言  
請補地方司道官員等情臣惟布按二司官員  
下以統領郡縣之事俾之可達于上上以宣布  
撫按官之意俾之必行于下故比之綱紀樞轄  
不可一日缺者也今趙可懷奉命出撫首以此  
官為請可見撫臣恃此如左右手之急矣以此  
推之天下之望司道者其情豈異哉臣思二十  
六日吏部題補司道官一本蒙 皇上已點三  
十三員發臣票上而尚未允發臣惶惶恭俟以  
日為年伏乞即賜檢下庶令海內皆知宵旰憂  
勤德意而所以消釁孽保治功者不小矣臣不  
任懇求之至

四月二十八日上

敬事堂 卷九

五十二

票鄭國泰本附揭帖

題今日文書官盧受傳出

聖諭論內閣朕今日覽文書見都指揮鄭國泰一本甚是狂肆可惡且大典之旨不啻再三何乃違旨又來奏擾且春初內外及諸司靜俟朕即擇日命其移居矣而隨着各該衙門上緊查例題造所用之物有何疑議况器物皆金銀珠玉即士庶富族尚且常用何乃帝王之家而不用乎諭卿等知恭捧到臣臣再三叩頭欽誦適又

故事立

卷九

五十三

發鄭國泰本令臣擬票臣看詳此本具見國泰小心敬畏之意戚畹如此可謂賢矣正宜嘉獎以成其美似不當與尋常奏擾者一槩而視也蓋國泰之意一則欲闡揚皇貴妃之賢名使無訛言一則欲保全已家之福祚使無後患一則欲解其母夫人之憂慮使之康寧壽考故違旨奏擾有所不顧器具未備有所不知而不覺其言之剴切實與諸司無故而狂肆者不同也臣惟此禮天下望之甚久疏中所言伏闕跪請

廷臣實有此意但顯俟 德音未敢輕舉耳至

云 太子不立天下震動及萬古綱常所係

宗社安危所關等語尤為剖肝瀝膽忠愛之言

皇上宜俯加採擇臣謹再擬傳諭一道上進伏

乞 聖斷施行

五月初七日上

敬事草

卷九

五十四



言首輔病催補閣員揭帖

題臣惟首輔久病沉綿不省人事萬無再起之理滿朝不咎首輔之不去而咎臣之不上聞今日其子鳳翀又来朝房見臣涕泗祈請代揭伏望 皇上早許致仕以全優禮輔弼終始之意臣又惟內閣四人獨臣猶在而支離百病負荷無堪恒以 聖恩深厚不得不勉強支持迷忘既多錯亂不少朝夕戰懼罔知攸措惟 皇上俯垂哀憐早下爰立之命或起舊臣或賜新

故事草 卷九

五十五

簡吏部推舉已多 聖衷籌度已久得人必真有不待臣之贊一辭者惟在早斷庶幾國享多賢之利而臣亦免覆餗之誅臣不任哀懇之至

五月初十日

擬救荒諭揭帖

題臣訪得畿輔八府及山東山西遼河南荒旱極矣斗米銀二錢小米斗銀一錢菜蔬之類倍價無買四鄉樹木剥皮至頂野無青草載道流離盜賊群行正晝搶劫雲漢轉高炎蒸轉劇皇上日事祈禱而百神莫應意者實政未布而天意未回歟臣惟災沴之行在于時而救禳之術存乎政如有善政則天時不能使之害盜賊不能為之災雖有九年之水七年之旱而民無

故事草 卷九

五十六

離心治平之效不損也今南方猶熱而有楚憂北上甚饑豈無意外安危之計懸于 君父一心但發 明旨數行便可拯民命于既死銷禍變于燃眉伏冀 仁慈俯垂採納臣擬諭旨一道乞 賜裁定發行生靈幸甚社稷幸甚

催補科道揭帖

題臣惟行取諸臣到京已歷三年選後又經一年引領補官未蒙 俞發庶吉士題授科道官者七員亦經十月矣未蒙 俞發諸臣皆歷試中外以賢良著聞者委任責成必有可觀而既離舊官未拜 新命即同閑住又似羈縻甚為明時惜之今科臣止有六員南科止有一員御史處處缺差需人交代者不可勝數既經考選理當除授諸臣無可棄之罪而棄之則失人臺

敬事草

卷九

五十七

省非可虛之員而虛之則失官稱職與否試用自見用之稱不稱而進退之惟 皇上命耳伏望 皇上檢發部院考選行取原疏及吏部題覆臣等散館原疏 俯賜允用

五月十日  
五日上

言李頤當陞揭帖

題昨吏部會臣于朝房言薊遼總督蒙 皇上親擢萬世德才地甚宜不勝欽服各官廷推原曾擬及但為總督節制巡撫而順天巡撫李頤已為右都御史二品官今萬世德以三品侍郎節制之有妨行事所以中止李頤歷二品俸已深屢推別用若得允陞則二官之心彼此皆安臣以其言為然今本部催請南京右都御史之命如蒙點用李頤遺下員缺以年淺僉都往李

敬事草

卷九

五十八

頤離任而萬世德可展布矣又講官劉元震滿考待命進退維谷臣前揭中請以南京禮部尚書處之俾其善去以明 皇上重學崇儒之意今吏部催題望加賜點豈惟元震之幸臣可以別擬講官以輸啟沃之忠也

五月二十  
五日上

救何棟如揭帖

題楚民激變勢同滔天蒙 皇上渙發天心收  
 陳奉回京治罪而彼處亂民漸以寧帖 聖心  
 之至仁甫動而天下之轉旋甚神其機如此計  
 算趙可懷此時入境必有次第臣日夜懸望尚  
 無的音即楚人之來者亦少今襄陽百姓來保  
 救推官何棟如棟如已將孥到夫襄陽之民不  
 敢效尤抗違而來哀控闕下恭順之心良可嘉  
 獎正當乘此善機縻係固結使武昌之民有所  
 感發則輯寧之事不勞而可奏矣今何棟如拿  
 到臣竊窺 聖德深厚必加在宥之恩輒敢以  
 一言將順焉蓋楚民雖有寧帖之機尚在將寧  
 未寧之際趙可懷雖有安民之策非奉 皇上  
 德意亦束手而無策故何棟如之拿楚民方以  
 此探 皇上之心也如蒙 皇上輕處則所奉  
 撫輯軍民俾奉安生樂業之旨真 皇上之心  
 也楚民可以無懼矣若 皇上猶不忘怒則猶  
 信陳奉之言而撫輯之旨悉虛也其懼心何時

而釋禍亂何時而解乎如此而欲責趙可懷弭  
 之不能矣 皇上不難以數字處陳奉而遏其  
 滔天之勢何難以數字宥何棟如而堅其望治  
 之心楚地安危機在于此無論棟如有罪與否  
 縱使有罪亦祈權從末減姑慰衆心况棟如係  
 陳奉所參奉既有罪棟如宜無罪矣伏乞 俯  
 採臣言特賜恩赦以昭 聖心不為讒譖之所  
 欺以昭 聖心實憐萬民之塗炭使其欣然誦  
 日月光天之德所謂宥一人而千萬人悅者庶  
 幾楚事可全美也臣憂念釁虞寢食俱廢不敢  
 不竭忠披誠

敬 聖 卷九

六一

八月初三日

再揭帖

臣惟楚民倡亂是天下觀望之機也今何棟如拿解到京又楚民觀望之機也機之所在而處置無差則萬事可不勞而定矣臣前日特為何棟如之事具揭請命未蒙 允答臣不勝憂悶恐錯一機則楚民難安而天下不無效尤也皇上縱怒此一小臣亦當為天下大計而曲加容赦况原無督過之意但因陳奉妄奏而致此無傷於日月之明乎在前諸臣被逮者多矣臣

敬事草 卷九

六十一

未嘗有此固請今何棟如一推官耳而臣為之諄諄禱祈蓋為 國家安危大機間不容髮實有不容已于心者赦一小臣其事甚易而可以安定天下其效甚大萬望俯加垂採

六月初六日上

催點四川巡按揭帖

題臣惟平播功賞未行將士日夜跂望皆緣勘功御史無人之故四川巡按崔景榮丁憂離任已經半年昨都察院題差一本望早賜檢發臣又惟播功關係三省彼此掣肘若必會同勘奏益致耽延無期不若使三省御史各勘本省兵部總覆為便如蒙發票容臣擬議上請

敬事草 卷九

六十二

救何棟如馮應京揭帖

題比日楚事之興臣甚服 皇上之斷易陳奉而下回京治罪之旨遂支可大用趙可懷剋期催赴使楚民有所恃而不忍為亂有所畏而不敢為亂真睿謨也今可懷往四十餘日矣再以疏來而一無 批答竊恐可懷之心疑而楚民亦從此疑臣以為今後可懷疏來願不吝數字慰之至望也臣于初三初六日曾上二揭為拏到襄陽府推官何棟如乞恩宥赦亦味蒙 答

敬啟

卷九

竊窺 聖心似已有採納之意顧臣能自信而民愚安能如臣之信且臣未奉 明旨無詞以答可懷而釋愚民疑畏之心此所為日夜蹶蹶而不寧也今僉事馮應京又拏到矣未審 聖明何以待之馮應京在楚中甚得百姓之心去任之時老穉填街泣送至今家家設一牌位焚香供養遠近誦之如出一口此則楚地安危命脉所關係也處分稍失後悔難追 皇上凡遇軍國大事如征倭征播南北邊情一一至當無

敬啟

卷九

少差失今楚亂不小 聖籌素定必無待于臣言但臣憂迫在心有不能已竊謂應京既得楚民之心則當即用應京以安楚民其事甚便不然亦當從寬善處赦其罪而別用之又不然亦宜無麗于刑而早為昭雪必不宜更露譴訶而引陳奉之過為已過也昔漢武帝時倪寬為三輔守以負租當罷民間其當罷皆恐失之大家牛車小家擔負輸租緹屬不絕課功更景武帝以此愈任用寬使安三輔之民由此觀之小民之心信可以德感若釋應京而還用于楚楚人有不感激而今應京之課為天下先者乎儻措置少失中和而使楚人不能釋其疑則彼所供養之牌位香火何年何月從何委棄將恐嘯聚不已而區區一趙可懷必無能以虛言解釋矣縱忘楚地豈可忘 顯陵而輕置之于度外也乞將馮應京併何棟如等一干拏來楚犯大開湯網以復元仁免其罪而優容之則此一斷也更出常情之外而理亂定傾莫國脉于永永矣

臣托在腹心實同休戚不敢不極言備陳

上  
一日

六月  
二十

敬事草

卷九

三五

催大審揭帖

題臣惟自古帝王無不致謹于刑獄者蓋上帝好生不好殺帝王敬奉上帝必仰體好生之心而務思全活民命雖一草一木一禽一蟻之微猶不忍也况于人乎 皇上天性至仁尤勤矜惻故常下停刑之旨用培仁壽之基盛德浹于人心非一日矣舊制每年一熟審五年一大審今年正當大審之期已屢奉 明旨而至今尚未遣官臣查萬曆二十四年于五月間

敬事草

卷九

三五

今已七月矣兩京瞻望有同時雨一日楚楚人致遺忘而翹首跂足者一日三秋也伏望 聖恩賜遣官之命使囹圄之人幸見天日則協氣四流而豐穰可望人心歡慶而嵩祝無疆矣

上

六月  
十九日

敬事草卷十目錄

催允吏科掌印官揭帖

言項鼎鉉揭帖

辭雲南捷恩疏

大典揭帖

辭雲南朝鮮二恩疏

請皇長子講學揭帖

回大典聖諭揭帖

三辭雲南朝鮮二恩疏

敬事草卷十目錄

四辭雲南朝鮮二恩疏

受廕辭官疏

萬壽節屆請增閣臣疏

乞免蘇松欠糧官追罰揭帖


獨任三載請增閣臣疏

請舉皇長子大典揭帖

回聖諭催發揭帖

首輔永謝乞補閣臣疏

諭行典禮回奏揭帖



須三十年曆賀揭帖

請吉期進冊文揭帖

回黃河決責問揭帖

請上徽號揭帖

進冊立詔草揭帖

詔條三事揭帖

催允行取官揭帖

回徽號諭札揭帖

諫冊立改日揭帖

敬事草卷十一目錄

催發冊文詔書鑄冊寶揭帖

回補賜冊寶可權宜揭帖

犯諱自陳揭帖

謝揭帖

言查叅之旨難發乞寬宥揭帖

請發徽號及儀注揭帖

催點河漕督撫揭帖

回聖諭揭帖

言徽號不宜四字揭帖

謝特賜揭帖

賀徽號禮成揭帖

請福王婚禮揭帖

大典成加恩辭疏

再疏

請出閣講學揭帖

拜命陳謝揭帖

言河漕揭帖

催存問輔臣揭帖

敬事草 卷十目錄

冬至謝加賜揭帖

言啟本不必批荅揭帖

請點總河大臣揭帖

請發新閣辭疏揭帖

請推恩補行取科道揭帖

言武職既予封當聽辭俸揭帖

歲暮代享諭回奏揭帖

敬事草卷十

柱國少傅兼太子太傅吏部尚書中樞殿大學士臣沈一貫

催允吏科掌印官揭帖

題舊例官員新選必從吏科盡憑近因本科缺

掌印官四月大選等官尚未得憑赴任盤費罄

盡臣每出入朝門擁簇號哭情實可憐茲給事

中姚文蔚等具本再請伏乞 皇上早賜允發

七月初五日

敬事草 卷一



言項鼎鉉揭帖

題臣奉命會同吏禮二部堂上官翰林院掌印  
官考選庶吉士秉公絕私彼叅此酌亦已各盡  
心力今日拆卷列名上進臣等因公同將廷試  
卷取出對閱筆跡皆無異同惟項鼎鉉前後兩  
卷筆跡不同事屬可疑有難作養伏望 皇上  
將王陞等二十一名照例讀書項鼎鉉不許作  
養以昭至公之舉

七月初十日

敬言立

卷一

二

辭雲南捷恩疏

奏為誤恩洩被薄分難勝懇乞 聖慈俯容辭  
免以逭憂戾事該吏部接出 聖諭雲南逆首  
猛奉等逞兇肆亂撫剿全捷內閣輔臣殫忠運  
籌勞績茂著茲特加恩示酬元輔志臯加無太  
子太師還賞銀六十兩綵段四表裡次輔一貫  
加無太子太傅還賞銀五十兩綵段四表裡各  
廕一子入監讀書餘官如故都照新銜給與應  
得誥命如勅奉行欽此移咨到臣臣不勝感涕

敬事草

卷十

三

不勝驚汗隨該文書官盧受捧銀幣到臣私寓  
臣謹焚香叩頭恭領容報名廷謝外伏惟臣待  
罪輔弼八年於茲歲月空流罪愆山積獨以遭  
逢天幸屢觀戡伐之成忝竊恩私數拜頻繁之  
錫自撫多疚亦知控辭間蒙俯察微忱許安臣  
分然多申重嘉命弗克固違器滿當傾福過必  
累每于廷謝若罔容身今年三月內拜府江平  
徭之賚至是纔四閱月也臣顛顛未及收悻膽  
未及定而滇南之捷恩復下則雖甚貪鄙豈宜

數數然攘血戰之勞而頑不知耻掩天功之誤而愍不畏罪乎臣輔臣也每遇軍書到閣不過以文墨議論奉將廟謨耳而 皇上所以任臣與臣所以報 皇上者宜不止此也假令臣黽勉夙宵積有歲月袞無闕事朝無曠官人無怨聲野無流殍典章無廢墜釁孽無萌生則雖微黼黻皇猷之隆業潤色太平之美功而 皇上或略其厚責錄其小勤臣亦可藉手覲承矣今皆無之而徒竊飲至之餘津滋負時之朽骨則敬事草 卷一

士人之大懼深羞若為可以自解也伏望 皇上俯亮懇誠收回成命俾臣寬紓內愧苟免外譏則不賞而榮不爵而重即臣父祖子孫亦世戴天恩于無斁矣臣不勝力懇心祈之至  
七月初十日

二日 聖旨雲南逆酋撫剿全捷朕心嘉悅卿為輔臣朝夕贊襄勞績居多加恩示酬寔為曩典宜遵成命不允所辭吏部知道

言大典揭帖

題臣等竊惟大典一事靜聽已久而嘉命未敷疑端滋起伏想茲禮曷嘗頃刻不展轉于 聖懷而未即舉行誠若時有未至雖 皇上亦不覺其所以然者顧于群臣之請未嘗不心知其為是也良由父子天性本切宸衷 祖宗家法尤宜世守 聖主建萬古彝倫之極人情天理于是為至况 皇長子聰明孝敬景肖 聖躬睿齡二旬年期已過而 皇三子齡亦十六並當議婚長幼有倫前後相待 皇長子之婚一遲則諸皇子皆以次遲總非便也今夏序已度秋涼正臨時既至矣至且極矣天孫鵲橋尚昭懸象而况人道陰陽之大義 祖宗繼承之丕典順天時行詎宜再後群臣遵 皇上之前旨未敢有譁頗聞此時皆聚首而交議矣伏乞 皇上及其未諱而渙霽嘉命諭禮部擇日具儀來行以信前 旨以慰衆心美成大禮以光 聖德臣等不勝跂立瞻望之至  
七月十三日

辭雲南朝鮮二恩疏

奏為隆恩駢集內省益慚備瀝悃丹悉容辭免以安薄軀以明臣誼事頃者 皇上嘉滇南大捷推恩及臣臣具疏辭免伏奉 聖旨雲南逆酋撫剿全捷朕心嘉悅卿為輔臣朝夕贊襄勞績居多加恩示酬寔為曩典宜遵成命不允所辭該部知道欽此臣不勝感荷眷知而未敢拜承嘉命也即日復接吏部咨奉 勅諭朝鮮善後事竣內閣輔臣密勿運籌忠勲茂著茲特加

敬事草 卷十

六

恩示酬元輔志臯加少師還賞銀六十兩綵段四表裡次輔一貫加少傅還賞銀五十兩綵段四表裡各廕一子入監讀書兼官如故都照新銜給與應得誥命如勅奉行欽此該文書官再登恭捧銀幣到臣臣欲辭不敢謹叩頭恭領報名廷謝外乃若忝竊異恩旬日再至如靈雨之注柔枝滋液之為澤庸無欣欣過當尚之為霖顛踣斯及一之不可何再之堪謹用控辭萬祈垂亮伏念臣少讀父書先臣舉古訓以教臣曰

知足不辱知止不殆所謂止足非有期限分數之可言也無時無處而不可足可止然後謂之知足知止然後可以免辱免殆若待其既足而後知足何時始足待其可止而後知止何處方止其殆與辱踵至而不可悔矣臣服膺斯語罔敢失墜多取為忌履盛為憂矧今甚足而猶不知足可止而猶不知止殆辱之來庸可免乎臣觀自昔人臣當其憑藉寵靈之時何所不得卒之滿以基覆高以召顛或得而不能享或享而

敬事草 卷十

七

不克終亦何所不有臣遭際 聖明叨膺一品光于祖父施及子孫此窮巷布衣之極也府江之命甫下而滇南之恩繼之滇南之恩正新而朝鮮之恩繼之 皇上加恩於臣為榮臣也榮不可以無德而享則榮乃羞之媒也為寵臣也寵不可以無功而居則寵乃懼之階也履盛滿之極立殆辱之衝雖德懋功高猶當挹損况涼薄如臣而可無自量乎徼幸誤恩而渙忍不辭則欺罔耳為虛讓以博 溫旨而終將受之亦

欺耳非臣所以事君之節也家世清約祖父有  
訓而躡等過恒更不知止九原有知將不以為  
歆而以為駭又非所以為人子之誼也伏望  
皇上察臣懇衷停免新命庶畢臣小心事君之  
願且以免不慎辱先之愆臣下情無任迫及禱  
祈之至

七月十四日  
上十六日奉

聖旨雲南撫剿全捷朝鮮善後事竣卿為輔臣殫  
忠運籌朝夕匡贊加恩酬示寔遵舊典宜遵成命  
不必遜辭該部知道

敬事草

卷一

八

請 皇長子講學揭帖

題本年四月初二日該司禮監傳奉 聖旨天  
氣乍冷乍熱 皇長子講學四月初三日起免  
欽此欽遵隨因接連暑熱輟講至今茲者已過  
三伏時屬早秋不熱不寒正宜講學臣等擇得  
本月二十一日二十六日皆吉伏乞 皇上欽  
定一日照常講讀謹題請旨

七月十五日  
十七日奉

且候旨行

敬事草

卷一

九

回大典 聖諭揭帖

題今日文書官冉登恭捧 聖諭到閣諭內閣

皇長子冊立冠婚及分封諸皇子前已有諭候

旨舉行且內外諸司遵旨靜俟未敢瀆阻即欲

傳行但朕壽節屆邇事體繁多况各該衙門所

造應用器物俱未完備昨又有旨上緊成造旦

夕傳旨若有瀆阻的嘉禮於明春舉行諭卿等

知欽此臣謹叩頭即時傳示禮部令在廷欽遵

外謹具回奏以聞臣聞之昔 成祖時 仁廟

欽定四庫全書

卷十

在東宮偶失 成祖之歡群臣悚懼莫敢進言

適 成祖發一軸畫到閣命解縉題詩縉展觀

之乃一大虎顧小虎圖也遂恭題以進其詩云

虎為百獸尊誰敢櫻其怒惟有父子情一步一

回顧 成祖覽詩而大感悟大歎賞父子恩愛

更加于平日焉今 皇上深愛元子欲成大典

而恐群臣以聒擾取遲發諭致戒群臣奉諭惟

謹誰敢有觸冒 至尊者第願 皇上深繹此

詩而體 成祖之心篤顧子之情以延我 大

明萬萬無疆之祚是在今日臣不勝惓惓

上日

欽定四庫全書

卷二

三辭雲南朝鮮二恩疏

奏為政體宜慎濫恩當收懇祈 聖明並容辭  
免以道辱國重愆事頃因雲南朝鮮兩告成事  
而加恩於臣臣再疏並辭奉 聖旨雲南撫剿  
全捷朝鮮善後事竣卿為輔臣殫忠運謀朝夕  
匪贊加恩示酬寔遵舊典宜遵成命不必遜辭  
該部知道欽此部咨到臣愈增兢惕蓋臣之前  
疏第言自揣非才恐速顛蹶耳而語未盡意亦  
不中窾宜天聰之莫回也臣惟朝廷所操以礪

敬事草 卷一〇

世磨鈍者惟是爵賞爵賞宜加則輕之若塊礫  
而不為濫不宜加則寶之如珍玉而不為恠故  
見予者知勉而不見予者知勸也今少傅崇階  
也誥廕懋賞也自昔勲賢之得此者指未易多  
屈也臣忝帷幄之寄絲髮罔禪而旬日之間焜  
煌遠起人不平之感播告朝野又滋人觀聽之  
駭矣方今曹署半空待次久滯奏牒每格典憲  
多湮而未聞有一振飭之令一整理之方獨是  
臣等加一官又加一官廕一子復廕一子渥恩

洋溢温諭頻仍人必曹起而議曰 上甚靳諸

臣恩何為於閣臣甚侈此為泰乎抑干之也厥  
故安在又必曰彼持衡者不務平施而厚于自  
封也如是厥咎安逃然則此一寵榮固臣隕越  
之所為彌亟也且府江之賞在今年三月間耳  
臣以為不宜受故辭今雲南獨何以異于是而  
可受也東功昔當大敘時臣固辭賞不敢當今  
何為者而食其餘前日之辭是則今日之受非  
矣人臣事主惟是一心何宜屢遷而無定執也

敬事草 卷一〇

伏望 皇上平衡政體愛惜名器將雲南朝鮮  
二恩並容辭免無令人謂國家賞功鉅典壤自  
微臣斯臣之厚幸而 皇上如天之天恩也臣  
不勝悚息待命之至 七月十八日奉  
聖旨朕以雲南朝鮮兩告厥功卿為輔臣朝夕調  
燮茂著勲勞加恩示酬原係舊典卿宜勉遵成命  
慎勿固辭該部知道

四辭雲南朝鮮二恩疏

奏為四辭恩命一不敢承懇乞 聖慈必賜矜  
允以成分誼以逭顛隳事頃臣奏為政體宜慎  
濫恩當收懇祈 聖明並容辭免以逭辱國重  
愆事奉 聖旨朕以雲南朝鮮兩告厥功卿為  
輔臣朝夕調燮茂著勲勞加恩示酬原係舊典  
卿宜勉遵成命慎勿固辭該部知道欽此臣辭  
不獲命危悚木集臣惟人臣之罪莫大乎欺所  
謂欺者非必懷誣挾詐不可比于人數之謂也

誠蓄于心而不著于行誠發于始而不竟于終  
見義而為之見利而遷之掩耳目之所不至托  
口語之所不及而苟私其身終懷愧闕皆所謂  
欺也心欲受而口言辭托名讓而實為矯亦所  
謂欺也雲南朝鮮之賞臣既三辭矣臣即為讓  
讓不過三自三而往豈宜更瀆所以哖哖而不  
止者良以心不可欺而誠不可掩故也湛恩汪  
濊豔骨驚心然臣期知其不可此而可受則  
府江當先受矣府江不受而受于此也是遵何

原缺

說哉借令可受則人臣之受于主上也何患無  
辭在禮則長者賜少者賤者不敢辭而况于  
至尊乎雲南越在天末捷書自遠飛來是役也  
盡撫臣力也閣臣何力焉朝鮮之賞臣曩者已  
懇辭矣臣不敢任功亦不敢任罪言猶在耳而  
今竟受之夫不啻臣鼎而嘗一爨謂之未有嘗  
焉可乎是又臣之所必不敢也今天下沉淪者  
多而 皇上甚重名器臣在群臣中未有所見  
而獨享厚施滋臣罪矣願留未盡之餘官以還  
朝廷願留未盡之餘福以還造化是用羅縷以  
明區區毫不敢欺絕無矯飾伏冀 聖明哀憐  
收回成命免臣再瀆渴望 俞音臣不勝披瀝  
禱祈之至

七月二十一日上  
八月初一日奉

聖旨雲南全捷朝鮮善後兩告功成卿為輔臣朝  
夕贊襄勲勞茂著加恩示酬寔遵彝典卿宜祇承  
成命慎勿遜辭該部知道

受廕辭官疏

奏為瀆辭已竭渥命復臨竦息難居昧心酌領  
懇乞 聖慈俯容受廕辭官少安分義事臣頃  
為恩命駢加四疏辭免奉 聖旨雲南全捷朝  
鮮善後兩告成功卿為輔臣朝夕贊襄勲勞懋  
著加恩示酬寔遵彝典卿宜祇承成命慎勿遜  
辭該部知道欽此隨該吏部接出 聖諭勅吏  
部甘鎮大捷二功內閣輔臣密勿運籌勲勞懋  
著特茲加恩示酬元輔志臯兼支大學士俸還  
賞銀五十兩綵段二表裡次輔一貫加無太子  
大師還賞銀四十兩綵段二表裡餘官如故給  
與應得誥命如勅奉行欽此該部移咨到臣臣  
伏地掩面有不能自容者蓋臣之四辭乃悃曲  
極陳而四履溫答不安殊甚尚未蒙見俞不安  
尤滋甚又况前命未收後恩疊至臣聞之哽食  
不生哽舟不行又聞之兩三日以往謂之霖草  
木之所不能受也臣一月之間而三承晉錫雖  
古功德並懋之臣未易居此臣何人斯而得無



患哉夫君有命而臣恭承之君有賜而臣祇受之禮也然必心安之而後可托于禮若今之屢恩者溢典踰常於制為侈賞與功浮於理為僭上行之固優借之私慈而下受之則貪昧之顯忒是烏可托于禮而曲文其鄙心也臣屢貢函章無一字不情實非惟未俞而更叨溢濫天下耳目將震動矣臣何能愛惜肝膽而不剖瀝哉心口徘徊必不得已則臣請受廢而辭官其受也所以明臣萬分凌兢順命承尊之義其辭也

敬事草 卷十

十八

又以表臣萬分謹恪守憲遵制之誠既不能堅持縷縷之前言又何敢盡捐硜硜之小節且依且違滋慚滋悚蓋大權固制于朝廷而公議亦操于天下 皇上賞之臣受之而天下宜之諒之靡所誰何則於臣為榮不然而有一誰何者焉則於臣為辱臣忝輔弼之位而不免於辱匪臣之辱國之辱也酬功之典莫大於廢臣今受其大而辭其餘則甚溢于分而汰于德泚筆甚矣諸所餘者埃 皇上叶神符于泰階霈大賚

于天下而臣然後恭率百僚祇奉曠典用以侈示同朝增光先世視今無端受賞榮光當相萬也伏望鑒臣微悃准臣受雲南一廢其加官給誥及朝鮮甘肅陞廢給誥等恩俱容辭免則一允有餘榮而九遷非所喻矣臣不勝蘊結祈禱戰慄之至

八月初三日奉

聖旨朕以雲南朝鮮甘肅三奏成功卿為輔臣朝夕在公勲勞懋著加恩示酬原不為過卿乃五懇情詞愈切雲南恩廢准卿祇承其餘特允辭免成

敬事草 卷一

一九

卿勞謙之美該部知道

萬壽節屆請增閣臣疏

奏為華祝騰歡班行虛左懇乞 聖明簡命輔  
臣以重國體事恭惟 皇上萬壽齊天祥光流  
繞貢琛獻賚充盈闈庭萬國雲從四夷麋至臣  
比蒙三錫之恩叨承延世之賞與中外臣工恭  
伸蹈舞豈任欣鬯惟是押班體重虛左多時無  
以增光儀鳳之朝首率呼嵩之敬代庖之次迺  
及于臣實滋忝竊之憂敢冒瀆陳之罪臣惟遠  
閣深嚴孤蹤寡寐不揣拮据已四年于茲矣輔

敬事草

卷十

二十

臣員缺屢懇 皇上之登庸 皇上亦屢以簡  
用許臣特因慎重其事需徐未果伏想咨詢必  
已加博掄擇必已加精日月之明容光畢照選  
衆而舉臯陶旁求而得傳說正今日事也凡海  
內之捧表而來者祝 聖人之壽觀上國之光  
堂堂天朝濟濟群彥而燮理寄之虛位巖瞻移  
之薄躬何以慰夢卜之人情乎華夷之物望乎  
臣每逢佳節倍切瞻依際此壽辰尤深慶藉仰  
承殊賚有難縷數時蒙下採亦無吐棄儻僥鑒

允亟簡二三名碩列在樞機俾臣得奉身周旋

規隨從事庶幾大政大謀少所債壞有俾九鼎

之重長奉萬年之觴此臣所藉手以報 皇上

而亦 皇上所以矐臣之最深者也祇候 明

綸不遑朝夕惟 皇上憐念

八月初九日上

敬事草

卷一

三三

乞免蘇松欠糧官追罰揭帖

伏蒙發下戶部查叅蘇松二府拖欠金花銀兩自十四等年該任撫按等官職名令臣票處臣已擬上又命改票臣看詳得蘇松二府逋欠固多然自十四年到今其時不為不久日復一日歲復一歲積漸至此愈久則愈難完勢固然也朝廷錢糧取給于蘇松二府者居天下十之五六殊稱疲累今但見其所欠者多未察其所供者不少耳江南于萬曆十五六七八年間連歲

敬事草

卷一

二二

大荒救死不暇錢糧安得無欠自後元氣彫傷不能一旦而復帶徵安得不多今戶部缺乏有此查叅然其疏中亦止擬同知以下等官住俸催徵蓋雖欲盡法而亦不能盡故也疏中所開官員幾及半百若盡行加罰則十餘年中蘇松官員不論賢愚大小俱被處置驚駭天下觀聽似為大甚無論其他即如趙可懷乃親奉 皇上眷知特遣輯綏楚地者也江鐸正征播有功又平皮林惡徭屢上捷音者也未有優異而槩

以舊任追罰豈不灰任事之心而傷待臣之體乎即部疏亦言十五六七年等疊罹水旱災傷以致不能如數其意亦非過求臣從寬擬亦似非縱矣臣既奉命改票今擬二十年以後管糧官員各追罰俸半年使見任者知所儆戒其見任者仍各住俸催徵已為從重若其撫按司道均望 皇上推念姑免追罰幸甚惟或 聖明至仁愛育臣民止從臣前票施行臣尤幸甚

十二日

敬事草

卷十

二十三

獨任三載請增閣臣疏

奏為獨攝政幾忽滿三載比感竒疾益增顛危懇乞 聖慈俯容避位進賢以重揆路事今月初八日臣奏為華祝騰歡班行虛左懇乞 聖明簡命輔臣以重國體事蓋臣恭逢 萬壽聖節而因念古者三壽作朋之義思得耆英碩彥疏附後先共康壽域于無疆也祇候 恩綸未蒙垂示曷任瞻仰曷任悚息臣自萬曆二十六年十月首輔病告奉命典攝至今獨在于閣者

敬事草 卷一

二四

已三十六箇月矣臣子分誼詎敢言勞第以黜幽鉅典而例論之亦既盈一考之數矣此何地也臣何人也而日復一日歲復一歲以至于此由今追昔不自知其罪狀幾何慙負幾何毛骨凌兢魂夢錯愕七尺微骸不足以堪鈇鉞矣又非惟罪狀當黜而已也臣自本月來忽感竒病初左目頓生烟火光如飛星乃今黑青滿前大者如車蓋小者如棋子盤繞蔽虧而不去甚妨於視兩足常無故轉筋痛楚難忍每一舉發非

經時不鮮當其苦時雖欲撫摩無可着手此又甚妨於行也如此景象尚堪久視人世乎夫

聖主舉事無不為長久計者為長久計必事事先有其備有備無患古今格言閣務殷繁臣身單弱安可無二三僚窠以為之備此非所以為臣以為國也而况時之久遠如此臣之衰病又如此臣不自言誰為臣言伏乞 皇上憫臣衰病瀕危再難尸位賜之特恩准容致仕及早簡用名碩以重輔弼之寄以光天地之交臣獲釋負即死瞑目不敢煩辭冒昧直陳無任懇切之

至 八月二十  
五日 上

敬事草 卷一

二五

請舉大典揭帖

題臣聞之詩有既醉之篇者太平之雅也其詞曰君子萬年介爾景福此忠臣所以祝願其君者也下文繼之曰君子萬年永錫祚胤則願其子孫之多謂夫上天錫善莫有大于此也又曰釐爾女士從以孫子復願得泚媛以為之配而胤生賢子孫以相從也有斯干之篇者頌築室既成之什也其詞曰築室百堵西南其戶爰居爰處爰笑爰語美新成天子之宮規模廣大戶

敬事章 卷十

二十六

牖或西或南居處甚安笑語甚適也下文繼之曰吉夢惟何維熊維羆維熊維羆男子之祥言吉祥善事當生聖子神孫於是室也又曰朱芾斯皇室家君王言此聖子神孫者皆宜服朱芾之煌煌而有室有家為君為王享福祿於無窮也由是觀之自古忠愛之臣無不願其君之萬壽無疆者則無不願其君之子孫萬億者必如此而後快于人心故詩人舉以為祝今當萬壽稱觴之時 兩宮美成之日在廷臣子祝禱

同詞誰不願以此言進哉然迎禧導瑞啟天之祥實自 聖心一念始臣請以人之至情而推言頌禱之義焉孟子云父子主恩又云男子生而願為之有室蓋父子之間非但人所難言即人子于父母前往往往有心欲之而口不能言者惟父母曲體其心而早為之所此所謂至情也皇長子以聰睿之性近強壯之年血氣既充天機自啟非 皇上至慈誰其體悉親父親子喘息相通 皇長子不望之 皇上而誰望乎

敬事章 卷十一

二十七

皇上大婚及時故得 皇子甚早然是時 聖母遣官祈禱已慮夫遲父母篤于愛子則必甚愛孫而愛曾孫也滋甚人之情皆喜玩弄稚子而春秋高者彌甚世人見孫易見曾孫難以其得之難也既欲見之早又欲見之多此皆所謂至情也 皇上為 皇長子大禮計過周必欲備其儀文羅諸珍異以厚之推念真情不如早諧伉儷之為適 皇上孝奉 聖母朝夕起居集九卿之朝竭四海之奉推念真情不如早遂

含飴弄曾孫之為歡則此一禮也上體 聖母  
之情下體 皇長子之情宜不崇朝而舉美臣  
嘗攷之自邃古以至於今帝王之壽考昌後者  
雖多而求其壽最高子孫最多者惟軒轅黃帝  
周文王及我 太祖高皇帝三聖人而已黃帝  
二十五子唐虞三代皆黃帝子孫文王之子受  
大國封者十七人當時諸侯同姓半天下皆文  
王子孫我 太祖高皇帝有二十五子今天下  
宗藩載在玉牒者已十六萬位皆 高皇帝子  
孫帝王富貴已極無復餘望所望者惟子孫之  
多聖人之生皆精明強固而此三聖人者心思  
更加精明神氣更加强固故子孫更加衆多此  
皆因時舉禮率孝行慈詩所謂釐爾女士從以  
孫子有室有家宜君宜王者三聖人寔享有之  
非虛詞矣 皇上體氣原充盛起居又善節宣  
爰際壯齡毓祥開胤若婚以時和氣周浹今年  
先完 皇長子大禮明春以後挨次舉 諸皇  
子各禮以篤父子之恩以示長幼之序以慰中

故事直 卷十

二十八

外之望以故祚胤之源子復生子孫復生孫坐  
見本支之盛享令名而集完福遠比黃帝文王  
近紹我 高皇帝自是 皇上能事何為久室  
其源而不開屢讓其福而不受此臣之所未解  
也茲 萬壽稱觴之時 兩宮美成之日即天  
之善頌善禱者孰能加于此言之外惟 皇上  
細思而亟斷焉夫情至于必不容已不如明示  
之之為快禮至于必不可已不如早行之之為  
安此一大典者無論遲速畢竟當舉早一日則  
聖心早欣瑩一日遲一日則 聖心多焦勞一  
日臣不識 皇上何所猶豫于中而長此縈迴  
展轉也特不定耳一定即無復事矣臣為 皇  
上心腹之臣不敢不委曲想到惟 皇上細思  
而亟斷焉臣無任懇切祈禱之至  
萬曆二十九年八月二十九日  
七日上二  
十九日奉  
聖諭諭次輔朕覽卿奏悉見忠愛誠懇至意深合  
朕心嘉悅不已前月諭卿本欲舉行但朕壽日禮  
儀叢多少俟即日降諭擇日舉行所奏已知道了

故事直 卷十

二十九

回聖諭催發揭帖

題八月二十七日臣具揭引詩人既醉斯干之義仰致頌禱祝願之誠望 皇上早舉大典益隆 聖壽弘濬天潢比于黃帝文王暨我 太祖高皇帝之盛造次陳詞蔓延無次方深悚惕靡敢寧居昨二十九日諛文書官冉登捧出聖諭諭次輔朕覽卿奏悉見忠愛誠懇至意深合朕心嘉悅不已前月諭卿本欲舉行但朕壽日禮儀叢多少俟即日降諭擇日舉行所奏已知

蘇事草

卷十

三十

道了欽此宸翰輝煌出自親灑 聖衷悅懌謫然滿篇臣叩首捧讀不勝感仰不勝慶荷臣惟帝王之興富貴其所固有聲名亦自灼然惟壽命之悠長與子孫之蕃博為出于天之所制雖窮富極貴盛德大業如帝王有不能強者然聖人修身繕性未嘗無延壽之方厚典敦倫未嘗無衍宗之術若不以葆攝為事而求年齡之自長不以鞠育為心而求本支之自盛猶不耕而求獲理所無也臣歷攷邃古以迄于今享遐壽

而衆子孫者不可多得五帝之中惟黃帝三王之中惟文王漢唐宋以來惟我 太祖高皇帝宇宙昭垂獨三大聖此三大聖者不但鍾天靈秀握至道之真詮抑亦建人紀綱裕貽謀之善計故也黃帝之事遐哉邈矣然古今稱養生者歸焉而禮儀文明寔從帝始文王雖雖肅肅亦保亦臨與夫刑家御邦故昆裕後者詩書所言甚多至我 太祖高皇帝身範之嚴動遵禮制家法之正宮庭秩如 祖訓所垂實錄所載歷

萬年一日也所謂至道真詮貽謀善計一顧諟

而見于前矣以 皇上天稟之厚龍德方中天

性之真燕翼咸正早成大典茂衍隆宗正在今日愚臣不勝惓惓願我 皇上光纂三大聖之

後而超軼于百王之前者以此伏承響答慶幸可言目今 聖節已過宮闈多暇寒溫甚適嘉會惟時跂立下風翹徯吉旦伏冀早發以慰群瞻臣無任踴躍抃舞凝佇之至

九月初一日上

首輔永謝乞補閣臣疏

奏為首輔永謝閣務無統懇乞 聖明亟簡元

僚廣延衆正罷黜庸駑以重政幾事切照首輔

志臯以今月十三日病故除臣已題知奉 旨

傳禮部議卹外臣惟自萬曆二十六年十月以

來首輔長告獨臣奉命直閣屢懇增員未蒙

聖簡乃其時閣事之大者臣猶得諮請首輔而

行一應題奏臣綴名首輔之末語必稱臣等日

夜望其再起而覩同寅協恭之舊也今不幸亦

淪謝矣臣真成孤立無餘冀矣疏附後先僅存

形影規隨謀斷取辦胸臆即章奏文移之中更

無臣等字樣實增股慄又可傷心若不及時簡

命則流傳夷夏必謂朝廷之上賢才衰落無一

可用之人如此政本空虛狎加凌侮豈惟百官

無所表率萬民無所瞻依而夷狄盜賊且生無

忌憚之心矣臣自揣庸疲奉職無狀代庖多闕

當路非堪老成既已凋殘小醜行將顛隕徬徨

四顧痲瘵轉加伏乞俯賜矜憐允臣致仕歸田

敬事草 卷十

三十一

退安愚分亟簡耆英以重端揆廣延諸彥弘資

贊襄在籍在朝惟 聖主命庶全愚臣終始而

國家羅有用之才起非常之績矣九月十五日奉

聖旨朕覽卿奏具悉忠愛懇切朕素知卿忠貞清

慎且國家多事委任方殷豈忍恣然言去宜慎加

保養調燮贊襄以副眷倚至意毋得遜辭簡用閣

員已有諭了該部知道

敬事草 卷十

三十三



諭行典禮回奏揭帖

題九月十八日二鼓時伏蒙傳出

聖諭封發輔臣一貫寓所諭內閣朕以皇長子及諸皇子冊立冠婚典禮前已有諭候旨舉行即今皇長子容貌克實書做進益其諸皇子年齡漸長前項典禮昨朝 聖母面奏舉行諸禮 聖心嘉悅卿便傳示禮部查遵舊制擇日具儀來行欽此到臣臣即焚香北望叩頭恭領不勝欣忭不勝鼓舞仰惟 皇上天性真純至誠高

欽事 卷十

三十四

厚念元良之濬瑞昭佑放之宏圖發自淵衷斷于頃刻皇彝帝範增 祖宗世守之光子繼孫承衍廟社萬年之慶除臣即刻傳示禮部欽遵外謹奉 聖諭尊藏閣中以垂示罔極謹具回奏以聞

九月十八日

頒三十年曆賀揭帖

題臣聞聖人有言王者必世而後仁宋儒解之曰三十年謂之一世王者以仁義禮樂教化天下日濡月染必至三十年而後習熟于人之耳目淪浹於人之肌膚舉天下而游于熙皞之天可以稱仁此帝王道化之盛軌也 皇上神明御宇今日廷頒萬曆三十年大統曆日臣見大小臣工鱗集闕下莫不歡呼鼓舞以為 皇上當鼎盛之年成久道之化所御之曆乃古帝王

欽事 卷一

三十五

未有之盛際所成之化乃古帝王未有之極功况時至事起天人合符禮備樂和官府交受自今年以往 皇上萬萬歲壽則無疆之寶曆益昭布于華夷無外之治功益磅礴於遐邇當不特如今日所成臣謬玷班行側聽輿論私心慶幸萬倍恒情自媿累塵不能增泰山之高累滴不能增河海之潤惟願 法天行之健勵不息之貞自今以前三十年如一日自今以後億萬年如三十年則道化愈隆洪基永固大業冠百

王鴻名照千古矣臣觀堯舜之朝治定功成而君臣未嘗不交相儆戒乃歌曰元首明哉股肱良哉庶事康哉又歌曰元首叢脞哉股肱惰哉萬事墮哉蓋兢兢業業不敢荒寧如此臣敢誦之願 皇上為堯舜之君而臣亦竊附為堯舜之臣是以頌不忘規惟 聖明留意

十月初一日上

請吉期進冊文揭帖

題臣惟大典之行恭承 聖斷諭下之日臣民無不歡呼萬歲者今封號定于 宸筆悉皆美名儀注又蒙 允俞人人講習惟吉期尚未發耳本宜靜聽但各衙門備辦所須之事即臨期倉卒猶可取齊惟臣所掌冊文詔書等件必先撰稿進呈恭候裁定冊文則發臣督視中書官寫金冊進內府製造覆奏行詔書則發臣督視中書官寫黃箋進到御前覽發至期行輟轉經多非一日可辦若不預備臨時誤事不小謹先將冊文五道擬草上進臣學疎才淺語不成章伏乞大加筆削以光典謨仍祈早發庶得次第奉行不勝翹俟之至

十月初四日上

回黃河決責問揭帖

題伏承 皇上垂問黃河事情臣聞黃河謂之神河衝徙不常最難測度商時因河決遷王都以避之者五世盤庚作書三篇以告諭臣民漢時言河決乃天數武帝自臨塞河又言治河之法不可與水爭地故治河譬之禦虜最難為力先年所決之處又非今時所決之處意不能料力不能防似難一一責問但當隨時補塞今見任河漕大臣劉東星因此憂瘁殞身若前事有

敬事草 卷一

三十八

失科道官及劉東星豈不能奏劾又若易于補輯諸臣豈不能各獻良策而河臣亦何至于束手待斃為今之計第宜及早命官不惜財力以收後功乞將會推亟點刻期催任拯溺救焚此之謂也

十月初四日上

請上 徽號揭帖

題臣查得萬曆十年 皇子誕生彌月尊上聖母徽號茲逢大典告成 皇上孝奉 慈闈以天下養百順承歡超逾今古宜仍諭禮部具儀行禮容臣閣中備辦冊文詔書等件又查得皇上請 聖母宴會有奏書致語今次容臣撰進以備用俱候裁示庶便遵行

十月初八日奉

敬事草 卷十

三十九

其宴會奏書致語卿可照例恭擬具來

進冊立詔草揭帖

題昨蒙 皇上發下冊立冊封選定本月十五日大吉之期臣民頂戴不勝歡祝除冊文五道臣先已進呈外今擬合行詔書以進臣惟今日至十五日止有七日冊文尚須內府製造金冊詔書尚須中書官寫黃箋俱再進 御覽始發日期甚迫望 皇上早賜裁定八月初上

詔條三事揭帖

題臣所擬詔條與部院公同商確悉係常行事宜無甚增損至于赦罪一節臣今增擬云原奉欽依及詔獄罪犯開具奏請定奪充軍為民一節臣亦增擬云有奉特旨者具奏定奪此皆臣不敢朦朧之意外有三事必須發自 聖心臣不敢擅入詔內另開以請如蒙 許允入詔內行此三事者群心禱祈甚切萬代瞻仰在茲苟可少延歲月臣亦不敢輕瀆但今事勢窮極千

載一時之賚恩首宜及此歧望之誠同于時雨降黜諸臣壯者老者死含悲泯沒深可哀矜而四方百姓窮愁到骨若無以慰其望或生他變亦不可知臣尚未敢盡求起用盡求蠲除但調停酌于分數多寡之間亦易俯從者也 皇上至仁如天至明如日儻從曠然施恩廓然普惠盡撤內臣悉召起用尤出臣意想之外真大聖人之作為愚心未嘗不切禱焉謹題候 旨一大典既行先年有因議禮降黜者懲創已久

吏部開名具奏敘用其餘因事 欽降罷斥官  
員吏部訪擇可用者分別等第查開職名議擬  
上請若奉 旨充軍者兵刑二部查其所犯情  
由議奏定奪 一礦稅原旨權宜暫行今已日  
久本該停止但國用尚未充足姑從酌處各差  
內官會同撫按官查看礦脉已竭者牢閉塞不  
得虛工包賠稅額太多者查實奏聞量情減徵  
行撫按催解若有匪人投充生事害民侵官者  
拏問究罪勿貸 一各處織造除額供毫不減  
外其加派數內有節年拖欠未完者該部查請  
量免補解以寬民力 十月初八日上

催允行取官揭帖  
題竊惟行取一事自萬曆二十六年十月發自  
聖心命吏部行取考選今已滿三年矣諸臣離  
任待命盤費罄竭而科道員缺太多差遣不敷  
政務廢弛奸弊莫清在彼則積于不用在此則  
苦于缺用故部院不憚煩瀆屢疏請旨臣觀近  
日溫純題內但望酌量點除伏望俯從其請親  
賜御筆酌量點用亦明曠蕩之恩而慰諸臣之  
意也臣不勝惓惓 十月初九日上

故百並

卷一

四十三

回徽號諭札揭帖

題今日文書官金忠恭捧

聖諭到閣諭內閣朕以冊立冊封禮成天下頒行  
國家大慶 聖母在上鞠育朕躬恩同天地實  
自本源理宜尊稱徽號顯揚朕之孝誠卿可傳  
示禮部查遵舊制擇日具儀來行欽此臣不勝  
欣慶仰見 皇上大孝因心尊親至情惓惓罔  
極即刻傳示禮部欽遵外謹奉 聖諭尊藏內

閣以垂永久謹回奏以聞

十月初九日發  
下本日回奏

敬事草

卷十

四十四

諫冊立改日揭帖

題今日文書官冉登傳出司禮監太監田義等  
一本內開冊立冊封等擇到十月十五日卯時  
吉合用冊寶冠服等項錢糧未完催各衙門無  
分晝夜上緊趲造等因臣已擬票上進再蒙發  
下改票傳諭錢糧未完着另改日期臣聞命之  
頃不勝震慄竊惟冊立冊封 皇上最喜慶之  
事國家極重大之典 成命既下 天地 祖  
宗百神咸舞蹈欣躍環拱而待矧伊萬方華夏

敬事草

卷一

四十五

黃童白叟豈不日夜引領而瞻俟乎忽聞改日  
之命天下將謂非詭衙門遲誤之罪必有他端  
更張之故此其疑議更多于前命未下之時紛  
然滋起中外橫溢自今以後殆不能一刺無瀆  
擾矣臣伏思之 聖主以儉德先天下教子孫  
即錢糧未備服御稍欠不失為帝王盛德惟是  
命令大信彝章大禮豈得有所二三 皇上素  
重詔旨未嘗一毫爽改安可以遷易之辭從今  
日大禮始臣于他事無不祇畏順從獨此事為

天地鬼神所鑒臨關天下萬世之公論帝王一言傳之萬古輕加擬改必陷明主于有過之地臣萬死不敢伏鎖待罪惟皇上俯賜諒察仍依前定吉期從儉從簡亦不為失適足以光揚聖德也必不得已則請暫借該衙門錢糧備用禮成之後容臣與在朝諸臣竭力處置嚴督戶工二部剋期補還如不從時當與天下共處以法亦足以重國體成大典有辭于郊廟百神而副海內蒼生之望矣臣不勝戰兢昧

疏事 卷十

四六

死上陳伏冀 聖明鑒納 十月十一日

封上太監田義捧入跪振掉伏不能起

上親為取覽良久乃命曰傳語各衙門亟辦具有一不備者聽打發南京於是局監始議製造云時十一日暮刺矣 上復自語云如改日無奈紛紛者當復起也

催發冊文詔書冊寶揭帖

題臣昨日冒昧進言不勝悚惕今日百官集于文華殿演禮群心鼓舞皆呼萬歲 皇上命司禮監官監視仰見 聖心歡豫吉期無改臣不勝慶幸伏想 天地社稷宗廟之靈咸儀 皇上祭告之禮而徽號早上一日則 聖母之心早歡悅一日又昭 皇上下大孝尊親之盛也臣今拱候而甚急者冊文五道詔書一道俱在御前未發冊文尚須發該監鑄字詔書宜發中書

疏事 卷十一

四十七

官寫黃俱非倉卒能辦伏乞即賜發下幸甚幸甚臣又惟金冊金寶宜勅該監一面將別項錢糧通融借造一面催該部急進補還惟天語丁寧着衙門日夜通融造辦即從淳樸亦昭 聖德貽謀之盛其寫黃事不可再遲詔條之中儻有未合 聖意者望且以御筆留起待徽號禮成尚須詔條是時臣恭擬候裁亦未晚也臣不勝顛俟之至 十月十二日 上即日奉

聖旨朕覽卿奏已知道了其冊寶未有金兩該監

尚未鑄造且典禮隆重至期權宜或用冊文寶文  
行禮造完補賜可否卿還詳查奏來

敬事草

卷一

四六

敬事草 卷一〇

回補賜冊寶可權宜揭帖

題今日臣具揭上奏伏蒙 聖旨朕覽卿奏已  
知道了其冊寶未有金兩該監尚未鑄造且典  
禮隆重至期權宜或用冊文寶文行禮造完補  
賜可否卿還詳查奏來欽此臣惟 皇上冊立  
皇太子冊封 諸王天性至情真仁篤愛立彛倫  
之極厚本支之慶甚盛德也夫禮有實有文冊  
寶雖重尚是儀文造完補賜有何不可在舊典  
雖無可查在聖賢行仁之術臣敢不將順奉行

敬事草

卷一

四九

望 皇上即發冊文容臣一面以黃箋寫就冊  
文寶文權宜宣讀以成大禮其 詔書亦乞併  
發寫黃及期頒行使四海之內咸誦 聖明同  
呼萬歲幸甚臣又聞昨日戶部議進金兩不知  
足用否倘可并鑄或先鑄各寶亦完一事今上  
徽號在適當鑄 聖母冊寶乞催該監將前項  
冊寶上緊一齊造完至上 徽號之日悉行補  
賜亦所以歡 聖母之心慰 諸皇子之望也  
臣不勝惓惓

十月十二日  
十五日奉

四三七



聖旨朕覽卿奏具悉忠敬詳慎冊寶辦造遲悞內  
外經管官員都著該部查叅了來其未造完者權  
用冊文寶文行禮還着上緊造完恭候 上聖母  
徽號之日御前補賜該衙門知道

敬寫直

卷十

五十一

犯諱自陳揭帖

題臣檢詳 惠王冊文中用有一字偶犯 成  
祖御諱臣實踈略罪何可辭今擬改為華萼相  
輝文義亦妥惟復 聖明欽賜更定臣俯伏俟  
罪謹以原文并改揭進上伏候 旨勅三十一日

十四日奉

聖旨朕覽卿奏具見忠慎目今章奏繁多卿宜用  
心輔政以副眷倚至意既檢詳着改正行

敬寫直

卷十

五十二

謝揭帖

題臣擬 惠王冊文偶犯 成祖御諱具揭自  
陳奉 聖旨朕覽卿奏具見忠慎目今章奏繁  
多卿宜用心輔理以副眷倚至意既檢詳着改  
正行欽此除冊文當蒙欽定改正外竊惟臣踈  
略有罪自知難逃 皇上不但寬臣顯罰抑且  
賜以 溫綸豈勝慚悚豈勝感激自今一切章  
奏敢不殫竭心思圖副委任但臣才智既緣天  
限精神又遂年衰端恐悞處猶多終不自覺虛  
蒙忠慎之褒而終蹈鹵莽之罪則臣所大懼也  
惟 皇上睿思精詳時厯訓勅庶策不敏之質  
免明時之羞

五十一  
五十二  
五十三

言查叅之旨難發乞寬宥揭帖

題今日 皇上冊立 皇太子冊封 福王瑞  
王惠王桂王嘉禮備成須詔天下天日熙和雲  
物昭朗百官萬姓及四夷之在闕下者罔不歡  
忭踴躍共呼萬歲此真 皇上億萬永齡之符  
亦萬億多孫之兆也臣不勝慶幸不勝祝頌早  
間太監田義捧發臣所奏揭帖奉 聖旨朕覽  
卿奏具悉忠敬詳慎冊寶辦造遲悞內外經營  
官員都着該部查叅了來其未造完者權用冊

五十三  
五十四  
五十五

文寶文行禮還着上緊造完恭候 聖母徽號  
之日御前補賜該衙門知道欽此臣方以孤陋  
踈略自媿自咎安敢當 皇上忠敬詳慎之稱  
誠惶誠悚竊惟典禮以九月十八日命下內外  
經管官員咸宜夙宵恭事何至再旬之久而冊  
寶未成致 皇上殷念議以冊文冊寶權用行  
禮典守謂何臣允宜欽遵 明旨傳該部查叅  
遲悞之罪但臣愚意旨中有數字似不宜傳外  
者輒此覆請蓋臣此揭係十三日早上是時冊

寶委未造完故 皇上有權用補賜之旨至于  
 昨日臣會同司禮監寫篆五冊寶俱全今日蒙  
 賜行禮矣而尚云權用補賜恐外人不知便謂  
 今日典禮雖行而冊寶未備將 皇上殷勤催  
 督美善無盡之意過而不明傳之天下萬世益  
 致訛舛似為不便臣愚請 皇上另發一旨未  
 知是否謹題候旨臣又惟典禮既成神人胥慶  
 詔書頒行有罪者尚在寬赦今冊寶已備但少  
 精純而儻蒙 皇上俯賜含容將此嚴旨免發  
 則天下萬世惟稱 聖斷美成而纖瑕罔累豈  
 不為盛德大業之至臣受眷倚厚恩欲睹唐虞  
 至治不避擾瀆竭盡愚忠惟 皇上涵亮十五

九日奉

聖旨朕覽卿奏已知道了前旨免發收存閣中特諭卿知

請發徽號及儀注揭帖

題恭遇 皇上加上 聖母徽號臣謹欽遵恭  
 擬二號進呈未蒙定發臣職掌冊文奏書詔書  
 等項并各衙門應行典禮恐臨時辦理不前伏  
 乞 聖明裁定并禮部擬上儀注發下令臣等  
 次第奉行早成尊親盛典以慰 聖母之歡心  
 以昭 皇上之大孝十月十七日

敬事草 卷十

五五

催點河漕督撫揭帖

題臣頃得河南及鳳陽各巡撫報言黃河決于歸德地方盡趨東南潛入淮泗而黃堦斷流徐邳淺阻田空糧船不得回南明年新運已見稽悞漕渠不可收拾矣且不獨妨運而泗州祖陵又有衝擊浸沒之憂此燃眉最急務也總督漕河大臣既缺已經再推望 皇上早賜遴用責令刻日到任趁今整理以遏汎濫之虞且防春水之發 祖陵幸甚運道幸甚八月上

敬事草

卷一

五十六

回 聖諭揭帖

題臣十五日所上揭帖今日文書官再登捧聖旨朕覽卿奏已知道了前旨免發收存閣中特諭卿知欽此又奉 聖諭諭內閣冊立分封典禮朕遵 祖宗制度家法自然次第舉行祇緣 皇太子氣質清弱屢旨少俟何乃憚邪畜物故逞私臆沽名邀功意欲離間瀆阻今春朕見皇太子氣體充實書做進益朕心嘉悅且又內外仰體靜聽朕命即於二月吉期移居屢傳各該衙門查照舊例上緊造辦應用錢糧何以至期冊寶雖備中有尚未精純其餘器物等項遲悞槩可知矣科道言官未見一語催參公私顯然職守安在其造辦冊寶冠服內外經管官員卿可傳示便着該部查參明白具奏欽此臣叩頭恭誦備領 皇上舉行典禮之由一見恪遵 祖宗家法之誠一見體念 皇太子天性之厚一見旁鑒大小臣工靜聽之哲一見始遲終速各有所宜乾健之斷詳明周至具昭乎詞

敬事草

卷一

五十七

又以外衙門辦造悞遲特令查叅無非為深  
愛 皇太子而發臣即遵奉傳示該部施行惟  
望 聖度天容聖慈海浹以成大慶之美以迎  
滋至之禮所奉 諭札尊歲閣中傳示永久謹  
具回奏聞九十月十  
是旨傳示戶部尚書陳渠奏云罪宜坐臣安  
能漫委諸經管官上為之留中不報

欽定四庫全書

卷一

五十八

言徽號不宜四字揭帖

題臣所擬加上 聖母徽號有二請旨點一奉  
聖旨朕恭覽卿擬尊上 聖母徽號四字俱全用  
以顯誠孝尊崇之意欽此臣候命日久竊疑  
聖孝真切旦夕為遲而何需遲若是乃奉今旨  
始知欲無用四字此真 皇上誠孝尊崇至德  
但臣惟自昔徽號皆以二字遞加不為不尊矣  
祖宗相傳著為成憲其在今日所宜恪遵臣職  
司典籍不敢屑越擬禮執奏臣之分也儻 皇

欽定四庫全書

卷一

五十九

上俯從轉移乃盛德事伏想連日遲回正由于  
此欲加則 祖制有定而不可踰欲不加則  
聖心已發而不可遏 皇上亦明知其不安矣  
為孝而過于禮似不若無過為更佳耳臣如不  
言必有議臣後者欺隱之罪何辭顧今時日甚  
迫不得更遲惟即賜乾斷以便遵守謹題請旨

十月二十六  
日 上本日奉

聖旨朕覽卿奏具悉忠慎尊上 聖母徽號恭用  
四字本自朕之孝誠還着遵旨行該部知道

謝特賜揭帖

題該文書官再登捧出

聖諭諭元輔朕今日恭進 聖母冊寶意欲召見

先生但朕連日動火聲音啞岔又且未便天寒

賜先生伏薑一盒甜食二盒燒割一分特此諭

知欽此臣恭誦 溫綸肅拜朕賜叩首叩首何

勝感激伏惟 皇上至孝尊親崇脩彝典重闡

歡豫合宮喜慶斑斕五采拜起千行真世間希

逢之樂事而人子極快之至情也臣竊在班末

敬事草 卷十

六十

仰窺 聖顏和豫如春喜見眉宇所謂孝子之

心有深愛者必有愉色有愉色者必有婉容昔

嘗誦之今親見矣久隔起居幸此瞻睹欣忭已

極而伏承意欲召見之旨拳拳垂接出臣望外

感極欲舞何幸如之况辱天寒之念多品之惠

又辱先生之稱非分之寵宛然家人父子至情

也身蒙殊眷捐糜何酬仰惟 皇上天儀玉表

龍德正中元氣攸鍾陰陽所會顧保身大孝之

本調攝自不可廢水火既濟則火不獨炎心清

肺寧則聲音洪暢固不獨服食之力尤貴有靜

養之功伏乞謹護風寒慎調寢膳以副皇天之

屬望以慰 聖母之眷懷區區愚忠惟此一片

以謝如天大賜八月二十

敬事草 卷一

三十一

賀徽號禮成揭帖

題今日 皇上恭上 聖母徽號親獻冊寶百  
 官萬民舉欣欣然快覩 龍鳳之姿天日之表  
 穆穆皇皇尊嚴和暢觀羽旄之美者若遊碧落  
 而捧玉皇聆管籥之音者若張洞庭而御軒帝  
 也衆心之愛戴如此萬方之謳歌可知蓋 皇  
 上三十年厚澤深仁淪肌浹髓而今者垂裕之  
 令猷尊養之隆典周旋曲折罔不中禮故聞者  
 誦德見者醉心手舞足蹈之間言語揄揚之際  
 自不知其所以感美臣永願 皇家和氣天壤  
 周流 聖壽萬年日奉 慈極瑤池之樂子孫  
 千億長培 國家磐石之安更願舉親睦以協  
 萬邦致中和而成位育時臨宸座延見吏民天  
 聲玉表從發瞻聽湛恩明威震曜下土竊津津  
 然希冀之焉古者謂內外興治四夷賓服之類  
 為人瑞品物咸亨四靈畢至之類為天瑞今典  
 禮備成禧事交洽天人合應家國同禎能不拜  
 手稽首入告于上謹具題稱賀以聞  
十月二十九日

請福王婚禮揭帖

題本月二十四日蒙發禮部題請 福王婚禮  
 一本臣謹票擬上進伏候數日未見允行臣惟  
 福王茂齡十七正及婚時今 皇太子婚禮將  
 行宜妙選 福王賢淑次第成禮臣前恭祝  
 皇上聖壽無疆弘開胤祚上同 太祖高皇帝  
 百二十一孫茂衍天潢建封萬國今維其時似  
 不可緩伏乞早賜批發使各該衙門欽遵施行  
十月三十日 至十一月八日 奉  
故百五 卷十 六十三  
 聖旨朕覽卿奏具見忠愛婚禮候旨行福王且着  
 出閣講學擇日具儀來行禮部知道

大典成加恩辭疏

奏為 聖謨獨運大禮告成非分蒙恩覲難承  
拜乞賜收回以光慶典事吏部接出 勅諭勅  
吏部尊上徽號禮成冊立冊封告完內閣輔臣  
贊襄密勿勤勞懋著一貫加無太子太傅進建  
極殿大學士廕一子與做尚寶司司丞還賞銀  
五十兩綵段二表裏餘官如故照新銜給與應  
得誥命如勅奉行欽此移咨到臣聞命自天措  
躬無地惶悚惶悚臣惟 皇上薦愛 元子正

敬事草 卷十

六四

位東儲一體 諸王並分赤社加上 聖母徽  
號以表純孝誠敬上聖之完德垂永之顯摹也  
臣歷思往事締詳始終無幾微不本于定籌無  
毫髮不經乎神運小臣屢喧而不搖大臣亟請  
而弗拂天明日皦本絕他端岳峙川恒更無中  
異遂令疑心橫口旋起即消天性真機闡為彝  
典穆然永念劃然丕建雄斷行于一朝德業峻  
于千古並命之中而先後較若同冊之日而輕  
重有倫 皇極建而宗廟社稷咸安天敘昭而

父子兄弟足法上慰 聖母之懸屬下騰萬國  
之同歡罔極之報于焉而酬不匱之施于焉而  
錫實非臣一口所能揄頌亦非臣一詞所嘗贊  
襄者也夫臣不能贊襄一詞而 聖諭以贊襄  
行賞則 皇上素重輔弼延及微臣耳臣雖不  
敏自審亦明胡敢冒顏妄承貪榮取誚乎儻  
皇上以恩詔再頒德施四洽謂臣旦晚趨蹌亦  
萬分一之勤勞也則臣請泐忍受銀兩表裏之  
賜于德甚弘于臣甚侈矣乃若加無進殿玷崇

敬事草 卷一

六五

峻之階任子誥親辱光裕之命揣分為累堅遜  
斯宜伏望察臣悃誠無少矯飾憐臣素志有萬  
凌兢俯容辭免俾守舊官庶杯孟之量不盈而  
傾覆之虞少遠臣無任瀝懇仰祈之至  
十一月初二日  
上初四日奉  
聖旨大禮告成朕心嘉悅卿居政本朝夕贊襄勲  
勞懋著加恩示酬實遵彝典卿宜祇遵成命不必  
遜辭該部知道



再疏

奏為隆恩誤及內揣增慙再瀝懇辭伏冀俯俞以安愚分事茲以大典告成 皇上推恩及臣進殿加無蔭子錫誥及賜銀兩表裏除銀兩表裏臣不敢固辭容恭領廷謝外其餘異數具疏辭免奉 聖旨大典告成朕心嘉悅卿居政本朝夕贊襄勲勞茂著加恩示酬實遵彝典卿宜祇遵成命不必遜辭該部知道欽此臣素拙脩詞不能自達威顏咫尺益用躑躅誠不曰天敢

故事草

卷一

六十六

忘再瀆仰惟大禮之行出自宸斷臣第有將順毫無贊襄前疏備陳茲不復縷惟是臣之愚情有日夜兢惶迫切五內者敢一吐露於 君父之前始臣遭遇 聖明起家赴闕時則有三輔臣在前臣濫竽其間優游伴食尚未見短也不謂數年以來三輔皆盡遽以次授俾臣代斷夕而計過殆不勝書然猶謂暫時權攝非久息肩耳不意 皇上遂倚以為真頃奉 諭旨有先生之稱元輔之目人為臣喜臣為身危晉陸玩

有言以我為三公是天下無人也每于恍惚之中惆悵之際自謂必當解釋理無久居又自謂求多實難求寡良易而不意有今日之殊錫也無官傳轉極殿廢符丞皆真首列之恩不惟不可解釋而復益以繫縻夙懷愈左行將若何臣反覆思念俠士殉節匹夫許身臣以孔子為師以 皇上為父義重恩深敢懷返顧惟是骨寒福輕才謏德薄而據高增殆取多速顛下愧所學上羞朝廷耿耿徊徨良非過蕙伏望 皇上

故事草

卷一

六十七

深憫曲全收寢前命姑待臣績用稍彰粗述謹責然後次第量賜始為稱情於賞格非踰於國恩非濫不然臣近在密勿而獨取過豐非所以示臣民光聖世也臣無任懇悃祈望之至  
五月初六日奉  
聖旨朕覽卿奏具悉忠慎大禮贊襄加恩彝典卿宜勉遵成命益展謨猷弼成化理以副眷倚至意慎勿固辭該部知道

請出閣講學揭帖

題恭惟 皇上下德敦倫訂謨啟後冊禮冠禮  
相續舉行一月之中臣屢奉事于班末伏觀瑞  
霽與群情交暢祥輝及喜氣齊騰人文物采燦  
然有倫品式章程郁乎備具 皇太子睿姿宣  
朗雅度莊凝端冕垂旒允恭克讓 諸皇子龍  
光鳳儀金相玉節詵詵振振既衆且嘉仰見  
皇上種德甚厚積慶甚宏源深流長光啟來胤  
又見 皇上教家有素訓迪多方聞禮聞詩成

敬事草

卷十

六八

正罔缺况茲一時畢行衆禮少長咸在不煩再  
舉此滿朝簪紳所以為 皇上嵩呼萬壽而臣  
忝密勿尤舞蹈不自喻者也然臣區區忠愛尚  
有一焉臣聞之良玉不琢莫昭其采良金不鍊  
莫耀其光雖琢之而不磨猶之乎未為珪璜也  
雖鍊之而不鑄猶之乎未為彝鼎也然則學不  
可已尤不可懈故語曰愛之能勿勞乎說命曰  
惟學遜志務時敏厥脩乃來臣願繼自今以往  
皇上特命 皇太子嘉禮既成日懋講讀無忘

厥初 諸皇子春日載陽次第出閣以就外傳  
臣雖至愚敢不夙夜率屬敬進古聖賢之明訓  
以仰成 皇上垂裕貽嘉至意臣不勝慶忭祈  
望之至謹奉賀并請

十一月上

敬事草

卷一

六九

拜命陳謝揭帖

題本月初一日准吏部咨傳奉 聖諭 徽號  
禮成冊立冊封告完內閣輔臣贊襄密勿勤勞  
懋著一貫加兼太子太傅進建極殿大學士廕  
一子與做尚寶司司丞還賞銀五十兩綵段二  
表裏餘官如故照新銜給與應得誥命如勅奉  
行欽此臣辭不獲命謹于十二日赴鴻臚寺報  
名今早謝恩訖伏念臣天壤孤生山林獨物逢  
時適合遇主太奇初無紹介之先容默契淵衷

敬事堂

卷十

七十

之特簡歷賜華貫經遙孤卿首戴足騰莫非異  
數而又誥廕稠疊上及祖考下及妻子凡夢想  
不到之事臣皆于身得之如此恩知若為報稱  
臣每自揆度恨非其人而遜避雖勤拜承終侈  
徒存微抱竟昧本心是以今命下日再具疏辭  
非臣好煩誠有慚歎故也 皇上誤愛方殷答  
溫愈渥則臣欲復辭而不敢辭欲輒受而不能  
受連日徘徊罔知所措乃今則竟包負乘之羞  
靡顧在梁之誚矣感極涕零欲恭陳一謝而令

甲廷謝之臣無本謝例則臣又不敢創起以開  
虛矯之端鬱此至情無由自達敢進此揭以表  
九頓之忱不勝佩結不勝依戴臣賦才不長值  
今多事因循故習恐無益于事幾稍涉權宜終  
有妨于禮法惟知事君者以安社稷為忠以陳  
仁義為敬不可告于天者不可言于君無愧于  
先皇斯無愧于萬世臣雖至愚心切慕此即微  
少效可自靖于國家誓此寸心必無欺于 君  
父所患狗馬病多令狗馬心左懷茲眷眷不勝

敬事堂

卷一

十一

惓惓頂踵可損無言膚髮謹具題恭謝以聞  
月十三  
日上

言河漕揭帖

題臣接御史高舉揭帖為直言天下第一要務等事內言河漕利害竊謂其言可采蓋京師受天下轉輸歲以巨萬計上奉至尊官府下贍億兆軍民天下重務孰大于此而所經由路第恃一線漕河耳漕河既徙則咽喉就塞而有絕粒之憂今年春夏間徐州一阻而二十萬糧遂不入倉若不急圖妨害明年之運三輔內地所在告荒太倉之米不支二年至于銀庫罄竭如故

敬事草 卷一

二十二

掃倘有揭竿而起脫巾而呼者何以弭之總河大臣已經屢催伏望皇上早賜點用督其刻期到任廣詢竭圖以救燃眉之急舉所言治河數策二三十年中屢聞之而竟無人能為者非財力有限即任事鮮人苟取一切治辦事了止矣至于今而悔之何益哉誠欲備舉是在得人得人則功無不就而利無不興必特簡重臣隆之眷顧重以丁寧許以便宜始期百年無事若朝廷視為餘緩在下無復擔當矣觀疏中言在

朝會推則有推諉在外會題則有推諉可見當事者之情狀而深為國家寒心也臣不避嫌疑特用陳奏望皇上少賜燕閒將高舉本省覽早點吏部會推仍嚴限催任處置漕事之急

日二十

敬事草 卷一

二十三

催存問輔臣揭帖

題臣於本月十二日遵奉 聖母徽號詔書存  
問原任輔臣申時行王錫爵王家屏擬勅進呈  
未蒙批發臣茲另擬上請臣猥以庸劣遭際昌  
期獨受隆恩正深慚悚敢不敬奉詔書弘宣聖  
澤使前輔臣均受上賜少逭臣饕竊之譏齋心  
丐求萬祈原照所有恩賜禮物似宜令該地方  
辦備以免齋送之煩統候 聖明裁定謹題請

旨 十一月二十五日上

欽 聖 旨 卷一

七十四

冬至謝加賜揭帖

題恭遇冬至令節臣詣宮門外叩頭慶賀伏蒙  
皇上特恩管待賜茶復賜伏薑甜食各一盒燒  
割一分寵私過厚晉錫有加曾微尺寸之能堪  
此殊常之遇惟思糜骨仰報推心 十一月十八日上

欽 聖 旨 卷一

七十五

言啟本不必批荅揭帖

題今日早蒙發薊州永平山海總兵官尤繼先  
啟本四本到臣臣看詳前本係啟 皇太子本  
原稱啟知與奏題進御之本不同不煩批發本  
官遵禮部題奉欽依而行蓋祖宗設立此制但  
欲 皇太子明習庶政以廣聰明使預聞之耳  
若聽斷則 君父事非所預也以後此類 皇  
上覽過似宜竟賜東宮存照謹封回奏聞

三日

敬事草

卷一

七十六

請點總河大臣揭帖

題臣惟總河之缺屢推至十人矣尚未蒙 點  
中外惶惶此一官者非一人所易為亦非人所  
樂為推而不點諸臣之幸非國家之福何也河  
道雖一職而關係國家最大者有三其一則黃  
水 浸淮水而泗州 祖陵被其患再緩不治  
雖鳳陽 祖陵亦當被其患夫祖陵國家王氣  
之鍾也 祖陵被患豈惟 列聖龍統之歲不  
安于地下而千萬年聖子神孫托根寄命于何  
所無厚培濬發之祥而有波蕩震驚之虞靈秀  
因之日傷福祚因之日衰矣彼庶民衣食之流  
尚恐傷其先塋而愛其一草一木况 帝王之  
家所係如何重者可不日夜寶護而泄泄然乎  
甚關宗社亦切 聖躬最不可緩圖者也其一  
則黃水侵漕河而運道阻塞南來千萬艘停閣  
不進京師之米糧日貴百貨日少三輔沙磧所  
出幾何何以供六宮廩百官餉九軍九邊而育  
養邦畿千里之民亂生輦轂其憂不細非社稷

敬事草

卷一

七十六

之福也其一則河南山東徐沛之間乃中原都會之區譬之人身為腹心之位譬之人家為堂除之所此而昏墊為巢為窟耕耨莫施商賈不出則腹心潰而四支皆壞爛不收堂除榛而四隅皆阻隔不通故中原之民尤當愛護中原之地尤當懇關不可令其陸沉如海而無完土非社稷之福也夫一河決有三大患奈何不蹶起而救哉今歲已盡成蹉跎矣再復蹉跎春水暴發患當若何一患已甚况其三乎諸臣仰揆

故事

卷一

三十八

聖心似不釋然于先任河臣故需遲也夫功罪炳于輿論威福制于至尊或究或容或遲或早惟 皇上命此一新命與舊臣何妨亟用其新而往治事徐議其舊而斟酌處之固未晚耳何為而緩其當務之急以滋燃眉之患哉從來比河道關係之大于九邊比河工責任之難于禦虜人臣既莫之任 皇上又不令任臣實憂迫如坐針氈若托之非其人或因之以為利不顧利害之切身而第取錙銖之快意割肉而飫口

剖腹而藏珠此尤視國事若兒戲而計之至愚萬萬不可用者也臣為此懼竭忠盡言亟點廷推之外更無要術專委河臣之外更無奇策早責成一日則早拯救一日使之講究利害之歸處畫䟽塞之法事難遙度惟在得人此十人者已拯一時之選惟 皇上選擇而使之耳

五日

故事

卷一

七十九

請發新閣臣辭疏揭帖

題本月十五日原任太子少保今行取沈鯉一本為再懇 天恩俯容辭免重任事該通政司封進未蒙發票臣惟沈鯉蒙 皇上特簡入閣同臣辦事 聖恩隆重不敢遽承再疏懇辭原係閣體今未覽發在 皇上萬幾未暇偶致稽留而在本官聞 命惕驚進退惟谷則來期逾遠閣務莫辦而臣益懷孤憤僨軼之憂矣伏望皇上即賜檢下容臣票上覽發促其即來以彰

敬事草

卷一

八十一

優禮輔弼之意臣不勝瞻望惓惓之至

上

請推恩補行取科道揭帖

題伏見慶典告成內外臣民莫不幸其為不世遭逢也獨此行取各官尚有向隅之泣為大造中之遺物敢請 皇上亦賜一恩蓋行取之臣其視尋常職任及循資遷轉又加一等論年資有歷十餘年與八九年者視他官更久論才品皆屢經薦達與累書上考者視他官更優乃自戊戌冬被命而來至今又三年尚不得一官則視他官為更後落拓都門不儒不俗薪水僕賃

敬事草

卷十

八十一

時亦不繼誠可憐也始猶慮其散僚外吏未識朝廷體而不無妄發之虞今聚觀闕下歲月積而諳練精矣始猶慮其驟登干進取膺仕而不無輕易之失今靜居待除人老成而事持重矣譬之藥材數經製煉之後郁烈之性都盡而精華之美獨存效可奏矣况考選之時有四十九員今見存止三十六員其人日少而兩京科道近益寥落其缺日多都御史溫純每當換差那東補西疾首感額殊非官盛任使之典計今聖



政一新萬方歌頌無復眩擾瀆阻之患當資疏  
附後先之力伏望 皇上乘此慶成普施德惠  
特准部院所擬分補前缺則體悉周而銜感切  
鬱積通而愛戴深必有體國奉公黜虛崇實之  
臣為 皇上用者此真今日聖政第一之當務  
也十一月十二日上

敬事草 卷十

六十二

言武職既予封當聽辭俸揭帖

題臣惟國家典制署職官止支半俸不准授封  
署職而加實授者謂之陞半級實授則支全俸  
許授封但文官惟郎中之下有署職其人不多  
而其陞遷之時亦不論署與不署只論年資深  
淺無大關係故恩詔中可得而許也若武官自  
都督一品以下悉係署職非軍功不准實授實  
授者不過百中之一二耳其官既尊其人又多  
又當給全俸則費益不貲故屢次詔書多靳而  
不許臣之擬詔遵守舊規非抑之也今馬棟等  
陳乞之疏蒙 皇上准照弘治五年例行此至  
仁至慈一視文武德意甚盛但出自特恩則可  
而臣則難以擅許故前票中有此委曲惟 皇  
上亮察夫各官一疏而既得封典又得陞官  
明旨已下夫復何言但既實授即當改半俸為  
全俸其人又多其官又尊其俸發自內帑費當  
不止鉅萬豈得因一施恩而浪費無限不可不  
聽各官辭免也且兩京武職不計其數其紛紛

敬事草 卷一

六十三

援例許之則浪費益多不許則擾攘不已雖  
皇恩浩蕩內帑充溢不能填無窮之壑而應無  
限之求矣茲兵部一本為武職乞恩謹遵 明  
旨參酌輿情等事正為此請不惟妨冒濫之抑  
亦絕紛擾之釁乞即批准以明典制以絕釁虞  
臣無任瞻望之至謹題請旨 十二月二日

故 聖 立 卷 一

八十四

歲暮代享諭回奏揭帖

題今日該文書官劉宣傳出

聖諭諭內閣歲暮廟享行禮朕偶爾感寒見今頭  
暈身軟靜攝調理卿可傳示遣官及各執事務  
秉精竭誠虔行禮供事毋得怠忽特諭卿知欽  
此臣惟 皇上一身乃百神之所擁佑 九廟  
之所憑依自非陰陽能為之患第今嚴冬之候  
天氣轉溫稍失調護寒邪易入至于頭暈身軟  
又似屬火或久于靜處鬱而不舒鬱能生火或  
過外營擾而不清擾亦生火惟願 皇上飲食  
起居之間倍加節慎喜怒哀樂之發暢于中和  
則外邪自消氣脉和暢歲暮廟享未遑親奉孝  
思匪懈誠見于詞臣即當傳示遣官及各執事  
俾其務秉精誠謁虔供事又臣昨為 福王婚  
禮具揭以請伏蒙 皇上出閣講學之命不勝  
感服并傳示禮部擇日具儀以請除 御札尊  
藏閣中外謹具回奏 十二月十九日 上

故 聖 立 卷 一

八十五

敬事草卷十一目錄

請補各官及科道揭帖

問安揭帖

紀召見 啟祥宮事

擬 聖諭揭帖

催發 聖諭揭帖

奉 聖諭揭帖

繳還 聖諭揭帖

錄內降各差三十處密旨

敬事草卷十一目錄

問安揭帖

擬上三諭揭帖

問安揭帖

問安揭帖

回 聖諭慶南太僕留二卿揭帖

不傳 聖諭揭帖

言由本兵揭帖

請三事揭帖

趙侍郎可兵部揭帖



日講揭帖

辭寧鎮捷恩第三疏

言李賢揭帖

請講寶訓揭帖

救前任科道揭帖

謝前事揭帖

請加恩禮部揭帖

報入閣揭帖

言寶坻牧場揭帖

敬事草卷十一目錄

言田本兵揭帖

言黃河事揭帖

三輔臣存問錄廢揭帖

請東宮講讀揭帖

廣東稅事揭帖

言稅契銀揭帖

言趙邦清揭帖

河工事宜揭帖

熱審揭帖

催發二事揭帖

陝西織造揭帖

言稅契揭帖

敬事草 卷十一 十一日 欽

敬事草卷十一

柱國少傅兼太子太傅吏部尚書中樞殿學士臣沈一貫

請補各官及科道揭帖

臣惟人主以安社稷靖萬民為本務以設官分職率作考成為要務牧民之道譬之牧牛羊然今有牛羊於此而不寄托于人以為之牧則盜賊之所竊豺狼之所噬存者幾何而更望其蕃育乎惟民亦然人主不能自牧而分寄于百官以為之牧苟寄之不得其人與不得其法則閭閻之盜賊山澤之豺狼盡是也而民何以生其究不使民盡化為盜賊豺狼不已也若是則萬民不靖而社稷將危不利亦大矣故有一官則有一官之職官不可使不備而職不可使不舉官闕而不備責在銓衡之臣職溺而不舉責在紀綱之臣而振率銓衡之臣與糾虔綱紀之臣是誠明主之事非可聽其因循敝壞而無精明

曄曄之觀也比者 皇上建彝倫之極備孝慈之行莫萬世之本開有道之長天下臣民欣欣

思見德化之成而猶此跂望莫有慰心者惟是  
仁心仁政猶未周浹故耳今所謂銓衡之臣吏  
部是也所謂綱紀之臣都察院是也往之為部  
院者率多不職宜為 聖心之所厭棄自頃以  
來皆爭自濯磨仰承休德以愛君體國為懷以  
徇私滅公為戒臣樂與之共事庶幾治平故諸  
臣有違闕臣不敢不做戒于下以相成而諸臣  
有湮鬱臣不能不道達于上以相助臣觀吏部  
之所苦者莫苦于推補之未盡而都察院之所

敬事堂 卷十一

二

苦者莫苦于差遣之不敷此皆國家之忠計

皇上之所宜體亮者也蓋推補林林總總為之  
委任責成而誰任司牧之寄差遣不敷則莫為  
之稽程舉刺而牧職亦不能舉揆厥所由部  
之失于銓衡而院之失于綱紀咎將安辭能不  
為 明主瀆乎俯憐其心而允其推補各官及  
考選科道之請使百職皆克而牧養有寄誠急  
務也今正月丁巳夜火星逆行入太微垣占為  
兵起有災天下大擾臣覩茲憂懼啟處失圖今

東倭西播幸已蕩平北虜納款甘涼屢捷遼東  
延綏亦就羈絡四方初脫湯火之危而財匱民  
窮瘡痍未起方當與斯民以清靜寧一之福何  
堪再罹兵災至於天下大擾臣中宵起逸階除  
不能待旦伏計 皇上為社稷萬年主宵旰憂  
勞更當倍蓰臣思所以解煩釋結有備無患敢  
以此言進惟御墨一灑而惠澤普沾轉災虞為  
吉祥化呻吟為謳歌易易矣

二月初七日

敬事堂 卷十一

三

問安揭帖

題昨該聖濟殿提督太監崔文昇傳奉

聖旨召太醫院院使徐文元等進宮診視 聖脉

臣聞之不勝紆鬱隨從徐文元等細詢病原云

是積痰在內寒熱相激以致 聖體煩熱頭目

眩痛嘔逆惡心寢歇不寧宮庭咫尺阻奉 天

顏痲癢相通瞻依彌切臣惟 皇上稟氣甚厚

福壽齊天區區陰陽豈能為患但今仲春節下

寒沍之餘威未解而彊陽之游氣已升稍失調

敬言

曰

護則寒熱相激鬱而生痰眩暈嘔惡皆由于此

臣聞之醫家痰火之症多屬于有餘而有餘之

症相乘于不足一切飲食起居嗜欲喜怒皆寒

熱之媒能生痰助火不可不慎伏望 皇上順

時節宣無令外侵隨事葆蓄無令中滑則無妄

之疾自然勿藥有喜而萬萬年無疆之筭等乾

坤而並日月矣臣下情無任惓切謹題恭候

萬安 二月十五日上

紀召見 啟祥宮事

三十年二月十六日以 皇太子婚禮成禮部

請 上陞殿受賀有旨免 皇太子奉命于文

華門受賀羣臣行四拜禮

是日巳時 上急召閣臣及部院等官至仁德

門獨召臣一貫入啟祥宮後殿西煖閣時中宮

翊坤宮皆養病不侍側 聖母南向立稍北

上具冠服席地坐稍東偏西南向 皇太子諸

王羅跪于前臣一貫叩頭起居畢 上曰沈先

敬言

五

生來朕恙甚虛煩享國亦永何憾佳兒佳婦今

付與先生先生輔佐他做箇好皇帝有事還諫

正他講學勤政遵制度以日易月行礦稅事朕

因三殿兩宮未完權宜採取今宜傳諭及各處

織造燒造俱停止鎮撫司及刑部前項罪人都

着釋放官各還職建言得罪諸臣俱復原職行

取科道俱准補用朕見先生這一面捨先生去

也臣呼萬歲 聖壽無疆何乃過慮如此望

皇上寬心靜養自底萬安因不覺失聲 皇太

后太子諸王皆哭 上遽起就牀臣再奏云六  
部尚書求去者三望 皇上諭令視事 上曰  
兵部尚書田樂戶部尚書陳藻俱令即出供職  
工部尚書楊一魁不塞黃垆口衝動 祖陵着  
革職為民臣復叩首領命即出擬旨以請

欽定四庫全書

六

擬 聖諭揭帖

題今十六日伏蒙 皇上召臣于啟祥宮後殿  
西暖閣面奉 聖諭臣謹擬旨一道傳各衙門  
遵行以光 聖德以增 聖壽臣謹具題聞  
擬上

聖諭開礦抽稅為因三殿兩宮未完帑藏空虛  
權宜採用今着傳諭各處礦稅織造燒造俱着  
停止鎮撫司及刑部干連前項犯人都着釋放  
官各還職建言諸臣都着復職行取科道俱着  
補用兵部尚書田樂戶部尚書陳藻俱着即出  
供職工部尚書楊一魁失塞黃垆口衝我 祖  
陵着革職為民該部院知道

欽定四庫全書

卷一

催發 聖諭揭帖

題今日 聖體違和特召臣入宮面諭 皇上  
諄諄誨臣之言臣心以為萬萬景福無疆何至  
過慮如此惟諭傳礦稅諸務釋放各項犯人收  
錄建言諸臣補用行取科道留用戶兵二部尚  
書而令工部尚書楊一魁為民等事此實 皇  
上如天至仁臣當奉行隨即擬旨恭進伏候賜  
覽即發幸甚臣仰見 聖容精彩略無滯氣  
聖恩周詳允皆正理占知微恙旦晚必瘳昔之  
故人立 卷一 一  
人主有發一善言而災星退舍者况 皇上一  
召見之頃而諸弊悉釐百廢具舉盡收天下之  
萬善天神福祐豈有量哉凡人舉一惡念則凶  
星煞曜將畢隨之舉一善念則吉星福曜亦畢  
隨之臣知今日 聖念一舉而天地萬靈皆當  
蠲災錫福 祖宗社稷無不呵護擁隨所謂人  
所歌舞天必從之者此也伏望寧神靜養以承  
天庥臣今晚宿直于朝房以伸擁扈之私恭候  
諭旨 二月十六日上

奉 聖諭揭帖

題今日二更時該長安門守門官逋到 聖諭  
開礦抽稅為因三殿兩宮未完帑藏空虛權宜  
採用今着傳諭各處礦稅織造燒造俱着停止  
其南京供應機房係舊制并蕪杭織造內官有  
御用及婚禮袍服俱着照舊已採徵在官金銀  
等件并織完裁疋燒完磁器還着原差內官押  
解進用如有奸惡截阻及驛遞應付遲慢者指  
名叅處鎮撫司及刑部干連前項犯人都着釋  
放官各還職建言諸臣都着復職行取科道俱  
着補用兵部尚書田樂戶部尚書陳藻俱着即  
出供職工部尚書楊一魁失塞黃垆口衝我  
祖陵着革職為民該部院知道欽此臣恭捧莊  
誦不勝喜躍臣正對群醫遍檢醫書講求醫理  
歷舉 聖體所患以問之具言決無意外不必  
深憂蓋邪熱在內不食無妨四支疼痛夢寐不  
寧目眩頭岑皆一時邪火作梗不為危証但觀  
神氣如何若是凝定堅固即係佳兆臣言 聖



容和粹端肅望之儼然 諭旨字字真確有倫  
 有敘且藹然皆愛人利物之心長久遠大之計  
 群醫抃手稱慶共保無虞况今 明旨一下所  
 以造福于四海者無窮普天率土黃童白叟歡  
 欣踴躍萬口同祝天地神明有不聞聲感動而  
 陰相扶助者乎臣得此群醫之言如獲萬金良  
 藥輒敢奉獻以寬 聖懷惟 皇上耐心寧思  
 靜攝溫養脉理自調邪氣自退萬安之慶端有  
 日矣所奉 聖諭臣即傳各該衙門布告遠近  
 敬言並 卷二

令共祈 皇上萬萬歲壽原帖尊藏閣中傳之  
 信史俾知大聖人作為迥出于尋常也  
二月上十六日

繳還 聖諭揭帖

題昨夜恭奉 聖諭一道緣臣與各衙門俱在  
 朝房直宿當下悉知捷于桴響已傳行矣茲蒙  
 遣文書官取回臣敢不奉 命繳還但頃刻之  
 間四海已播欲一一收回殊難為力成命既下  
 及汗非宜惟望 皇上三思以全盛德大業以  
 增遐壽景福臣不勝忠愛之至  
二月上十七日

敬言並 卷二

錄內降各差三十處密旨

聖旨說與蘇杭等處提督織造兼理兩淮鹽稅等務司禮監太監孫隆知道開礦抽稅為因三殿兩宮未建帑藏空虛權宜採用其各處礦稅織造燒造等項俱照舊行待三殿落成爾等行文戶部請旨停止恐爾等不知旨意到爾即與各撫按等知聞如有妄造謠言准爾即時指名叅奏重治不宥該衙門知道

此旨竟從中發不由閣科

故舊並

卷一一

一一

問安揭帖

題臣于十六日恭承特召面諭是時仰見天顏克粹天語端莊占知偶感易愈適當復和願萬萬安心無勞過慮昨詣仁德門候問聞夜來寧帖不勝喜慰至于今日知益豫安此誠天地百神默相顯助之徵也臣竊念之九閭闕嚴百僚人眾不且使之屢至大內且當人心瞻望徬徨之日尤宜鎮靜以安之臣今不敢復率諸僚入問但令各歸衙門辦事矣惟臣一念狗馬

敬事草

卷十一

一三

戀主之誠不能自已伏望崇攝天和省思省事一意靜養以凝泰禧臣不勝惓惓祝願之至謹具奏恭候萬安以聞

二月十八日上

擬上三諭揭帖

題今日文書官劉用捧出

聖諭朕前眩暈召卿面諭之事且礦稅等項為因  
兩宮三殿未完帑藏空虛權宜採用見今國用  
不敷難以停止還着照舊行待三殿落成該部  
題請停止其餘之事卿再酌量當行的擬旨來  
行欽此臣懸念 聖躬日夜瞻盼得見近臣恭  
詢動定知己汗解不勝喜躍捧誦諭旨輒此回  
奏臣惟老子有言身與貨孰多蓋財貨乃身外

故言並

一四

之物比夫軀命不啻天壤之懸隔也今 聖體

初安豈盡復舊正宜倍加崇攝凝承天禧安得  
以區區外物而妨內養臣願 皇上且勿以此  
事輾轉于懷寧心澹神保身保民幸甚容臣三  
思再奏其事在不疑者臣謹擬 聖諭三道惟  
即允發預慰中外懸懸之望臣無任懇切之至

二月二十日上  
二十一日奉

聖旨朕覽卿問安回奏具悉忠愛懇切已知道了  
該部院知道

諭吏部都察院朕惟行取科道待命日久况各差  
缺多妨廢政務你部院屢次列名擬職朕已具知  
可着即到任管事仍具本題知二月二十  
諭吏部朕惟建言得罪及因事誣誤諸臣懲創已  
久人才難得不忍終棄你部備查起用復還原職  
便具寫來看下不

諭刑部鎮撫司及你部犯人凡係礦稅及建言誣  
誤的都准釋放各還職役便開名奏知下不

故言並

一五

問安揭帖

題頃自 聖體違和犬馬私情不勝煩結 天  
顏咫尺弗獲時奉起居 皇上一身神靈所護  
羣臣百姓禱籲維度如天之福何恙不已惟望  
寧神靜志省思慮調藥食以迓天庥臣下情無  
任惓惓謹具題恭候萬安以聞 二月二十  
二日上

敬事草 卷一一

一六

問安揭帖

題臣比日阻奉 天顏私衷懸戀不遑寧處玄  
穹垂佑萬福所歸伏想 聖躬日就清泰臣聞  
却病之法寧神為要藥餌次之伏望澄思遣累  
怡養天和以繼遐祉臣不勝惓惓謹具題恭候  
萬安以聞 二月二十  
五日上

敬事草 卷一一

一六

回 聖諭處南太僕留二卿揭帖

題今日文書官傳出

聖諭發元輔諭內閣朕今日覽文書內見太僕寺卿南企仲一本不以君父為重專市私恩新舊建言奉旨降革諸官都不准復職因礦稅干連人犯都着刑部鎮撫司照舊牢固監候不許容縱南企仲本當重處姑且降一級調用不許朦朧推陞李戴蕭大亨奉公守法都着即出照舊辦事不許煩辭奏擾該衙門知道欽此臣自瞻

敬 聖 旨 卷 一 一

奉 天顏以來已經旬日九重懸隔無由數侍

起居依戀殊切今日恭奉 諭札仰見御筆題

封精彩飛動既占萬安及捧誦 聖諭中間處

分諸事并慰留李戴蕭大亨益見思慮周詳精

神溢發臣不勝喜躍不勝慰藉 聖體初安珍

攝為上一切外事皆當屏除臣當傳示二臣令

其即出供職勿為煩辭瀆擾以勞至尊在 皇

上亦望澄思遺累太虛順應不復以瑣事寘念

懋迓無疆之福其建言待罪諸臣礦稅干連人

犯 聖心既加憫惻德音必有沛時恩在朝廷誠非人臣所宜私市惟望 皇上以天地為心廣大為德無因臣下之煩言久留已發之盛意為天下錫福赦罪乃所為 聖躬增福除災也愚臣不勝惓惓

二月上 七

敬 聖 旨 卷 一 一

不傳 聖諭揭帖

題今日文書官傳出

聖諭諭內閣朝廷開徵礦稅等項為因兩宮三殿未建帑藏空虛權宜採用昨已有諭但傳聞未定卿可傳示該部院即便行文與各處欽差內官并撫按等官還都著照舊遵行待三殿落成題請停止如有抗拒不遵的一體治罪不饒欽此臣惟今日之事 聖躬為重思慮動作所妨實多宗廟社稷之身華夏臣民之主伏望 萬

敬事草

卷十一

二

分珍愛新愈之時即一飲一食宜少不宜多惟在 聖心自加斟酌左右前後諒不敢苦口節縮也臣狗馬微忠恨不能以身恭代輒此附陳所奉 聖諭臣宜傳行但臣受 皇上大恩一有差馳悔之無及輒敢細籌而深計之以俟 聖裁 皇上既云罷止有時何必多申諭旨此諭若傳不惟不能禁人聒擾而適足以招人聒擾 皇上聰明如神于此偶未加思思之則知此諭雖嚴部院能帖然遵奉與各撫按乎臣知

必執奏矣彼撫按官亦豈能帖然遵奉而無後

言乎臣又知其必執奏矣科道及南北兩京十

三省官亦豈能默默而已乎臣又知其必執奏

矣是天下本無事而朝廷自生事出一題目與

人做文字誰不攘臂而起也如此則是臣方勸

靜養而反至于增煩臣心何忍臣罪何逃既聒

擾 皇上必交章攻臣臣不能一日事 皇上

矣昨吏部刑部止以請命未得彈章隨之雖有

明諭猶皆閉門不出二臣如此臣身可知臣身

敬事草

卷十一

三

若經一攻萬無苟容之理此時恐動 皇上一番氣惱費 皇上一番處分臣不足惜顧非國家之福也展轉思維未敢輕傳伏惟再加斟酌慎重絲綸臣自知不肖不稱任使惟復別有處分統惟 聖裁

二月二十  
八日上

言田本與揭帖

題今日蒙發兵部尚書田樂告病十三懇疏到閣擬票臣惟樂乃 皇上特諭所留之官理應擬留且本官實忠誠任事前撫西陲用兵數載屢推大虜恢復松山未嘗請朝廷一兵一馬一絲一粟而坐收百年所無之功目前諸臣未見其比既任本兵無論籌北籌東悉中機窾而平播一事慷慨討賊萬里料敵如在目前故役不再舉而逆賊就誅也臣實敬服今天下不為無

敬事堂

卷一一 三二

事而樞筦重司有如此人誠不易得顧其性資率直不能委曲從人待下尤嚴未嘗少假詞色成功固由于此而召謗亦由于此乃謗者謂小事不足以傷之於是辱以汚名毀其大節而本官素矜名重節發憤抱病累書及臣誓以必去為期矣臣仰體 聖意俯念時艱誠不忍其去然留之愈久則攻之者愈多徒令抱不白之冤而增終身之恨則愛之為害尤所不忍茲不得已而有此票望俯亮允從全彼實多他日用之

再召未晚庶本官得全晚節而國家亦儲不盡用之大臣以為重也如 聖意必欲留則請御前特札召吏部接出以彰厚眷以鎮群囂庶可挽其去志耳非臣敢擅擬伏冀 聖裁

閏二月初三日

敬事堂

卷一一 三二

請三事揭帖

題恭喜 聖躬萬安集和凝粹天地日月若重  
 開朗宗廟社稷若再奠維宮庭侍衛抃手歡呼  
 百官萬民喜色相告臣託在股肱義同心膂愛  
 戴踴躍倍萬恒情仰惟 皇上素精攝衛博通  
 醫理萬祈益苾于新愈之後謹調夫寢膳之節  
 申戒左右時進箴儆止聲色薄滋味禁嗜慾平  
 喜怒神常恬淡則憂患不能干氣常清和則容  
 邪不能詭臣觀昔人養生之論大抵以虛靜和  
 故事草 卷十一 二四

平為要如云養心莫善于寡欲又云養身者以  
 煉神為寶又云養性者善言不可離口又云養  
 性者須先知自謹又云善養生者清虛靜泰養  
 之以和此皆名括之格言尊生之妙訣也唐臣  
 柳公度嘗自言吾平生不以氣海暖冷物不以  
 元氣佐喜怒故享年八十有九此尤可法臣不  
 勝犬馬戀主之私敢為區區美芹之獻至于朝  
 廷政務諸司亦自支持惟各處缺員尚多未補  
 治河錢糧無從處辦此係當今最急且關 聖

心又臣前者面奉 聖諭四事但蒙 俯允行  
 取尚有三事未見舉行致使日新之德久蘊而  
 未揚如天之思久懷而未暢天下歡忻歌頌之  
 聲又為呻吟顰蹙之狀殷勤 德音對臣發鏤  
 心刻骨臣何敢忘默而不言現今慚負非所以  
 厚望臣之意也敢祈 皇上于夜氣清明之時  
 虛心遠想政事孰疵孰美何為遜其美而徇其  
 疵利害孰少孰多何為舍其多而圖其少知而  
 不行何取于知過而不改是謂之過特施勇斷  
 故事草 卷十一 二五

為世造命此在樂微之自回不待臣工之苦口  
 有如積習難于遽捨三事未即並行亦乞次第  
 敷恩後先相望行一事天下亦戴一事之仁寬  
 一分百姓亦受一分之賜使饑渴望治之衆水  
 火倒懸之人稍有慰心猶存冀心信 朝廷無  
 反汗之綸頌 明主有解網之日祝祈 聖壽  
 時萬無疆詠歌 聖名昊天罔極則豈但臣民  
 之福實 皇上之福也臣以多病微軀獨當大  
 任憂時憂國常切亂虞既負隆恩復年素志耿



耿顧名之心比之顧身實重竊以愚臣之心仰  
揆 聖主之心大小雖殊當不甚遠如得早了  
三事復完前美譽孽不萌太平如故則 皇上  
一日而與二帝三王並傳懿鑠臣亦一日而得  
攀龍附鳳預沾榮光上下同庥君臣相悅豈不  
亦千載一時大快事也臣無任披瀝懸望之至

閏二月十  
五日上

故宮遺稿 卷二

廿六

趙侍郎可兵部揭帖

題今日伏蒙欽點吏工二部侍郎到閣擬票臣  
不勝欣喜服 皇上睿智知人之明而賀朝廷  
得賢才之用也其兵部侍郎尚未蒙點意者所  
推係見在各部院及各巡撫 皇上不欲輕動  
耶臣竊觀其間有積資積勞可備任使者一人  
趙可懷是也敢不避嫌疑為 皇上薦之按可  
懷係嘉靖四十四年進士萬曆十年以副都巡  
撫福建又巡撫順天巡撫陝西間住起為南京  
故宮遺稿 卷一  
操江二十二年陞兵部右侍郎巡撫應天入為  
工部左侍郎資望既深閱歷又熟不宜復出為  
巡撫但以舊年四月楚中變動臣奉 聖諭處  
分倉猝之間顧瞻廷臣求其忠誠練達決能輯  
寧重地以寬 聖憂者惟此一人故保舉以往  
然本官已為侍郎七年為巡撫二十年而仍令  
以侍郎巡撫不加一階則臣時不暇慮及即本  
官至今亦未嘗一言及此也乃臣靜思實為缺  
事况本官到楚不動聲色而亂虞悉安才誠兩

合不負委寄之重矣多事之秋兵樞之任召還  
回部惟此允宜若念其微勞似當照先年邢玠  
例陞右都御史管左侍郎事尤見 聖恩特注  
之重臣非敢私于可懷也求賢圖治本臣職分  
而况可懷之不遷臣實為之又不得不為亟請  
于 皇上也今楚地已寧料無足慮而得一賢  
臣在朝署間裨益實為不小伏惟 聖明鑒允  
特賜簡用

閏二月十七日上

敬事草

卷一一

二八

日講揭帖

題為日講事伏覩 皇上自臨御以來典學時  
敏學庸語孟之外五經則易書詩禮俱已講過  
見今大學衍義講章又將進完相應接續臣惟  
春秋係聖人筆削之書可裨 聖學尚未進講  
又惟我朝 太祖高皇帝 成祖文皇帝 聖  
德神功比隆三五嘉謨善政載在寶訓皆可為  
萬世子孫法程或將兩朝寶訓進講其于 皇  
上羨墻之見尤為親切伏望 欽定一書容臣  
率領講臣預撰講章待大學衍義完日接續進  
講臣未敢擅便謹題請旨

閏二月十九日上

敬事草

卷一一

二九

辭寧鎮捷恩第三疏

奏為過寵難承悃忠非矯萬懇 聖慈必容辭  
免以寬慚負事項臣以寧鎮捷功加恩再疏辭  
免蟻忱已竭 天聽愈高伏念臣待罪股肱典  
司密勿與邊鎮將士之任不同往時軍功之賞  
或及閣臣必進止預其機宜撫剿叅其籌畫雖  
未親行陣之事實已多帷幄之謀故雖受之不  
為僭忒若夫賞不當功功不副賞前此閣臣亦  
每每控辭矣然則邊功賞及閣臣固舊典也閣  
敬事草 卷一一

臣不與邊賞亦舊典也寧鎮之捷實邊臣遵循  
成畫以力戰得之不煩臣等一籌一慮而捷來  
始知故文武將士誠宜恩敘臣雖朝夕在公而  
原無勲勞又何能覩受也况今 皇威布昭武  
功稱競士有不勝賞者而止戈為武臣每以口  
不談兵為 皇上願之夫士有不勝賞則臣不  
宜從旁掠其賞兵既不願談臣又不宜從中領  
此賞臣瀝控再三底裏罄盡初無飾詞亦非矯  
節伏望俯加憐察追寢前命庶恩無濫私而臣

亦獲遂本願此實 皇上所以眷愛臣之深者  
也

閏二月二十四日  
上二十五日奉

聖旨朕嘉寧鎮二次捷功文武將士同心僇力卿  
為元輔殫竭謨猷調燮贊襄勲勞懋著加恩示酬  
原不為過卿乃三懇情詞愈切具見忠慎至意特  
准辭免成卿勞謙之美該部知道

言李贄揭帖

題今日發下票本內三本奉有口傳

聖諭除兵部吏部各一本謹遵票上外其錦衣衛

拿獲李贄一本傳諭着送鎮撫司打問欽此臣

惟欽拿人犯送鎮撫司打問原是定規但訪本

犯年已七十六歲形體羸弱伏觀大明律開載

老幼不拷訊雖有罪犯止于贖銅此 聖祖優

老仁厚至意臣不敢不請今以其惑世誣民而

拏問以其年齡衰老而輕處此誠仁義無盡之

故臣立

卷一一

三二

道也臣謹擬上兩票惟乞 皇上從寬發下免

其拷訊以弘 聖德臣不勝惓惓

閏二月二十五日上

請講寶訓揭帖

題為日講事照得大學衍義講章將及進完臣

前具揭以春秋及 太祖高皇帝 成祖文皇

帝寶訓二書上請未蒙 批示臣伏思之稽古

不在遠求憲章莫如近守春秋世遠事與今殊

聞見可資法戒未切惟兩朝寶訓 二祖之嘉

謨善政備載其中一事一言皆可為法較之經

史尤為親切以此進講則陟降在廷羨墻若見

比之春秋為益必大伏祈定示以便進講臣謹

故臣立

卷一一

三三

將 太祖寶訓十五卷繕寫裝潢進呈其 成

祖寶訓尚候寫完續進緣係日講事重前書將

完不可復遲輒爾催請謹具題候旨

閏二月八日上

救前任科道揭帖

題臣抱病未瘳日求醫藥動便生火流汗浹背  
僅恃一粥勉強難前仰藉 隆恩許臣在寓擬  
票尚得不廢公務然又違闕庭心如針刺容再  
寬假數日誓不敢偷安以負超常恩遇也今日  
聞吏部接出 諭旨因新進科道蕭近高等妄  
言罰俸一年而追及在前沽名之臣降革有差  
臣不覺心驚而欲仆口喏而難合如是者移時  
也臣與各部院官不能正身率人奉職循理方

奏

卷一

三二〇

自慚咎今奉此諭竊恐大小臣工增多貽擾則  
上何以仰頤 聖心順適起居下何以肅清  
朝廷載其清靜哉舊規科道官進衙門無一建  
白人便以為無風力故每每搜尋挑剔以見其  
長習尚固然無足怪者在朝廷可採則採之不  
可採則置之耳今蕭近高等三臣妄言干威罰  
俸示戒臣何敢為之申救若在先諸臣時移事  
改懲創已深 皇上近旨准其起用今不惟不  
用而又追記其過以加之罰則回視起用之意

不亦大相懸哉必非 皇上本意特為三臣所  
激而不覺移怒至此耳伏望廓天地之心開日  
月之照除蕭近高等罰俸如舊外其鄒元標等  
准免追處則至公至仁之心照然于天下而多  
言哆口之風亦不禁自息矣臣托股肱所祈朝  
端靜定 聖心安寧特用縷縷以干不測之恩  
不勝瞻睇之至

三月初四日  
上初六日奉

聖諭朕覽卿所奏具悉已知道了朕怒南企仲於  
君父有恙之時輒敢妄言狂肆無上今乃峻使兩

故

卷一

三十五

衙門新進官不論是非擅逞胸臆屢行激擾已從  
輕處了卿今在告既來懇奏降二級的姑且各罰  
俸一年降雜職的各降一級用革職為民的照舊  
留用特諭卿知卿可傳示吏部知道如有再行黨  
救瀆激的都還一體重治不宥

謝前事揭帖

題今日伏蒙 皇上遣文書官劉用傳出 聖

諭云臣恭誦 恩綸不勝喜躍臣聞之詩曰

周王壽考遐不作人此詩人頌文王久道化成

成就人才之多也 皇上御極以來陶鎔俊彥

光佐太平濟濟在位一時嚮用之士亦莫不爭

自濯磨以思報効譬之群駿交馳于前泛駕者

或亦時有貴在控馭有法操縱得宜則六轡在

手有致遠之用而無僨轅之憂矣今新進科道

狂言觸憲 皇上欲加裁成追咎既往以示創

艾旋蒙開霽賜之曲全仰見雨露風雷無非至

德恩威互用仁義並行此正壽考作人之妙用

陶鎔御之微權也臣實心服心感踴躍忻頌謹

即傳示吏部遵行其 聖諭尊嚴閣中以傳永

世臣謹具回奏陳謝以聞三月初六日上

請加恩禮部揭帖

題臣惟 皇上篤念天經斷成大禮冊立 皇

太子冊封 諸王尊上 聖母徽號及冠婚諸

禮悉皆告成兩詔天下普天同慶如臣不肖亦

蒙誤恩今又遍賞六軍行將大賚百官德澤至

隆浹矣惟是禮部各官夙夜在公與臣往復商

訂助成盛美臣既濫叨豈能獨安而不為之請

乎臣思邊功陞賞尚及戶兵二部况此曠舉千

載一時伏冀 聖慈俯加敘賞謹擬諭旨一道

上進恭候 聖明裁定三月初七日上

諭吏部冊立冊封尊上 徽號及冠婚等禮具

成禮部官夙夜寅清勞勩可嘉尚書馮琦着加

太子少保賞銀四十兩綵段三表裡侍郎朱國

祚賞銀三十兩綵段二表裏兼官各如故都給

與應得誥命該司郎中王紀着陞五品京堂用

與禮科都給事中張問達各賞銀十兩其餘儀

制司及禮科官俱賞銀八兩

報入閣揭帖

題頃臣以衰病侵尋骨力難強嗑氣欲絕舉趾畏顛不得已哀籲 君父之前乞假調理伏蒙 聖慈矜許令暫就私寓票擬本章幸寬療曠之誅已荷高深之造而復承眷渥問疾醫來分甘 錫貺望闕拜命感涕橫集苟延喘息皆 皇上生成之賜也身非臣有捐糜何辭但日已迫于 崦嵫力不任夫驅策終恐有負眷倚是用耿耿 謹於今日廷謝入閣供事外具題陳謝以聞

啟言直 卷一一 三十八

十三日 上 本日 奉

聖旨覽卿奏謝今日入閣贊襄朕心慰悅已知道了 特諭卿知

言寶坻牧場揭帖

題伏蒙發下御馬監太監徐銳一本內言牧馬草場坐落寶坻等地方原有一千三百餘頃被豪民侵墾殆盡要差典簿官一員往彼丈勘等情臣恭票上兩次發下再票臣惟國家之事無一不經由六部臣在閣中豈能知其委曲即 皇上至聖至明深處九重亦豈能知其委曲安可遽遣中官往勘哉縱使真知可行亦當經由六部此 祖宗之制也 皇上之制也臣不敢 紊伏乞 俯從前票幸甚若不可使六部知之豈可行于天下紀綱一亂天下即亂今年熒惑逆行占為兵戈並起天下大擾臣常憂之望 皇上大更前轍萬一亂起 皇上能與一中官共弭乎中官外官皆 皇上之官奈何偏聽而輕以 祖宗之天下嘗試也臣亦知承順 聖意可幸無罪然區區一念忠義求不負 皇上委托之重輒此苦口乞將此本留中具見保惜

金甌至意 三月十日 五日 上

言田本兵揭帖

題今日發票本內有兵部尚書田樂一本苦切  
求去臣惟樂為 聖明特眷勉留甚遭逢矣柰  
其命窮時蹇屢被叅劾半年之內自救不暇精  
神分越意氣消阻雖復留之恐其顧忌人言難  
以展布而不能奮勇擔當如舊時也軍國大事  
可為寒心凡人既為人所疑縱行好事人情儘  
從歹處推求誰肯向好邊體亮此既一機械彼  
亦一機械意氣相吞口吻相刃廟堂之上祇成  
故舊故舊立 卷十一 四十一  
聚訟安能復論公家事乎 皇上既眷樂之深  
宜聽樂之去一去則其心迹自明不去則愈爭  
愈繁而愈不可明非樂之利亦非朝廷所以保  
全功臣之道况暫令致仕欲用則再召未遲也  
臣謹擬票上惟 聖明允發三月上

言黃河事揭帖

題臣惟黃河西決事干 祖陵又干運道皆國  
家極大政務而河臣李頤既患危病治河錢糧  
又無所出該吏部已推曾如春等上請未蒙點  
用工部亦請九卿會議錢糧未蒙允發衆心遑  
遑惟恐失時不治為患日深伏乞將二本檢發  
臣惟河臣之病固因決口難塞下流難濬實因  
錢糧重大不能轉手無米之炊巧婦不能情可  
悲憐病非假托 祖陵王氣乃皇家萬萬世運  
故舊立 卷十一 四十一  
祚之所發祥 聖躬萬萬歲福履之所鍾粹豈  
直運道之為京師咽喉而已夫救水火者不能  
待遠今河南巡撫曾如春見奉 旨料理但未  
即真耳若賜點用尤為得人所需錢糧亦難責  
地方出辦僉欲各省協濟及多方搜取事在燃  
眉亦乞早命集議臣不勝惓惓三月上



三輔臣存問錄廢揭帖

題今日發下文書內有原任輔臣申時行王錫爵王家屏等三本俱為存問謝恩事查得先年內閣致仕輔臣劉健謝遷王鏊徐階等蒙賜存問各遣子孫來京謝恩俱奉 特旨廢授中書舍人乃優禮舊臣彝典今時行等感荷洪恩遣其子孫賚疏來謝對颺 光天之聖德似宜照劉健等事例錄廢以示恩禮以作臣忠臣謹擬票上進未敢擅便請 聖裁施行

三月二十  
六日上

欽定四庫全書

四二

請東宮講讀揭帖

題本年閏二月以來該臣兩以東宮講讀擬日上請俱未允發臣惟良玉雖珍必俟琢磨之力睿咨雖美難忘溫習之功是以時不可虛學不可廢而臣之請不容已望於本月初六初九二日內欽定一日出講臣不勝待命之至謹題請旨

四月初一日  
上初二日奉

聖旨是東宮着於初九日照常講學該衙門知道

欽定四庫全書

四二

廣東稅事揭帖

題臣連日接廣東按臣揭帖深憂此方窮海雜夷之處輕心好亂之民稅使太虐稅額太多必至群起譟呼挾夷造反事勢已極近在目前今其變亂事情已數見矣臣兩次票本擬減稅額照依江西蕪湖鎮之數以昭德意尚未蒙發今日復接新差廣東巡按林秉漢揭帖臣反覆看詳此本字字句句皆經斟酌有小心敬上之至忠有體國卹民之遠慮與尋常只請停止者大異敢祈 聖明特加覽觀採擇而行臣細思之廣額委實太重不可以經久行李鳳委實太虐不可以一朝居如蒙 皇上減其額數德意甚盛若不減額則止將李鳳取回而命李敬代之亦是美事李敬為人存心忠實必能仰體足國裕財之意又必能仰體安邦弭亂之心收徵採之益釋南顧之憂此兩利而俱便之策也百姓方歸心于彼而 皇上又托重于彼有司可與調停夷夏可與安戢從此廣東無反側而

皇上亦免聒擾矣此事甚易行甚易從望斷而行之四月初二日

言稅契銀揭帖

題該南京守備太監邢隆一本據羽林衛指揮同知袁順時奏徵收徽寧二府買產稅契銀十五萬兩請給勅書關防奉 聖旨是勅諭關防都准與他該衙門知道臣惟自礦稅事興勅使四出每遣一使則萬民之膏血立見焦枯一方之生靈坐歸塗炭至于今日乃民命已絕而一線求生之時事勢已窮而萬分當返之日泣籲皇天及早悔禍縱不悉改亦當稍寬以無虛二

欽定四庫全書

四六

月十六日之德意所庶幾也天下人心方望免于此而 皇上催取勅書乃更加于彼如水益深如火益熱 皇上至明主也請試三思彼天下窮民亦各有智亦各有力肯甘心束手以就焚溺而更無一避水火之他策乎興言至此臣心悲痛有大不忍出諸口者矣稅契之制起于民間買產恐有後爭朝廷立法每十年造冊之時為之官印契尾以資信守因而稍稅紙錢非為利也 祖宗以來至于近年每兩不過三釐

萬曆二十六年戶部因邊餉無措題奉欽依每兩增至三分載在考成見克正供濟邊之數已為非藝之征今又收入內帑則戶部錢糧益無出辦而不免于束手待斃矣且戶部原題止云盡天下歲入可得十萬蓋知此利甚微不能過為搜取也今原奏官乃云徽寧二府可得十五萬何言之太易耶借令可多戶部當先多之矣蓋每兩三分每十兩三錢積而計之必契價至五百萬乃可得稅銀十五萬彼徽寧二府土田

欽定四庫全書

四七

幾何雖使寸地尺田無不換主亦決無五百萬交易之理十五萬稅從何取哉明是奸人賺此一勅以為百計誅求之端陷穽之中又別開一番大陷穽虎狼之外又別放一番大虎狼小民何辜禍至此極尚有肯為 皇上之民而不生異心造異謀者乎臣待罪密勿不能補過拾遺還日月已食之明而乃依違澆忍增乾坤未有之障大負恩知大壞名教萬世之罪人耳此事委實難行伏望 深惟利害追寤前命免寫此

勅生靈幸甚宗社幸甚不然則 明示邢隆循  
每兩三分之制隨其稅銀多寡盡數解進不必  
拘定原數其原奏土民吳良輔方坤成等不許  
前往預事以恣虎噬狼吞之謀止令有司訪奸  
緝弊毋容漏卮則人心不驚國課有出雖有妨  
于戶部猶無損于 皇仁臣不勝瀝懇之至

叶五  
上

敬事草

卷十一

四八

言趙邦清揭帖

二臣謹題蒙發巡撫賈待問郎中趙邦清二本  
并邦清所進揭帖文籍等件到閣擬票除賈待  
問本照常票擬外其邦清本臣等從公秉正看  
詳竊惟國家典制凡官員既被叅論即閉門席  
藁待罪恭候朝廷處分所以尊主權明臣節也  
若許人人得恣情胡扯哆口強辨則奸雄肆惡  
讒說亂真朝廷之上日成聚訟更無休息之時  
而國家紀綱法度陵夷盡矣前此大臣有一辨  
者而人尚引法繩之曾是小臣可容憑陵無禮  
數煩擾于 至尊之前乎果見有不法何  
不早奏而乃至自身敗壞方來瀆陳明係伏攀  
無實落水拖人不足信明矣且抄沒一事原為  
謀反大逆及偷盜內府者而設官員犯罪小則  
罰降大則褫奪 祖宗定典世世守之邦清輒  
請抄沒以明貪廉邦清既能請抄豈不能先行  
箴匿逞氣妄發輕易如此其人深險不端可知  
且視 皇上為何如主而輒爾妄言臣等不敢

許為正人也舉朝畏之如虎臣等常謹避之今奉命擬票有難隱諱但臣一貫前日所擬之票不知邦清何故能輒知之當面質臣臣實危甚皇上若再不行臣之見噬不遠矣惟乞即賜處分幸甚臣等謹密奏聞

四月二十五日上

敬事堂 卷一一

五十一

河工事宜揭帖

題昨蒙諭發馬價以濟河工具見皇上注念陵漕德意但京師外庫錢糧更無他積獨此馬價一項耳邊餉已借百萬今又借三十萬儻有本寺急用于何取資且河工浩繁又非三十萬所能即了尚煩宵旰不容但已臣等敢獻一籌切照往昔河漕所以久而無救者實以歲修不輟之故而所以能歲脩不輟者實以河道頗有餘積之故自稅使搜括以來所在罄竭如洗

敬事堂 卷一一

五十一

遂令工作無資束手因循而河乃決裂今至借馬價矣搜括不休譬猶方喂饑人以食而復割其肉豈裨無益大憂立見謂宜明勅稅使毋復將河道錢糧搜括毋復將河道工程騷擾同心協力以圖裨助而後河有可治之時此不過費皇上一言殊勝許多區處也自礦稅來皇上屢有不許加派小民之旨天下財力止有此數有司既移東那西以供諸監之求矣若不加派于何取償故有明加有暗加明加尚有數目暗

加不可勝窮 皇上安能盡知乎今工部措處  
 豈有神運鬼輸之術不過議加派耳而不得不  
 與前旨背矣伏想 聖心至仁能忍于此乎昔  
 孔子稱禹無間然卑宮室而盡力于溝洫今河  
 漕之急豈直溝洫之微而可停工作豈止宮室  
 一事倘蒙 皇上曲賜搏節以省浪費則雖不  
 免于加派而天下猶諒朝廷不得已之心也又  
 河道疏塞之議譬諸作舍道傍從來難定頃總  
 河侍郎曾如春書來言山東巡撫黃克績偏執  
 王家口不可開之說而其所轄道府無敢明目  
 張膽以持忠議者事勢人情終難歸一究竟必  
 祈遣官一勘始可定囂臣等看詳此意甚以為  
 宜蓋非謂遣官才識便能出于當事者之上謂  
 其既膺特命諒秉至公可以折衆論之衷可以  
 杜紛紛之口故凡舉大事必有勘差昨工部一  
 本為陵運關係匪輕河工議宜歸一謹循往例  
 懇乞 聖明特遣勘臣以圖成筭以裨永賴事  
 專為此發已經票上未蒙 允俞臣等以為此

一勘科必不可無乞俯賜檢發更祈 天語丁  
 寧委任責成無任瞻睇之至  
五月初六日上

故舊遺 卷一

五十三

熱審揭帖

二臣謹題近該刑部欽奉 聖諭讞審矜疑等項人犯康夫山等三十七名分別奏請未蒙 省發臣等竊惟熱審之制乃 聖祖感天時之蒸鬱憫狴犴之傷殘酌量罪情間行開釋即三代聖王孟夏出輕繫仲夏挺重囚之意累朝以來歲歲舉行 皇上御極尤深軫念今歲以四月發諭至仁也該部於九百餘人之中讞審止二十七名亦既詳慎矣而乃又留不下豈以萬幾殷繁偶爾遺忘乎不然何為 皇上發不忍人之心甚易而行不忍人之政乃難哉至于鎮撫司人犯從來打問過即送刑部擬罪不過暫時羈候無久監者今查淹滯積至一百二十六名該司地不盈一二畝房不滿十數間四面與市井闐闐僅隔一墻地方湫隘既無所容日夕隄防又難施力強竊雜處恐生連竄之奸臭穢薰蒸時有瘟瘧之染如罪在不赦自當速正刑章或情有可矜亦須量從寬貸入不明罪狀出

敬事堂 卷一一

五十四

不見天日槩幽黑山同繫長夜如此炎熱彌難喘息誠可憐也今各省直矜疑踈放之章 皇上不靳俞允豈其輦轂之下反有所遺况二十七等年該部朝審兩疏亦尚未發臣等竊厚望于今日之併行光昭如天好生之盛德矣蓋自大典告成之後恭值 聖體萬安國家莫大之慶相仍而至錫福庶民周徧海宇此輩亦覆幬中之一物而獨不得少霑恩餘非臣等踈于啟導乎今何敢過望肆赦但乞稍與踈通在刑部則讞審諸囚視其尤可矜者寬釋一二在鎮撫司則問過各犯通送法司輕重擬罪解得一分亦一分之賜早得一日亦一日之恩使垂死諸囚猶荷高深之造而鎮撫司官校亦緩隄防之責免累及之虞拯此溺焚感通和氣所以集萬福增萬壽端在此也四月初旬傳出 聖諭一腔惻隱已自勃發豈至今日更生遲疑惟亟俞之臣等無任企悚待命之至

五月二十四日上

敬事堂 卷一一

五十五

催發二事揭帖

二臣謹題臣等連日敬進二揭一為都察院請  
考實授事一為法司及詔獄犯人熟審事皆臣  
等積日累月困心衡慮雖欲姑置之而不能自  
遣者蓋御史中差以下久已缺人不考實授則  
不可差遣在京師則虛積于無用之地在各處  
則久不得一人之用試御史在臺在差亦何加  
損但都御史苦于叢責而無以應之有人而不  
得用與無人同如有手足而繫縛之與無手足

敬事草 卷一

五十六

同焉能已于懇也至于各監犯人例有熟審前  
此懸望以日為年既及其期而猶缺望何能為  
情今年毒熱倍常踈散猶難度日哀此桎梏真  
如烹烙 皇上仁心已發仁政宜施蟻亦感恩  
蛇能報德此輩靈蠢雖異諒能祝 天頌壽而  
不忘也伏願 俯採芻言將臣等前次二揭省  
覽批發以昭普運之慈以增齊天之福 五月二  
上 十八日

陝西織造揭帖

題該工部覆陝西織造袍絨本臣等票上蒙發  
改票臣等竊惟袍絨乃上用急需每歲發票臣  
等未嘗不將順惟至今日真有萬分難處不得  
不從該部請乞之意者蓋連日該部堂司無一  
不到朝房蹴踏哀訴該部錢糧缺乏見存止有  
銀一百二兩而內宮之鼎建婚禮之備辦以至  
于河道之資給日夜攢集萬分難支皆以得解  
官罷去為幸臣等責以大義以為事如難處宜

敬事草 卷一

五十七

為明主悃款言之必當俯從豈得含情不言是  
時臣等亦許為代請也比發票時臣等固欲言  
之但倉卒不暇耳茲若改擬臣等安能置辭據  
本中所言戶部當出三萬兩工部當出七萬兩  
以徃時論之此亦易處願在今日則視三萬不  
啻如三十萬七萬不啻如七十萬彼得一錢且  
應燃眉之急耳諸臣之意尚欲祈 皇上暫停  
可已之工專供婚禮與邊餉以成啟後之大禮  
以定安攘之大事然後惟 皇上之所欲為也



皇上必欲如舊時造辦取盈力必不堪徒滋多  
事矣既蒙發改臣等何敢固執不得已將暫停  
織造一年以後還候 旨行字樣改為暫緩織  
造一年以後補造進用兩票皆上惟 聖明深  
思遠慮俯加採納臣等不勝惓惓

六月初八日上

欽定四庫全書

卷二

三二八

及三十三

言稅契揭帖

二臣題臣等在閣曾接得御史金忠士揭帖為  
土棍鑽刺殃民監臣徇私釀禍等事此本已上  
數日未蒙發票輒敢為之一言臣等看詳得查  
理稅契一事取利最微而釀禍最大將江南百  
姓毛櫛髮爬無一家一人放過誰能受此苦楚  
竊恐十五萬之稅未得而殺人屠官之禍必起  
臣等實不放心實難坐視莫若仍照勅書令邢  
隆自管自徵不拘原奏數目不許原奏干預庶  
幾隱憂可緩國體無傷而免致他日宵旰憂勞  
所得比稅錢多萬萬倍也伏望 皇上將金忠  
士本留神省覽批發仍不許土民前去幸甚幸  
甚臣等不任惓惓之至

六月初九日上

欽定四庫全書

卷二

三二九

敬事草卷十二目錄

辭甘肅鎮番恩疏

辭甘肅鎮番恩第二疏

辭甘肅鎮番恩第三疏

辭甘肅鎮番恩第四疏

請罷收旗校揭帖

朱侍郎宜予告揭帖

馮宗伯宜予告揭帖

萬壽請受賀揭帖

催御史恩典揭帖

因病乞歸疏

再乞歸揭帖

乞歸三疏

乞歸四疏

乞歸五疏

辨溫中丞疏

請點用薊遼等處督撫揭帖

留溫中丞揭帖

請取回潘相揭帖  
請放詔獄淹繫揭帖

敬事草卷十二目錄

敬事草卷十二

柱國少傅兼太子太傅吏部尚書中極殿大學士臣沈一貫

辭甘肅鎮番恩疏

二臣奏為隆恩誤被揣分難承懇乞 聖慈俯

容辭免以道譴戾事昨該吏部接出 勅諭勅

吏部甘肅鎮番等處一月三捷大獲全勝內閣

輔臣殫力運謀忠勲茂著宜特加恩元輔一貫

加少傅兼太子太傅廕一子與做中書舍人還

賞銀五十兩綵段四表裏次輔廣加太子少保

廕一子入監讀書還賞銀四十兩綵段二表裏

各餘官如故俱照新銜給與應得誥命如勅奉

行欽此移咨到閣臣等不勝慚悚竊惟帝王馭

世大權惟茲賞罰賞雖無靳必于有功下不受

其力而後上不愛其官所以示酬也受者無所

慚而後觀者有所奮尤以昭勸也苟不審覈其

功而濫加于備員尸素之臣或明知其無功而

聯假為體貌優崇之具則 朝廷有誤恩而人

心且解體美今甘肅鎮番等處之捷臣等何功

之有臣等叨居輔弼持文墨議論徒有帷幄運

籌之名曾無發縱指示之實海虜窺伺驅而出

之塞外黎賊盤據感而殲之穴中彼中將吏效

有其勞臣等安得以會逢之適而遂貪為已有

也 皇上優厚輔臣動詢故實不靳保傅之崇

階與夫延世之懋賞以畀臣等固聖王功疑惟

重之意然閣臣不預邊賞前約儼然而遽爽之

何施面目况此一賞所以酬彼中將士者亦斤

斤無餘溢臣等足不涉戰場身不履行陣而蒙

受反出其右如天下指目何伏望 俯鑒悃誠

亟收成命將陞廕誥命等恩並容辭免則釋鵜

梁之愧為榮實多寬負乘之憂為貺尤侈矣臣

等無任懇切祈望之至

三十年七月十三日奉

聖旨甘肅鎮番等處屢捷殊常朕心嘉悅卿等運

籌帷幄協贊勦勦加恩示酬原係彝典宜遵成命

不允所辭該部知道

辭甘肅鎮番恩第二疏

奏為功賞宜衡悃誠可鑒再懇 聖慈追寢恩

命以存政體以明素心事七月十五日  
上本日奉

聖旨朕嘉甘肅等處大捷卿為元輔股肱運籌帷  
幄殫竭忠誠調燮贊襄勲勞茂著酬功寔為曩典  
卿宜祇遵成命慎勿遜辭該部知道

敬言立

卷一一

三

辭甘肅鎮番恩第三疏

奏為誤寵踰涯捧綸增惕三瀝懇誠必祈 慈

許以追速顛以免屢瀆事七月十六日  
上十七日奉

聖旨朕以甘肅等處捷功卿為首輔調元贊化密  
勿運籌勞績居多加恩示酬實遵舊典卿宜祇承  
成命慎勿固辭該部知道

敬言立

卷一一

四

辭甘肅鎮番恩第四疏

奏為輔政多慚誤恩非典萬祈 聖明必容辭  
免以免再瀆事頃因甘肅鎮番戎捷洊至 聖  
心愷憚推恩及臣三疏懇辭備瀝悃款蟻忱已  
竭 天語愈溫眷顧殷稠感深以泣夫古者辭  
讓之節以三為率今臣三辭矣倘有可受之義  
於此乎覲承矣然疆事原非臣守用兵又非臣  
志攘功等于攫取踰制乃貽國羞前疏之內既  
已畧陳無庸復贅惟是奉有綸言誤蒙調元贊

敬事堂

卷一二

五

化之譽則臣深愧慙也故諺有之曰屋漏在上  
知之在下喻夫政之有缺上不知而下知也今  
國家之元化未調臣知之矣臣不能調贊天下  
知之矣而 聖諭猶以四字加臣臣雖至愚豈  
不自知若不知其未調未贊而冥然無覺罪也  
知其未調未贊而悍然不顧尤罪也無能當斯  
稱則無能當斯賜一當斯賜豈惟不能調補之  
愆而即此冥然無覺悍然不顧為愆已大不可  
復解此臣所為滋愧而不敢也伏望 皇上亟

收成命不敢再塵清衷臣荷 皇上非常知遇  
真所謂心膂洞達千載一時者惟即賜憐俞則  
為榮為寵不可勝言不可勝報者矣臣無任叩

祈之至

七月十八日  
上十九日奉

聖旨朕嘉甘肅等處捷功該鎮文武將士俱頒恩  
賚卿為元輔心膂股肱調燮贊襄勲勞久著加恩  
示酬原不為過卿乃四懇情詞誠切特准辭免成  
卿勞謙之美該部知道

敬事堂

卷一二

六

請罷收旗校揭帖

蒙發兵部題覆張仁等奏請納銀以收旗校以助大工一本到閣票擬傳旨着戶部收仰揆聖心原為該部缺乏之甚藉此以紓其急但臣等于此事亦嘗講求矣今看詳兵部執奏其說似長不敢不為 皇上言之本內欲收旗校一千四百五十名每名每月該給米一石總計每月該米一千四百五十石每年該米一萬七千四百石京師米價貴賤不齊姑以平價而論每

欽定

卷十二

二

石計銀七錢該費銀一萬二千一百八十兩每名又該給與布花銀五錢總該銀七百二十五兩又該給與布疋每疋計銀二錢五分總該銀七百二十五兩以上三項一歲之間該費銀一萬三千六百三十兩今此輩助大工銀五萬兩不須四年即費朝廷五萬兩四年之後皆朝廷妄費之日不可勝窮矣此本下戶部亦必執奏以為難行也且今戶工二部每一僉報商人皆百計千方鑽謀求脫無一人肯承當者此門

若開京師中壘實富戶誰不竄匿于其中商人益少中下人家益困國家後來覓一商人亦不可得矣只此一事妨政亦多况其他事乎臣等竊計此本不敢行仰望 皇上停止為便茲不得已兩票以請惟 聖明審釋謹具題知一票你部裏既這等說罷一票准他們上納但不許支糧免差銀兩着戶部收

七月十九日

欽定

卷十二

八

朱侍郎宜予告揭帖

題今日發下票本內有侍郎朱國祚告病一本  
照得本官告病已經數次臣等票其回籍者亦  
既屢矣本官才品甚茂不愧科名日進講章典  
雅端確誠宜留之以備顧問但本官因改命吏  
部之時偶被人言雖不足為本官累而彼以為  
翰林清要之職吏部銓衡之地必自重其身而  
後可以行其志若復不顧人言冒昧到任非君  
子所以自處之道而望從此輕故汲汲求去而

病亦隨之非得已也 皇上愛惜人才宜且俯  
順其情准令回籍養病本官年青科近召用未  
晚乃所以成就之而非為棄置也臣等輒依前  
票具揭上請不敢虛言以負 聖明無任兢惕

七月二十五日

馮宗伯宜予告揭帖

三臣題昨日山東一省官員尚書蕭大亨等二  
十餘人齊至朝房來見臣等為禮部尚書馮琦  
講說患病真實甚危極苦勢難久留欲臣等進  
揭上請若獲早准回籍尚可保身事君等情臣  
等聞之不覺悲憐酸鼻輒為代請照得本官德  
性端雅學術真醇忠君愛國之心藹然滿腔而  
其才猷識見朗徹精敏又足以副之真有體有  
用之士詞林之傑選聖世之寶臣也久直講幃

繼佐銓政昨蒙 親擢禮卿襄成大典臣等方  
慶得人以協寅恭而不意抱病之深一至于此  
本官形體素充日漸減削自去冬感病至今痰  
中見血脾胃受傷藥餌寡效乃其任事忠勤未  
嘗因病率易三月在告自以為部務多格典禮  
尤妨而心不能暫寧故調理尤難也今合省士  
夫皆為之請臣等籌之本官實當今特異之才  
他年大受之器若許暫回調理彼年方四十有  
五事 皇上之日長可以資其弘益如久留客

邸增益其疾于國于賢兩成妨礙敢乞 聖明  
俯亮准令回籍養病以待痊可召用則為國樹  
人之德意甚盛而臣等亦獲成以人事君之義  
美臣等昨為侍郎朱國祚乞歸今又為尚書馮  
琦乞歸二事偶同且皆詞臣臣等雖甚惜之而  
勢不得不然非敢有絲毫私意也臣等不勝披  
瀝之至

七月二十  
七日上

敬事草 卷一二

萬壽請受賀揭帖

三臣題恭惟本月十七日復當我 皇上萬壽  
聖節之期四方之吏賈表而雲馳重譯之夷捧  
琛而鷹至填庭溢闕皆願望見 天顏以伸頌  
祝之忱頃歲以來槩蒙傳免去年乃命于午門  
前行禮拜舞成行臣子雖獲少盡而翠華隔于  
雲霄非所以昭盛美也况冕旒御宇于今為三  
十年虹電流輝于今復四十載覃深仁于必世  
已觀久道之成介壽履于維祺方見卜年之永  
臣民喜躍更倍徃時伏望 皇上今年于文華  
殿臨朝受賀以聆萬國之歡呼以介萬年之景  
福若以階墀狹窄不妨列班文華門外但得一  
瞻天表如太陽升天容光畢照曲竇之下亦皆  
奮起也臣一貫比塵首揆阻奉清光積戀經時  
同于饑渴臣鯉臣賡違侍十年來從萬里未承  
馨歎尤切瞻依惟 皇上乘呼嵩祝華之時復  
臨御登延之舊精神與臣庶往來體脉自然流  
貫仁恩將海寓周浹祿壽自爾蕃滋矣臣等不

敬事草 卷一二

十二



勝欣踴跂望之至

八月初六日上

欽定四庫全書

卷一

催御史恩典揭帖

三臣題都御史溫純連日來朝房見臣等言試御史沈時來等兩奉恩詔許其拜官之日給與封典祇因未經實授有礙題給伊等見滿朝大小諸臣悉皆拜賜而獨久未霑恩人子至情惶惶殊切乞 皇上照各部署職事例准其實授給與所言甚懇臣等照得御史三月已堪實授今既六月矣准與實授亦不為過在御史日以恩典未得為望而在都御史又日以各差缺人

故事 卷一

十四

為望皆 明主所宜俯亮者也昨都察院一本為請給恩典事尚在御前未發臣等敢為代請惟 皇上至恩允行

三十年八月初七日上

因病乞歸疏

謹奏為政幾至重哀病日增懇乞 天慈賜骸  
歸里以幸餘生事臣頃因患病請假伏蒙 聖  
恩俞允隨叨天庖寵錫存問殷惓自昔人臣孰  
有如臣遭際者唏噓流涕奮身圖報臣之分臣  
之心也顧自調理以來病患有增無減因思技  
窮力殫恐其不能終事將違臣罪則當自量將  
報 聖恩亦宜自量輒有瀆請惟 皇上垂憫  
焉臣氣稟素薄年齡又衰無歲不病無歲不告

疏

一五

自萬曆二十六年首輔志臯註籍臣獨一身在  
閣臣性多畏人也負荷愈重兢惕愈深加之國  
憂邊慮并時到心獨宵獨晨莫謀莫斷千愁攬  
其腸萬勞攢其形每至通夕無眠終朝不食神  
忽忽如有失魂搖搖其屢驚如是者五年而至  
于今既以憂而成病復以病而增憂元氣索然  
而羸瘵不可為矣春間衄血過多入夏汗流如  
注茲者涼颼一襲肌粟骨冰頭旋足浮耳鳴目  
岐百節之中節節是苦疾無療理醫鮮神功而

所最不可瘵者語言過耳即忘追思了不可得  
貿亂謬誤時常悔之此尤妨之大者也臣聞器  
盈則傾物衰則落此乃恒理莫可轉移論臣之  
心如盲人不能忘視論臣之力若頽波不可復  
返留此無益且貽大損又奚敢饗榮怙寵而不  
亟乞身乎且臣今日亦非愬然去也最喜一時  
得兩賢輔忠猷亮節饒運掌之經綸正學清操  
裕格心之謨略才皆踰臣十倍品亦加臣數等  
必能轉旋樞極振揚杓衡維氣化于未衰輩

疏

一六

皇圖于有永決非牽補支持僅如臣而已臣與  
二臣者白首同林相信甚篤赤心報國相期甚  
遠而臣之所不能者二臣能之二臣在事方新  
皇上但一意信任則庶績自熙而臣亦可藉以  
補從來之缺臣之所以去而心安者此也惟望  
聖慈哀憐允臣致仕俾臣骸骨歸就先臣丘隴  
如天恩澤不可名言子子孫孫亦頌歌頂戴于  
無斁矣臣無任懇迫哀籲之至  
上九月十六日奉  
聖旨卿贊政多年純誠體國萬慎清貞備極勞勤

朕所鑒知適今海宇多事機務殷繁方切倚毗偶緣微恙遽爾乞歸豈朕所望宜善加調攝稍可即出佐理以副朕延佇至意不允所辭吏部知道

再乞歸揭帖

謹題臣頃因患病具揭請假奉 聖旨朕覽奏知卿偶疾准暫給假慎加調攝稍可即出佐理吏部知道欽此隨蒙欽賜猪羊酒米等物除臣力疾叩領具本陳謝外臣伏思 皇上恩澤天地不足以喻大江海不足以喻深糜骨粉身無所稱報但臣病係積勞所致一時并發實難調理蓋自戊戌十月大病甫瘳獨柄國事者五年于茲政幾本自繁重又多軍國大計成敗在前

安危在後徬徨躑躅無一日不擔驚受怕心神見傷致今坐卧不寧食藥難受體力疲萎手足拘攣尤苦不能強記不柰思索轉眼即忘忘即不可尋覓若不自量而猶棲遲繫戀必將誤國抑且自誤身名俱滅仰累 皇上知人之明此臣所大懼也臣之疏詞一字一血絕無虛假最喜二輔皆忠貞清慎遠猷長才一時兩賢真堪托國臣身雖去君側有人國事無憂臣心亦放伏望 皇上至慈至仁俯加矜憐昔人于老牛

老馬尚不欲竭其餘力解而縱之聽其自便臣  
雖無功比于牛馬老病侵尋僅存餘喘宜亦  
聖慈之所動念乞賜骸骨歸之山林臣當結草  
地下以報天恩也臣不勝懇祈之至九月十七日  
奉  
聖旨朕以卿偶疾暫假慎攝佇望日出佐理豈宜  
有此來奏朕心惻然便着太醫院堂上官率領御  
醫前去診視調理卿宜仰體倚任至意稍可即入  
輔政勿得遜辭該衙門知道

欽定四庫全書

卷一

乞歸三疏

奏為積病難痊三懇 慈恩俯容退休以延餘  
喘事項臣具揭具疏兩懇賜骸奉 聖旨朕以  
卿偶疾暫假慎攝佇望日出佐理豈宜有此來  
奏朕心惻然便着太醫院堂上官率領御醫前  
去診視調理卿宜仰體倚任至意稍可即出輔  
政勿得遜辭該衙門知道又奉 聖旨卿贊政  
多年純誠體國篤慎清貞備極勞勩朕所鑒知  
適今海宇多事機務殷繁方切倚毗偶緣微恙  
遽爾乞歸豈朕所望宜善加調攝稍可即出佐  
理以副朕延佇至意不允所辭吏部知道欽此  
臣叩頭恭誦伏地不起哀祈非矯 溫諭駢諄  
犬馬戀主葵藿向陽天眷殷懃忍圖自便使臣  
苟可驅策如一二年前則何敢言去去亦何為  
也在朝在籍誰獨非臣子乎但臣所肩者國家  
萬務而所苦者老疾并加如或戀寵怙恩容身  
固位不惟誤國抑且誤身無一可者也蓋臣在  
閣九年無非勸勸之日兼辛倍苦前疏略陳而

臣又運限適窮家喪疊出妻妾淪委二子繼殤叔兄期哀屢來計報骨肉銷殞哭泣無時公私摧殘為病固久易醫求治其人甚多而衆言龐雜耳不忍聞即昨蒙 聖慈軫念特遣太醫徐文元等五人互診臣脉舉謂臣肝氣不舒心氣不寧肺氣不清可見五臟之中而三已受其病矣至于處方用藥為舒肝清肺寧心之劑而復益之以健脾之劑可見三臟既病而病又移于脾矣夫一臟之病易療無二則難兼三則危而

故百立 卷一 二

二二

况于無四乎文元等之言必無虛誑即欲仰遵聖諭善加調攝將何以裁竊以為欲治諸病當先治心而臣既在事則心兢兢祇畏不敢少舒病何由治心兢兢驚恐不能少定病何由治非謝事不能安心今可以謝事之秋矣孔子六十之外尚不作周公之夢頒朔在邇臣年六十加七勢不可以復支理豈久于人世且臣入仕已三十六年以三十六年之身服役闕廷而乞一日之命歸死丘隴宜 聖主所深憐而亟許也

伏乞俯允臣請霈恩賜閒以畢微臣始終之義若國家之事有二輔臣在臣保其必能贊襄而不孤 皇上之委寄矣臣無任瀝陳哀籲之至

九月二十五日 上二十八日奉

聖旨卿籌國勞心偶蒙霜露之恙朕殊日夕嬰懷然亦調理易愈何以又有此奏機務繁重朕倚耆碩一德同心弼于至治不啻股肱卿宜體朕此意暫攝數日即出佐理慎勿再辭吏部知道

故百立 卷一 二

二二

乞歸四疏

奏為沉痾難療誤蒙 聖憐四懇早俞以歸餘  
骨事項臣具疏為積病難痊三懇慈恩俯容退  
休以延餘喘事奉 聖旨卿籌國勞心偶蒙霜  
露之恙朕殊日夕嬰懷然亦調理易愈何以又  
有此奏機務煩重朕倚耆碩一德同心弼于至  
治不啻股肱卿宜體朕此意暫攝數日即出佐  
理慎勿再辭吏部知道欽此臣跼捧三復嗚咽  
不休既感知遇之難名復自悼其報酬之罔日

故百立

卷一二

二十三

也竊惟人臣之所患者下情不能上達耳若已  
上達則見俞應不難矣乃臣蒙 皇上特加體  
亮謂臣以勞心致恙又為臣日夕嬰懷則臣情  
不可謂不上達然猶以暫攝見勗即出為期則  
臣情又何可謂之盡達祈籲轉切憐留轉殷尤  
不勝悶迫矣 皇上豈以當今九列大臣強半  
求去臣不宜復言去乎顧諸臣之求去各有所  
為或出一事之憤激或緣一時之抱痾耳臣則  
不然偏于衰晚時既不聽臣留發于懷夙心亦

不聽臣留此天下所共憐而亦共以為宜去者  
也臣聞病者能自言其病病未甚也若臣病甚  
而不能自言其病者也臣不能言而太醫五人  
舉能為臣言當診視之時相顧吐舌意雖望臣  
復起終不能為臣曲諱于上前是安可責效于  
調理而望痊于時日也臣數歲之中歲歲求去  
顧是時而去臣亦有罪焉閣中無他輔天下多  
隱孽而 皇上方獨憂于九重義固不可輒去  
也今國事漸開二輔有交助之益 皇上無獨

故百立

卷一二

二十四

憂之虞臣之求去不為不忠而臣身愈勉強病  
愈沉痾前期轉迫後效益微尚不求去實為不  
智夫物各有量量各有極無人之力至老而休  
彌天之心見棺而戢七尺之軀必有盡萬形之  
生必有毀龜腸蟬腹所需幾何而鐘鳴漏盡夜  
行不休是罪人也以此顛仆強支之人立于班  
行則指擿四集以此迷罔多眩之人議于密勿  
則過誤叢生臣實為免殆免辱之謀非敢附于  
知足知止之列而意圖感聖則不得不旁引曲

譬冀遂所懇伏望 皇上俯諒臣萬無矯飾之  
 心曲成臣始終出處之義早放還山以昭 聖  
 朝之待臣有禮不竭狗馬垂斃之力臣死之日  
 誓當結草臣無任瀝泣哀籲之至 十月初六日  
 上初八日奉  
 聖旨昨因卿疏已諭朕意謂卿時下可出何以又  
 有此奏方今寓內多事朕倚名德弘濟艱難如左  
 右手固言求去豈卿所安尚勉為朕留還着鴻臚  
 寺堂上官宣諭朕意亟出任事吏部知道

敬事草 卷一二

二五

乞歸五疏

奏為丐還病骨情迫詞窮五懇 聖憐俯允休  
 致事項臣因哀病日甚頻章告休伏蒙 溫旨  
 賜留且遣鴻臚寺官臨臣宣諭 宸眷隆決非  
 臣敢當感激私衷徹于髓脊苟有人心奚忍更  
 以去詞出口緣時日曠久攝理罔功揣量孱危  
 真難勉强輒敢再進一言臣謹按會典有官員  
 年老以禮致仕之文仰見國家待臣之厚始于  
 賓興終于禮遣如孟子所言諫行言聽膏澤下  
 於民有故而去則君使人導之出疆真手足腹  
 心一體之誼也蓋君以禮處臣臣以禮自處以  
 禮處臣所以恤臣之私以禮自處所以成君之  
 美雖至去國而真意不哀斯盛世事柰何為臣  
 者多不愛重其身而常待譴呵始去安在其為  
 以禮自處乎昔人有言陛下未厭臣臣故得求  
 去臣每誦斯言而悲之人臣而可以乞身之言  
 進自非明主在上千載一時胡可得也臣事  
 皇上餘三十年蒙恩稠渥不可勝載雲龍魚水

敬事草 卷一二

二六

豈足云喻幸未厭薄正臣可以乞身之時臣不自言誰為臣言者昔田子方見老馬之服軛也解而縱之曰少盡其力老而不休非人也臣願皇上以老馬縱臣也古之役人者七十不事臣去七十甚近而連歲勞役傷損實多臣復願皇上以勞役縱臣也臣之百病在臟腑筋脉中者醫能知之而人未盡知若今春對客鼻衄長流此不可掩于人者又每日進閣出閣及酬應諸司動輒汗流自頂注足率一日而五六易衣

敬事草

卷十二

二十七

嚴冬亦然此臣之役隸所素曉而甚訝者臣願皇上以病苦縱臣也 皇上御極以來有輔臣十四人而至于臣此十四人卒于官者六不合去者五侍親及丁憂者各一獨呂調陽致仕耳夫肱股密勿情意流通而獨一調陽致仕亦人臣未能以禮自處之故 仁主在上曷嘗靳于體恤身為大臣既不能竭忠盡分以報主恩又不能再三退讓以光主德臣實疚心敢比于調陽懇祈致仕以昭聖朝待臣之禮俾萬代傳為

美談且全微臣事君之禮俾臣子孫亦免殆辱  
懈誠內激不能擇辭非敢固執鄙吝之私屢違  
宸嚴之命惟 皇上憐允臣無任哀迫祈籲之  
至

敬事草

卷十二

二十八



辨温中丞疏

奏為乞休本出夙心聞言恐不見察謹自表白  
因祈早賜致仕以杜眾疑事臣以久勞多病四  
疏乞休復有謝恩陳乞三疏總已七上矣未蒙  
恩俞正圖再請遣都御史温純投臣一揭為懇  
乞 聖明亟定國是以一眾志以保治安事內  
叅御史于永清都給事中姚文蔚而因言其肆  
無稽之說使臣一貫日抱無端之疑不安於位  
杜門不出等情其詳則言永清乘御史劉九經

教事草 卷十二

三九

疏中有十月南山之語與文蔚共言秦人欲擠  
首相致臣一貫不得不疑云臣當時略讀純揭  
一遍茫然不省隨請純入一一面解始知所謂  
十月南山者謂九經論董裕等疏有云誠恐匪  
人用而凡所引用者皆匪人則南山致慨師尹  
十月興咨皇甫關係豈淺等語此為擠臣而發  
也臣語純曰此疏一貫初讀過殊不之覺後亦  
不曾再看且無一人提起今因公言始若發蒙  
一貫求去自是行其素志已非一朝一夕實未

嘗抱無端之疑也純亦洞然面釋而去臣思此  
事若不為 皇上大廷言之恐天下傳聞不能  
諒察謂臣果因懷疑求去則本心不明而去志  
彌鬱不敢不備陳之臣惟朝士相攻自其故態  
但黨之一字則諸臣立言之過臣誓不言黨第  
知憂國奉公者為賢不問其為黨也每與純言  
及此純亦素知臣心矣臣性疎直未嘗疑人臣  
素不預人黜陟未嘗致人之疑于永清姚文蔚  
既不與臣相聞彼于何處倡疑秦人何故而欲

教事草 卷十二

三十

擠臣忽自生此疑且臣九載直閣三年獨任雖  
是金石亦當銷毀病為真病乞為真乞即三尺  
童子可意度而知人亦不必生疑也又置身于  
得失之外而尚謂臣因疑求去則臣心晦矣第  
九經此言臣今日既已覺之益當自省昔管仲  
相齊樂聞譏諫之言蕭何佐漢乃設書過之史  
子產不惡鄉校之謗李沆遜謝狂生之訕君子  
自反責躬宜厚純以前言為書生期望之言乃  
其雅道聊為臣解嘲耳臣則安敢自恕他日之

記事者亦書生也得無慎乎臣如冥然悍然謂已決非師尹皇甫則乖小心之義儻其實為師尹皇甫也而予之以名復不受必當再蒙其殃臣雖至愚不忍以此自居也影之難息不如息形臣之求去固非因此而發亦當因此而力皇上如謬愛臣幸即賜允而令臣終不為師尹皇甫上惠也臣又憶在閣時文書官送汪先岍劉九經二本傳 皇上口諭汪先岍官准他劉九經妄劾大臣着降三級用臣等相顧駭愕

敬事草 卷十一

三十一

不解也敢因今日而併言之以表臣區區不妬之心伏乞 皇上憐臣久居于多凶多懼之地俯亮其息形止影之情早放致仕以全晚節若乃在廷紛紜之議則有 聖明乾斷在上諸司公論在下臣去國之身不敢復預臣無任惶恐待 命之至

十月二十五日 上二十七日奉

敬事草 卷十一

三十二

副朕惓惓眷懷吏部知道

請點用薊遼等處督撫揭帖

題臣等忝為閣臣無所補報第思奠寧邦域以釋皇上宵旰之憂比來天時人事數見災異誠恐夷狄盜賊乘間而起揆度機宜惟在使人各舉其職以鎮輯之此急務也薊遼內護陵京外控倭虜總督萬世德身故兩月而未有代者人人皆以為慮延綏與套虜為隣新許款市戎心叵測孰能保之巡撫孫維城身故半年矣陝西關輔輿壤又有洮岷防邊之急巡撫賈待問

故事草 卷一二

三三

近亦報故至于河南巡撫曾如春已陞總河而中土為四方交會又有治水之事浙江巡撫劉元霖已經丁憂首藩財賦所出而又有防倭之責鳳陽巡撫李三才去未代淮徐水陸之衝而又有總漕之任以上一總督五巡撫所轄居天下之半且關軍旅重務而官缺事廢可為寒心吏部屢經推上具在御前此臣等日夜望皇上簡命以充者也內惟李三才原因過為謙讓致生推諉之疑其人才望素優儘堪驅策儻

蒙留用實乃 聖政之光宜早渙明命庶可令安心展布也臣等又聞天下兩司方面官缺至五六十員未經補足此皆有地方專責者儻有盜賊誰任其咎盜賊猶水火也水火初發之時但得一人在旁捧土勺水即可救止惟謾無專責互相推諉直至主人覺悟而始救之勢已燎原滔天嗟無及矣朝廷布列有司使各受其專責又設立督撫使各責其有司若督撫得行其法有司皆舉其官雖有不軌之徒倅然而起一

故事草 卷十二

三十四

舉手投足而可易危為安此亦以捧土勺水而弭水火之大災者也失此而坐令蔓延震驚遐邇通雖幸勝之所傷多矣比之早置一人其事孰簡其利孰大故天下官員不可視為泛常虛而不補今九卿會推該部選擬具有成法諒無敢私若有不堪昭在耳目科道糾彈諒無遺漏所望 皇上思患預防命官分治各加委任嚴責成功凡有題請隨賜點用則朝廷之精神膂力充滿于寰中而四方之夷狄盜賊無逃于掌上

癸十一月二  
十四日上

敬事草 卷十二

三五

留温中丞揭帖

三臣題臣等昨日接得都御史温純揭帖以哀  
病求去今日發票未見此本竊惟本官求去之  
章前已再上及今而三上矣未蒙省發心有未  
安都察院綱紀總司本官素持清肅而僉都陳  
薦近復丁憂止純一人在職若不勉令視事誠  
恐廢曠滋多伏乞 皇上俯念或親賜玉音督  
之即出或發臣等票擬恭俟 上裁臣等不勝

惓惓佇仰之至

十二月初二日上

敬事草 卷十二

三六

請取回潘相揭帖

題臣等竊惟江西稅監潘相初到任時頗稱安靜官民相安而上供之需亦甚饒裕不知今年何故遽爾改節致令一省軍民及宗室生儒幾釀大變身犯衆怒不知自省而更為酷烈欲以威服人如水益深如火益熱則江西貧瘠之民不能無反側之慮矣相之諸舛姑未備論只主張開廣信封山一事真為失計此山無甚大木即有一二亦雜木耳萬山深處縣岨難出若使

故事

卷十一

三六

可採彼界在江西福建浙江之間人烟甚衆爭相販鬻久矣豈得留到于今宣德正統間葉宗留鄧茂七等賊巢穴于此僭王聚黨殺官害民大費征討歷十餘年而僅得招安未嘗以戰勝也是以奉有 嚴旨封禁妄開者重治今若再開則三省之患不知所終利未得于分毫而害有過于丘山甚可慮也潘相身自往勘履危蹈險亦明知其不可開而為叅隨奏民等所挾不敢轉聞知其不可為而復為之其愚可知相又

故事

卷十二

三七

奏稅監勘合馬牌不許驛傳有司掛號此又擅改 祖宗成法大不可之事國家政務無一不相制相轄雖 御前駕帖亦赴該科掛號豈獨相之差遣不許各衙門預聞何奸不可為而何亂不可生所宜亟行禁止者也相又請添解送磁器船隻每府各造一隻每隻當費萬金江西十三府當費十三萬夫磁器歲解未聞缺供何獨今日而議造船不貲之費又將何出不惟不可抑亦不必即使用船一船所載亦已無算何用此多船為也 皇上聖明可以洞燭其故矣至于泰和石膏其利益微而其害益大江西習俗尤重風水此山乃一省龍脈所係豈忍傷之彼中士民必不相安亂虞之作又在眉睫以上四事臣等深為地方危深為朝廷危亦深為潘相危也宣正間葉鄧之亂起于廣信封山正德間宸濠之亂起于南昌省城當時縉紳士民亦靡然從之為亂今相既櫻宗室之怒又開賊巢之叢業怨太多釀禍不小竊恐湖廣覆轍又在

茲矣臣等訪得潘相亦非兇狠奸豪之輩乃一  
愚魯無能之人初到任時虚心與各官和衷行  
事故公私皆便上下咸宜時日漸久匪人日多  
唆哄播弄以至此極邇來司道等官畏其橫噬  
槩不相接而巡撫夏良心杜門不出一意請告  
遠近地方益以洶洶既無文武官員協恭行事  
實恐旦晚之間又以變聞伏望 皇上乾剛獨  
斷取回潘相而以其所領諸務交付湖口稅監  
李道使之兼管李道頗有賢聲必能上體 皇

敬事草 卷十二 三十八

上之心下安軍民之心兩諧並得靖亂匡時庶  
幾聖慮康寧而臣等亦得少寬危悚也  
十二月 初七日

請放詔獄淹繫揭帖

三臣題臣等照得北鎮撫司係詔獄之所職掌  
止是打問問過即送法司暫將犯人寄監故監  
房不多而監地亦窄近來打問過犯官馮應京  
等積下數多更無容處至將神廟悉行褻瀆公  
廳亦皆作踐雜糞臭穢瘟疫流行冬來寒氣異  
常殊難存活悲號慟絕聲徹內外一牆之隔即  
是通衢搶地呼天驚遠震邇靜夜之際尤不忍  
聞似非所以救寧人心而感召和氣也除前此

敬事草 卷十一 三十九

王之翰周應麒等濫出外適又報陳奇可死于  
衛禁吳應鴻死于司禁沈希孟死于刑禁免死  
狐悲人人灑涕臣等竊惟古之聖主澤及枯骨  
其于囚繫倍加哀矜春間蒙 皇上念及此輩  
諭令釋放且許各還官職倏及一年猶未沾惠  
今冬日且盡百官例有滿除而獨此淹沉猶抱  
向隅之泣臣等敢為之齋沐上請儻蒙太霽弘  
恩如春間 聖旨赦罪還職則堯舜之鴻名頃  
刻而垂萬古日月之光華須臾而徹覆盆臣一

貫向來親奉 玉音而未遑將順者得從此對	賜宣布不勝大願萬一 聖心猶有所待乞送	發刑部分別擬議罪名請旨 上裁亦 明主	如天之德解網之仁副春初欽恤之心而慰道	路行惻之意也近者刑科該道皆具有本仰祈	開納即 賜批發臣等不勝哀禱之至	上
--------------------	--------------------	--------------------	--------------------	--------------------	-----------------	---

故事草卷十三	止煤亂揭帖	福王婚禮揭帖	請允馮宗伯告揭帖	請補巡撫都御史差各御史揭帖	請允漕倉御史差揭帖	請用三巡撫并允御史實授揭帖	救白給事揭帖	進三論揭帖	守成論	遣使論	權宜論	一品再考自劾疏	辭考滿加恩疏	辭恩密陳揭帖	再辭考滿加恩疏	三辭考滿加恩疏	廷謝入閣揭帖
--------	-------	--------	----------	---------------	-----------	---------------	--------	-------	-----	-----	-----	---------	--------	--------	---------	---------	--------

留温中丞揭帖

皇帝勅諭

謝賜獎諭疏

再留温中丞揭帖

請發補官本揭帖

大選近請補陞選郎揭帖

福王婚禮揭帖

催三省考官揭帖

故事草卷一三

故事草卷十三

柱國少傅兼太子太傅吏部尚書中極殿大學士臣沈一貫

上煤亂揭帖

臣等昨覩督理煤窰內官監僉書王朝具奏豪  
惡黃大京王守寬楊拐子許近槐私開窰口欺  
隱窰課率領土棍毆打差役阻撓違法等情奉  
聖旨這奏內有名人犯便着廠衛差的當官校  
會同內官王朝督率該地方員役扭拏前來究  
問該衙門知道欽此臣等竊謂 皇上以此儆

故事草卷一三

戒頑民法應爾也及出閣至長安門外滿路擁  
塞多人皆鰲面短衣不知其數呼冤徹天持揭  
叩地臣等取視其揭詢問來由且知目下毒害  
之狀猶有未載于揭者如拏人擲樹石打箭射  
淫奸婦女席卷家資所帶皆京營選鋒公行劫  
掠家戶受害不忍聽聞之事臣等咸為灑泣而  
慰遣之云 皇上憐愛小民此事原非 聖意  
當為汝等轉奏可各安心生理勿犯王法再三  
撫諭始得開路而行由此觀之王朝一面之詞



安可盡信而小民痛恨國家隱憂念之震慄何敢不以上聞竊惟煤利至微煤戶至苦而其人又至多皆無賴之徒窮困之輩今一旦亂之至此豈非言利者擁蔽 聖聰搜浚太細不顧巨測之虞乎此輩尚未知厥衛拏解之旨輒已紛然窮迫若聞拏解則其無聊激變之情又當何如 皇上以嚴法制服能拏此四人以立威耳四人而外彼群起再發者可得而盡拏乎烏窮則攫獸窮則嚙一旦揭竿而起輦轂之下皆成

議事草 卷十三

二

胡越豈可不念據原奏云一年可得數千金進御亦甚微矣柰何為數千金而亂輦轂之下為利為害孰多孰寡誰為 皇上畫此計者真可斬矣此輩勃勃悍戾之氣臣等已見其真若一生心京師必無寧居四散流劫三輔必無寧居但只棄業而逃無煤入城京師千萬人家息烟絕炊饑寒交迫群起為亂者亦不知多少况加之以此輩乎患在目睫不待久遠矣臣等細籌以為宜急遏亂虞先清亂本乞即下 嚴旨留

回內官王朝停止煤稅將馬用力趙堂李金張林黃大武及原奏官民等俱拏送詔獄打問其所拏黃大京等四人俱免追問放釋復業以見取煤原非 皇上本意乃羣小欺君玩法假威虐民使萬眾失所 聖心憫惻今悉處治罷止如此則中外歡然歌誦愛戴而戢其反側之心豈不甚盛德事也不然而患生肘腋變起須臾驚動 宸嚴縱橫京國四方何以觀九廟何以寧謹將各揭封上二紙以干 聖覽并擬 諭旨一道恭進乞亟賜 乾斷早見施行

故事草 卷十三

三

福王婚禮揭帖

三臣題福王婚禮吉期該欽天監選擇恭進已  
久至今未蒙 允發臣等竊惟嘉禮肇舉儀節  
繁多俞音尚阻弘宣所司何由恪奉 皇上欲  
行螽斯麟趾之慶安可緩桃夭梅實之時乾斷  
而行是在 聖意聖意一定萬神景從原擇撤  
移在本月十九日今相去止七日不可以復徐  
徐也具題 正月上

敬事草 卷十三

四

請允馮宗伯告揭帖

三臣謹題今日接得禮部尚書馮琦揭帖為病  
勢深沉恐誤典禮等事照得本官學贍才優年  
力方壯而偶因數奇感病不淺今已經歲十三  
懇歸臣等親往問之見其肌肉日削痰嗽不止  
聲音難出步履亦艱為之心危意惻也病實是  
真毫無假托今福王婚禮在即儀節繁多乃禮  
部尚書專職而又無侍郎在部必致誤事彼實  
遑遑敢請 皇上早允本官回籍養病另行銓

敬事草 卷十三

五

補庶職掌無廢而嘉禮有襄矣 正月上

請補巡撫都御史差各御史揭帖

題竊惟天下人心易動難安夷狄盜賊尤宜謹備而彈壓之責專在憲臣今河南陝西二巡撫缺至半年以上矣鳳陽巡撫候代亦半年矣各差御史缺者甚多且已久矣此時事之最急者中外憂國之臣日夜關心臣等不敢不言蓋河南居各省之中昔人謂為天下之樞四方有變先受其禍况今江工伊始役夫三十萬人多無賴不逞之徒最難控御近又有巨盜李大榮等以千百計起汝穎之間此河南鳳陽兩巡撫責也渠魁雖得餘黨尚存儻有不虞誰為救輯故臣等謂河南撫臣所當急命也陝西自潼關以內方數千里古稱百二山河且與強虜為隣雖近來捷音屢奏而犬羊實繁有徒三邊四鎮各守分地若洮岷巘塞番夷環列火永諸酋鴟張特甚此則陝西巡撫之專責而不容他諉者故臣等又謂此一官所當急命也鳳陽巡撫居南北交會之處當汝穎盜賊之衝又有漕運之無

寄治水之分責撫臣李三才克肩大任剷亂銷萌隱然一方之保障也而閉門候代進退趨起既得其人不宜輕換望 皇上特渙綸音令其照舊供職者也至于各道差遣舊有定期振肅宣揚風紀攸賴今試御史已經一年而未與實授於時已過於差實妨京邸優游空棄其人于無用百職曠廢又虛其用于無人用人圖政兩成擔閣遂令滿者不代缺者不補舊者久勞而倦于事事新者逸居而無所事事中差有八處見缺而大差亦時時告窮非肅吏安民之道乞將試御史早賜實授各缺差早賜補遣此又目前一大急務也臣等忝稱股肱當為 皇上分憂分慮罄竭愚誠惟 聖明留意

二月初四日上

請允漕倉御史差揭帖

三臣題竊惟巡漕巡倉二差專以督理漕糧為務關係京師命脉比別差尤為緊要都察院既經屢請即戶部及倉場與漕院俱為屢請今蒙發票伏乞即賜允發不勝瞻跂

二月初四日上

請用三巡撫并允御史實授揭帖

三臣題臣等初四日具揭請簡用河南陝西二巡撫留用鳳陽巡撫准試御史實授以補各差之缺祇候 明命惟巡倉巡漕已奉 俞旨餘尚未發敢復進一言今京外官員自部院大臣以至郡縣小吏懸缺甚多皆妨政務而臣等尚未暇枚舉也昨之一揭姑摘其燃眉救急萬不可緩者以請耳無論吏弊日增所宜糾察民姦日甚所宜搜剔即夷狄盜賊岌岌乎有厝火積薪之虞一時竊發誰為捕禦此憂之大不啻吏民姦弊而已譬如水火初發有一人在旁杯水捧土可以救止必待王人自知而救之嗟無及矣今未講所以制禦夷狄盜賊之法而且講所以制禦夷狄盜賊之人人尚無之復何言法事急而後命官是聞水火之變而後遣人也况此官非增設之官特常員耳命官無詢訪之勞在皇上一舉手間耳惜一官而不惜天下之變易之不圖而圖其難小之不圖而圖其大臣等竊

敬事草

卷一三

九

用凜凜惟冀少垂清燕將吏部所推河南陝西  
巡撫俯賜點發鳳陽巡撫李三才仍舊留用各  
試御史准其實授以補各差之缺此後凡遇會  
推俱希加意點發庶幾不虞可備而太平可保

二月初  
八日上

故事 卷十三

敕白給事揭帖

題昨者 皇上以工科都給事中白瑜等言河  
工事降瑜三級調外任罰其餘俸各一年臣等  
聞 命不勝震惕切詳瑜等此本于正月二十  
二日進蓋是時河工方急錢糧不敷而工部未  
題故以本催耳隨于二十七日工部覆奉 聖  
旨允發各處馬價則 聖明既已採行其言矣  
乃動 宸威有此降罰竊為凜凜小臣不體上  
意掇拾煩瀆是誠有罪但心本為公事殊觀望

故事 卷十三

卷十三

二

嚴旨示懲亦足儆戒儻蒙 皇上天海包容免  
其降調重加罰俸俾令省改真 聖母曲成萬  
物之仁也臣等不揆冒昧恃恩為請戰栗在心  
意迫詞窘又恐在廷不無申救之章益滋煩擾  
之事預懇 聖恩並加在宥行陽春發育之令  
布含弘光大之慈解累釋愆迎祥導和實九五  
皇極無疆之福

二月初  
九日上

進三論揭帖并論

題臣等竊惟世有堯舜之君而無堯舜之臣亦不能成唐虞之功臣等碌碌名為輔弼而實非其人也日夜深自愧耻乃 皇上躬堯舜聖明之德實古今一大有為之君也而至今且不免岌岌之憂臣一貫久在病中靜夜思維驚起待旦臣鯉臣賡皆十年草莽恨不能叩首流血一吐此衷蓋三臣未嘗不相對涕淚滋滋也此蓋耳目之前不無所蔽心思雖動物欲引之真機

敬事草

卷十三

十三

竟鬱而不揚仁恩甫發而旋收故人心惟危道心惟微堯舜亦諄諄相戒也臣等自侍旃廈以至于今 皇上未嘗不厚望臣等為夔龍而臣等曷嘗頃刻不望 皇上為堯舜豈其今日而讓堯舜乎夫聖愚無兩適之塗不為聖即為愚治亂無兩持之勢不之治即之亂世非唐虞便成季末不為萬世傳誦即為萬世譏訕歲月難留機會易失伏乞 皇上端心澄慮勅天圖幾成振古一大有為事業而不虛上天薦生與祖

宗付託之意使天下有恃後世有傳即攀龍附鳳之臣亦得沐餘光免後責臣等各出所見并合成篇著為守成遣使權宜三論以獻惟不與常牘總棄時賜覽觀見之施行幸甚

三月初八日上

敬事草

卷十三

十三

守成論

臣等竊惟自載籍以來惟夏商周及漢唐宋六代之有天下為久長多者八百餘年少亦三四百年皆以賢聖之君繼作或創業或守成或中興厚德深仁浹民肌髓雖經變亂而思慕謳吟故其盛難衰其衰易續能永久也他若秦若新若六朝若五季以及胡元不過一二世久亦不能百年空有開創而莫能守成德澤闕而不長民心渙而思亂不永宜矣我 太祖高皇帝再

故事

卷一三

十四

造區夏以啟大明功德視前誠無比並亦賴列聖繼序積德累恩不愆不忘後先照映故二百餘年而以無缺之金甌授于 皇上 皇上嗣服比隆 祖宗英斷如神剛明不惑 聖慮所到真有超古帝王之上者壽域宏開又三十載矣而際天薄海全盛如初非漢唐宋所能及顧否泰剝復之幾間不容髮保 祖宗之鴻業垂之萬世惟在今日隳隳之抗弊之召復隍之憂亦在今日完堯舜之鴻名萬世有稱惟在

今日去昭昭就昏昏令小民怨詛之聲留之萬世亦在今日亟改而圖猶日月食而復光人皆仰之矣秦華搖而復奠人皆安之矣四方幸無虞國本又大定天下引領以為不逮堯舜者獨一礦稅耳 祖宗固以無缺之金甌貽 皇上也忍自今以區區礦稅而致之少缺哉聰明睿智之主豈不徹此萬世悔恨當何可及臣等職在股肱情關休戚實欲以惓惓愚忠上通腹心非敢學外廷之口舌拾尋常之唾吐惟 皇上

故事

卷一三

一五

少降威顏試一覽察夫帝王享四海之福而未免不給之憂揆于人情不無可念國家以積貯為命而有不足之患揆于邦計亦為可念然可取于百姓豐足之時不可取于百姓困窮之日今名為收自然之利而實強搜于小民名為閔加派之苦而實橫剝于額外搶奪法所禁也而自上縱之貪酷律所誅也而自上導之善理財者不如是也人情雖各有偏好亦必有底極皇上之好積也若天性然亦宜有所饜足 祖

宗二百年來世世積蓄僅得太倉老庫銀二百萬以為多矣今內帑所積倍蓰此數豈不度越祖宗為萬古一奇絕事而尚求益無已乎 皇上即好積而以鼎盛春秋歲月需之萬萬壽無疆則萬萬年積亦無疆何必一日而滿其無涯也凡積而善費者積不能多 皇上躬節愛之盛德賞賚不濫入多出少自當不貳又何必更裒畜乎且積所以待用也積而無用直與土塊同耳有何希奇而費至珍至寶之精神役役于是昔人有言以隋侯之珠而彈一雀之微愚者不為精神之可貴不獨隋侯之珠也無用之長物亦猶一雀之微也捐此而逐彼是愛身不如愛物之重也 皇上試思違和之時視此物為何物皆身外浮埃眼前土苴與此身無分毫干涉有何裨益老子有言身與貨孰多奈何不以聖躬為重精神為寶而日夜勞焦于此乎 皇上若為萬萬歲計則 萬萬歲天子既自有萬萬歲惟正之供若為 萬萬世子孫計則 萬

萬世子孫亦自有萬萬世惟正之供譬之飲食自應待時必先時而兼饌曰吾以為備也豈惟不必抑亦不可且其為害不小財之為物守之甚難 皇上至嚴至明至慎至儉嚴則人不敢竊明則人不能竊慎則出納必防儉則浮浪必約所以能守此而無虞也貽之子孫而假令于皇上之四德有一不逮能永久不散乎府庫充溢驕怠易生左右前後誰無窺覷不導之以奢汰則引之以淫縱東征西伐土木神仙聲色子女狗馬麩藥無佞不入何慝不作至是而為身家天下之害必大皆財之招不獨盜出之患也疏廣不欲以財累子孫其言曰賢而多財則損其志愚而多財則益其過古今以為名言然則多積固不足為子孫法又足為子孫累矣抑或皇上深宮永日無可自娛聊假是以適耳目乎則周書有曰不作無益害有益功乃成不貴異物賤用物民乃足不寶遠物則遠人至所寶惟賢則邇人安斯聖王之法守不易之正論也玆



臺寶閣之所儲重絨什襲之所藏次第陳前從容諦審不須外索自有餘贏若夫鼠雀之所易殘蟲魚之所易蝕速朽而不可居之物何必蓄以敗羣充耳溢目倦持厭觀造化密移 聖情善悟易紛華而反質覺今是而昨非從欲惟危不如從理之安尤宜一加省矣且 皇上但見耳目之前微有所利不知眉睫之際已迫大害利害切身何可不一動心哉誠思此物從何處來聚之禁中則成千成萬渾為等閒而當其取

敬事堂

卷十三

十八

之于民乃積釐成分積分成錢積錢成兩成十成百乃成千萬不知費幾多筭捷幾多枷鎖驚妻賣女幾多恓惶析產破家幾多慘毒而後得盈此數也夫天下財止有此數不在民則在官在于官者日多則在于民者日少不在外則在內在于內者日多則在于外者日少積而不散德意將何宣達閭閻將何養活糧餉將何出辦廩祿將何支發水旱將何賑濟盜賊將何遏絕國無終日之計國非其國民非昔日之民日甚

一日生他心矣漢文帝有言百金者中民十家之產也小民有一金在手將本求利朝營而東暮營而西上以供公家之賦下以給俯仰之需終年歷歲靠此養活乃虎冠吏一朝而白取之本利胥空人錢不見心無聊賴意有徬徨何難一死以戕其上豈顧法哉妄索天下十萬金是傷天下十萬家性命妄索天下百萬金是傷天下百萬家性命憑怒逞忿何所不為肯低頭就死而已乎夫人主以天下為家天下安人主始

敬事堂

卷十三

十九

安天下不安則一家無獨安之理將為他日投老計耶天下鼎沸無土不沸挾此安歸將為他日拯危計耶禍敗一成寇攘四起雖有錢財亦無所用然則此一積也豈不為大盜積乎此一守也豈不為大盜守乎不務安天下以安其身使其身與天下俱危大非長計何得恃二百三十餘年全盛以為必無事哉周書曰我不可不監于有夏亦不可不監于有殷我不敢知曰有夏服天命惟有歷年我不敢知曰不其延惟不

敬厥德乃早墜厥命我不敢知曰有殷受天命  
惟有歷年我不敢知曰不其延惟不敬厥德乃  
早墜厥命嗚呼其尚敬戒于茲此在 聖心一  
思耳思之則必謂此無用物為吾宗社憂安得  
以宗社易此也思之則必謂此無用物為吾精  
神憂安得以精神易此也思之則必謂此無用  
物為吾聲名憂安得以聲名易此也思之則必  
謂此無用物為吾子孫憂安得以子孫易此也  
思之則必謂此無用物為吾百姓憂安得以百  
敬事草 卷十三 二十  
姓易此也捐小欲以就大欲棄小利以取大利  
卒之大欲大利並集而小欲小利不遺永貽萬  
世之安長享無疆之福此在明主一諦思間難  
與忽近憂無遠慮者謀也

### 遣使論

古之立法者未嘗不于委用之中而寓檢制之  
術其不可相為通者峻其防而毋令少假其可  
相為通者互為之制而務使其相成故得人之  
用而無其害國家之法裁抑勳戚防檢親近內  
言不出外廷宦官不預朝事罷宰相而設內閣  
列臺省以司糾彈散事權于部院分兵柄于營  
府凡以職親地近專擅易生而曲為之防也今  
諸法皆斤斤共守無敢踰越獨遣用中使一節  
敬事草 卷十三 二十一  
非保世之術誠宜深慮而亟反焉 皇上之馭  
中官也明飭法紀未嘗少假辭色一有違犯必  
罪無赦雖日侍左右久賜鱗玉者莫不側目而  
視重足而立檢制之嚴有如此然天下不誦  
皇上之嚴而言 皇上之寬寵信太優假予太  
過是徒見奉差小監縱恣貪暴而遂掩 皇上  
之鴻名以流謗聲甚可惜也制國之用莫大于  
財而本朝立法莫詳于理財 高皇帝親自講  
畫設簿書定體式慎差遣密查盤其入有稽而

不沒于主書之手其出有考而不沒于綱解之手鄉有籍戶有符無朝夕二三之令限有時科有則無望空白索之殃故百姓雖出錢而力猶可給有司雖比錢而人無怨聲起解存留悉有記帳雖數十年後可覆而知焉雖一介遣官可坐而覈焉司會之心跡得明旁觀之浮言不生府史胥徒但供使令之役絕臨民之事常餼之外一錢即賦故民不見吏吏不見民上下相安而賦事舉也豈有漫然無經制無稽考四出橫

故事草 卷十三

二二

索而百不解一利歸群小怨歸朝廷如今日稅使所為而可以久行不改者乎夫取之有道用之有度則財入而不窮生之者衆食之者寡則財出而不匱民商為國家生財者也不可不受育而使之衆僕隸為國家食財者也不可不裁節而使之寡百姓之財猶溪澗之水也其來甚微驟取即竭若一時而有數輩飲汲于其間必涸而不流矣故取之不可無道用之不可無度也文臣豈皆忠義潔廉者哉而古來循用不改

正以諸司臚列權力不偏相轄相制相糾相舉故易使也中官豈皆不肖者哉而祖宗未嘗使之制錢穀正以其為主上私人威權偏重舉劾不得施稽察不得加故不用也今所遣四出者皆以獨任成奸偏信致亂手握王章口銜天憲摧山裂壑破家滅門始猶假虎以怖人終皆化虎而自恣蓋箝憲臣之口而朝廷始自蔽其耳目為蔽極矣以 皇上剛明在御而此輩尚然無恠乎正德間有逆瑾之禍覆轍在前寧可

故事立 卷一三

二二

再乎中使操利權此古今所甚忌 祖宗所甚禁不可之大者也今非徒操利權也且覬典兵如陝西遼東廣東諸處皆私募徒卒公請于朝以明開跋扈之端幸 皇上屢加拒絕而若輩之請未既也此豈可假借哉兵權有國之司命也隨權之所聚而亂從以生蓋內外互有之而內臣為甚自古人臣擁兵如藩鎮雖強猶可除滅以其為外臣也至于內臣如漢之王甫張讓唐之魚朝恩李輔國田令孜輩倒持國家之太

阿而附為社稷之胷癭天子扼腕不敢出聲忠臣袖手竟無救術彼自稱為定冊國老而斥天子為負恩門生稔凶結禍終以國亡則典兵故也故內臣必不可典兵而典兵必毋以內臣我太祖散析兵權不令聚于一處而尤密防內臣勿使預兵嘗曰此輩當使畏法不當使有功又曰不假以兵柄自無宦寺之禍非謂外臣必賢內臣必不肖其流禍當至于是而不可不早防故也國家兵權迭制于兵部營府督撫總鎮諸

故事

卷一三

二十四

官而未嘗專付于一人大抵令調遣者分鈐轄之權而又令糾察者分調遣之權一兵而數處籍之數人制之雖元勳信臣一旦有白簡聞上數行詔下而束身歸命莫敢後矣故有指臂相使之功而無尾大不掉之患如令內臣制兵尚誰能鈐轄之而又誰敢糾察之白簡何時得上聞詔墨何時得下逮巧營密構熒惑耳目盤糾錯結羽翼相扶不如漢唐中葉之時盡盜威福之柄不止於是雖明知其罪而無可奈何則以

兵在其手而朝廷莫敢撓故也故內臣不宜奉使出外尤不宜制財典兵純良小心者百中一人自中材以下未有不為叅隨之所愚弄權之所在易為不善勢之既成欲轉不能求其小心如初不可得已是以皇祖世宗盡革天下鎮守而至今誦中興之功今礦稅使雖無鎮守之名已有鎮守之實而更令制兵是猶熾火而沃之以油也彼王甫等給用城門校尉兵李輔國等領天子神策軍直假竊耳是時已不可制今

敬事草

卷十三

二十五

使彼自有兵而自用之禍當何如正統間曹吉祥從子欽以禁軍三千人戰于闕下鍾簾為之震驚彼于輦轂至近而輒敢稱亂今若使之縱橫閭外禍又何如以漢常侍之專挾唐藩鎮之勢權兼二代禍必倍之此萬萬不可以嘗試也臣等固知皇上不許而不敢不言願皇上必毋許而嚴斥之亟杜之幸甚諺有之曰錢入人手雖良民不免妄用權入人手雖良民不免妄弄此至言也征權錢之大者也兵柄權之大

者也士人處此不能不染于其中而恣于其外  
何可令中人據持而信之過于士人也大璫在  
日月之旁 皇上猶時時謹御不使之縱彼外  
差小監生殺予奪常分 皇上威福之半何可  
使其將錢穀甲兵任情播弄而信之過于大璫  
也冀 皇上超然遠覽察于古今治亂之大戒  
而早措置焉宗社幸甚

權宜論

今有百金于此而鬻 皇上之一官 皇上許  
之乎臣等固知必許也有萬金于此而鬻 皇  
上之一旨 皇上許之乎臣等固知不許也何  
則官雖鬻而主上之尊自如彼其人之進退黜  
陟一制于朝廷故以為無害而可許旨雖一言  
而關係天下輕重不小朝廷之所以尊惟此耳  
使人可鬻則威福予奪將制于彼而不制于朝  
廷安得而許眾建群臣不過衛一人耳如使群  
臣得共制命安在其稱一人哉雖然孰知今日  
而 皇上之旨已潛為人鬻去而不之覺乎或  
虛言千金之利而鬻或虛言萬金之利而鬻利  
未入于上而旨已鬻于下旨鬻于下則威福予  
奪隨之而去此又不如鬻一官之威福予奪猶  
制于上也本末輕重失其常矣 皇上偶未覺  
耳覺則必不聽人鬻而以鬻嘗我者必誅雖然  
臣等又謂 皇上未嘗不覺也每一旨下必曰  
權宜權宜者明知其不當為與不可為而聊試

為之爾非經常之制也非長久之謀也非祖  
宗之明訓子孫之世守也以此昭上心不自安  
而勸天下姑勉從也以此見今歲然而明歲不  
然此事然而彼事不然也惟 聖心有真覺故  
明旨稱權宜耳而今果權宜乎哉始謂之暫而  
其暫也遂久始謂之借而其借也即真非徒不  
返也日以浸多得無托此二字以箝天下之口  
乎若是則先之以不信而誰委心者治天下之  
道以經常不以權宜經常者在皇為皇極在民  
敬事草 卷十三 二十九  
為民極又為成憲為彛典曰禮曰法而後世謂  
之制度謂之職掌 祖宗之所以授 皇上而  
皇上之所以授 萬世子孫者也權宜之事可  
以一行而不可以再行如病者含膏梁而服藥  
石病去當止不止則藥反為病而不可救療故  
權宜之所以利天下者少而亂天下者多不可  
為也礦稅之亂天下久矣其基異日無窮之禍  
又明矣 皇上行之不休必以為吾能行之吾  
能收之姑享其利無憂其亂夫服藥不止者曷

嘗不自信以為有益而又自恃以為必無害也  
一旦藥發誰能善收當收即收何為久蹈危計  
而貽不及收之悔哉嘗聞之舉理外之奇事者  
必有理外之奇禍縱無涯之多慾者必有無涯  
之多憂譬之于火一旦既已熾發而熏天矣雖  
有萬人焦頭爛額提水而救之必無及矣譬之  
于水一旦既已橫溢而滔天矣雖有萬人沾手  
濡足捧土而塞之必無及矣即能奪之水火之  
餘幾何而况其未必能奪也古人云眾怒猶水  
敬事草 卷十三 二十九  
火也可輕犯乎哉故救火之道必遏之于熒熒  
之初使其無炎救水之道必塞之于涓涓之初  
使其無決除此常道更無巧計舍常趨巧復何  
救乎今朝廷既以權宜自便而又遂以調停責  
人巧中生巧尤不足恃調停之說起于有宋紹  
聖間彼無如羣奸何而姑為此言塞責耳亦終  
不能調停以至于亂故調停非名言也人臣而  
云調停猶可諉焉以為權不在我也 天子則  
操持乾綱伸縮惟意知其非義斯速改矣一轉

移而大定顧不甚快有何掣肘而言調停此又  
護前增失而非所以令天下也昔馬周言于唐  
太宗曰自古黎庶怨叛聚為盜賊國無不滅人  
主雖悔未有能再安全者凡脩政教當修于可  
修之時事變起而後脩無益也又曰國之興亡  
不在于畜積多少在于百姓苦樂隋貯洛口倉  
而李密因之積布帛于東都而王世充據之向  
使洛口東都無多粟帛王世充李密未必能聚  
大眾豈可不顧人勞而強歛以資寇狂狡竊發

敬事堂 卷十三

三十一

非徒盱食晏寢而已此深達國體之言也夫馬  
周羈旅布衣耳一言而唐太宗能用之遂致貞  
觀之治臣等幸為密勿之臣逢堯舜之君而  
皇上又陋太宗于不屑為者豈不能用臣等一  
言臣等竊思 皇上亦姑試爾昔齊威王沉湎  
不聽政惟左右是從三年齊國大亂俄一日視  
朝而以阿大夫為左右所譽烹之以即墨大夫  
為左右所毀封之盡誅左右佞人而莫敢蔽以  
私齊國大治諸侯來朝臣等嘗謂 皇上亦聊

試左右與諸大夫誰忠誰奸耳一旦奮發而誅  
賞行焉不在齊威王下豈有明照平秀吉楊應  
龍之情于域外而不識賢奸之情于几席之近  
豈有弘敷太平之畧于初御而不決治亂之幾  
于乂道之餘財利非利安國家誠大利金玉非  
寶金甌玉曆誠大寶孰輕孰重孰導孰阻洞若  
觀火待時而動大威福大予奪驀然煥然彌布  
于宇宙之中此萬方之所跂立而望黎白相携  
願湏臾無死以觀德化之成者也舍權宜而歸  
經常舍調停而歸轉旋萬年天子此其巽極豈  
不偉哉時乎時乎不復再來一失此時雖悔可  
追今天下言者雖多尚未敢深言使臣等無輔  
弼之寄亦何敢深言詩曰天之方蹶無然泄泄  
臣等預有危責安能以泄泄自處而 皇上亦  
何可以泄泄處此也謹論

三月初八日上

敬事堂 卷十三

三十一

一品再考自効疏

臣奏為贊襄無補幽黜允宜懇乞 聖明特賜  
罷歸以光國典事臣蓬華賤流章縫末學備員  
史局濫侍經幃荷 皇上特達之知召自田間  
晉參幾務優游尸素十載于茲承乏一時躡先  
百揆蒙恩有過于海岳報稱無及于涓塵今以  
一品六年給由赴部令甲給由不及期與過期  
皆有罰臣不敢違但臣本意謹俟黜幽而吏部  
舊例原無考覈止是奏請復職臣忝預樞機而

敬事草

卷十三

三十二

先以不肖之身苟逃吏議非義也取自 上裁  
本彰明斷而臣不先以一言從中贊決又非義  
也吏部雖不考臣臣之自考甚明法行自適當  
從臣始竊惟昔之人臣憂不遇合而已苟遇合  
矣即田千秋于漢馬周于唐皆有所樹立而况  
其上焉者臣遭際最奇尺寸靡效誠不足以通  
天感聖德不足以輔世長民才不足以肅政清  
刑恭稽足以登賢達善致使陰陽錯序萬物失  
宜百姓不親附卿大夫不任職釁孽滋生鴻龐

剝蝕民情由治而向亂國勢自安而入危就列  
無陳力之忠不能無引身之括至于蒲柳早衰  
業榆晚入疾病纏糾精神惚恍當以老病坐免  
伏望 皇上昭示至公解臣見職放還鄉里臣  
幸釋負于未償車之前而免于大譴大訶感恩  
無極九鼎不足喻重矣

四月十三日  
上十五日奉

聖旨卿贊政密勿一品再考忠誠廉慎茂著勛勞  
朕茲倚眷方殷胡乃執謙求退宜即出佐理以濟  
時艱吏部知道

敬事草

卷十三

三十三



辭考消加恩疏

奏為就列深慙拜恩滋愧懇乞 聖明俯容辭免仍賜罷歸以正臣紀事頃臣以給由自劾奉聖旨卿贊政密勿一品再考忠誠廉慎茂著勩勞朕茲倚眷方殷胡乃執謙求退宜即出佐理以濟時艱吏部知道欽此該吏部題又奉 聖旨元輔一貫贊政多年勩勞懋著朕已鑒知茲覽部議又思得當年東西戡定之時苦心運籌極力擔負功成辭尚鬱朕懷今一品再考特

敬事草

卷十三

三十四

加左柱國少傅兼官照舊進中極殿大學士無支尚書俸廕一子中書舍人給與應得誥命仍賜勅獎諭賜宴禮部以見朕優禮賢輔至意欽此臣不勝惶悚不勝跼踖竊惟國家爵賞與臣子功實兩者常相提衡予奪辭受率視為準非為體貌而已也舊時輔臣考滿不無優典然未有勩官俸廕誥勅恩宴紛綸而集若此之蕃者即或有之而彼一時也此一時也烏可以相方哉彼其當交泰之盛時著旂常之偉功則拜領

恩施宜無愧色今臣躡躑首揆得君不為不專待罪九年行政不為不久而匡襄無術燮理乖方一人之盛美弗彰庶政之瑕疵日積人心等千巢幕國勢同于累碁誰為厲階焉用彼相臣之自劾實乃隙明何得詭脫嚴誅更饗異數若此則自劾者何人而拜恩者復何人必兩人而後可也向臣所以行行且止者誠觀 皇上天挺英明度越千古即權宜權採而時以仁愛停止渙之綸音臣若徼天之幸投附事機儻有一

敬事草

卷一三

三五

言當于 聖心則親見堯舜此其日矣遭逢甚難時來不再敢不屏息以俟下風今也從春得秋從秋復春既及給由之期核實之際而樹立若此一無可書罪狀若此一無可贖宜黜而陟其誰許之今之續書後之史書也一時之吏議易逃萬古之史評難假斧鉞所臨赦宥不到胡可貪壟斷而獨登輕簡書而不畏也伏望 皇上哀憐臣意追寢新命倘萬分之一猶不忘簪履之遺則姑緩褫奪而准容致仕於臣願為過

弘將沒齒而無憾矣四月二十日奉

聖旨朕覽卿奏至誠謙慎嘉尚不已卿保安社稷朕心鑒知但考績酬功原係彝典宜遵成命毋得固辭今國家多事之日賴賢輔調燮贊襄即出佐理以濟時艱慎毋固辭吏部知道

故言並 卷一三

三十六

辭恩密陳揭帖

題臣比日考滿本俟黜幽何意誤恩翻加懋典臣已有奏本力辭猶恐皇上視為故常未即賜允且臣之衷曲有不可開載奏本使外廷共知者敢密陳之臣蒙皇上殊常恩知授以第一大官屬以第一大事臣固知非天下第一大功不足以仰酬也古今大聖人惟有堯舜非堯舜不足以尊皇上非皇上不能行堯舜之道臣之圖報止有此節夫何自臣當國而朝野敬事草 卷十三 三十七之故愈多不惟未建一功抑且日滋多罪去年二月十六日臣親承召命宣德音于天下天下方欣然若再生而旋從追寢莫不興有君無臣之歎是時百官皆欲伏闕固請臣獨以為聖心既發必當見之施行聖體初安不宜輕加聒擾今日急務臣子宜以愛君保躬調護為先政幾雖重少待他時而從容苦口以圖轉移亦未晚也百官因臣此言遂皆不敢瀆擾何意日復一日年復一年坐失事機竟成虛願於是曠

稅不收而四海之民靡不怨臣矣於是廢棄不復而四海之士靡不怨臣矣於是囚繫不出而四海之泣無辜者靡不怨臣矣於是缺官不補而四海之憂亂萌者靡不怨臣矣不敢斥言至尊則戟手而詈執政之臣詈執政之臣則必首及于臣以為往時國事有闕輔臣但以一搢請之無不立允縱不盡允亦必勉從以存大體雖極難挽之事猶挽十分五六此天下之所習聞習見何獨今日而乃不然 聖主非不受言

敬亭草

卷一三

三六

庸臣不能正言耳又舉前事以追咎臣謂臣當時若從百官之意伏闕回請則 聖主一日便為堯舜天下一日便成唐虞何得遲延至今尚無分曉 聖主之仁心仁政已發而復過者輔臣罪也臯夔稷契定不如此又責臣以為失之東隅收之桑榆當時曾說待 聖躬既安轉移未晚今日之事轉移安在效婦寺之小忠而妨補拾之大忠徇一時之便計而失萬世之遠計托言調護意在阿徇豈社稷臣之所為哉人皆

敬亭草

卷一二

三九

以此責臣而臣亦俛首無辭真是智窮才竭無計回天上負國家中負百僚下負天下有君無臣信如人言百口不能解矣忠憤鬱紆日夜無聊惟有籲禱皇天願我 皇上斷自乾衷特降手札將前四事惠然舉行則 皇上即今之堯舜而臣亦堯舜之臣若猶姑待則臣受天下叢責如矢集的以日為年請先逐臣以謝天下而明發詔旨次第改弦 皇上當以顧社稷為急不當顧臣也今水旱頻仍正陽日食盜賊時發訛言數驚司徒徒手而邊境搖心司空空手而工商結恨臣雖卸肩以去猶有無窮餘責况可再受濫恩玷汙聖朝惟 皇上亟賜罷斥無辱新命臣受恩最深蒙知最密臣不自言何人言之老日益迫病日益多今不極言何時言之皇上實宜思天下之禍機最難料天下之民品最難知國家暇間此日可惜毋待他日倉皇而興噬臍無及之悔也臣言至此一字一淚不忍復言謹齋戒焚香百拜叩首重封密奏伏祈特

賜覽繹而採行之 社稷幸甚臣愚幸甚 四月

上日

敬事草 卷十三

四十一

再辭考滿加恩疏

奏為自劾原出真誠加恩益非始願再祈 慈軫曲遂愚情以全分誼事項臣以考滿蒙恩具疏辭免仍乞罷歸奉 聖旨朕覽卿奏至誠謙慎嘉尚不已卿保安社稷朕心鑒知但考績酬功原係彝典宜遵成命毋得固辭今國家多事之日賴賢輔調燮贊襄即出佐理以濟時艱慎毋固辭吏部知道欽此臣捧讀省循不勝感泣德意肫切屬望殷勤此臣千載一時也忍復自顧其私哉但臣竊思之臣之前疏乃情知多罪而求正黜幽之典發于本誠有如聖鑒不敢虛也 皇上慈旨則過信部題而益以踰溢之恩大非臣分之所宜承安得以彝典為解而洪顏拜受况臣方求釋于見在之內而 皇上乃增加于見在之外臣尚未敢拜復職之命何敢復聞加恩之命且一臣之身而朝廷以為宜陟臣以為宜黜黜陟之論相去太遠不得明也宜黜而留然宜加賞賞復駢蕃又何濫也上而濫施

敬事草 卷十三

四十一

不失為仁主下而濫受豈其稱廉士臣輾轉思  
維有難啟處尸曠既久不可復為尸曠以誤國  
罪狀已著不可更書罪狀以災身駑駘之力既  
窮鼯鼠之屬見迫揆于公論其將謂何伏乞  
聖明亮察收回恩命仍將臣罷黜以昭考課之  
公臣當伏處田里歌咏 聖德若 皇上必以  
為使功不如使過而欲留用臣則乞盡收恩命  
無復言賞而姑令仍守舊官以圖後效效而行  
賞亦為未晚如其不效則無先後而論罰若是  
則 皇上之所以待臣者已甚優厚而臣亦可  
冒耻戴罪以從事然終非臣之本願也四月十三日  
上二十  
五日奉  
聖旨朕計安社稷勉留賢輔詎有所私懋賞酬功  
祇循彛典亦不為過卿何又有此奏宜遵屢旨即  
出拜命以副眷懷俱不允辭吏部知道

敬事草 卷十三 四十二

三辭考滿加恩疏

奏為誤寵難承悃衷可憫三懇 聖慈亟賜矜  
允以免塵瀆事臣以滿考蒙恩再疏辭免奉  
聖旨朕計安社稷勉留賢輔詎有所私懋賞酬  
功祇循彛典亦不為過卿何又有此奏宜遵屢  
旨即出拜命以副眷懷俱不允辭吏部知道欽  
此臣惟 皇上最重爵賞朝無濫官官無濫廩  
而獨于臣考績則寵之誤恩濫于常數之外至  
于屢辭猶未見許臣至不才何以得此所以感  
激涕零而不敢復言去也謹拜復職之命報名  
廷謝入閣辦事外未即擯逐厚幸已多乃若加  
恩叨踰太甚 皇上雖予臣而時論必莫予也  
臣何敢承時論者國論之所自生史評之所從  
出名之為夷即為夷名之為跽即為跽夷跽之  
辨無他惟在辭受取予之間耳臣功不及一物  
名不踰中人祿位恩數至濫無紀不斂身退避  
而覲顏進趨能逃于國論何能逃于時論哉此  
臣所為滋懼而不敢也或言 至尊之賜臣子

敬事草 卷一三 四三

不冝盡辭然心口躊躕既非德賞曾謂少取而無妨于義乎必不得已則臣請領誥命以為親榮領勅諭以為身規其無俸部宴勲級前人具有辭例非至臣而始辭加官進殿廕子則臣必不敢承以忘夙昔本意惟乞俯允臣請俾免于再三之瀆而守其咫尺之義此皇上真知臣真寵臣而曲全臣之終始者也

四月上二十八日

奉

聖旨考績加恩原非異數昨已明諭朕志何為謙

故臣臣

口口

讓未已朕望遠卿意特允辭兼俸部宴勲級已屬至庶其餘俱冝勉承稍存舊典慎勿又辭吏部知道

廷謝入閣揭帖

題臣頃以考滿待罪 皇上不加斥黜且增誤恩賜臣銀兩表裡鈔錠茶飯羊酒加左柱國少傅進中樞殿大學士兼支尚書俸廕一子中書舍人給與應得誥命賜勅獎諭賜宴禮部稠疊駢蕃至不勝舉除銀兩等臣已廷謝外若勲級等臣先以一疏自劾後以三疏辭免蒙准辭兼俸部宴及左柱國勲級其餘加官進殿廕子給誥皆命勿辭臣欲再辭嫌于矯激已冒昧勉承

敬事草

卷十三

四十五

今日廷謝訖伏念臣才具綿薄性資樸愚文章無取于代言猷略罔裨于經國尸官素祿曠歲淹時幸不禡其冠裳何更繁夫雨露為寵愈厚為驚愈多 聖主雖加眷私天下能忘抨射三讓非過一辭乃冝既久慕于籠中敢輒颺于飽後誓當俯竭塵露仰助高深惟望樞衡中妙作轉旋庶幾節目處堪為整理臣至眇小縱能比身臯夔譬如渤海之乘鴈焉能有無上至聖明正須決為堯舜方是在天之飛龍增光九五天

下本無事而事從人起國家亦何繫而繫自心生與人同欲則欲為天理之公推已及人則人盡此身之助都無傷缺乃曰金甌必善裁成方稱華袞但將繫吝者一加堅決會見權宜者悉歸典章斯臣等之至禱祈 聖皇之大福利也腹心安則股肱亦安而髮膚舉安君心足則百姓亦足而上下咸足矣臣敢以是言其區區感銜之意而竭其翬翬補答之私

四月二十九日上

故事草 卷十三

四十六

留温中丞揭帖

題竊惟都察院百司綱紀不可一日無人今副都僉都皆缺未蒙點補獨左都御史温純一身在位而自去年十月註籍以至于今半載有餘矣屢次疏告未蒙恩留臺務久廢諸御史靡所稟承熟審在邇又三法司之事且部院七卿皇上之斗杓七星也七星不備何以成歲功七卿不備何以宣治績今禮兵二部俱缺尚書正望點發豈都察院原有都御史而復使之久鬱

故事草 卷一三

四十一

不伸乎本官昨有十一懇疏今日仍未發票使其無所遵守似屬未便臣等看得純之為人素懷忠蓋人望攸屬必能不負 皇上任使伏乞沛下温綸催出管事并祈早掄禮兵二部尚書以備七卿庶百僚師師而庶政有托謹題請

旨 四月二十九日上

勅諭

皇帝勅諭少傅兼太子太傅吏部尚書中樞殿大學士沈一貫朕惟台衡重地弼贊攸資密勿親臣謨謀是賴匪藉端亮公忠之佐曷襄光明俊偉之勲矐我元僚誕彰丕績可無褒敘以示眷酬咨爾卿一貫邃學閎才冲襟碩抱經綸運掌而出之以休休道德積躬而持之以抑抑拔自講幃之舊為予調鼎之司首贊萬幾式殫一德無偏無黨布公道以渙羣不激不隨本和衷以熙載有謀必告非

敬事草 卷十三

四十八

道不陳箸籌收屢勝之邊功廟議定萬年之國是忠誠純固擘畫精詳清風足以表正乎明時雅度足以鎮安乎薄俗當中外多艱之日為邦家不拔之圖登三事者十年歷一品者六載勲猷茂著良惟朕懷爰舉舊章用頒新渥而卿遜膺不有避寵弗居觀三讓之高風尤純臣之盛節是申贊冊式表特恩於戲予欲保乂有邦爾惟柱石予欲訓警有位爾惟典刑尚其永矢乃心懋襄上理毋以任怨任勞而思易退毋謂已安已治而遜成功遠追

喜起之風共享昇平之福欽哉故諭 五月十日

敬事草 卷十三

四十九



謝賜獎諭疏

奏為謝恩事本月十一日伏蒙 聖恩以臣一品六年考滿賜勅獎諭欽遣鴻臚寺卿張棟等齋捧到臣私寓宣讀臣謹恭設香案望闕叩頭祇領臣誠榮誠忭稽首頓首上言伏以天蓋孔高蟻旋惟附地與極厚鰲戴難勝辭遜末繇報酬何所竊念臣迂愚成性樸略違時嘗聞忠孝可以立身篤信君親必能知己未陳一力又點孤卿散材非八柱之資廣廈乏萬間之庇徒切

敬事草 卷十三

五十

鳳至圖呈之望但聞默蹄鳥跡之交此日而微况是正陽之月下臣不職尤宜策免之先何知恢恢天網為臣而更踈浩浩恩波為臣而更渥賚予續紛而望道褒加赫奕以臨門虞官之黜典既震漢代之璽書逾溢瑤緘鳳翥聯珠詎止十行玉版龍騰疊袞寧惟一字渾渾堯言之深潤諄諄舜命之申重如憐手口交作之勞為示腹心相推之厚獎駑駘以騏驥名實謂何飾鈍鐵為鎭鄒提携焉用永念非常之典誤于不佞

之臣茲蓋伏遇 皇上肅秉乾綱丕迎泰福謂化瑟不調已甚宜取圖新謂人才寸朽難捐莫如求舊雖以臣之老僮猶然勗其晚成臣敢不抖擻淪精激昂委氣畢夙夜在公之力赴當年親見之期忍使軫憂不釋于民咨忍使初政竟虧于終鮮曾是厝火積薪而諉已安已治曾是臨淵結網而辭任怨任勞不稼穡而取屢實臣孤憤為牛羊而求牧惟上亟俞庶無忝于訓辭永有光于彝典

敬事草 卷十三

五月十一日奉

五十一

聖旨覽卿奏謝朕知道了該部知道

再留温中丞揭帖

臣題昨二十三日左都御史温純以十三懇疏求去蒙 皇上發閣擬票臣等相顧喜悅謂

聖心今已開霽純自此可出矣乃連日候望尚未蒙發而純十四懇之揭又至竊詳揭中所言實係國家大事此本官真誠至語非虛設也望 皇上覽察焉蓋明年正月當朝覲考察天下官員此吏部都察院最大職事例該及早與海內當事之人往復書移預先諮訪往常以一年畢

敬事草

卷十三

五十三

力猶恐不精非可倉卒取辦而苟且了事者今夏序將盡相去止半年耳而純一身去留尚未得定諮訪之事必且妨廢諮訪既已妨廢考察安得公平此不可視為尋常細故也 皇上必謂純雖不出院務亦不廢而未知考察一事與今待命實相妨礙臣惟純之為人誠實忠蓋臣數年與之共事無非愛君憂國之語心實重之偶以一疏未當而久致逡巡臣若不言天下之不知者將以為純之前疏有涉于臣而臣之禍

心不能忘情妨賢之誚安能逃之伏乞 皇上

將純今疏即賜批發勉令速出視事以振憲紀

以飭計事庶幾賢臣復留人心慰悅而臣心亦

得少明

五月二十五日上  
明日得留中丞命

敬事草

卷十三

五十三

請發補官本揭帖

三臣題蒙發吏部一本為覆疏留中非體懇乞  
聖明速賜批發并速補司府員缺以資大計事  
臣等恭擬票上切詳此本大槩言該部覆被叅  
官員如盛萬年陳勗王納言王元柄李必璋孫  
良宜陸雲龍等及覆患病官員周一梧曹璜等  
皆未奉旨有妨作缺又天下道府缺官約八十  
餘員尤望通查賜補以資大計臣等竊惟治天  
下之道要在用人必朝廷有黜陟而後人各

敬事草 卷十三

五十四

得其用必進賢退不肖而後政事各得其理試  
視逐日章奏批吏部知道者最多則用人誠急  
矣乃吏部覆上而有格不下雖復知道與未嘗  
知道何異遂使 皇上之威福不行于天下而  
天下之賢否無裨于上聞實于政體為大扞格  
今蒙 聖心天啟俯賜發票此實轉移世道之  
機也臣等不勝欣躍又不勝願望惟冀 皇上  
即賜允從以後凡遇補官本章俱早覽發庶幾  
賢才進用而太平可期矣

六月初一日上

大選近請陞補選郎揭帖

照得吏部常以雙月大選先一月則有點卯有  
看單臨月則有推陞有急選有截點至日引奏  
入選間復有候補候考單題雙題投文領文等  
務殆無空日也今六月當大選而文選郎中尚  
未補定待除官吏不下百千壅街塞衢皆來告  
急蓋先任選郎倪斯蕙已滿六選例不可以復  
入尚書李戴推陞為太常少卿實仍舊例前郎  
不陞後郎難補既無選郎誰管選事此戴所以

敬事草 卷十三

五十五

不憚再三之瀆而又惓惓欲臣等為之再請也  
今倪斯蕙嫌于待陞而告病求去呈堂代請亦  
未得命伏乞 皇上俯循前例准其陞遷不然  
准其告病出缺使新者可補而選事有歸天下  
官吏辛苦待除者齒于品流早出國門轉號呼  
為懼忻矣

六月初三日上

福王婚禮揭帖

三臣題臣等竊惟 福王婚禮宮闈吉典中外  
瞻望咸謂今歲必當舉行矣乃春夏二時倏焉  
已過轉盼之際又將秋冬日月遷延尚無定示  
皇上父子之愛鍾于天性必以為佳期緩一日  
則睿體克一日甚盛德意然年齡十八不為早  
婚民間尚然况于龍種過期與不及期均之未  
為適可且遴選上吉甚不容易一年之中不能  
一二月一月之中不能一二日是以詩咏標梅

故百宜 卷十三

五二六

貴其迨吉易言歸妹戒于愆期若不早命精遴  
竊恐術人迫于欲速或以尋常之日勉強名為  
吉利未可知也惟先期早令聽其檢式考程次  
第詳擇擇之既審即允而行然後人事與天時  
符合而吉祥與嘉禮輻輳事至于今誠不可緩  
伏望 皇上明諭禮部行欽天監擇吉上請以  
定于歸之期以開麟趾之瑞

六月初十日

催三省考官揭帖

三臣題臣等二十五日具題催請欽點浙江江  
西湖廣三省考官候旨三日又未蒙發該禮部  
官惶惶不寧來見臣等言入場之期定以八月  
初九自今相去止四十日耳舊規考官許其舟  
行一以防閑關節一以衛養精神也乃茲前期  
大促矣即舍舟從陸恐亦不足况旨下之日在  
京尚有謝恩辭朝之事在途慮有風雨不測之  
事查得欽定赴任限期浙江四千四百里該八

敬事草 卷一三

五二七

十八日江西四千六百六十五里該九十四日  
湖廣三千二百里該六十四日今諸臣即日拜  
命已當晝夜兼行若復更有延遲豈能如期而  
至且夫典試一差與頒詔捧冊等差不同頒詔  
捧冊等差到彼成禮即為訖事典試一差資其  
考校文字登崇俊良到彼之初方其用勞之始  
彌月晝夜全用精神若令奔馳通路疲憊不振  
雖復勉強卒役亦何為也伏望 皇上亟賜批  
發尚可少寬其力責令盡心盛典臣等不勝戰

魏待命六月上二十

故事草卷十四目錄

再催三省考官揭帖

三催考官揭帖

李侍郎兼翰林銜揭帖

四催考官揭帖

請點河南巡撫揭帖

辨湯御史本并乞休疏

乞休再疏

請釋建繫揭帖

故事草卷十四目錄

乞休三疏

乞休四疏

乞休五疏

辨郭侍郎疏

停刑揭帖

乞休七疏

辨妖書并乞歸疏

聖諭嚴捕妖犯回奏揭帖

請宣諭 皇太子揭帖

命作諭 皇太子文并諭局郎等文進呈揭

帖

擬諭二道

催請諭 皇太子揭帖

再票錢夢臯本揭帖

看詳皦生光詩稿揭帖

親諭皇太子傳示到閣奉慰揭帖

福王徵納遣官揭帖

請寬李冢宰等差錯揭帖

敬事草 卷一四 目錄

二

請寬討賊引咎自陳疏

請趙司徒署吏部揭帖

請可太宰者揭帖

請設楚宗正揭帖

請寬周嘉慶妻孥揭帖

發沈令譽事者勿與問揭帖

敬事草卷十四

柱國少傅兼太子太傅吏部尚書中極殿大學士臣沈一貫

再催三省考官揭帖

三臣題竊惟浙江江西湖廣三省考官該禮部

上請且催請五次即臣等亦再揭以懇矣未蒙

發下中外皆生疑慮今日應天陝西考官俱蒙

點用發票仰窺 聖心原無留滯之意望乞一

視同仁早賜點發如或詎部推舉有未當 聖

心處亦乞明示或速令改推或於原推中隨

敬事草 卷十四

聖明酌用庶不至妨誤大典也臣等敢不虔請

萬曆三十一年  
七月初二日上

三催考官揭帖

三臣題臣等竊惟浙江江西湖廣三省考官屢請未命輦轅之下人人疑彼遠處間之妄猜妄講又當何如恐致謠言滋興非所以尊朝廷一衆志也儻 皇上以科臣員少不欲遠差則明諭改差部臣亦無不可若 聖意別有所為亦乞早傳使臣下奉行緣係日期緊急恐誤賓興大典輒復瀆奏惟 皇上俯亮伏候 勅旨

七月初五日

奏事章 卷十四

二

李侍郎兼翰林銜揭帖

查得萬曆三十年十二月內該禮部尚書馮琦乞點用部職一本奉 聖旨覽卿奏知道了左侍郎李廷機着吏部上緊行文催任右侍郎員缺候旨行欽此照得李廷機係右侍郎奉 旨為左侍郎吏部已欽遵行文催到今照禮部堂上官舊規兼翰林職銜以便供講筵纂修等事未經題給係內閣職掌合將李廷機以禮部左侍郎兼翰林院侍讀學士乞 勅吏部查照施行 聖旨是吏部知道

敬事章 卷十四

行七月初七日

日上奉

三

四催考官揭帖

三臣題竊照浙江江西湖廣三省并近題河南  
考官未蒙俞命 聖意精深必有所在但臣下  
愚昧何能仰測惟乞明示以便題請或仍賜點  
發尤出萬幸若事可少緩臣等敢不靜聽但賓  
興大典日迫一日恐奉差諸臣竭蹶難前又恐  
人心不古浪傳亂揣以致疑惑 聖朝煽動愚  
俗皆於政體大有妨礙犬馬忠赤實深憂惶安  
敢避煩瀆之愆謹題請 旨

七月初八日上

敬事草

卷一四

四

請點河南巡撫揭帖

三臣題蒙發兵部一本為中土盜賊可虞得人  
防患甚亟等事臣等恭擬票上外輒附一言照  
得河南巡撫缺至一年有餘吏部憂其地方無  
主紀綱廢墜而屢以為請戶部憂其逋欠太多  
乏人催徵而特以為請今兵部又憂其盜賊竊  
發滋蔓難圖而力以為請夫一官而可使一方  
平治以無煩當宁之憂何為而久吝此災傷疊  
見饑饉洊臻閭里蕭條供輸匱竭今又黃河橫

敬事草

卷十四

五

溢夫役繁苦瘟癘盛行死枕籍而奸狡亡命  
之徒所在蟻聚假以左道妖詞謀為不軌如瘳  
萬賈恒李許李大榮詹希楚等聚眾五六千人  
聲勢重大臣等習聞之而臣鯉尤係本貫人氏  
知之極真每念及此即顰蹙而涕泣者也鯉得  
家書言有親弟染疫而亡可見天災流行不虛  
地方受害已極夫彈壓于未發之前易征勦于  
已發之後難諛吏部屢推堪為巡撫者已有七  
人皆當今才望之臣惟 俯命一人前往料理



使中州百萬生靈脫于水火之中實社稷之福  
今將吏部會推各官開具于後

張鳴岡 顧雲程 耿定力 李堯民

許弘綱 王守素 趙士登 七月初九日上

敬事草 卷十四

六

辨湯御史本并乞休疏

奏為留賢及召人疑謹明心事仍求退休懇乞  
早放歸山以全晚節事臣惟朝臣往往好訟始  
于自相攻擊而終于牽連閣臣昨接御史湯兆  
京一揭為總憲頓挫已極輔臣心事未明懇乞  
聖明放歸以全紀綱事內言給事中鍾兆斗之  
參都御史溫純為有涉元輔冒嫌排擊上雖再  
留純而降諭之際尚非溫旨元輔雖有留揭而  
辭氣之間未化成心又言畫南北于一廷之上

敬事草 卷十四

七

修睚眦于白首之交故示羈縻待其委頓無聊  
銷藩以去而令天下謂 皇上實棄之又言純  
未劾二臣時元輔已引疾不出幕中豈無先入  
哉兆京所以疑臣心事未明者此其大指矣按  
心事未明四字臣揭中有之兆京斷章取義驚  
人耳目善攝文者不宜如是移理就情豈謂忠  
益誠愛純者亦不宜如是誠為純解紛者亦不  
宜如是必如其言臣將為名教罪人矣敢無一  
言以自白乎臣聞人臣惟君命是尊語曰君命

召不俟駕而行雖有辭讓之節讓不過三心如  
皎日何必遲回却顧屢上封章以要無已之後  
命而適貽再三瀆之後悔人臣而奉有絲綸一  
字榮矣已得溫旨而尚嫌不溫非禮也北京于  
是乎失言矣原純本意殆不其然北京其陷純  
于不義哉其謂臣成心未化豈以臣之揭留純  
也尚未盡善乎密勿之言外廷何由知臣之言  
可以入告亦可以公言于朝言止于此心亦止  
于此請公言之臣之揭曰純之為人誠實忠盡  
故事草 卷十四 八

可掩乎必欲盡掩其瑕而曲彰其瑜此市廛售  
物之心非大臣入告之道事君者勿欺為先好  
而知其惡惡而知其美誠心直道是為勿欺  
皇上聰明天縱二三大臣人品心術何不洞鑒  
此事之曲直是非又何不洞鑒而臣敢欺乎哉  
臣與純白首一廷驩然無間忽于臣四五乞身  
之時為無端倡疑之舉北京所謂朝議疑之者  
衆是也當此之時朝議盡疑而臣心不疑為之  
五次擬旨三次具揭以留之謂臣有成心未化  
故事草 卷十四 九

臣數年與之共事無非愛君憂國之語心實重  
之偶以一疏未當而久致遠巡臣若不言天下  
之不知者將以為純之前疏有涉于臣而臣之  
褊心不能忘情妨賢之誚安能逃之乞將純今  
疏批發勉令視事以振憲紀以飭計事庶臣心  
事得以少明其言如此臣自謂曲盡矣祇有一  
疏未當四字不能掩其瑕耳不掩其瑕乃顯其  
瑜而北京以為臣成心未化人之度量豈不遠  
哉試問二輔試問九列此一瑕也為可掩乎不

而覽之近日尚有秉憲肅紀輿望所歸之語比之揭語尤為盡善北京所謂頓挫之羈縻之銷繭之者安在非 皇上不能為臣雪此冤此臣之所以禱祈席藁而俟命也論臣本意則臣之與純非相違也而相從也嘗以為安定國家必大馬先誠欲與純安詳審固傾身下人以和朝士以定國家而茲不能矣始願既乖惟有一去輒敢再申前懇伏乞憐臣千辛萬苦之餘生所存無幾特賜骸骨俾就隴土生環死草誓不忘

敬事草 卷十四

十

報 七月二十二日 上二十四日奉

聖旨卿純忠體國開誠布公朕素所鑒知都御史溫純卿屢揭必稱其賢每票必擬勉留且見雅度安有成心且大臣去留出朕獨斷純自固辭與卿何預卿宜自信不移即出輔理以定群囂慎勿再辭今後言官務要平心詳審當於本情不許故為猜疑淆亂國是吏部知道

乞休再疏

奏為 聖恩隆重宜報孤臣積苦難留再乞天慈早賜放歸以安愚分事昨試御史湯兆京見給事中鍾兆斗論都御史溫純遂求多于臣謂臣留純之揭成心未化又謂 聖旨未溫臣具疏辨明仰塵天心為孤臣昭雪沉冤雖家庭父子亦不是過臣不勝嗚咽流涕而繼之以血也捐糜此身不足言報何敢言去何忍言去顧復自思忝居輔弼而致人見疑辱國莫甚臣之

敬事草 卷十四

十一

苦情有萬萬不容不去者謹披瀝言之都御史溫純之事起于舊年十月今歷四時矣而猶紛紜不止則以于永清雖奉調外之旨而未得地方永清不去純何能自安純以十七疏求去而多半留中再奉 明旨尚未溫也又何能自安臣固憂朝臣之未和時時念之而不虞其遽加諸臣身也夫五倫之序君臣居其首朋友居其後人固當加意于友尤當不欺于君加意于友者私情而勿欺于君者公義臣為純苦心作揭

請上勉留自謂庶幾可幸無罪而反以為謗自  
今而後臣無道以處此矣臣之此揭幸蒙 皇  
上信臣無他也當是時即純視之亦必不疑臣  
有他也今成心之說不起于二疏連下之日而  
起于後疏不下之日臣安能致純疏必下哉閣  
臣留人之揭而至于三自來所少尚以為憾乎  
純疏不下 聖意何能強而北京謂臣委頓之  
銷簡之以托于實棄之臣心至愚不解為此  
聖明在上不容人為北北京輕量獨斷之主

敬事草

卷十四

十一

而故以半吞半吐不可明之辭詆臣也臣至今  
思之如坐重氷積雪之中凜凜戰慄誠不若早  
先引避人臣惟一官難棄耳臣求去出于本心  
得去以為幸甚倘蒙俯憐而不吝一允視祈恩  
乞容猶為易也天下必不謂之濫惟乞早賜放

還以明臣心矣

七月廿七日  
上廿八日奉

聖旨卿忠誠公慎朕素鑒知前已有諭卿宜自信  
不移何乃又有此奏朕覽惻然其溫純二疏連下  
為卿屢揭催請後疏不下朕以彼奏各缺巡按且

有回道御史不差故以試御史瀆擾市恩因以留  
中屢本未發於卿何預今又致生猜疑紛紛瀆奏  
殊非政體方今國家多事卿宜仰體朕眷任薦隆  
繹思君臣大義毋以浮議介懷即入贊襄弼成化  
理慎勿固辭吏部知道

敬事草

卷十四

十三

請釋逮繫揭帖

題今天下臣民無日不望仁于 皇上而所深  
憐跂待度日如年者尤鎮撫司逮繫諸臣淹禁  
無期殞亡相繼黑風慘烈白日晦冥死者不可  
復生生者尚可求活臣等每念至此殊難為情  
不得不力為之請竊思舊年二月十六日 皇  
上親沛 德音既下放釋之命矣已復收監恐  
非本意今 聖壽齊天嵩呼匝地宸闈歡洽翔  
泳沾仁臣等竊願推此一思使此曹受旋生之

敬事立 卷一四

一四

賜而遠近聞者頌萬萬歲無疆之壽也人臣之  
不能盡分多矣若諸臣者安敢以為無罪顧人  
情于未獲罪時未嘗不共相呵詆而思所以重  
之及既獲罪未嘗不共相矜憐而思所以輕之  
今諸臣繫獄既久則人但見其可憐而不記其  
可罪 皇上開釋之諭實天機自動而不知所  
以然此所謂不忍人之真心擴而充之可以保  
四海者不宜中道阻遏而已也其時 聖諭尚  
云有官的還與他官此一言也堯舜且將遜德

矣即未復其官可不亟全其生乎昔漢時楊彪  
下獄滿寵謂此人有名于海內若罪之不明必  
失民望遂赦出之今逮繫諸臣皆 皇上之所  
拔擢亦有一日微名久幽囹圄失民之望又何  
如外人皆謂 皇上未嘗不知諸臣無罪特慮  
稅事阻撓姑繫之耳果如人言則今此稅事有  
誰阻撓而又繫諸臣何關於輕重惟早行放釋  
則昭好生之至仁增履祥之弘慶豈非今日一  
美聖政哉查得諸臣前有知縣王之翰通判吳

敬事草 卷十四

一五

應鴻陳奇可驛丞周應麒生員孟希孔等既斃  
于獄近日知縣王正志守備王煬相繼又斃道  
路悲之如悲親戚縉紳之流尤與狐兔之感悲  
感不已則於鴻名盛烈不能無損臣等職司輔  
德意在尊君款款愚忠不能自遏而臣一貫親  
奉面諭未克奉行人之罪臣尤為迫切伏望明  
示 聖意特令曲全其餘囚犯并付法司擬議  
奏處則肆赦者沐德創艾者畏威培養壽源而  
保安國脉非淺淺也 八月二十

乞休三疏

奏為病苦難支三懇天恩俯賜允休以畢臣分  
 事臣以庸愚備員輔弼調燮罔效致召人疑再  
 疏自明因求去位駢蒙 慈憫特為臣闡發  
 聖意釋疑解紛是時有御史康丕揚亦同前意  
 臣不復辨惟是積勞之病愈深求去之意尚鬱  
 恭遇 萬壽聖節未敢瀆尊伏念臣本無技能  
 第有遭際懷報恩之心而無報恩之具故筭效  
 計功恩益崇而報益誦而臣之為心非惜然無  
 覺者內不能不驚于夢寐外不能不惕于人言  
 強索其所不明痛鞭其所不繼則無益于 國  
 之毫末而有傷其身之丘山矣故精神日散于  
 一日筋力朝衰于一朝以今歲比昨歲如秋水  
 涸盡可立竭不但以手約腰有量減分寸之可  
 言也舊年屢疏乞身原出本意後因有聞不得  
 不强出調和而一歲于茲不能調和而反滋紛  
 擾臣之精神喪盡靡所建豎效亦可覩見積此  
 不已於身於國皆成損失益滋罪戾伏乞悲憫

敬事草 卷十四

十六

終賜大惠聽其乞骸僅得一致仕之名實永世

無窮之感

八月二十二日 上二十五日奉

聖旨卿昨請假數日朕以攝調為重特為勉從今  
 如何又有此奏且卿德望更有精力正需弘濟艱  
 難方切倚毗豈得固言求去宜即出贊政無勞朕  
 懷吏部知道

敬事草 卷十四

一七

乞休四疏

奏為無用病臣四懇 聖慈早賜歸骨以終恩  
造事臣以病苦莫支三疏求去伏奉 聖旨卿  
昨請假數日朕以調攝為重特為勉從今如何  
又有此奏且卿德望更有精力正需弘濟艱難  
方切倚毗豈得固言求去宜即出贊政無勞朕  
懷吏部知道欽此疊荷溫綸悲感交集使臣未  
至極憊稍可勉承隆知莫酬頂踵何惜顧歎  
之疾并時大發如駭機激電莫知從來壞坊奔

敬事草

卷十四

十八

濤無可禁過涕泗被面氣溢填胞胃閉不開飲  
食妨少漸至肌骨銷解形神潰離手足痺麻艱  
于運動未寒而顫不灼而呻蓋年往病來福傾  
災入理有固然何可逃也臣居常深念賦性戇  
愚父試無可何忍固求引退但天地不能全傾  
覆之物父母不能厚窮奇之子因材而薦總屬  
至仁既壞之器宜置隱所戀恩不去終成負恩  
誤身已矣誤國謂何伏望 聖慈哀憐與一致  
仕以養衰疾萬一未填溝壑猶堪歌詠太平實

緣久衰欲成素志始終造命仰賴 聖明

初九日

五月初五日奉

聖旨卿攝調已久前曾有諭勿勞朕懷何忍又為  
此奏平章事重首輔更急便着鴻臚寺堂上官往  
宣朕意時下即出贊理慎勿再辭吏部知道

敬事草 卷十四 十八

乞休五疏

奏為年衰力盡勢難復留五懇 聖慈俯允休  
致以全君臣大義事頃臣以老病交劇四懇乞  
歸荷蒙 聖眷朝上夕報不移晷刻而需恩勉  
留復責以平章之重事促以臚句之傳宣苟有  
肺腸能無戀慕 皇上以忍字激臣臣誠有所  
不忍也顧念出處一關所係甚大與其誤國寧  
若引身欲不負恩當無失已自昔人臣之誤國  
負恩者祇緣末路之棲遲而喪平生之堅立其

敬事草 卷十四

二十一

于此關有未透耳臣筮仕三十六年立朝日久  
每蒙駢恩疊賜踧踖如不敢當則素服止足之  
庭訓故也屏絕私交一意奉主又恐蹈係遯之  
厲而去位之日不得脫然故也論臣之志如史  
鮪陳尸亦所不惜論臣之力如疏廣乞骸已甚  
後時銷鑠交加金石未免挺解風霜飽歷松柏  
亦且凋殘似臣多病侵尋豈能久在人世即使  
辭榮就寂不過再延數年丐此餘命為盛世一  
閑人惟 皇上哀而許之蓋馬力已竭而驅之

不已則敗蹶可虞車軸將折而駕之不休則傾  
覆為患臣自量甚審將逃嚴誅非敢負恩負國  
也伏叩矜憐聽臣致仕更望少輟萬幾親賜裁  
決若發閣票擬則二臣必不肯相成而臣竟無  
以明進退之義矣惟哀而許之

九月十二日  
上十三日奉

聖旨朕為社稷留賢遣官宣諭延佇可知卿自宜  
仰念腹心倡百僚以君臣大義乃先諄諄言去於  
義謂何既稱夙服庭訓豈其不及于此朕必不從  
卿所請無用屢疏為勞吏部知道

敬事草 卷十四

三十一



辨郭侍郎疏

奏為無端橫扯當事益難懇乞 聖明照察早  
放還山以全微生事臣正以五懇乞身忽禮部  
右侍郎郭正域投臣一揭以楚藩華越事論臣  
事出不料之甚然何敢無言而處于此初華越  
參楚王之本通政司曾駁回一次乃其職掌之  
常沈子木對臣說時滿朝皆已知之不獨臣知  
安可謂臣阻其不上也臣既不曾阻子木又何  
必囑正域使勿言禮部救護之日臣與二輔及

敬事草 卷十四

三三

正域賓主四人臣何得與正域耳語若耳語而  
二輔聞乎不如公言不聞乎二輔必問又不必  
耳語也亦可以明臣之無囑矣臣既忝當事何  
日無愁如楚事尤大安能無愁至于阻勘之說  
正域可謂善忘矣正域問楚事當如何覆臣曰  
此事無不勘之理正域曰楚王不欲行勘臣曰  
部院題覆之體惟有行勘更無別法也正域豈  
忘之乎臣何嘗阻勘哉至其所云體訪勘問之  
說則又不然正域欲將楚王勘問臣曰按會典

親郡王所行未善事情輕者降旨切責若干官  
壹重事差內官皇親前去體勘至日慶治開載  
甚明勘問與體勘不同還當體勘是臣之所以  
語彼而彼不從者也蓋親郡王體統甚隆罪狀  
未明豈得與犯人一同勘問故會典止云體勘  
體勘既真奏請會官議奪臣以此告之實乃忠  
益恐當以臣言為正總之體勘亦勘勘問亦勘  
臣何嘗阻勘也凡此乃鑿鑿有據之言歷歷不  
忘之事正域可謂忘之臣憶正域嘗疑臣擬旨

敬事草 卷十四

三三

有惡宗罪狀多端及華越係楚屬宗如何結集  
羣黨輒參正王以小犯大豈得公論及會同參  
看等語皆以為過臣對之曰字字皆出于內傳  
不敢擅有加减外廷固不知也自今思之正域  
以有心問矣正域又嘗語臣曰司官言其係楚  
人當迴避如何臣應之曰迴避亦可則又拂正  
域之意矣夫謂臣匿疏今疏曾匿否謂臣阻勘  
今勘曾阻否乃今而知正域之心矣華越之來  
正域令家人及長班引至沈子木家求上本是

明為華越道地也前後覆本並無一字少傷華越而於楚王則欲其避位聽勅令別宗代理國事明是曲護華越而陰偏楚王之死也會議諸臣有長篇為楚王訟寃皆匿不聞肺肝顯然畢見矣及聞科道有言恐言者繼至無以自解遂出此一着以鈴人口夫已則行私而誣臣以私已則蔽匿而誣臣以匿冠裳文物之士乃亦為此乎可為世道長太息矣臣之薄德尚不能聯屬詞林甚愧于心 皇上自有聖鑒天下自有敬事草 卷十四 二四

公評臣何必多言連疏乞休正殷瞻睇惟乞早賜乾斷亟許還山以全不肖之微軀而昭聖主終始保全之大德九月十四日奉

聖旨卿贊政多年公忠廉慎朕所鑒知楚府事情歷來發旨朕俱傳示與卿何干乃被猜疑誣詆至此卿可不辯自明覽奏更益昭白所念輔弼首臣巖瞻重望包荒蕙納素性已然其尚時下即出勿以浮言介意吏部知道

停刑揭帖

三臣題臣等觀魏臣桓範論世道升降之會率以德刑多少為差見德所當尚而刑所宜緩也我 皇上寬仁在宥三十一年于茲深仁厚德所以培萬萬歲無疆之壽而綿萬萬年無疆之歷者曼越千古矣乃今又逢決囚之期臣等竊有所請蓋今年災異屢見其他未論即鳳陽祖陵有風雷雨雹毀 廟拔樹之災 皇上惕然深省慮驚在天聖靈於是特遣鎮遠侯顧大禮恭詣祭告以伸奉慰且令百官共加修省無事彌文至仁孝也臣等碌碌無能奉行萬一竊惟和氣盛則蒸而為祥殺氣多則鬱而為沴近自東征西討殺伐過多修省之實惟在恩撫德可勝妖仁可致祥敢為 聖明頌之况今兩宮美成臨御在即 福王婚禮亦將舉行皆國家吉祥善事中外人心咸望再停一年以彰好生之德以迎滋至之禧蓋停刑與肆赦不同肆赦則法廢而為奸民之資故不欲其數停刑則法

在而為仁政之助故不厭其數易稱議獄緩死  
書稱惟刑之恤正是此意伏祈嘉納霽渙明命  
以慰中外之心

九月二十六日  
上

敬事草 卷十四

二十六

乞休七疏

奏為七懇天恩俯賜歸休以全分誼終始事臣  
惟人臣事君非始事之難而終事之難昔之罔  
終者皆不自量而妄以不肖之身久從事故也  
伏念臣十年直閣五載獨處栖栖遑遑最為孤  
立幸遇 皇上主張于上凡所以教誨提携者  
無不周至獲有依憑以至于今然勞怨之所獨  
擔者不少則今日而被譏評之及晚矣尚賴俯  
垂照鑒曲賜保全不然臣一介朽枯耳摧拉何

敬事草 卷十四

二十七

足道我臣既已傷弓誠宜遠引倦飛知還日切  
投林之想驚棲不定又增集枯之危展布彌艱  
孤負當甚敢乘尚未見厭冒申前請伏乞大開  
天慈悲憐臣意容臣休致以禮終始臣如苟活  
當歌詠太平若即永捐亦營圖環草

十月初八日  
上

奉日

聖旨前已宣諭朕意望卿早出何又求去不已卿  
為元輔獨擔國家重任不避勞怨遑恤譏評朕心  
甚明公論難泯何驚何危試觀今時可是卿忽然

遠引之日否其益堅信此心亟出贊理以全大  
忠大義雖進百牘朕必不從卿宜念之吏部知  
道

辨妖書并乞歸疏

奏為飛謗流行掩蔽 聖德動搖 國本懇乞  
嚴加訪拏以明法紀并祈早賜放歸以保殘喘  
事昨同官朱賡獲有謗書一冊計紙四張名為  
國本攸關又名為續憂危竝議計五六百言皆  
臣子所不忍見之詞臣不覺髮上指冠也臣惟  
冊立 皇太子及冊封諸王一事 皇上暢天  
性之真愛定社稷之永圖長幼之倫秩然有序  
首建元良萬邦以貞臣瞻睇有年而遭逢一旦

正興四海九州慶主鬯之有人釋杞漆之深憂  
也臣如更有觀望犬彘不若寧人類乎彼為鬼  
蜮者乃駕捏虛言無踪生影至于混淆庭闈宮  
禁之情離間父子骨肉之愛掩抑皇貴妃贊成  
之盛德點染福王孝弟之令名誣陷大小臣工  
坐以翻天覆地之罪而尤首齟齬臣豈但尋常  
排逐將令闔門寸斬臣于斯人非有不共戴天  
之仇何為致此且其所言王道化一事查得王  
道化曾拏犯人李三謙尚在詔獄刑部無名郎

中史起欽憑何覈實而云臣使之抑其功也獨  
 此一事指臣而尚虛妄如此青天白日之下忽  
 見魑魅精恠天地百神宗社之靈當亦憤然不  
 平共加誅殛矣伏望 勅下廠衛城捕緝事衙  
 門嚴行訪拏何人撰造何人刊刻是操何謀欲  
 冀何事務求真正主使并其實証的據臣願與  
 面質以正斯獄臣德薄望輕佐理罔效前冤甫  
 白後謗復生總因求去未遂致令負痛不已辱  
 身猶小辱國如何伏乞 先賜罷斥以為奉職  
 敬事 卷一四 三十一  
 無狀之戒庶幾浮榮既收而本質易著臣之大  
 幸也 十一月十四日上 十五日票 十六日奉  
 聖旨朕遵 祖制冊立元子明詔萬方中外人心  
 久已繫屬何為有此不逞之徒敢造妖言誹謗朝  
 廷動搖 宗社好生悖逆便着廠衛五城總捕衙  
 門嚴行緝訪務在得獲卿輔弼首臣誼關休戚既  
 曾殫竭忠誠贊襄大典尤須居中鎮定主持國是  
 何遽先自乞歸以墮奸人之計其尚體朕眷懷即  
 出贊理吏部知道

聖諭嚴捕妖犯回奏揭帖  
 二臣題昨日文書官劉用恭捧 聖諭至臣等  
 私寓 諭內閣朕自承繼 祖宗垂統每思太  
 子乃國根本朕心慈愛教訓皇太子聰明孝友  
 純篤其諸皇子俱各好學賢良時率謁見 聖  
 母喜悅倍增且皇后皇貴妃俱常好善修齋敬  
 慎侍奉朕心忻慰可謂國家具慶矣近見皇太  
 子成婚已逾二年未見子嗣心切念慮已面諭  
 慎擇淑媛內助以廣後出螽斯又時逢陽長適  
 敬事 卷一四 三十一  
 遇 聖母萬壽節朕心歡悅正欲特諭卿等條  
 具祈天永命保國安民事宜詳擇施行共圖化  
 理不意昨東廠訪獲奸書一本具奏事件朕一  
 見怒恨何嘗有此意念着密訪真實奏來重加  
 究治今日覽文書見有卿等所奏及印刊奸書  
 相同何乃駕捏虛言無踪生影混淆庭闈宮禁  
 離間父子兄弟親情誣陷大小臣工坐以翻天  
 覆地之罪而首領卿等一網打盡忠良使朕孤  
 立于上蓄謀叵測朕心愈加忿懣必有主使之

人同謀黨類卿等可傳示便著厥衛城捕緝事  
衙門嚴行訪拏在外即行各撫按等官緝拏俱  
要真實具奏務在得獲以絕禍源以昭天理國  
法卿等為朕股肱義同休戚豈宜辭避墮中奸  
計驚危 宗廟社稷卿等可即出贊理以分朕  
憂以鎮奸心特諭卿等知之欽此臣等焚香跪  
誦不覺感激涕流伏地而不能起也仰惟 皇  
上至大至公盡倫盡制建元良以定國本分藩  
輔以固宗支天性懃惓人彛秩敘 皇太子與

敬事草

卷十四

三十二

諸皇子孝友純至兄弟既自怡怡 中宮與  
皇貴妃敬慎無違宮闈又皆穆穆 皇上集諸  
景福奉 聖母萬萬年之觴嘉禮歲修孫祥可  
待此真國家之具慶修齊之大徵也臣等幸佐  
下風方與大小臣工頌禱高厚何物神奸乃敢  
鑿空造釁煽作妖言竊詳其情似出小輩相傾  
之詭謀然據其事實犯無將不可逭之大戒睽  
離 皇上父子之恩爨萌 太子 福王兄弟  
之憂構 宗社艱危之際釀臣工轅磔之誅青

天白日之中條見魍魎之象臣等怒髮衝冠恨  
不即得其人而寸斬之又復自恨不能肅清政  
幾而令此輩恣肆佐理無狀不容不引身以謝  
天下也荷蒙 皇上奮赫威怒肅昭紀綱勅諸  
緝訪之司必期罪人之得手書聖蘊顯諭臣等  
譬之震雷發聲狂妖自攝太陽朗照邪魅必消  
忝在股肱義同休戚敢不絕私為公以身討賊  
何能固守匹夫之節不仰分 皇上之憂也即  
已發科傳部轉示厥衛城捕緝事衙門并行在

敬事草

卷十四

三十三

外撫按等官嚴加訪拏務期得獲其祈天永命  
保國安民事宜容臣等次第條具惟 聖明俯  
擇施行原奉 聖諭謹尊藏閣中昭 皇上惇  
倫聖讒之美謹具回奏 十一月十六日  
上十七日奉  
聖旨朕覽卿等所奏具見同心一體君臣大義連  
日怒氣弗息必得真實奸惡以昭國法方慰朕心  
諭卿等知

請宣諭 皇太子揭帖

三臣題蒙發鄭國賢一本臣等恭繹 聖意擬  
票候裁臣等竊思此謗必出臣下相傾之詭計  
特假借國本為詞耳既已借詞關係宮禁 皇  
上聖德及 皇貴妃本心固天清日朗絕無纖  
疑但恐 皇太子乍聞此事不無驚懼臣等竊  
思似宜特宣面諭以安慰之或奏聞 聖母轉  
諭以安慰之庶父子天性至恩歡欣流通國本  
從此益固家慶由此益厚 宗社幸甚臣等幸

敬事草 卷十四

三四

甚一得之愚伏乞

聖明采擇

十一月十日  
八日上

命作諭 皇太子并諭局郎等進呈揭帖

三臣題昨該臣等奏揭請 皇上將近日奸書  
之事面諭 皇太子以安慰之隨蒙 手批朕  
覽卿等奏揭恐皇太子乍聞驚懼特宣面諭以  
安慰之忠愛篤至正合朕心但此事關係重大  
莫比家庭常訓不必奏聞 聖母恐動 聖心  
卿等議擬一諭安慰教訓朕面賜之其本宮內  
外局郎執事人等亦當戒諭一旨一同擬來諭  
卿等知欽此臣等莊誦綸音不勝忻服仰惟

敬事草 卷十四

三五

皇上天親至愛纖悉周詳既欲諭之以安其驚  
懼之心又欲訓之以迪夫義方之教至於本宮  
內外局郎執事之人亦皆嚴加戒諭使於出入  
起居之間罔非保獲扶持之益又臣等想念所  
不及而 聖慮淵衷之獨到者也臣等謹遵

旨撰擬二道惟是才疏識淺不足以發揚 聖

意伏乞

皇上改潤施行

十一月十九日  
二十日奉

御批朕覽卿等所奏體悉周詳具見忠愛懇切已  
知道了

擬諭二道

諭皇太子朕身任綱常敦篤倫理矧父子骨肉之間天性至親豈不尤切昨年朕思祖宗統緒至重宜建國本念汝聰明賢睿孝友恭儉為吾元子天敘久定恭稟 聖母慈訓上告 天地社稷 宗廟冊立為皇太子因封汝諸弟為藩王大小有倫先後有次明詔萬方咸俾知悉朕之此舉自謂佑啟我後人咸以正無缺矣兩年于茲方深慶快何意忽有畜物構造奸書離間

敬事草

卷一四

三六

我家父子兄弟之情因詆誣及中外大小忠良之臣朕一見之怒恨交集虛上駕虛影外生影夢想不到之妖妄天地不容之奸賊罪大惡極不可原赦已著廠衛城捕及在外撫按等官大懸賞格嚴行訪拿旦晚可以必得矣特念汝素懷敬慎篤于孝友乍聞此事恐致驚惶儻致眠食少妨使我滋多懸掛今特宣汝面諭又思此事關係重大不比家庭常訓可以數言而了况吾意憤氣激尤難具言特降此札以著委曲朕

思此謗必起于臣僚之自相傾陷假借國事以為名耳雖在臣僚亦無一毫指實矧吾宮禁而可為彼簧惑但恨此賊將朕一腔慈愛真懇之心掩關不著即皇貴妃平日好善敬畏之意亦為所掩汝至明睿知今違古細繹吾言深惟此理宮庭肅穆名分秩然綱常倫理毫不可易毋因奸偽以致驚疑今吾此諭一以安慰汝一以教訓汝大學有言其為父子兄弟足法而後民法之周易亦云父父子子兄弟夫婦而家道正正家而天下定矣汝其勉之敬奉吾言為天地社稷 宗廟慎重自愛故諭

敬事草

卷一四

三二

皇帝戒諭皇太子宫中內外局郎執事人等知道近日京師偶有奸書流傳關係國本朕知此書必是奸臣傾陷忠良假借宮禁為此妖妄絕無一毫影嚮之事恐皇太子過為疑懼朕已有諭旨了爾等宜以理開導使安心進修以保睿體以進睿德毋得妄相謠惑離間宮闈誘引非禮之事如違法典具在治罪不恕

二十日奉 旨寫進十月初五日 諭太子



催請諭 皇太子揭帖

三臣題奸書一事連日廠衛緝拏雖得其似尚  
未盡真 聖心焦勞臣等何能頃刻 皇上貽  
謀盡善盡美俟此無根生謗固可痛恨然因而  
大闡 聖心發揮天性亦今日事機不可已者  
昨命撰諭 太子勅及戒諭 太子宫中人等  
勅已經寫奏但原 諭面賜則 皇上必有諄  
諄訓詞臣等職叨輔弼誼切股肱當請侍班預  
聞盛典儻 皇上靜攝之時不敢必諧所願乞

敬事草 卷十四

五八

於某日某宮面見面諭既畢之後特命左右記  
其詳悉發示閣中俾流傳外廷以昭天下付之  
史館以垂萬世尤無疆之令聞不朽之宏業  
皇太子益有所遵循而宮闈父子兄弟之間藹  
然和氣周洽流通今之至美事也臣等又惟  
聖諭謂不必奏聞 聖母恐動 聖心 皇上  
至孝寧親不勝欣誦但此事必當奏聞尤須委  
曲詳盡不徐不激 皇上自有愉色婉容不待  
臣等陳說臣等中心懸覲不能不進一言也若

夫廣宣德意明飭國法必得罪人以絕浮謗則  
臣等職分敢不竭力謹具題知十一月二十五日奉  
御批朕覽卿等奏揭具見忠愛懇切已知道了

敬事草 卷十四

五九

再票錢夢臯本揭帖

二臣題蒙發給事中錢夢臯本傳諭出旨竊惟此本昨夜已經票上今蒙再發臣等愚昧不當聖意但本內關係次輔臣下擬票止可如此萬死不敢冒嫌增罪 皇上至聖至明而輔臣進退惟上敢乞速賜親斷不然則在廷紛紛又兢起戈矛而益勞 聖慮矣臣等各負斧鑕以俟謹具奏

知十八日上

敬事草 卷一四

四一

看詳皦生光詩稿揭帖

二臣題蒙發逆犯皦生光所作岍遊稿并卧榻傍帖一紙臣等看詳本犯頗有小才然不純正操妄叫噪工于扭捏可見非端雅之士內屢稱大寃大讎蓋因詐騙致罪而不知自省悔但尤他人也空詞繁言無足推求事實惟誣訟一首內有君父塵喉舌庶欲惑國本及皇運恒安流三句似有關係然亦含糊難明惟 聖明洞鑒謹茲題復并原書及帖上進

十一月二十九日上

敬事草 卷一四

四一

親諭皇太子傳示到閣奉慰揭帖

題司禮監太監田義陳矩成敬到閣具言今日  
皇上有命着司禮監太監田義等送太子到本  
宮畢就都親到內閣口傳與先生每知今日我  
親朝 聖母回宮就宣皇太子在啟祥宮前殿  
親賜皇太子慰旨及戒諭內外執事局郎等官  
聖旨面諭皇太子云我的慈愛教訓天性之心  
你是知道你的純誠孝友好善的心我平日盡  
知近有逆惡捏造奸書離間我父子兄弟天性

敬事草

卷十四

四十二

親親動搖天下已有嚴旨緝拏以正國法我思  
念你恐有驚懼動心我著閣臣擬寫慰旨安慰  
教訓你又有戒諭內外執事人等旨意今日宣  
你來面賜與你我還有許多言語因此忿怒動  
火難以盡言我親筆寫的面諭一本賜你細加  
看誦則知我之心也到宮安心調養用心讀書  
寫字毋聽小人引誘傳時淚下皇太子亦含淚  
叩頭請去送至殿簷隨賜膳品四盒手盒四副  
酒四瓶口傳與先生每知欽此臣等恭聆傳示

莫不感泣仰誦 皇上此舉真止孝止慈盡善  
盡美天性由衷之愛聖人人倫之至宗廟神祇  
亦當昭歆天下萬世靡不傳誦在 皇太子奉  
此及疑畏盡釋孝友益敦進修可以日躋睿德  
因而日長在宮闈奉此則兄弟既翕和樂且耽  
受敬為之益勤墳簞大相歡洽合宮中之和氣  
以承 聖母之歡心則所謂貽厥孫謀以燕翼  
子者又在于是且由宮中之和宣為朝廷之和  
為天下之和臣等下風感受恩庇 聖心不免

敬事草

卷十四

四十三

于憂勤 聖德大光于天地伏望茂攝起居以  
迎景福少簡煩慮保合天和所有恭奉傳示詳  
委并宣諭 皇太子文戒諭 皇太子宮中文  
臣等播之在廷以示天下付之史館以垂萬世  
謹具題知

十二月初五日  
上初六日奉

御批朕覽卿等奏揭具見忠愛懇切今日此舉先  
奏聞 聖母後面諭皇太子及傳示於卿等乃彛  
倫攸敘君君臣臣父子兄弟兄弟誠卿等所  
謂一宮中咸在和氣中美保全天和朕知道了

福王納徵遣官揭帖

二臣題福王妃納徵例遣次輔行禮今臣鯉給假蒙發票擬臣一貫臣賡惟 皇上命不敢定

擬謹具請 旨 十二月初五日

又

二臣題十三日冊福王妃臣沈鯉給假具奏臣一貫臣賡恭候欽遣捧冊行禮未蒙定發不勝瞻跂惟望早賜簡命庶便齋沐將事謹題請

旨 十一日

敬事草 卷十四

四十四

請寬李家宰等差錯揭帖

二臣題竊詳尚書李戴認罪本錯中增錯亦復何辭但此小失似難深罪大臣有旨責問亦足示懲矣其人素性忠謹近又患病臣等亦不忍苛責也至于考功司官正當大察之時封鎖看冊是真實語又難移罪于彼司官若在必不有此失錯明係寫本用印各役之罪法不可宥臣等參詳擬票伏乞 俯鑒允行 初九日

敬事草 卷十四

四十五

請寬討賊引咎自陳疏

二臣奏為討賊未效奉 諭增悚自陳不職伏  
俟 謹罰并陳討賊事宜以希 聖鑒事項自  
奸書流行奸人未獲上干震怒日命推求錦衣  
衛接出 聖諭大小臣工莫不凜凜錯愕而會  
議諸臣奉 命姑且都饒這遭於十一日報名  
廷謝臣等雖不預會議而備員輔弼罰宜首加  
何得以諭旨未及輒圖苟免按此諭初九日晚  
發而是日廷臣正在會問心力交盡 皇上未

敬事堂

卷十四

四六

之前聞也然仰見 聖心討賊之急而廷臣先  
領此意矣獄情微暖原自難知緩之固恐通奸  
急之亦恐失實獨念此書原為傾陷臣等臣等  
身居禁林出入綸命地既危地機又危機所以  
感事傷心而不得已於言也生平所學耻言刑  
名雖當 聖明赫怒之日必不敢因緣為操切  
之政輒以一言贅瀆夫此書事關於國本情起  
于私仇惟國本宜坐大逆之誅惟起私仇當  
有未減之議如得造意魁首以正國法似亦足

矣其家人妻子及刊刻流布諸人不論知情不  
知情皆在可議不可與大逆等論又况交游知  
識可株連乎此獄情之所當申議者也臣等指  
誓天日毫不敢私苟有毫私雷霆下擊嘗語王  
之楨言奸賊本意害人而托之于國本致興大  
孽可謂至愚僅借此獄以快私仇與奸賊何異  
彼犯一事一欵者自有正條不可羅織上報

聖主中服縉紳下示天下萬世且關係身家不  
小問成之後尚送東廠覆問會官再問戒之戒  
敬事堂 卷十四 四七

之矢慎矢公此臣等之所惓惓者也惟願 皇  
上臨之以天地之公照之以日月之明一聽在  
廷公論而折衷以理今日論定則萬世論定官  
闡天性之親藹然和氣流浹無窮而縉紳士庶  
亦不至偏有所傷共享大和餘澤矣惟是諸臣  
皆蒙切責臣等尤宜首謹謹席藁俯伏以俟  
嚴命臣等無任悚息之至 十二月上

聖旨覽卿等奏見為國忠悃慎重刑獄至意朕已  
具悉俟廠衛鞫審明確府部九卿科道等官會議

具奏朕當斟酌精務求至當折衷以理必不枉縱  
卿等為朕分憂心力俱竭朕方嘉念不已何必引  
咎自陳墮賊奸計宜時下即出贊朕裁決以昭明  
允之治吏部知道

故事 卷一四 四八

請趙司徒署吏部揭帖

三臣題近該吏部尚書李戴致仕該部題請署  
印官臣等擬戶部尚書趙世卿暫署蓋前此楊  
俊民為戶部尚書亦嘗署吏部印有故事也今  
本部新點左侍郎楊時喬遠在南京右侍郎周  
應賓以詞臣一旦被命未經練達適當大察有  
難直任故臣等以為非別部尚書不可惟 聖  
明早允目下欲推本部尚書緣無署印故緩又  
有推陞大選等事亦閣不行仰首望命惟乞

故事 卷十四 四十九  
早賜批發 十二月十八日 上

薦可太宰者揭帖

臣惟世運之升降民生之休戚國事之得失士習之清汙悉本于人才之進退自頃以來選用多濫獨賴 聖明綱紀于上耳今改置吏部尚書實至緊要一大機括臣不勝憂念敢贊一辭臣採之至公欲得真太宰佐太平惟二人焉南

京吏部尚書曾同亨忠貞篤生最能體國清鑒

五十

絕俗又善識人好惡不偏思慮中窾三朝元老粹白無瑕誠救世之巨人天意所特留者如蒙

敬事草

卷十四

五十

簡用必能銓序群品使得實用分憂分慮仰稱 聖心回澆薄之風登休明之理此臣惓惓之忠也原任輔臣王家屏臣與同舉同事以至白首見其無一念不出于忠愛無一事不協于公平誠心直道亮節鴻才真可稱社稷臣臣不逮遠甚儻蒙 皇上特降手勅召還內閣令掌吏部事如先朝取高拱例則老成來復實 聖德之光輝銓敘得人又縉紳之領袖而臣等亦有和衷協恭之助冀收益梅調劑之功衆美備矣此

又臣惓惓之忠也臣無能報主憂不進賢天日照臨絕無一毫市恩營私之意誠念國家太平遠計惟在于此望 皇上俯納緣係密請謹以手書潦草題知

十二月十八日上

敬事草

卷十四

五十一

請設楚宗正揭帖

三臣題蒙發刑部覆錦衣衛橫宗抗 旨入都  
投揭復行誣害等事一本內參通山王府輔國  
將軍蘊錡等合照例革爵仍行撫按與華越等  
一併勘明議處除臣等票擬外竊思楚事屢歷  
聖明處分至精至當而尚有橫宗誣害不已者  
蓋楚俗輕剽好訟而群宗尤恣肆難制楚王被  
辱法令不行撫按有司又不敢問難之未靖其  
源在此臣等竊思今江西河南王府皆設有宗  
敬事草 卷十四 五十二

正一官故能修明宗範繩以禮法此制甚善臣  
等敢於今 旨中帶出此意令該部擬議妥當  
奏請允行庶為安楚之一助也臣等不敢擅便  
惟 聖明定奪 十二月十九日上

請寬周嘉慶妻孥揭帖

三臣謹題蒙發東廠本到閣票擬看得本內因  
周嘉慶父子未招奸書事情 聖意欲孥其妻  
妾子女與同各犯刑鞫對質及親識人等都着  
緝事衙門孥送東廠併問該廠以事情重大仍  
乞發下三法司同該科及五城御史錦衣衛會  
問以昭至公等因臣等竊詳奸書未得下落  
聖心必求真犯凡在臣子皆切奉行但思袁鯤  
轉展招辭周嘉慶父子忍刑避罪若依廠所奏  
敬事草 卷十四 五十三

勅下外廷各官用心刑審真情自露况懸有重  
賞又奉不相株連之旨且神人共憤之事必無  
所隱嘉慶親識必多門客不少可疑輒孥布網  
已密臣等敢不奉 命擬票乃其妻妾子女則  
不忍遽擬孥問一則嘉慶罪狀未明且係在廷  
二品官而逮及妻孥大駭觀聽似傷國體一則  
料嘉慶若為此事必與心腹男子商量何至謀  
及內人蓋彼與皦生光不同皦生光家不過數  
人舉動相聞彼院宇深遠如使內庭亦知則外



庭尤著矣似亦不必追至妻妾子女也古者罪人不孥臣等敢為諸婦女請命諒非漏網謹擬

票上請 聖裁施行 十二月十九日上

敬事草

卷十四

五十四

發沈令譽事者勿與問揭帖

蒙發錦衣衛問過犯人沈令譽等一本到閣擬票看得此本奉有前旨宜票會同該科及原題御史再行研審得情之後送廠再審但臣等昨在朝房有該科都給事中楊應文給事中錢夢臯御史康丕揚來見稱說沈令譽等犯人干係侍郎郭正域乃彼三人之所參發今預此獄寬之人必疑為縱奸急之人必疑為修怨不若付于事外之人始為虛心詳慎錦衣衛之題本

敬事草

卷十四

五十五

欲明至公三人若預亦何以明至公懇臣等轉聞改命臣等頗然其言茲敢兩票以上一照初九日 聖諭竟送廠審一擬發刑部令其研審得情送廠再審以後皆待府部九卿科道等官會審未敢擅便伏祈 聖裁 十二月十一日上

敬事草卷十五目錄

祈天永命等事宜揭帖

請沈朱二公誥命揭帖

推冢宰乞免點趙司寇并薦曾公揭帖

請御殿宣勅宣捷揭帖

催大察本揭帖

再催大察本揭帖

催沈朱二公自陳本揭帖

查會試主考例揭帖

敬事草卷一五目錄

言主考宜用三輔揭帖

再請主考并預言周少宰不可用揭帖

催散館科道揭帖

催科道拾遺本揭帖

請准各差御史辭朝揭帖

請通仕路揭帖

請給各差御史勘合揭帖

東宮講讀請期揭帖

回催清查草場勅書揭帖三通

調停楊駙馬揭帖二通

催補科道揭帖

天變自効疏

因傳免東宮講讀報入直揭帖

請留錢夢臯例陞揭帖

催山陰王相公卹典揭帖

不增繳生光罪名揭帖

妖書逆犯正法恭慰揭帖

催播州皮林敘功本揭帖

敬事草卷十五目錄

請乞差遣御史揭帖

催急選揀選本揭帖

請點宣府巡撫并總督倉場揭帖

差遣御史領勅揭帖

催三鎮巡撫及倉場揭帖

請陞選郎揭帖

再催倉場巡撫揭帖

祖陵雷火揭帖

發天下補官本揭帖

請發 御前章奏揭帖

辭楚黔皮林加恩疏

再辭皮林敘并推敘播功疏

催二省按差揭帖

回 聖諭揭帖

回 聖諭揭帖

弭災實政揭帖

選館揭帖

回 聖諭揭帖

敬事草 卷十五目錄

三

催補官揭帖

再催二省按差揭帖

再催揀選急選本揭帖

回 聖諭揭帖

回 聖諭揭帖

敬事草卷十五

柱國少傅兼太子太傅吏部尚書中樞殿大學士臣沈一貫

祈天永命保國安民事宜揭帖

三臣謹題歲前十一月十五日伏蒙 皇上手

札時逢陽長遠遇 聖母萬壽節卿等條具祈

天永命保國安民事宜詳擇施行欽此臣等奉

命不勝踴躍當即草具短章而因捕奸方急未

遑進御迨今三陽啟泰萬國來朝正觀聽一新

之會恭逢 皇上三十二年久道化成之日又

敬事草 卷十五

恭迎 聖母六袞周甲齊天伊邇之辰仁人事

天當為 祖宗延萬萬年無疆之祚孝子愛日

當為 聖母告萬萬歲無疆之福福由心造機

不在遠祚以德延事不容後 皇上于歲前尚

以陽長之慶壽筵之歡興此念其在今日更當

萬倍留意此臣等所以百拜稽首而凝望者也

臣等復思修政與捕奸本同一事政若克修奸

自得獲惟此輩輕諒朝廷藐視法紀由來有漸

以致于斯元氣充實百邪自消故捕奸其小者

也修政其大者如項者 皇上因此一事而大闡天性慰諭 東宮慈極之心益愉國本之謨益固宮庭尤加雍穆朝署尤加肅清則以至拂意事而昭警戒震動之誠發俊偉光明之業天下有誦萬世有傳所得更多夫王道莫大于明倫建極啟後垂昆次則肅紀振綱施仁布德而其要機惟在于分職授任進賢黜不肖一加之意耳蓋聞治天下之道第有經常書曰與治同道罔不興與亂同事罔不亡夫治何以言敬事草 卷一五 二

道而亂何以言事傳自先王之謂道創自己之謂事以法御情之謂道以情立法之謂事道與事不同治與亂頓異道無弊而事有弊道可久而事不可久也今之時政詭于舊章成憲者多矣而莫甚于礦稅萬民苦之百僚爭之即 皇上亦自知其不便而每托于權宜以示仁愛之心此非祈天永命保國安民之術亦既昭昭矣何不曠然發一德音盡罷止之出民于水火之中措之衽席之上大聖人作為舉念即是何難

之有而乃久于此也其他所謂肅紀振綱施仁布德雖遽數之不能終物畧舉其大莫急于拯災民窒盜源疏法網釋久繫罷宣索寬商困緩工作急河役凡在諸臣屢有補牘亦 祖宗累朝之典物 皇上初御之常事如日用飲食至無難者惟 聖見過于高明而遺于中庸故視祖宗以為不足法人言以為不足恤而不知以古之道揆今之事大不符合使天下有理外之事可耳如果無理外之事也何可不寒心哉臣敬事草 卷一五 三

等指事救失日亦不足竊謂惟得賢人而布列有位則可興道致治扶危定傾故補官授任愛惜人才進賢退不肖尤急務也蓋天下無一人獨運之理亦非寥寥數人所能支持 祖宗因事設官為官求人以人任官以官舉事交相為用始得其濟今禮兵尚書久缺吏部近又缺六部侍郎止四五人南京部院尤缺巡撫特遣重任也而河南久缺科道官向無滿三者今踰九載而不遷起補選補考補多未下郎曹日壅

方面半虛官不得人或闔署而皆空人滯于官或十年而不調壯夫懷銷薊之憂白首起蹉跎之嘆至于批鱗齒馬放逐逮繫之臣槩從淪棄一斥不還三木囊頭經年長繫怒畢世而未解恩屢布而未霑必世後仁之日勝殘去殺尚耻言之何可令有向隅獨泣之夫也自昔人主誰不願得忠義之臣而用之夫忠義雖出于天性而感激實生于主恩故曰體群臣則士之報禮重人臣出身事主為升斗祿耳予之則頌聲四

敬事堂

四

起抑之則怨讟並作人主自為聲名計宜必樂其頌不樂其怨頌聲起則精神奮而事舉怨讟作則心志睽而事廢人主自為政事計宜必樂其舉不樂其廢故使人咸遂其欲者人主所以自遂其欲也使人咸快其情者人主所以自快其情也我 聖祖立國置文武官若干員與天下賢才共之 聖祖豈輕予人官者哉廣順人情而後可總集吾事也當是時訪山搜澤而著之律令有寰中士夫不為君用之罪豈有輻輳

待除顧棄之乎如謂今之人多為身謀少為國謀無可以信任者獨不念雲龍風虎勢本相須取人以身氣類自合未有有是君無是臣之世也國士之報逾于衆人感遇狗知人之常性未有厚其施不厚其報者如謂今之人拜官公朝謝恩私門宜斬之而渙其群不宜聽之而成其黨斬之恩益歸于下聽之恩乃出于上也至于播棄之臣縲紲之士身負創痛孰不求生日月在天誰甘永絕牴牾可原懲創可念許以自新安可久斬此一恩也夫人才之在天下猶卉木之在山林愛惜之儲養之始得其用棄置之踐踏之立見其盡今一舉事即憂乏才亦因上之今無愛惜之心儲養之道耳唐臣陸贄有言曰太慎廢官太精失士望得彌失務精益粗鑒賞獨任于聖聰披擗頗難于公舉遂使先進者益凋後來者難接古者求才貴廣考課貴精課責之嚴進退之決不肖者旋黜才能者驟升非但人得薦士亦得自薦其才所薦必行所舉必試

敬事堂

卷十五

五

故人稱知人之明朝得多士之用臣等按贖此  
論今之藥石也願 皇上書之座隅焉夫一年  
之計樹穀十年之計樹木百年之計樹人可不  
念哉大凡圖治之要不越理財用人二者而已  
財有常經拂經則暴橫人有常職曠職則空虛  
皇上視財太重視人太輕取財太詳任人太畧  
國勢漸傾弊皆坐此而其原則起于弁髦舊章  
夫尊所聞則高明矣行所知則光大矣高明光  
大不在乎他在乎加之意而已 皇上之于所  
故百五 卷一五  
知所聞也得無有未加意者乎誠宜開張聖聰  
凡事于舊章加意急罷礦稅尤急補廢官惜人  
才則所以凝上天之景命奉 祖宗之寶曆承  
聖母之歡心錫子孫之鴻休者咸在是矣臣等  
托在股肱誼同休戚否極當泰惟此一時幸  
皇上渙啟天心勤懇下問修舉舊章至易至簡  
實望朝奏夕行不虛此一番幾會顯章露奏恐  
犯好名之譏謹以揭帖奏聞庶幾斷自宸衷澤  
由上究使天下萬世咸誦 聖德之美因擬

諭旨四道進惟 聖明裁擇施行 三十二年正月初十日

上日

諭吏部朕思致治之道全資用人祖宗設一官必  
有一官職掌原無虛濫但今各官薦舉論列多憑  
已私大臣會推亦多徇情市恩苟且塞責屢命再  
推未見真實堪用之人故久未點發趙世卿雖暫  
攝部事然素懷公明藻鑑朕信任方殷可偕爾僚  
屬將屢次會推兩京大僚通行評品更定前後次  
序開寫來看但求真才勿論官次有不堪的不妨

敬事草 卷十五

七

刪去朕當精閱點用今大察之後天下員缺數多  
也都作速推來務要如前精舉其欽降罷閑人才  
有可用的懲創已久難以終棄但其間賢愚忠奸  
天淵不等卿等可嚴加旌別將真堪及時起用之  
人先舉十餘員來看毋得徇私冒濫孤朕特任之  
意如諭遵行

諭戶工二部朕以大工浩繁財力不繼暫行礦稅  
實出權宜今兩宮業已告成三殿次第可舉朝夕  
軫念四方不忍重為民困方今春和布德一切礦

稅着盡行罷止咸與休息差去四官文到之日便  
馳驛還京司房原奏人等俱着撤去不許仍留地  
方致貽後患其錢糧已徵在官者照數解京毋許  
侵匿未徵者都與蠲免因而作弊者查出治罪不  
饒如諭遵行

諭戶工二部朕以大工肇興錢糧詘乏暫行礦稅  
免累小民本是權宜實存德意然利之所在弊實  
叢興訪得各差內官多信聽叅隨等人雜以奸棍  
恣行侵暴害民激變利歸群小怨歸朝廷殊可痛

敬事堂西卷十五

八

恨本宜一切停止但今兩宮雖已告成三殿尚在  
經始難以盡停姑着差去內官暫住地方聽撫按  
官督令有司照歲額包徵送內監轉解安靜行事  
候旨停罷其司房原奏及委官人等悉行撤回不  
許容留地方違者撫按官叅奏治罪如諭遵行  
諭刑部自礦稅事起各處官員人等多有觸犯違  
誤以致叅拏到京懲創有年情可矜憫今三陽啟  
泰萬物咸亨卿等可將鎮撫司及爾部見監的開  
具奏來以憑釋放昭朕好生之德如諭奉行未發

請沈朱二公誥命揭帖

題為開讀事伏覩萬曆二十九年十月十五日  
詔書內一款兩京文官一品至九品各給與應  
得誥勅守制給假等官候授官復除之日補給  
欽此照得太子少保禮部尚書兼東閣大學士  
沈鯉禮部尚書兼東閣大學士朱賡萬曆二十  
九年九月二十四日吏部接出特勅召入內閣  
輔理到京之日例應題給誥命今中外各官請  
給殆徧而二臣獨未題請在二臣急公忘私不  
欲臣言而 詔旨昭然臣何能默乞勅吏部查  
照請給施行正月十一日奉  
聖旨准給與吏部知道

敬事堂西卷十五

九

推冢宰乞免點趙司寇并薦曾公揭帖

題今日在廷續推堪任吏部尚書官四員內有南京刑部尚書趙參魯臣惟參魯乃臣同鄉今吏部右侍郎周應賓亦臣同鄉臣待罪首揆而有兩同鄉居首部誰肯信臣無私者即點用由干至尊而臣不早求免點安可謂非私也參魯才品誠堪大用但用之他部皆可而必于吏部不可不但妨臣亦妨參魯彼因臣在必不肯至臣因妨彼又不自安勢必兩相避而兩相求

敬事草

卷一五

一

去也惟望 皇上免點參魯幸甚臣歲前手具一揭薦南京吏部尚書曾同亨堪任此官原任大學士王家屏堪攝此官臣一念樸忠諒蒙昭鑒但念人才難得人命難知頃道路之言已有傳家屏不幸者殊可駭嘆可見老成當愛惜進用宜及時矣吏部尚書總攝百僚必一時極選始有弘濟如曾同亨令人無出其右若蒙簡用最稱得人苟虛一言神明誅殛惟 皇上採納

正月十八日上

請御殿宣勅捷揭帖

三臣謹題該刑部等衙門一本為糾劾事擬二十三日請 皇上御文華殿舉大班糾劾之典又欽天監一本為捷音事擬二十六日請 皇上御文華殿宣蕩平播逆之捷臣等竊惟 皇上延見來朝官員面宣訓勅自萬曆二十三年後未嘗有舉平定播州御樓受俘乃萬曆二十八年事至今未經宣捷敘賞茲以玉帛會同之朝而有干戈輯寧之慶兩大典禮一時遇合修

敬事草

卷一五

二

明久曠之儀復還觀聽之舊凡在臣工有同覲望 聖躬至重固當慎加節調而 聖政日新實亦助增燕喜使朝儀不至久廢鉅典不為虛文振精神新耳目起廟堂之廢墜而厲海宇之玩愒是在清蹕一惠臨也如以數御為煩或將二事併于一日亦甚簡易乞令所司具儀舉行臣等惓惓下懷惟望吏治肅清武功寧謐共儼威顏于咫尺咸承休德于下風無任跂竚之至

正月十八日上  
二十二日奉



聖旨朕覽卿等奏揭具見仰體忠愛但文華殿窄小行禮未便卿等傳示照先年免朝例行

催大察本揭帖

三臣題今月自初二日至十二日吏部會同都察院考察天下官員竭晝夜之群力合朝野之公心既以三本具題伏蒙發閣票擬矣連日未見批示蓋 皇上留神吏治精勤披閱之故然具瞻明命者若望雲霓不能頃刻安也伏乞早賜允發幸甚謹題候 旨 正月十八日上  
聖旨考察天下官員朝廷大典朕因即日恭侍聖母文書未得悉覽今卿等奏已知道了

再催大察本揭帖

三臣題今年吏部都察院大察天下官員本月十三日以三本具進隨蒙發閣票擬未奉批示十八日臣等具揭催請二十二日奉 聖旨考察天下官員朝廷大典朕因即日恭侍 聖母文書未得悉覽今卿等奏已知道了欽此竊惟臣等之揭雖幸奉 宸批而部院之本尚未聞明命今又二日矣各官之去留不明則生憂疑當事之祇承未訖則生憂疑聚集闕廷遷延時故百直四卷十五十四

日又將今拾遺糾劾益後常期辭朝復任捱程儂遠其于政體妨礙實多萬心萬目瞻望咸切伏想 聖覽必已周悉為此冒昧再懇惟乞早賜允發庶惶惑人情得以安帖國家重典不至稽停也正月二十四日

催沈朱二公自陳本揭帖

題二十一日該同官臣鯉一本為泰運方新輔職久曠懇乞 天恩亟賜罷免以清政本事臣賡一本為竊祿無功引年及格懇乞 聖恩准容退休以安分誼事俱蒙發臣票擬已經擬進今待命四日未奉 俞旨臣惟二臣皆一時賢輔足任股肱而臣以一身直閣正當新政始布之時幾務繁冗之日莫謀莫斷望助更切伏乞將前二本早賜允發促令即出贊理國事幸甚敬事草四卷十五十五

臣愚幸甚正月二十五日

查會試主考例揭帖

臣謹題今日文書官王體乾捧出次輔沈鯉再  
辭典試本口傳 聖諭這本說的是着出旨來  
查二十九年主考是誰欽此臣惟會試主考舊  
規例用次輔遵行久矣若次輔曾經用過則用  
三輔又若輔臣俱經用過無可復用則用翰林  
官之最深者此定例也今歲例該臣鯉典試而  
再三辭免臣不敢違例仍以鯉上請今鯉既再  
疏固辭奉有 諭旨敢不遵票但未奉允不允

敬事堂

卷十五

十六

明示何敢擅擬而二十九年一科之例亦恐未  
盡謹查三科事例進覽惟 聖明裁示

二十三年乙未科趙志臯為首輔用次輔張  
位主考

二十六年戊戌科趙志臯為首輔次輔張位  
已經主考臣一貫備員三輔蒙遣主考

二十九年辛丑科趙志臯為首輔臣一貫已  
經主考閣中並無別員用吏部右侍郎馮琦

主考

言主考宜用三輔揭帖

題會試主考官臣已經題請而次輔苦辭昨蒙  
皇上垂問臣又歷舉往年故事以聞伏乞早賜  
裁示以便遵行此係國家重典次輔原不宜辭  
若允其辭宜用三輔為當儻不任大臣而任群  
臣使人人開避事之端以後誰敢為國家擔任  
惟 皇上乾斷或用次輔或用三輔與副考磨  
文獻入場供事臣不勝惶惶待命之至

敬事堂

卷十五

十七

再請主考并預言周少宰不可用揭帖

題臣惟會試主考用次輔鯉乃天然定序名正言順本不宜辭若允其辭則用三輔賡至為妥當有如用人不以官為定而務使人不得窺測則成法盡亂而體統難立心迹不明而煩言更多矣必欲以不測用人則用禮部侍郎李廷機本官真才實學資望最深見在掌部而倏使典試尤為不測以廷機為正而以原推侍郎唐文獻副之可也又求其次則以唐文獻為正而用

敬事草

卷十五

一八

少詹事楊道賓副之亦可也或用少詹事黃汝良副之亦可也臣不敢擅便統惟 聖明裁定至于吏部侍郎周應賓臣敢預言其不可蓋應賓資俸在廷機之後乃臣門生又臣鄉人近以其子求臣女為婦而稱姻家昨蒙 皇上親擢為吏部臣秋毫無所干預而外人遂有物色臣者亦有不亮臣心謂臣欲令典試者臣安得因此而亦生戒心乎故謂應賓必不可用望 皇上且置之也 皇上若體亮次輔欲為之明

嫌疑塞弊竇免煩言杜物議乞一視同仁推此心以體亮臣使臣亦得明嫌疑塞弊竇免煩言杜物議實如天覆幬之大恩臣不勝哀懇之至

二月初五日 上於  
是得旨 三輔典試

敬事草

卷十五

十九

催散館科道揭帖

三臣題舊年九月間臣等具題庶吉士教習有成請命散館分別等第授以官職將李胤昌等十四名擬授翰林院編修檢討等官奉有欽依到任供事訖其王元翰等八名因人衆不能盡留查照舊規擬授科道等官候命未下已經吏部具疏及臣等具揭屢次催請昨日吏部復具疏矣伏望俯賜允發臣等係作養人才未完前件職掌所關不得不言吏部係用人銓才未完

敬事堂 卷一五

二一

前件亦係職掌不得不言此諸臣者皆彬彬文學之士耿耿忠信之流諒能體國匡時感恩奮效不負作養錄用之盛心也今李胤昌等已蒙允用而王元翰等不免向隅同值明時榮瘁殊狀乞一加體亮而俯允之

二月初八日上

催科道拾遺本揭帖

臣題切照有朝覲則有考察有考察則有拾遺此本朝不易之定規也今歲朝覲考察已畢正月二十六日科道官各具疏拾遺共四本已蒙發閣票擬矣而未經批發至二月初三日科道官仍寫前疏進催亦未蒙發彼被論官員雖止十數人而關係勸懲之事不小不下部院議覆何以定其去留臣是用跼蹐敢乞檢發或令該部院據揭題覆以飭國紀以振吏治

敬事堂 卷一五

二一

三月上

請准各差御史辭朝揭帖

三臣題御史之設原欲其巡行郡國不欲其空聚闕下也今各差久缺至有一年以上者舊年已蒙准差旋復留住茲又三月有餘而尚未領勅辭朝遂使百事廢弛諸釁叢作伏乞早允御史孔貞一等領給勘合辭朝赴差以振綱維以肅政理謹擬諭帖上

諭都察院各差御史孔貞一等俱着給與勘合辭

朝赴差去

二明上

敬事草 卷十五

二二

請通仕路揭帖

三臣題竊照臣等待罪輔弼股肱一體不得不先天下之憂而憂若使憂已迫而後憂之嗟其晚矣臣等正月間上祈天永命一疏所請雖多而尤惓惓于惜才補官一節蓋其要也今考察既畢而科道拾遺之本未發則汰黜之典未了選用之事又妨大察之後天下司道官缺至七十九員知府缺至七十五員各差御史不遣之出巡而留之都門在都門則太有餘在四方則太不足是使綱紀群有司者無人也則賢才何由用官職何由修皆足以誤政事而召憂虞伏望俯從部院之請

二明上

敬事草 卷十五

二二

請給各差御史勘合揭帖

三臣題臣等蒙發各差御史余懋衡等請給勘合本文書官口傳 聖諭問明了逆賊方許出差臣等敢不遵奉擬票但臣等伏思逆賊一事皇上屢發嚴旨中外臣工震恐悚息竭力盡心既無毫髮不到矣然智者擬議謂奸人必已遠逃前有旨着各省直通行廣捕並無踪跡亦可以見各差久缺而法令之不行矣臣等伏思與其聚諸臣于闕下而竟日無為不如分道四出

敬事堂內卷一五

二十四

或得一效亦不可知臣等敢擬一 旨上進伏

冀 聖明裁定以昭責成之意

擬旨逆賊尚未問明各御史本不宜准差但今天下法紀久廢專容奸縱惡孽不少着各振揚風裁以圖報稱不許仍前怠恣廢事勘合准給與仍勒限前去該部知道

二月初三日

東宮講讀請期揭帖

三臣題自春以來請 東宮講讀日期已經五疏未奉 俞旨 在廷諸臣習見舊例於正月中開講獨今年最遲初向臣等問 東宮何時出講臣等權以春寒為辭今已近夏廷臣又累向臣等問 東宮何故久不出講臣等渙然無可置對竊惟功夫戒於作輟典學貴有終始一年之中除沍寒溽暑外光陰幾何豈宜久曠且無以慰中外之懸望也臣等又擬得本月二十二

敬事堂內卷十五

二十五

日二十六日皆吉伏望即賜允發欽遵施行

十九日 十六日 上二

聖旨朕因入春以來天氣寒暖未調且朕亦屢動火微感皇太子體質清弱少待融和耳覽卿等奏具悉忠愛皇太子着於本月二十八日照常講學該衙門知道

回催清查草場勅書揭帖

三臣題該文書官傳催御馬監監丞王昇查勘  
牧馬場草場徵收租課勅書臣等職任撰述舊  
規撰勅必待該部印信手本到閣始行 祖宗  
典憲兼制內外敢不遵守手本到時臣等撰進  
伏冀 俯亮三月上

二

三臣題臣等昨奉口傳討御馬監內官王昇勅  
書因戶部手本未到未敢撰進具揭回奏今又  
奉口傳內裡的勅書比不得外頭勅書先生每  
撰了來不要推托欽此臣等推托非為已私實  
欲保全 聖名整理朝政杜絕紛起之多口安  
輯羸危之衆心願 皇上享萬萬年無疆之福  
也前旨一下滿朝既已驚訝此勅再出驚訝又  
當何如入春以來人心之望治者有同飢渴未  
聞善政而又若此臣等之罪益深矣若使德意  
可行事理無碍臣等將順不暇何故再三違拂

三月上

三

三臣題昨該文書官口傳 聖旨討內官王昇  
清理牧馬草場勅書臣等具揭回奏文書官再  
傳 聖旨這箇官兒不是徑差去的因撒放馬  
匹去的帶管清查寫勅與他事完即回欽此竊  
惟近年以來凡百利源盡籠于朝廷四海之內  
無一寸安閒地方常恐民窮變起難以撲救惟  
茲畿輔乃 祖宗陵寢所在 皇上社稷所在  
尤當深慮尤當厚恤諺云蛟龍不擾穴畔人家  
禽鳥不啄窠下粟粒彼亦知愛護其隣以托其  
身也况輦轂之下三輔之中其宜愛護又當何  
如四方無事而三輔有驚固所深忌四方有事  
而三輔并起更何托身且國家與強虜止隔一  
墻正藉民心以為干城而胡可使之愁苦詛呪  
渙然離也偏之以恩澤比各處加厚亦不為過  
何忍薄之臣等姑不暇遠舉即舊年西山有窰  
戶之變今年易州有礦徒之變不逞之端相繼  
橫發為民父母者安可魚肉之誠未見其為利



也此牧地者豈真有豪右隱占言何足信文王之囿為方百里者芻蕘者往焉雉兔者往焉與民同之故稱聖王何可鱗鱗而取咈百姓以從已欲乎據該科揭此場地租係戶部濟邊錢糧載在會計錄中額課之重同于夏稅秋糧不可復加若依奏官所言明是假以上供為名生端擾害耳臣等蒿目苦口豈為一己身名之計社稷安則福利無窮奚止如奏官所云區區銀兩哉惓惓忠愛竊謂此一清查可無行也

敬言

卷一五

二六

十一月二日

勅御馬監右監丞署典簿事王昇近該騰驤右衛後所正千戶李英等奏稱順天府薊州等州縣牧馬草場土地疆界廢弛乞奏內官管理清查起科濟國今命爾前去會同該撫按屯田御史秉公會查奏內事情果否虛實若真係牧馬草場新近開墾未經報官起科地畝查勘明實定立疆界照則徵糧以濟國用若有別情明白開釋會本奏請定奪畿輔根本地方朕加意撫綏恐驚民心因爾撒

放馬匹特令帶管清查爾受委任務要安靜無擾從實不虛事完即回不得遷延蔓累原奏官民不許帶去生端擾害不便爾其欽承故勅

敬言

卷一五

二九

調停楊駙馬揭帖

三臣題蒙發駙馬都尉楊春元本傳 聖諭這

本是甚麼言語直言白上的不知禮體不知規矩擅改門名查他的師傅是誰叫出旨來欽此臣等看詳此本言語支離體裁錯亂門名不識禮度多違責以慢忽并及教師本不為過但春元係 皇上貴婿尚主已近十載生子亦及四齡而不肯坐享安榮棄職歸田必其難堪之甚也再加詰責恐傷至情且閨中絮絮之言又難

故事草 卷十五

三一

傳播外廷致褻 國體竊惟本朝家法超越萬代 皇上但特賜密諭俾令慰改嚴戒府中內外務遵禮法毋至再有奏瀆則處置此事盡美矣關係風化望勿發科傳部臣等輒進愚慮惟聖明採擇

三月二十  
八日上

二

三臣題今日該文書官劉宣傳出奉 聖諭朕覽東廠所奏事件駙馬楊春元不知緣故於二十八日小帽青衣朝府門禮畢坐用二人小轎

回原籍固安縣去訖且駙馬何官不奉明旨擅

自離任好生狂肆可惡着便差錦衣衛官趕伴回來奏請定奪此乃伊父素欠教子之方教習部官鮑應鰲訓示之禮安在姑都着革了職為民當差卿等可傳示遵行欽此臣等前日蒙發駙馬都尉楊春元擬票看得春元所奏多中葺之言不冝外揚以傷國體故請密行戒諭不必發科傳部其時尚未知春元徑自回籍據東廠事件遣錦衣衛官追伴回京奏請定奪正其父

故事草 卷十五

三一

師不教之罪加以擅離職任之愆嚴責以示法追還以全恩處置甚當臣等不勝欽服即傳該科發錦衣衛遵行外臣等再思之朝廷之馭臣下可以專用法而馭中尉則冝兼用恩蓋義無可絕則法難盡行情當曲體則事冝委悉若但追之使還而不處之得所可以結今日未可以保來日也觀春元此舉棄富貴如敝屣逃軒冕若桎梏矣能繫其身豈能拘其心乎夫親莫親于伉儷而不免于反目之嫌積反目之乂至于

觸王法舍懿親而不顧此其左右必有長舌為  
之交構安可不為之一慮也春元既來之日尚  
宜推骨肉之至愛隆肺腑之密情詳察其府中  
內外用事不法之人而一分別嚴處之輕則更  
易其人重則明正其罪然後離間之匪人可去  
而輔導之忠益得行春元可遂好述之願公主  
可洽諧老之歡而 皇上釐降之初心不孤顧  
復之永懷始釋不宜遂置之弗慮而已也家法  
國體關係不細臣等不敢不盡其愚

故事草

卷十五

三十二

催補科道揭帖

三臣題臣等竊惟國家有必不可缺之官陞補  
科道是也補科道惟有两途有行取考選之補  
有散館題授之補向年行取官員雖已授職尚  
有丁憂起復候補吳道行等四員候考熊鳴夏  
等三員未經允授去年八月庶吉士散館有王  
元翰等八員亦未允授俱待命都下歷有歲時  
舊任久離新銜未定以朝廷耳目之司而視為  
不急既非所以立政體以國家作養之士而置  
于不用又非所以樹人才望將候補考散館諸  
臣早賜 俞允令其到任供職幸甚至科道  
各官積有歲勞例得優轉京堂今槩從寢閣遂  
有九年考滿而棲遲一官者在外既不得入在  
內復不得出國家之憲法何由舉天下之神氣  
何由振臣等謂科道官必不可缺其陞其補必  
不可廢惟乞勅部院施行

四月初二日

天變自効疏

奏為天譴甚嚴臣罪滋著懇乞 聖明亟賜罷免以清政幾以應異變事臣惟自頃年來災異屢告其大者如天鳴星流地震川竭水旱相仍盜賊時作河決中土漕梗不通人民死者枕藉于路而淮潁之間饑荒尤甚逋逃成藪嘯聚已形加以比來人心搖動好為講張謠言煩興妖術四起察其感召之原皆由礦稅棍徒布滿天下寸寸而索日日而攘皮骨俱盡血肉狼藉而

敬事草

卷十五

三十四

朝廷之上章奏日壅省署皆虛善言無一上聞善政無一下究有觸者長繫而不赦有逐者長棄而不收人絕望于太平故天變人妖勃然亦起二百年詠歌之民皆有倜然操戈伺隙而動之心非細故也今尤異者日食一事按詩小雅十月之交註云日食天變之大者也正陽之月古尤忌之四月純陽十月純陰純陽而食陽弱之甚也純陰而食陰壯之甚也于此二月尤大忌也去年四月日食人心已甚驚訝何意今復

再食同月同日而連歲疊見臣不知靈臺作何占候但據詩書所稱必不可視為尋常災祲亦不可視為尋常日食矣夫變不虛生必有所應天譴甚嚴 聖主當修德以回之雖減膳撤樂下詔罪己猶謂虛文安可置之罔聞必宜坐朝問道修政立事進賢退不肖與天下更始臣位先百僚不肖最甚居常無責難陳善之忠臨事鮮糾繆繩愆之益知而不言言而不盡無誠意之積以感動于前無法語之入以轉移于後遷

敬事草

卷十五

三十五

延歲時棲遲不去負君負學一至於此臣觀漢時有災異寇賊水旱之儆則策免三公誠謂三公居燮理之職陰陽不和本其罪戾非苛責也今臣無狀實冠諸臣亟明政刑是宜首及伏望大奮乾剛顯賜褫斥以為人臣不職之戒若猶曲加含貸姑令省圖雖包荒納污之至仁非禳災撥亂之要術是忽天戒而無自新之意容不肖而為泄泄之圖非臣自陳而望 皇上之本意也臣無任伏藁待命之至

四月初三日  
上初五日奉

聖旨卿為元輔夙殫謀猷時多匡弼日食之異責在朕躬正望卿共修實政弘濟時艱以應上天仁愛之意豈可引咎自責遽爾言歸宜即出贊襄用佐朕之不逮慎勿再辭吏部知道

敬事堂 卷一五

三六

因傳免東宮講讀報入直揭帖

臣題比因日食示儆中外臣工咸殷閔時憂國之懷手指目視集于臣身臣實尸位素餐無所建明茲而退休已難償責是以控疏自陳良非得已何意 聖慈尚猶誤留方欲再陳以回天聽而俄聞直閣無人有妨圈倣 皇上至停東宮講讀以待臣等之入臣一以感激一以惶懼天高地厚之中有不勝跼蹐之甚者尚敢瞬息苟安必謀私請乎因昨初五日廟享鴻臚寺不

敬事堂 卷一五

三六

接報單今日謹赴報名廷見謝恩入閣辦事外謹敘悃款以聞

四月初六日上

請留錢夢臯例陞揭帖

三臣謹題昨接吏部揭帖舉科道年例將給事中錢夢臯外轉湖廣叅議臣等見之相顧驚愕蓋舊年楚藩與妖書二事相繼而發夢臯屢有封章論及臣等而於臣鯉尤多責備臣等雖乏康濟之才頗懷休容之量傷雅道之不振感時事之多艱共期開誠布公以召和氣言官言事豈敢嬰懷今從外轉恐不知者妄加揣摩以為臣等有意於其間而益滋議論更致紛紜也蓋

敬事草 卷一五

三五八

臣一貫臣廣皆踖踏不安而臣鯉尤其不安之甚者敢齋心特請垂慈鑒裁廢臣等心事盡白而太和可回矣

四月上十日

催山陰王相公卹典揭帖

三臣題原任大學士王家屏自為修撰之時日侍講讀以至于推叅大政躋于首揆 皇上恩禮始終允其回籍調理昨舉大典特賜存問不惟本官感激即臣等無不感激而誦 皇上體貌輔臣之厚不以去留異觀也今本官賚志以沒不復罄其餘忠而禮部率循舊章為之覆議卹典已經催請未奉 明俞臣等夙與同官今隨閣後典章所係國體所關思得票擬之詞祇

敬事草 卷一五

三十九

循往制原非踰越乞檢批發行庶輔弼近臣存沒光彩家屏將永永御結而臣等亦頂踵同誓矣謹具題

四月上六日

不增繳生光罪名揭帖

三臣題今日蒙再發法司覆繳生光罪名本令  
臣等改票照得本犯罪名該三法司堅執守法  
臣等不過票擬豈可有所增加若有增加則皆  
移罪臣等矣惟親賜乾斷臣下自服臣等畏慎  
引辭誠不得已謹以原本封上

四月二十二日  
上

妖書逆犯正法恭慰揭帖

三臣謹題今日逆犯繳生光特蒙 宸斷顯即  
靈誅宗社之大計益安宮闈之和氣彌洽 聖  
心之焦勞盡釋矣伏望懋迎天和調順玉體平  
情喜怒留神政幾仁覆多方義裁不順公黜陟  
以盡人才之用正紀綱以消孽孽之萌

上

四月十七日

催播州皮林敘功本揭帖

題竊惟國家自時承恩倡亂于西夏繼之以朝鮮東倭之警徵發旁午海內樂亂之人紛然四起咸造不根之言或操不軌之謀揚應龍席其父祖千年之餘力而跳梁于播州朝廷屢加寬恩拒不受命至于破縣隕將震動川南於是徐州則趙古元遼東則金得時西陲則火落赤等虜兩廣則群猺群獍皆倜然蠢動弄凶造妖搖動元元之心幸賴 皇上赫揚威武以次削平

敬事草

卷十五

四二

大者告郊廟詔天下餘亦功敘賞盛矣原其所自正因賞罰有章靡有留命是以謀臣戰士鱗踊翼奮而為國家用也播州之役以半年之中集師二十萬進兵百日即奏凱音策不虛發動必中機將士有進無退雖却猶前殺不妄加而罪人咸得蓋自恭行天討以來未有如此之快心愜意者是以師出而人無異議師還而人不告疲餘餉餘力移誅皮林假息游魂駢首就戮而天下反側之子始嚙指相戒即四夷八蠻靡

不動震心顏而知天威之不可犯國靈之不可

干則此播州皮林一戰之力也因川貴湖廣三巡按御史各敘一方之功而川中巡按久缺致使勤報遲緩戰士功臣蓋有物故而不瞑目者矣今春兵部始克覆奏而經今數月未奉 恩俞此曹渴望之心何由慰乎昔唐之衰也其將帥言朝廷喜負人不必為之盡力於是養寇自封以至于亡今兵部所覆臣等所票皆銖銖有減等無加等人所厚望者不過與一錦衣亦甚

敬事草

卷一五

四三

斬矣天下之事莫大于平禍亂人臣之功莫難于出死力而久不之恤則後來禍亂其誰與出力伏望稍輟萬幾將兵部所覆播州皮林敘功二本早賜批發

四月三  
十日



請允差遣御史揭帖

三臣題照得舊年十月間蒙差御史喬應甲為兩淮巡鹽湯兆京為宣大巡按康丕揚為遼東巡按沈裕為廣西巡按溫如璋為兩浙巡鹽李培為真定巡按金忠士為貴州巡按史學遷為陝西巡茶沈正隆為雲南巡按皆已領有印信計日辭朝適值妖書事發特留緝問諸臣奉命各出猷念共振風稜今罪人正法國討章明亦既不負任委矣獄事已訖諸臣更無復事而

敬事草

卷十五

四十四

所受之差事久虛安敢寧處該都察院為之題

請揭帖到臣伏乞發遣行

五月初一日上

催揀選急選本揭帖

三臣題臣等每出入長安門有揀選諸生數十人羅列哀告乃舉人張翼新等吏部揀選為同知等官四月十八日發閣擬票未下該吏部再催亦未下查得國家三年會試之後下第舉人有揀選之例係是舊規今未得旨諸生皆遠方孤寒之人守候多時盤費罄盡薪桂玉粒又查四月間吏部急選一本亦未蒙發俱眼前懸切急情乞命將此二本檢發或即將臣等揭帖

敬事草

卷十五

四十五

發部施行不勝瞻望

五月初六日上

請點宣府巡撫并總督倉場揭帖

三臣題宣府巡撫病故已久勅印等件無人代  
管轉眼防秋一切調度將領分布兵馬稽查功  
罪警服夷虜其誰任之舊年虜王率眾臨邊不  
得所欲而去今能保其不來乎該吏部兩次會  
推五員今該總督又來催請乞點用一員責令  
星夜赴任以圖安攘大計其總督倉場尚書謝  
杰亦病故多日目下糧運將至正當坐撥倉廩  
星火催攢時刻難稽并乞將所推點發俾令總  
督管此皆軍國大事至緊至要臣等不任違違

五月初七日上

敬事草 卷一五

四一六

差遣御史領勅揭帖

三臣題照廣西等處巡按等差缺官蒙差御史  
沈裕等去因妖書事發留住六箇月今罪獄已  
決臣等具揭上請都察院具本上請准各赴差  
臣等隨具勅稿蒙准寫進今日辭朝領勅沈裕  
等五員尚未給發不審 聖意所在臣等竊惟  
四方遼遠釁孽易生水旱盜賊時多敵報亟宜  
分遣出巡况前獄已決裕等各效微勞正宜激  
賞而復此淹留亦非鼓舞用人之道也惟乞早  
賜允發

五月初三日上

敬事草 卷十五

四一七

催三鎮巡撫及倉場揭帖

三臣題竊照巡撫一官各省直皆不可缺人而山西大同宣府三鎮尤為喫緊蓋三鎮與虜止隔一牆而宣府去京師一二日大同山西去京師三四日若有聲息朝發夕至去歲虜王率衆臨邊數月方退今宣府巡撫彭國光病故數月矣山西巡撫白希繡大同巡撫張悌以考察拾遺閉門候命半載矣一應軍務停閣廢弛各道無所統紀將領無所號令內地軍民端恐生心而狡虜聞之寧不颺起故人皆為此三鎮危之三鎮危則京師不能頃刻安矣物故之人既難歸咎聽處之人亦且有辭縱有新命不能朝受錢而夕對壘至於總督倉場一官喫緊亦為最甚夫倉糧者乃官府以至軍民胥待此以養贍者也人不能一日缺食安可一日缺此官今奉旨會推又奉旨再推豈無足以當上意者而又未點用何也臣等已經數請九重深遠特未暇置念耳乞立命吏部將前數本寫上省發臣等

故事草

卷一五

四一八

日夜徬徨懸跂俟命五日上

故事草

卷十五

四一九

請陞選郎揭帖

題照得吏部文選司郎中舊規六選既畢即出衙門蓋此任怨任勞之地不可久居六選未畢而出嫌于速化因為不可六選已畢而留嫌于貪權尤為不可累朝斟酌定規六選則陞為太常少卿遵守為例今郎中景明已畢六選堂官循例擬陞太常少卿提督四夷館於例相應而本官清慎有聲未蒙俞命然本官已出衙門不敢復即以朝命留之彼亦安可復留哉乞

敬事草

卷一五

五十一

念典選實難已有成績者酬以一官使將來者

有所勸不可久稽以誤六月選事

五月十九日上

再催倉場巡撫揭帖

題竊惟總督倉場及宣府巡撫缺官臣等兩次具揭屢命再推二十一日該部推上今復數日矣尚未蒙點此係軍國兵食大計臣等敢乞斷自宸衷灑翰點發剋期令之赴任供事

二十四日

五月二十

敬事草

卷十五

五十二

祖陵雷火揭帖

題文書官冉登捧出 聖諭朕見連日時序寒燠不調正慎靜攝之際今日覽文書見天壽山守備內官李浚等具奏本月二十三日夜兩雷火燒燬 祖陵明樓朕心驚懼弗已其恭行奉慰修理及修省禮儀卿等便擬出旨來諭卿等知欽此臣等昨日出閣已聞傳言耳不忍聽心不忍信今奉 明諭戰慄憂懼天威屢嚴而孔赫 祖靈甚愠而靡寧愈昭愈大愈迫愈近誠

敬事草 卷十五

五十二

宜哀痛責躬側身修行以為臣下率先臣等舉宜洗心滌慮犯顏苦口必修實政無務虛文庶可少回上天之怒而奉妥 聖祖之靈若猶泄泄因循悠悠虛度恐几席之間旦晚之際又有甚于此者謹欽遵擬票上進外敢以緊要一言陳之蓋近來章奏不通德意不宣人心鬱憤已到極處天地祖宗日陟降于上下幽明之事于何不知偏仄蘊隆無所發怒故特再昭儆戒耳欲修實政必自通章奏始欲通章奏必自撤疑

情始君開誠以任下臣披誠以事上上下下之間渙然不疑有疑即詢有謀必用有事即斷有斷即行則奸弊何所容隱釁孽何所藏蓄群策自然畢舉群情自然舒暢和氣充于宇宙而宵旰何勞獨憂所以仰答天地祖宗而貽國家千萬年之祐者端在于此若但有畏天敬祖之言而無其事則人尚難欺天豈容偽飾貌飾辭詎能感移祇增矯誣以速譴罰耳臣等陳言至此毛骨皆悚 皇上但䟽通章奏俯採群言申寃理

敬事草 卷十五

五十三

滯進賢達能則人心悅而天意得轉災為祥化憂為歡皆不難矣臣等無任涕泣懇祈之至  
十二年五月二十  
十五日上

發天下補官本揭帖

題臣等竊惟治天下當先防其患而防患之術當先圖于早今年大察之後天下官員多缺布按二司及各知府運使運同苑卿共缺至一百七十一員從來官府之空未有如此之甚者司道有缺各道帶管帶管者或遙制千里或兼攝數道事多漏遺其職溺而不舉知府有缺佐貳官署管而佐貳官率多舉貢監生出身日暮途窮官卑望渺民生日感盜賊多起故今年福建欽定四庫全書有白蓮社之盜廣東有珠池之盜雲南有嶠峨之盜皆由地方無官所致也又南來者言河南歸德一帶歲歉民饑死者枕藉相望餓莩之在途者人尚未死率斃而食之本省巡撫久缺巡按又病誰為撫治誰為彈壓江北四道四府而缺官者五關係祖陵運道又值水災荒歉盜賊樂于無官而良民苦于無主即此一處他處可知臣等聞此為之骨寒毛悚哀痛而不能安也謹查天下方面官員缺數恭進御覽伏望

惻隱保民憂危保國將吏部推補本章不時允發幸甚其各處知府吏部曾有總推一本在御前若即賜檢發尤幸五月二十  
六日上

請發御前章奏揭帖

三臣題臣等待罪內閣以輔養君德出入綸命為職者也頃來御前本章發票者既少及至票擬批行者又少所行不過令部院知道者耳部院之題覆不下則與不知道何異若其是也當亟從之如其非也當令再議不宜久留而不斷也竊見 皇上優禮二三老臣意亦專薦但任其人而不行其言其人雖在而無能展其尺寸欲責之以消戢災變鎮安夷夏得乎精神不流貫乎上下法令不綱紀于域中而求救寧之效此必不可得之事也 長陵之變異極大 聖心之警惕甚深顧警惕而以政事行之方是真警惕真與不真在政事之行與不行尚有遲滯則昭昭上天赫赫 祖靈必將更加厭斁而若臣若民若夷夏盜賊皆將乘天地祖宗之厭斁而生他心至是則雖有三老臣無益于毫釐輕重矣臣等連日上揭望 皇上省發章奏今日奉有一二之發心亦稍慰但未發者多如皮

林之功雖敘而播州大功尚阻武官之推有點而文官之推尚格其他遺闕舉朝苦口而未見一新中心如焚竊謂如此大變決非一二小事可以塞責當以實心實政應之乞將 御前積下文書凡已票該發者通行批發凡已覽未票者通行發票此乃收人心回天變第一實事臣等不勝跂望

五月二十八日上

辭楚黔皮林加恩疏

奏為隆恩誤被揣分多慙俯容辭免以逭譴戾  
事昨吏部接出 勅諭勅吏部楚黔皮林惡苗  
作亂將士宣威剿除朕心嘉悅內閣輔臣密勿  
決策忠勲茂著宜特加恩元輔沈一貫加少師  
兼太子太傅廕一子與做中書舍人還賞銀五  
十兩綵段四表裡次輔沈鯉加太子太保朱賡  
太子少保各廕一子入監讀書還各賞銀四十  
兩綵段三表裡各餘官如故俱照新銜給與應  
得誥命如勅奉行欽此備行到閣不勝悚惕不  
勝兢惶竊惟朝廷馭世之權惟爵賞最重臣子  
律身之法惟辭受最嚴無功之賞是曰濫恩非  
義也臣等緣遭逢之幸荷特達之知備位鼎司  
享有崇膺而容容度日建豎靡聞下無濟于時  
艱上無裨於衮職至於皮林之捷督撫運其機  
宜將士奮其拳勇恭行天伐成此武功臣等何  
力焉忝居密勿未展一籌進止不聞謨謀莫與  
所決何策所著何勲武臣立功於外而臣等坐

敬事草 卷一五

五八

攘於中何所施具眉目伏望俯鑒惻衷收回  
新命俾臣等以原官供事則國恩不僭而臣等  
愚分亦稍安也  
六月初一日  
上初二日奉  
聖旨楚黔皮林惡苗剿除捷功殊常朕心嘉悅卿  
等運籌帷幄協贊勳加恩示酬原係彝典宜遵  
成命所辭不允該部知道

敬事草 卷十五

五十九





再辭皮林敘并推敘播功疏

奏為懇辭誤恩并陳票擬始末乞下播敘以解  
人疑情慰人渴望事項蒙行皮林之賞推念閣  
臣賜之誤恩臣等既以合疏懇辭未蒙諒允第  
臣等三人各有委曲之欲伸也謹以獨疏言之  
蓋閣臣不預軍賞臣謹守此約身無橫草而操  
文墨議論以分其賜不義也抑治世以文不以  
武安民以善不以殺臣從政多年無一善狀而  
區區惟武功之聞以涉血履腸為彛常事豈不

敬事草

卷十五

六十

上違天心而下羞當世哉况今天變示儆士大  
夫憂惶縱十命之必十辭之有不容不瀆者夫  
皮林之功與播州之功雖異地而其時其人彼  
此相因不可分而為二故今年正月兵部以兩  
本同時敘上而臣之擬票因亦通融于兩本之  
間皮林本中柄其事而功最大者巡撫江鐸總  
兵陳璘也二人之功于播尤著故并敘于播而  
于此本中但敘其次若戴耀李如樟等今皮林  
之敘下而播敘未下見者不察必疑以為遺鐸

而敘耀遺璘而敘如樟舛錯不倫晦臣本心臣  
豈能須臾苟安哉論功則皮林小而播州大論  
時則皮林後而播州先兩功之成三年而始敘  
然猶一行一留何以慰忠勞之心為後來之勸  
臣是以日夜蹶蹶望稍輟萬幾將兵部敘播功  
本即賜檢發行臣之言愈于榮臣之身有功者  
庶無遺漏無功者庶無冒叨數年稽閣一旦注  
銷免臣尤戾恩光孰大于是臣一辭一請皆出  
懇迫伏冀 矜允 六月初三日工奉

敬事草

卷十五

六十一

聖旨皮林之捷卿實居中運籌加恩非過既懇懇  
固辭特允所請以成卿勞謙之美播州敘功疏朕  
因細覽尚留旦夕即當檢發并諭卿知吏部知道

催二省按差揭帖

三臣題今日臣等得都御史溫純揭帖謂浙江廣東二省巡按御史報滿已久曾擬御史王業弘往浙江葉永盛往廣東接管巡按候命未下具題再請臣等照得二省皆東南與區邊海要地今倭奴出沒波濤狼心叵測所賴鼓舞將卒甄別功罪者惟按臣肅紀執法之力關係不小伏望軫念早允前題刻期交代目前一急務也

六月初三日

敬事草 卷十五

六十二

回 聖諭揭帖

三臣題文書官劉用捧出 聖諭諭內閣 祖陵變異朕心驚懼戰慄連日調攝尚未行切要實政仰副仁愛之心思得天下廣大設官分職慎重用賢圖治國家第一要務方今南北兩京大僚司屬并各處撫按及各省直方面官員見缺數多亟宜銓補庶安民生其三法司并錦衣衛見監罪囚除重罪及欽定人犯外有情可矜疑牽連無辜者宜當欽恤用示好生卿等傳示

敬事草 卷一五

六十二

便着各衙門從公推舉各堪任的及逐一開寫所犯招由通行具奏以昭朕畏天敬祖警惕至誠特諭卿等知之欽此臣等捧讀再三不覺舉手加額而慶 聖德之增美 聖政之更新也從此而日新又新廣運于不已如天如地覆載于無窮則頌 天子萬年者踵武相繼而至矣何災之不轉為祥哉蓋昔人有言求福者善言不可離于口竊為今日願之謹即傳發部科遵行外所奉原諭尊藏閣中回奉以聞

六月初七日

回 聖諭揭帖

三臣題該文書官盧受恭捧 聖諭到閣諭內閣朕覽卿等昨奏揭帖具悉忠愛懇切至意但朕自聞 祖陵災異以來至今尚然驚懼調攝未得安寧以致虛軟兼且足疾偶發艱于步履御朝不便面見恐失禮儀卿等屢奏應行時政少俟檢發其召見至誠候旨從容行之所請詣門起居已知道了諭卿等知欽此竊惟臣等忝為股肱密勿之臣義則君臣恩猶父子日祝

故事 卷一五

五十四

聖躬康泰聖心豫悅享有萬壽萬福之全而今臣等亦預隆天厚地之賜此至願也夫何天心不順災變頻仍累及 祖陵哀痛慘極今小民之家亦以墳墓風木為重而况帝王天系始發禎祥之地可令少有傷動乎是以 聖心靡寧臣等益甚恭請面對以申奉慰之忱而求交修之策丹誠激發良非獲已茲承 諭旨敢不欽遵恭惟 皇上平日起居常有待于調攝方茲驚懼固宜萬分保重然天心無他出于仁愛而

已惟善體天心力行仁政則皇穹必將轉怒而為善 祖陵亦將轉危而為安 聖心與天心合而氣和形和兩間之和咸應之如此則 聖政既善聖德既新而聖心亦愉聖壽益永神祇宗社降福穰穰其為利益豈不無得盖人心一念正則事皆出于正一念邪則事皆出于邪出于邪則怪徵妖應物象神符從而並集出于正則乾靈坤珍祥輝瑞祉亦從而並集此理自然古今不爽康誥曰惟命不于常道善則得之不

故事 卷一五

五十五

善則失之幾希之間正在今日 聖諭云不便面見恐失禮儀臣等不敢復請 聖諭云應行時政少俟檢發臣等實切拱候今缺政甚多各衙門亦能修補惟隨題隨發堅持此心無煩于查檢無待于少俟也所念從容召見乃唐虞明良之風臣等未遂躬逢不勝引領其詣仁德門起居臣等敬遵 恩旨明早恭趨行禮少展瞻依之忠 二日 上

弭災實政揭帖

三臣題竊惟 祖陵雷火下擊頃復覩虫傷之災似此大變非常天地祖宗之心已可知而群方萬姓之心又可知數日以來凡懷忠愛者熱中如火而章疏猶多未下實政猶多未舉殊覺聖心冷淡豈謂一青衣角帶便稱修省乎豈謂一仁德門起居便稱納約乎又豈謂修齋建醮可以讖悔乎夫怨詛遍于四海而托祈禱于數巫其何能勝祈禱而有益則閭閻山澤失業被

敬事草

卷十五

六十六

害之人與士大夫之竄棄羈囚者曷嘗一日不祈禱而 皇上未之間也 皇上如聞之則上天亦聞之矣臣等比來屢揭盈五六千言而無一言足以感動 聖心實自傷其誠意之未積然比來章奏非無省發而人情之所急望殊多留格亦何以感動天人之心而安 聖祖地下之靈哉宮禁之中鎖鑰巡警最為嚴密未嘗頃刻缺人防不虞也今日朝堂而外人率異心假令一旦突生不虞之事能獨守宮禁以為安乎

凡此部院百官皆掌京師之鎖鑰而時加巡警者如之何可不備也又自三輔而外人尤異心假令一旦突生不虞之事能獨守京城以為安乎凡此撫按以至于郡有司掌群國之鎖鑰而時加巡警者如之何可不備也人必有心膂耳目手足而後可以為人一有不備非人矣今夫部院 皇上之心膂也科道 皇上之耳目也撫按群有司 皇上之手足也然而不備其可以為國乎一體不備則無論虎豹蛇虺雖一飛

敬事草

卷一五

五十七

虫得苦我矣一官不備則無論夷狄盜賊雖一白挺得侮我矣此易見之理也竊惟 皇上之心豈不儆惕聞宮中日夕焚香祈天永命顧祈天永命要在修政立事而不在焚香致禱世人有所祈求而或制于人或制于天力不能自得則無可奈何而出于焚香致禱之計 皇上則不然凡所祈求者非制于人非制于天皆力可以自得而自不為誠奮然有為則言脫于口而仁流于天下詔罷礦稅即礦稅罷詔出囚繫即

囚繫出詔起廢棄即廢棄起萬邦黎獻歡誦在  
 茲矣今日之事乃天地求回 皇上之心而不  
 可得非 皇上求回天地之心而不可得也乃  
 天地不能奈 皇上何非 皇上不能奈天地  
 何也天地 祖宗降鑒孔赫何煩焚香祈禱哉  
 皇上一撤疑心而示人以信一撤已心而示人  
 以公將近日吏部等衙門所推部院大臣及各  
 撫按司道等官與一切推選本章早賜 允發  
 分遣御史巡行天下停不急之工罷無藝之征  
 敬事草 卷十五 六二八

出久繫之囚收廢棄之士信能行此數者為堯  
 舜何難之有 皇上以其至誠而祈之于天臣  
 等以為遠臣等以其至誠而祈之于 皇上臣  
 等以為近望 皇上一俯納焉 聖心回即天  
 心回矣臣等憂懼迫于中危亂迫于外有日進  
 一牘耳若坐視以負恩眷之厚實所不敢實所  
 不忍無任戰慄之至 六月上 九日

選館揭帖

三臣題臣等于十四日恭奉 欽命會同吏禮  
 二部及翰林院掌印官考選庶吉士十五日公  
 同校閱取正卷二十三卷并副卷八卷具揭上  
 進連日拱候未蒙覽發竊思各進士既在闕下  
 候 旨不敢赴部聽選亦妨觀政辦事乞早將  
 正卷裁定發行作養教習實為恩便 六月上 二十

敬事草 卷十五

六二九

回 聖諭揭帖

三臣題昨日欽奉 御札諭內閣朕自 祖陵  
災變驚懼哀痛調攝未寧近因連日暑雨濕蒸  
足疾未愈步履甚艱昨又聞 天壽山松樹生  
虫多食其葉朕五內如灼心神恍惚益覺頭眩  
身體虛軟所有修省實政少俟次第發行朕思  
祖陵工程隆重恐該部措辦錢糧不敷致悞工  
作所有御前累年積省銀二萬兩另有諭發該  
部擇日興工上緊修理刻期報完卿等為朕輔  
弼股肱宜仰體朕朝夕匪懈畏 天敬 祖不  
敢自逸至意特諭卿等知之欽此仰惟 皇上  
因 祖陵大變而震動于心急圖工作首發內  
帑念修省之實政而許以次第舉行戒股肱之  
惰窳而責以仰體匪懈此回天之漸也竊思  
陵工重大必非二萬之費所能了然 皇上二  
萬當得工部四萬蓋 聖意所注內外儆惕無  
敢侵漁無敢需索皆得實用自省虛費此亦修  
省實政之一端也但今日 祖宗之所望于

敬事草 卷十五

七一

皇上者豈止工作而已哉 聖心自明不待多

說真以實政為急必當仰法 聖祖每夜思四  
方之政五鼓而興待旦而行如坐針氈如寢火  
薪何能頃刻遲後而猶曰少俟不幾又成虛套  
乎一日亦俟一月亦俟俟之為言有何底極臣  
等請 皇上亟行此心更勿遲延臣等非不欲  
俟而天下危亂在即度日如年真不能俟者  
故違違也乘天下未變而圖之則權在 皇上  
但一下 明旨而海宇大定待天下有變而圖  
之則權在匹夫一經嘯聚便難措手在天聖靈  
早已先見念之念之 聖諭謂五內如灼心神  
恍惚此真實語臣等皆信幽明一理 祖孫一  
氣固宜有此然當思 列聖神靈之心恍惚又  
當何如焦灼又當何如也 聖諭責臣等仰體  
淵衷朝夕匪懈敢不刻骨銘肌奉以周旋但臣  
等密勿近僚不能自用一人自行一事第有集  
合衆思入告于內當行者請行當止者請止懷  
此苦心竭此敬舌而已 皇上若不虛中采納

敬事草 卷十五

七一

臣等雖有匪懈愚忱亦何所少概見哉茲敢奉  
聖諭次第舉行一語以為左券跂俟德音願

皇上旦晚之間不負此一諭也不勝戰惕之至

六月二十  
二日上

故事草 卷十五

三二

催補官揭帖

三臣題臣等前者懇勸 皇上將內外缺官點  
補實救時急務方今各處討官之本無日無之  
而不之補發萬一有事人皆得以推飾已罪歸  
過朝廷惟各有官守則何推諉之有臣等前查  
天下司道知府缺至一百七十一員近雖有補  
尚未十一乞隨題隨用其山西河南鄖陽福建  
四處巡撫尤為緊要所推皆可用之人乞檢查  
點用至于四月急選揀選二本尚在 御前此

故事草 卷十五

七十三

項小官守候日久每向臣等悲號乞告所不忍

聞并祈早發 六月二十  
五日上

再催二省按差揭帖

三臣題浙江廣東二省巡按御史滿日已久都  
察院擬御史王業弘往浙江葉永盛往廣東各  
接管巡按臣等前曾揭請昨該院復有催本竊  
惟二省邊海地方防倭重寄內地奸人素多通  
番接濟而各將官軍士亦有弊竇百端所賴肅  
紀振綱實巡按之責伏乞 允其所請

上

六月二十五日

敬事草

卷十五

三十四

再催揀選急選本揭帖

三臣題臣等每出入長安門輒有京外臣民求  
訴百端痼瘼切心不得不奏他未暇論第如揀  
選急選二項官員慰之不能去麾之又復來彼  
守候太久桂薪玉粒借貸無所僕逃人散諸苦  
所迫言不能既今日各揀選諸生又來投揭謹  
封進御前惟賜一覽昔唐時楊敬業作亂武后  
得其檄文而讀之問誰所作或對曰駱賓王武  
后曰有才如此而不收用宰相之過也蓋才智

敬事草

卷十五

三十五

之士收之則為朝廷棟梁棄之即為草澤嚙矢  
天下洶洶而不廣收賢才為朝廷用倘致後悔  
臣等安辭其過所以屢勸補官正為此耳亦不  
獨揀選一事也無任哀懇之至

六月二十八日



田 聖諭揭帖

三臣題該文書官盧受捧出 聖諭諭內閣朕  
以 祖陵災變兢惕修省未已正在服藥調攝  
昨又有 天壽山守備內官李浚具奏 各陵  
近因雨水連綿衝毀神路橋梁樹株等項朕心  
愈加驚痛不寧且連日暑雨濕蒸足疾腫痛屢  
用藥水盪洗步履甚難今 廟享在即慮恐弗  
能成禮暫行遣官恭代及各執事務秉精誠竭  
虔行禮以稱朕孝敬至意卿等傳示奉行諭卿  
敬事草 卷十五 三六  
等知欽此仰惟 皇上每當 廟享之時必有  
特諭之發雖孝思之誠多鬱于攝養而敬畏之  
意猶見乎言詞恭代竭誠臣子之分欽遵傳示  
其敢有遲但今日之事與前有異 天地祖宗  
之所以示儆 皇上者日新而 皇上之所以  
仰荅 天地祖宗者如舊以調攝而廢禮猶可  
詞也以利欲而廢政不可詞也虛言何以表兢  
惕之懷彌文何以覲感通之效曾不如數行  
詔墨大敷德意與天下更始使萬姓復蘇則

敬事草卷十六目錄

催播功及各巡撫揭帖

因災陳言揭帖

三催揀選急選本揭帖

回 聖諭揭帖

回 聖諭揭帖

請釋詔獄逮繫揭帖

免煤稅揭帖

請行七事揭帖

回 聖諭揭帖

催補科道揭帖

萬壽請罷礦稅揭帖

請罷礦稅揭帖

回 聖諭揭帖

戶部錢糧缺乏揭帖

請釋詔獄逮繫揭帖

催武場監試揭帖

請假修墓揭帖



請停上供揭帖

謝 聖諭揭帖

請假修墓疏

修墓揭帖

回 諭揭帖

再請修墓揭帖

再請修墓疏

三請修墓疏

楚宗變亂揭帖

論播功難封拜揭帖

討亂宗揭帖

請官糴救荒揭帖

辭播功敘賞揭帖

救荒二揭

總河交代揭帖

叛宗造言闡揚 聖政疏

回 聖諭揭帖

聖母萬壽請受賀揭帖

敬事草卷一六目錄

敬事草卷一六目錄

二

推管蔡等官及巡按揭帖

聖母萬壽入賀揭帖

回 聖諭揭帖

回 聖諭揭帖

吳御史回道及七差揭帖

催章奏揭帖

請留溫中丞揭帖

察近請下管察本章揭帖

管玉牒揭帖

敬事草 卷一六目錄

請留用葉少宰揭帖

請留楊少宰揭帖

回 聖諭揭帖

請允各差并補科道揭帖

因類奏請行修省實政揭帖

敬事草卷十六

柱國少傅兼太子太傅吏部尚書中樞殿大學士臣沈一貫

催播功及各巡撫揭帖

三臣題臣等憂國之心實迫于衷惟是黜陟不定賞罰不明何以振作人心計安天下今且以闕政之大者二事望目下行之播州大功今已四年而敘賞之典未下死者無以慰生者無以勸後來有事誰肯出力臣等所擬止有減薄並無冒濫似可 允從倘有未合寧以 御筆改

敬事草 卷一六

發萬勿因一二人而沒百十人之功失億兆人之望也各色缺官悉宜 允補所最急者山西鄭陽福建河南四巡撫此是一方軍民重寄兵馬錢糧惟其料理安危治亂皆其憂責安可視為泛常又顯望顯望伏乞即將此二事先賜發行 七月初三日 上

因災陳言揭帖

題伏念臣猥以菲才誤當揆路上無以報明主簡毗之德下無以答四方期望之心竊念古者常以災異求直言今滿朝文武臣工俱獻蓋誠不求而合正舍已從人化災為祥之日臣謹撮諸臣之大指直以三語為獻天變必當畏也祖宗必當念也人言必當恤也人主雖至尊必托命于天地受庇于祖宗寄身于億兆臣民之上所以處此者未盡其道而欲享有安富

敬事草 卷十六

三

尊榮必不可得今祖宗愠怒故天變從之天變屢見故人言隨之曾是不思天下無望矣往時非無災異然止于一方一事猶可言也今極大且多日迫日近不可言也日食于四月古今所甚忌也而連歲兩見則尤異泗州鳳陽承天諸陵比年悉有倣戒而皇陵之雨雹長陵之雷火連歲相尋同在五月二十三日上天之意豈其偶然偶然者必不若此之符也非但如此而已也遂有孽蟲齧松柏徧于諸陵矣遂有洪

水毀神路徧于諸陵矣又非但如此而已也遂有靈靈連綿兩月不休自京師達于輔郡大者漂城小者蕩村樹藝無存儲積亦腐都門之內無復氣象惟有敗房頽壁家哭人號煤貴米貴炊煙幾絕比又報都城多塌而正陽崇文二門之間有中陷者七十餘丈夫不外剝而中陷出于常理之外豈二百餘年之築尚有未堅乎何其化為烏有哉甚可怪也因想天下被災地方遠者即不可知近者悉恐不免又想糧船之在

敬事草 卷十六

三

途者不知無恙否墩墻之在邊者不知無恙否然而尚有愁雲四布霽日難期謂非天怒未解之徵可乎夫父母怒而不解為人子者宜如何必且引咎而責躬矣引咎責躬必求所以致罪之由而實修之以回其心無務以虛言謝過以一事塞責矣煌煌上天昭昭列聖其聰明比皇上必大其威靈比皇上必尊而苟以一二尋常之事聊為斯瀆抵塞之謀一何愚視天地淺視祖宗也罪當滋大孰有不覺乎

皇上天性英明不為近習所惑乾剛獨斷不為疑似所撓此中外所共信也何不決去牽纏斥遠邪孽從病根處痛改一番以回天地之心以安祖宗之靈而使億兆臣民歡然樂其更生萬勿以社稷為戲以貨利為常以天地為不足畏以祖宗為不足念而置人言于若罔聞知也臣愧稱股肱慚見天日心長氣短無能盡言同官二臣咸懷誠悃各函一章皆憫時憂國之忱臣謹偕與親齎赴文華門叩首投進惟歷賜敬事草 卷十六 四

覽觀神領心受而致行之使郊廟神祇海宇蒼赤凡含悲茹歎者化為撫掌則 皇圖鞏固臣

死細惻憐 初上

三催揀選急選本揭帖

三臣題臣等昨自閣中出至長安門外見有揀選府同知等官張翼新等急選巡檢等官鄭公星等攔遮道旁冒雨沾泥述其久候艱苦耳不忍聞目不忍見臣等已將昨者 聖諭明示遣還顧念大信所關傳布天下既有聞見謹據實復奏伏乞將張翼新等鄭公星等一本允賜檢

發 七月初十日 上

敬事草 卷一六

五

回 聖諭揭帖

三臣題今日文書官盧受捧出 聖諭朕昨覽  
卿等奏揭知卿等素服親赴文華門行禮投進  
朕心兢惕不置天災屢示警象 祖宗陵寢震  
驚朕躬日夕焦勞致成憂鬱寢食未遑繹思悔  
悟更始轉災為祥前已屢諭卿等修省實政次  
第發行其文武諸臣所陳章奏朕因不時眩暈  
服藥調攝尚未悉覽元輔為朕心腹股肱贊襄  
懋著素所眷知信任二三良輔義同一體俱為

敬事草 卷一六

六

講學舊臣朕特召來輔政信任共濟時艱同寅  
協恭弼成化理所奏至誠懇切朕知道了今又  
覽卿等揭題揀選官張翼新等急選官鄭公星  
等攔告艱苦情由此本前檢誤作重復是以未  
發原無他故即當批行矣諭卿知之欽此竊惟  
臣等于初九日具揭恭進昂首瞻天者兩晝夜  
于茲矣倏奉 諭旨相顧泣萬行下伏念臣一  
貫久叨腹心之愛待罪十年臣鯉臣賡咸承一  
體之恩起家二載遡追周旋講幄乃在二十年

前猶塵記存從容語及故舊之情藹若典學之  
意宛如真所謂義君臣而情父子者也前所進  
揭實臣等報效赤丹既蒙許為至誠懇切似亦  
微有感動矣臣等乃親近之臣又文學之臣而  
今日又忝為老臣者也為親近之臣則沐恩最  
深休戚咸共敢不盡言為文學之臣則古今治  
亂興亡之迹具在簡編驗之已真又安敢不言  
臣等此身乃 皇考之所齒錄而簡用者也受  
事頗久聞見頗多又安可不言今天下之人方  
居水火之中謂臣等身在日月之旁而不一開  
口虛忝恩遇之隆大孤輔弼之義 皇上亦安  
取此腹心股肱為哉 聖諭內悔悟更始一語  
願毋忘之毋吐棄之則臣等雖死瞑目所奉  
聖諭尊藏閣中以昭虛已聽言至德

七月十  
二日上

敬事草 卷一六

六

回 聖諭揭帖

三臣題今日該文書官盧受又捧出 聖諭天  
雨連綿京城坍塌房屋數多壓傷人民甚衆朕  
聞心甚惕然便着太僕寺給發銀十萬兩交與  
該部并該科及五城御史公同查勘分明每房  
一間欽賞五錢以資修理賑濟卿等查照舊例  
參酌時宜擬諭來行諭卿等知欽此謹擬 諭  
上進 七月十日

諭戶工二部天雨連綿京城坍塌房屋數多壓傷

敬旨 卷一六

人民甚衆朕心甚惻然便着太僕寺給發銀十萬  
兩交與該部并該科及五城御史會查勘分明每  
房一間欽賞銀五錢以資修理賑濟及醫藥津送  
之費務先儘貧難下戶仍不許官吏侵冒必令沾  
受實惠有舊例及時宜該舉行的著題來行

請釋詔獄逮繫揭帖

昨日管鎮撫司李楨國來說獄中房墻倒塌積  
水成河各囚難以存活此監與刑部監不同原  
是寄監非久繫之所初無多地多房制度草創  
亦無水溝一墻之外便是通行大路甚難防備  
今年雨多即墻外大路設有溝渠亦皆滄沒况  
此監中如同壑底何能待其暗消人多地窄氣  
蒸臭穢不論有罪無罪死生難保情實可憐

皇上近念在京百姓發太僕寺銀十萬兩賑濟

敬旨 卷一六

九

大惠普及莫不歡呼望推廣此意以及諸囚真  
犯難赦者各有應得罪名除死罪外餘宜早與  
發遣發落至於礦稅犯人當坐因公之條彼原  
為百姓得罪儻致溘亡益為百姓所憐干和尤  
甚乘此災異示儆之時一加疏釋上副天望下  
慰人心所釋者少所悅者衆古者旱澇必先慮  
囚王政之大端也乞將馮應京等特恩赦宥不  
然發刑部分別坐擬釋其幽囚寬其目前死亡  
之急以塞天下哀憐之口其餘各犯亦通發刑部

擬罪奏請庶罪人有所歸着亦便於工部修理

也七月十五日上

故言立卷一六

免煤稅揭帖

三臣題臣等連日見西山煤戶百十成群哀泣于長安門外口稱窰口盡為水所滄沒入地深二三里無力掬挖生意已絕本縣監追煤課從何而出叩天憐憫投有揭帖臣等見之為之泣下伏乞量免課銀二三箇月少蘇其困今見發太僕寺銀十萬兩除給濟京城下戶之外猶可分此濟彼均蒙恩澤不費之惠也雖不能人人霑被亦使百姓知軫恤弘恩出自 聖衷挽回人心此一機矣臣等敢擬一 諭上進望即賜行七月十五

故言立卷一六

諭戶部西山被災窰戶着比京城下戶一體給賞即于見發太僕寺銀兩內通融分與務令各霑實惠水占窰口免徵課銀二三箇月



請行七事揭帖

三臣題臣等連日恭奉修省德意力圖奉行遵諭擬上者循例題請者伏乞 乾斷早發謹開具以請

一西山被災窰戶請北京城下戶將見發太僕寺銀十萬兩通融分與賑濟此係不費之惠易施之恩其水占窰口原題有免課之例并乞軫念免徵二三月臣等于十七日題上望賜允行

一鎮撫司獄房為大雨傾塌難以存身雖是罪人例應憐恤臣等于十五日題請將各犯俱送刑部其干係礦稅人犯衆心尤共哀憐即不敢過望瓦全或釋放或遣發免其幽繫亦 聖恩也望賜允行

一播州戰功久未敘賞功臣之死者莫慰生者莫勸後如有事難以用人臣等所擬若有未合聖心者乞明示增減幸勿因一二人而并妨百千人也望賜允行

一江北地方疊災黎民逃散田土荒蕪該巡按

御史高攀枝題留漕糧十萬以作開荒牛種之需戶部曾許六萬臣等于二十二日票上望賜允行

一教習庶吉士例有館師二員臣等擬原任尚書于慎行與見任侍郎周應賓一同教習今進館之期已迫未蒙准發望乞明示以憑奉行

一各部院大臣及四省巡撫與各大小官員缺諒次第有命伏乞沛然一通  
一牧地為水所占見以災荒乞賑若復加賦豈不搖動畿輔之人心乎望早賜 恩命使各歌頌 皇仁以鎮四海七月二十

此七事者得窰戶通融分賞免徵課銀三箇月得江北漕米六萬得教習館師得山西福建二巡撫及各司道等官得牧地徵銀一萬五千兩取王昇回若此耳

回 聖諭揭帖

三臣題今日文書官金忠捧出 聖諭諭內閣  
 朕覽卿等揭奏七款皆係修省實政具悉忠愛  
 朕因各官不以國體為重要直沽名哄然煩激  
 連日憤懣眩暈卿等前奏未行悉覽今所奏已  
 知道了欽此臣等感戴眷答之厚具諭修省之  
 誠雖隔雲霄真同咫尺不勝激切不勝誦仰竊  
 惟王者萬民之父母父母在上則一家之身衣  
 口食皆請給于晨昏子啼兒號每克盈于耳目  
 敬 聖 諭 卷一六 一四  
 惟慈愛之甚切故喜怒之交忘雖頑劣而妄干  
 猶怵惕而垂憫今四海依 皇上為大父母群  
 臣期 皇上為大聖人感時事之日非觀上天  
 之時倣各輸積悃爭獻謹言此亦恃慈親在上  
 而不覺啼號之畢集也臣等既蒙 皇上如天  
 之德在宥之仁敢望推此仁恩俯採一二恭繹  
 聖諭許臣等所奏為修省實政伏想旦晚之間  
 次第省發鵠立下風以日為歲惟早發一日則  
 早慰一日更願融和氣于胸中調陰陽于寓內

樂善不倦與物同春性情中和則憤懣自息心  
 廣體胖則眩暈奚留將 聖壽高于山阜而  
 聖祚垂于日月矣  
 七月二十  
 五日上

催補科道揭帖

三臣謹題國家並建百職階級繁多遷擢之期  
宜按時日非時驟遷則開僻躡之塗久而不遷  
尤起沉淪之歎比日 皇上念科道官積有歲  
勞一時九年考滿者皆得優轉京堂如久幽之  
中仰見白日然見在科道從此寥寥侍班差遣  
動稱缺乏乃其待除其需次非止一人累歲經  
年不離一青衣角帶抑鬱之懷比之久居臺省  
而不得遷者其情更甚亦 聖主之所宜矜憐

啟

百五

卷一六

也竊照二十九年庶吉士舊年散館除留在翰  
林外有王元翰呂邦耀曾六德袁懋謙等四人  
擬授給事中宋燾王基洪陳宗契馮奕垣等四  
人擬授御史二十六年行取各官除選授科道  
外有已經考選起復候補吳道行沈鳳翔注若  
霖朱一桂等四人擬授給事中朱燾一人擬授  
試御史有未經考選起復候補熊鳴夏周曰庠  
蕭淳等三人待考擬授臣等屢揭請 旨今吏  
部又復題催今科庶吉士送館在邇而前科庶

吉士尚未授官二十六年行取經今六年各官  
久已任事而同取尚未授官無俸無薪窮年窮  
日空受作養之恩漫無報答之地人才難得廢  
置可憐 皇上躬修實政必念及此伏乞蚤渙  
德音令各到任管事不惟諸臣露被榮恩而國  
事亦有裨益矣臣等不勝懇望之至謹題請

旨  
三月初  
八日上

啟

百五

卷一六

萬壽請罷礦稅揭帖

三臣題竊聞五福以壽為先積善必有餘慶恭  
遇萬壽 聖節聞左右有買雀放生祝延 聖  
壽者固是一點忠愛臣等竊以為未廣也區區  
愚見欲推廣此意于十七日在廷文武百官及  
天下入賀人員四夷朝貢之使山呼萬歲之時  
皇上特渙綸音停罷礦稅以示普天同慶之意  
此時滿朝萬口必將歡聲如雷仰徹穹昊不崇  
朝而謳歌溢乎四海協氣塞于兩間上帝臨之  
敬事草 卷一六 一八  
介以景福八荒壽域歛而為一人之壽矣而况  
有本支之燕貽以昌厥後有堯舜之鴻名以傳  
不朽其為利益何以加此哉夫當礦稅之行也  
是以天下為籠使萬物一無所逃也今既徹也  
釋倒懸之民而登春臺之上猶天空任鳥飛而  
無一在樊籠之中者何必買而放生也天保之  
詩祝天子萬年而必曰群黎百姓徧為爾德意  
正如此臣等不勝犬馬下情輒敢以是為獻惟  
念恩自上出不敢漏泄謹親自潦草手書密進

御覽因擬 勅諭一道併進伏候渙發施行臣

等不勝延頸跂望之至

八月上

諭戶部朕惟民者邦之本財者民之命朕自御極  
以來無一念不在愛民節用欲與同享太平比因  
宮殿未成不忍加派小民權宜行礦稅之策不意  
奉行者非人反致貽害歛怨朕甚痛之今值天下  
華夷朝賀之辰明示朕心一切礦稅內臣俱着撤  
回聽用以後不許妄奏復行錢糧已徵在官着盡  
數解進未徵的不許再徵布告四方俾共知悉

敬事草 卷一六 一八

王述古河南禹州人己丑進士刑部員外  
郎作笏記以授歸德欲歸德于祝壽之日  
對仗宣讀必得罷免 俞旨然後起歸德  
不可作此奏授之俾述古自奏述古又不  
可歸德以語余余可之為改作揭帖余復  
手書擬諭以進竟無益也

請罷礦稅揭帖

三臣題臣等謀充大任過受鴻私天下之人共攢責于臣等 皇上居深宮之中不見群臣百姓則自謂可塞耳掩目而置人言于弗理矣若臣等不然日出入于長安門勢不能避絕人事必當與之相見也兒童走卒無非鞭策臣等之言流離瑣尾無非感悟臣等之狀乃者貴捧官來開口即說礦稅各處書來未開緘而知說礦稅今臣等如何抵對巧舌如簧不過增謊章疏敬事草 卷十六 二十

日過社壇門則呼皇天后土而禱過太廟門則呼 祖宗列聖而禱願 皇上回心向道無搖丕基放逐臣等更付能者此實區區之同情而無一字之假飾者也謹略摠其危苦憂勞之極慮冀回聰明剛健之聖心 皇上雖至尊必不能縱情自便居深宮以為安諺所謂天下人安我亦安此至語也必不可塞耳掩目置人言于弗理昔麥丘邑人謂齊桓公曰願主君無得罪于群臣百姓亦至語也民者邦之本財者民之命棄其本戕其命而可以長享天下者未之聞也臣等悲不自勝涕如泉湧謹具題以聞祈候明命 八月二十

聖諭揭帖

三臣題今日文書官傳出 聖諭諭內閣朕因文武大小九卿科道官手執公本齊赴文華門上行禮前有旨修省實政靜俟次第發行文武大臣都着安心盡職共濟時艱如何又來瀆激奏擾恭照 祖宗制度朝儀肅靜尊嚴凡有軍國大計許實封本從會極門投進聽候裁奪處分近來不知何物設意作偏朝廷但行一事若妨已之私弊便哄然群起挾迫君上要譽沽名

敬事草

卷一六

三二

全不思念君臣大義恣肆成風是何禮體卿等為朕輔弼股肱可即傳示省改遵行諭卿等知欽此 宸旨森嚴天威孔赫臣等讀之神魂戰越竊惟近年以來天下久罹礦稅之苦而又習聞停止之言歧望 恩綸以日為歲自縉紳至于兒童隸卒無人不同此意自都會至于窮鄉僻塢無處不同此言諸臣之舉實迫于天下之公心發為天下之公論莫為倡首而群然同詞莫為結約而翕然並驚者也不能稍移天心而

至上干天譴誠信未孚能無悚惕昔唐虞之時君曰都而臣曰兪君曰吁而臣曰咈上無失德故下無煩言假堯舜而有顛危之勢臯夔必不能守其趨蹌之節矣語曰救焚者趨拯溺者濡水火方急而暇為從容乎今所行之事非常之事也天下莫不失其常心臣子安能守其常禮人心離故人言生人心急故人言多欲朝儀靜肅天位尊嚴當收天下之心欲收天下之心當恤天下之言百姓不能言而群臣代之言怒群

敬事草

卷一六

三二

臣是怒百姓矣群臣不敢怒而百姓皆敢怒百姓怒則人皆仇敵矣昔周厲王好利以榮夷公為卿士萬民攻之而出奔於彘唐玄宗置左藏庫聚斂無藝而出奔於蜀唐德宗置瓊林大盈庫稅間架除陌錢而出奔於奉天當此之時委朝儀於草莽爭糲飯而不飽豈復有君臣上下哉早聽人言必不至此覆轍在前可為永鑒諸臣受國深恩感時多故千章萬牘總出懇誠迹雖近于迫挾而原其本心不過欲安民欲弭亂

欲 皇上為堯舜此其迫切處正是恭敬處其  
心切故不知其迹之至此也君臣大義正當如  
此豈可罪之為激為瀆乎伊尹告太甲曰言有  
逆于汝心必求諸道伏望恢弘 聖度特賜優  
容取逆耳以悅心圖宗社之永計曠然改易絃  
轍下一罷曠稅明詔于群慮不及之時使言事  
之口淡而無味憂國之心化而若忘朝儀常肅  
天位常尊都俞嗻拂之風當不遠矣八月二十三日

欽定四庫全書

卷一六

二四

戶部錢糧缺乏揭帖

三臣謹題竊照戶部錢糧年復一年極為難處  
昨日尚書趙世卿來備細講求因出一揭云內  
庫金花銀兩每年額進一百萬 祖宗定制也  
皇上增加買辦銀二十萬初亦謂暫加耳不意  
遂為永制太倉所入止有舊額而此項買辦原  
無加派自萬曆六年至今共進過五百二十萬  
從何處得來不過將邊餉錢糧那移轉數耳彼  
既取盈此益空匱今年邊餉該三百七十二萬  
而僅發得一百八十四萬尚欠發一百八十七  
萬轉眼十一月又該題發三十三年分錢糧矣  
內供固急而邊供尤急脫巾而起當奈之何邊  
臣催如星火部臣憂在燃眉敢以是請于上前  
即不能渙發內帑以助邊計亦宜稍寬買辦而  
急邊計也蓋計臣之所以忠于 皇上者甚大  
所以慮夫社稷者甚深 皇上允其請亦必出  
此策即不允其請何能不出此策惟蒙賜允則  
皇上之大惠計臣之至幸也又惟今年順保定

欽定四庫全書

卷一六

三五

遼東山東陝西鳳陽六處撫按俱報水旱災荒  
請發內帑漕糧以為賑濟即今道路流移如繩  
似水民已悉去其鄉矣當年秋糧夏稅斷不能  
完來歲京運民運斷不能供然則邊餉之難處  
更數倍矣蓋彼六處撫按地方居天下之半又  
沿邊一帶緊要去處也沿邊不能自給安得不  
告求于部告求于部者尚急又安得有徵解到  
部戶部處發循常京運尚爾拮据又安能代出  
民運之一半又安能旁及賑濟之特典乎空乏  
之來已非一日苟可搜括催趨者部臣職掌豈  
愛餘力惟是無藝之征原非額派則在曲加體  
念蓋民供自有定額而不可加近又以稅使撓  
之而民供益詘邊餉自有定額而不可損近又  
以內供妨之而邊餉益詘 皇上如不以九邊  
為急則已以九邊為急尚宜大發內帑以慰庚  
癸之呼何可不停買辦以寬持籌之急也譬之  
取羊皮太多則羊群自稀構宮室太盛則大木  
必少安有帑藏之陳陳相因若是而財源能不

敬事草

卷一六

三六

竭者乎培之百姓則百姓窮攘之有司則有司  
窮此理之常近而易見但有司窮是有司之苦  
猶得哀訴于上前百姓窮百姓受苦不過九邊  
窮九邊尤受苦不過彼必不哀訴于上前而自  
為所欲為國家大憂何忍言也臣等與尚書世  
卿語及于此相對涕泣敢不為之助奏伏乞大  
加之意

八月二十  
六日上

敬事草

卷一六

三七



請釋詔獄逮繫揭帖

三臣題昨日管鎮撫司李楨國投臣等揭帖三箇分別見監人犯上請臣等看得重犯王官等一本及內犯牛雲鵠等一本俱有輕重不等罪名打問既已明白合送法司坐擬其犯官華鈺等一本俱因礦稅事起臣等虛心評論諸臣沉淪既久懲創已深天下之民未出于水火所以驚相傳告日傳日多縉紳見時語必首及其中有素著名稱者至今地方尸祝而祀之人心同

敬事堂

卷一六

二八

悲若悲其親戚無不求所以出之者民之所好之此謂民之父母宜曲體群情俯從寬典臣一貫往年曾親奉 玉音許釋放他有官的還與他官做恭繹此 旨乃天地父母之心也今時人意交屬更切臣等敢以為請即不仍與官做亦宜早從恩釋以證 皇上之于礦稅果有停止之日以證 皇上之于萬民實有仁愛之心先露端倪解其飢渴所赦之人有數所感之人無窮此 聖政之一大端不可以復緩者也

臣等用是不憚屢瀆懇懇仰跂伏乞即賜裁斷將李楨國疏批發施行幸甚

九月初三日

敬事堂

卷一六

二九

催武場監試揭帖

三臣謹題照得今月係武舉會試之期初九日  
 一場十二日第二場十五日第三場例有御史  
 二員充監試官先該都察院具題將吏部擬補  
 河南道監察御史王業弘山東道監察御史葉  
 永盛請 旨差委未蒙 俞命今試期已迫欲  
 臣等代催臣等竊惟試期在初九日今已初七  
 日即得命下明日尚可辭朝入場不致悞事否  
 則監察無人奸弊叢集何以成制舉今御史見  
 在缺人掌道侍班管城及各監收巡視等項常  
 以一人兼數事委實不敷王業弘葉永盛皆原  
 任巡按丁憂服滿候補之御史與他未任候補  
 者不同况此監場不過旬日暫差又與大中等  
 差不同伏乞即賜允發庶彛典無誤獲告成事  
 臣等謹為代題伏候 勅旨九月初七日  
上初八日奉

聖旨即傳王業弘葉永盛准着監試武舉去該衙  
 門知道

請假修墓揭帖

題臣于八月二十七日因病乞假伏蒙 聖慈  
 容臣旬日調理感激 鴻恩何勝銘刻今病未  
 愈謹以悃款上聞臣入仕三十七年叨承非常  
 知遇在講幄者十二年在政府者十一年人臣  
 遭際 聖明隆眷厚錫未有如臣者臣何忍內  
 顧其身以負弘造顧臣有欲言而不敢言又不  
 忍言者遲回久矣人子至情終天大恨方寸已  
 亂有難收拾今不得不言輒敢泣血號呼于上  
 前臣于萬曆三年喪母家寒力薄營葬無資臣  
 麻衣草鞋獨入深山霜雪偃薄手足皸裂如是  
 兩年始買得一席之地斂容旋塋極其草畧及  
 萬曆十九年喪父不忍分塋合阡一處深山之  
 中土功難起因陋就簡取沙石以補空缺臣雖  
 身親畚鍤猶悔杵築欠堅今離家十二年乏人  
 看管草木湮沒有同丘隴月前義男來報墳臺  
 傾壞開裂有縫道不等再上二三尺便是正穴  
 之處未知的係何日又未知是山水浸灌是牧

監侵伐是牛羊踐踏皆無指證臣亦不忍追究  
下落以驚動山隣只自悲愴原欠堅固久不經  
管躡踊哭泣頭暈如輪忽然昏黑不知人事合  
家奔救良久始甦臣之病情原出于此臣豈不  
戀闕豈不愛身日夜延醫調理亦欲奏聞乞假  
但臣有千難萬難不可盡言者事干墳墓偶與  
祖陵災變相似從實奏請恐 皇上以為托辭  
若不實言臣心無由上達又恐以臣為借此求  
去昧臣本心欲姑遺胞中付之于無可奈何則

敬事草

卷一六

三二

事關父母身所從來修葺不早暴露槨棺非人  
子之情風氣日泄人口不安亦非家門之利心  
中缺處無從而補縱有良藥于何可施待斃而  
已何益之有古今諺云人被遠人呼喚則嚏臣  
日日噴嚏有連數十聲不休者明是父母喚臣  
方寸之中如同亂麻立不安坐不寧矣查得大  
明會典京官六年許請假省墓正統朝大學士  
楊士奇嘉靖朝大學士張孚敬皆係當國首臣  
曾請展墓俱蒙恩許臣憑恃恩私欲請展墓但

恐倉猝披陳未必俯亮臣心鬱而不明臣言抑  
而不行不唯加愆抑且加病謹將此一片哀苦  
先具揭帖上聞儻蒙俯照臣萬不得已之情垂  
憐臣父母棺槨暴露之苦許臣暫歸俾得及早  
擇日補築掩閉則狗馬之心少安而狗馬之病  
可治 聖心如未厭臣臣不敢不竭蹶赴闕以  
效餘忠也伏叩 聖慈必祈示許乃敢恭具奏  
本大廷披陳臣無虛一辭以負 恩眷不勝傍  
徨哀懇之至

敬事草

卷十六

三三

九月上

請停上供揭帖

三臣題竊惟目下至急之務惟在邊餉缺乏下半年尚欠發一百八十七萬十一月以後又該發明年之餉矣要在此兩三月內盡補前數各處災荒之地徵解不來戶部束手無策不得已請停免內庫買辦為此項原無加派每年在邊餉內那移今那移之計亦窮惟有上懇停免而已臣等非不知上供當急而邊情之急關係尤重只得再為之請倘蒙慨賜停免幸甚不然即

敬事草

卷十六

三四

如該部所議少寬一二年俟餉充之日照舊辦進該部又欲再借老庫銀三十萬以救燃眉本內不敢言而央臣等言之蓋又萬不得已而出此策也竊念邊軍執干戈衛社稷萬分勞苦萬分窮困先朝常于例外賞犒豈得缺其常例近日虜中動靜不比往時中外人心凜凜有叵測之憂望萬分加意將邊事急急整理勿以尋常視之以貽噬臍之悔

九月十四日

謝 聖諭揭帖

奏為謝恩事本月初十日臣因臣父母墳墓圯壞欲請假暫歸修理誠恐下情難以上達先具揭帖備陳苦悰十六日該文書官再登恭捧

聖諭到臣寓所諭元輔卿前偶疾朕已有諭調理旬日即出贊理何以省墓乞去朕覽惻然弗寧卿自講讀忠勤啟沃簡任密勿懋著勲勞純誠敬慎朕素鑒知矧災變異常正君臣交儆之時且國家多事之日卿為元輔特賴贊襄豈宜

敬事草

卷十六

三五

離朕安忍求歸宜蚤出輔政以副朕惓惓佇望至意特諭卿知欽此臣不勝感泣伏念臣以中下之材被非常之眷自筮仕至今日無時不荷生成自祖父子孫無人不霑榮渥天地覆載莫可名言體髮肌膚視非已有况茲天變頻仍之日 聖心儆動之時雖至愚極陋無所建明而效涓呈埃真其始願也緣八月間原籍義男林括來報臣父母墳墓圯壞之狀臣聞之四體若焚五內如割覺有一物擊臣首者顛隕仆地良

父始蘇自此不能頃刻安矣但時值慶辰情深戀闕再思三思千忍萬忍不敢遽塵于 至尊

之前乃今則旅夢數驚子情日迫欲不請則不能不請欲遂請又恐不得請故未上奏本而先

以揭帖誠冀鑒臣之苦有出于尋常敷奏之外 允臣之去亦出于尋常批發之外也乃 聖諭

惓惓猶以曩時厚臣之心厚臣而被飾之玉成之者有加無減誠體貌之盛節教忠之至慮千

古一契三生偶遭臣蹠讀未畢而心神慟絕葵

敬事草 卷十六 三十六

請向陽犬尚戀主物類如此人寧不知顧臣之

求假非臣之心實臣之命父母生臣臣猶在而

父母不復在矣父母不復在而丘隴在猶父母

也岍為谷而不顧賴有泚而不慙此以路人視

親烏用此子為也臣在朝言朝求去似忍於違

君在家言家不去實忍於忘親分身無術狼狽

難居第有百頓千叩感激 聖恩而已正茲陳

謝胡敢縷言臣不勝辛楚瞻戀之至

九月十六日 上十九日

奉日

聖旨覽卿奏謝朕知道了卿宜遵諭旨先國後家即出贊襄以副朕眷倚之意禮部知道

敬事草 卷十六

三十一

請假修墓疏

奏為驚聞墓圯寸腸百裂懇賜假歸省以申子情事臣仰被知遇超躡等倫緣講幄之微勞荷鼎司之重任叨逾十載躡冠群僚寵眷優隆錫予頻渥遭時遇主無如臣者曾無毫髮補報豈敢愛惜捐糜內顧私家遠違天闕但臣近有一片苦情言之似孤負恩私輕於去國不言實虧損孝治果于忘親魂慘蕩以難招心替亂而先去躊躕經月輾轉萬端具揭上聞備陳委曲未

敬事草

卷十六

三十八

蒙 慈允更勤手諭除恭疏申謝 聖恩外實係萬分不得已之事敢哀鳴于丹陛之前臣先年喪母無力營葬匍匐萬山兩易寒暑纜買一地僅如掌大負土成墳及臣父見背之時不忍別阡勉依合葬窮山僻塢難施土功培補空缺半夾沙石臣雖躬親畚鍤已抱不耐經久之憂矣頃家僮來報臺基傾圯開裂多縫去穴甚近暴露可虞臣聞之不覺驚呼號慟昏暈仆絕父母乃身所自出墳墓乃體魄攸歸前此枵築欠

堅罪已難逭今又離家十二年未遑省視不早

葺理則山水齧蝕日深樵牧踐踏日衆必至暴

露屍棺泄越風氣先靈失妥後嗣何依忠孝一

理孝有未盡則忠無可移君臣一心臣有苦情

則君必矜亮臣方寸已亂淚下不絕愁病日增

噴嚏不休無愛乎有生矣伏覩大明會典京官

六年許假省墓 英廟時大學士楊士奇 世

廟時大學士張孚敬皆係當國首臣請歸展墓

俱蒙 恩允臣今離家為六年者二而父母墳

敬事草

卷十六

三十九

圯尤前二臣所無伏望 皇上憫臣最苦難居

之情俯加哀憐准暫假省墓以廣 聖明孝治

以畢微臣情事臣意劇心悲不能擇辭無任涕

泣懇祈之至

九月二十三日  
上二十九日奉

聖旨近來國家多事卿為首輔正宜為朕分憂贊

襄忘家報國豈可堅意捨朕求去不允所請展墓

事着卿子尚寶司丞沈泰鴻馳驛代行修理卿宜

時下即出勿得再陳吏部知道

修墓揭帖

題臣昨因父母墳墓傾圮寸心割裂舊病湧發日深一日先具揭帖陳見苦情特賜手諭遣中使到寓慰留臣感激哽咽謹具題稱謝外日夜欲勉抑私衷仰酬 聖眷今又八日矣而天性莫掩真情難抑千迴萬想窒塞不通不得不再瀆 天聽臣年六十八矣旦暮之事不可預知而臣父母墓原以一棺之地強作兩穴補贖客土杵築欠堅致有今日是臣經手工程須臣親自整理不然則前已一悔今後一悔終天之恨何可償哉臣皮膚日皺如鷄腰支日削如柴噴嚏歷四五月不休遂成鼻淵豈是父生之兆雙親墳墓決宜臣自一歸臣父母之所倚注者獨臣偃卧丘隴患切剥膚臣不奔救豈成人子今天變雖多 聖心已轉應舉實政次第發行太平在日何必臣留事在 聖心幾在聖斷欲治即治欲速即速何必臣留臣處朝端真如針芥之在天地而臣父母望臣則如重圍之望救兵

欽定四庫全書

卷十六

四十一

臣老病難保又如危葉之寄秋枝權量緩急輾轉至熟乞假歸省千該萬該也臣若不顧深恩而但圖已便得已不已則 九廟神靈亦當殛臣即臣父母亦當殛臣臣心亦有神靈亦當殛臣實乃事出不料勢在攻心命之使然非心之欲然况臣止是乞假未敢便言長往儻天命寬臣則此身猶國家之身也久羈長愁想殺悶殺此身亦非國家之身也亦宜權量輕重置臣于可生之路尤愛臣之大者也謹具奏于大廷之

欽定四庫全書

卷十六

四十一

前伏乞即賜 批允請假與告病不同固請恐滋煩聒又祈不發閣票二臣雖甚憐臣緣係同官有難下筆也臣不任哀籲之至  
九月二十三日

回 聖諭揭帖

三臣題今日文書官傳出 聖諭諭內閣朕覽卿等奏揭鎮撫司見監犯人上請特恩具見體悉敬慎且各犯非為礦稅羈囚原因衆官不顧君臣大義只圖要譽市恩擗扯瀆激故致遲緩處分今災變異常正修省之日既卿等懇奏前李楨國所開監犯王官等俱送法司擬罪具奏內犯牛雲鵠等都着解送錦衣衛監候發落不許踈縱犯官華鈺等俱姑着革了職為民不許

故事草

卷十六

四二

朦朧推用以昭朕仰體 上天好生 祖宗仁

愛誠意卿等傳示遵行諭卿等知欽此又奉

聖諭諭內閣朕覽卿等屢奏戶部急缺邊餉數多朕豈不知邊關緊要寒苦但宮中進賜費用比與先年不同故增買辦銀二十萬兩內帑尚不足關支今加礦稅銀兩協濟支用卿等為朕輔弼股肱亦宜體悉朕意其買辦銀俟有積餘盡數停免還着或動老庫或馬價銀兩內可借支的作速給發毋得遲延待催徵拖欠銀兩補

給卿等傳示遵行諭卿等知欽此臣等捧讀仰見 皇上寅畏天變修行實政舉手加額口呼萬歲者三蓋愁腸一開不自覺其手足之舞蹈也伏念繫獄諸人困苦已極天下無不哀憐一旦放之傳播道路何但二三縲囚臣等亦得施面目以見天下士大夫也惟是四海九州仰望如天之澤出之水火之中者不止此數人誠一推廣此心使人人無向隅之泣亦不過一舉之間而已至于庫藏錢糧臣等豈不知近日進賜

故事草

卷十六

四二

繁多不比往昔苟使戶部稍可通借民間稍可支吾敢不仰體 聖意無柰財之入孔止有此數自有買辦以來太倉進過五百餘萬彼盈此虛邊餉安得不缺財之出孔亦止有此數自有礦稅以來民間不知將幾百萬填補溝壑拖欠安得不多戶部不得已而請停免買辦又不得已思借老庫即臣等前揭亦議及此近訪得老庫之積今止存五十萬即太僕馬價屢借不還寺臣爭執如割已肉此等通那總非良策滿目



災傷從何追補既奉 明諭臣等當與諸曹且  
救眼前再作區處耳竊觀近日缺官漸補稅棍  
漸除冤濫漸釋而比者客星猶復告肯占在燕  
分夫客星者賊星也占家之所最忌也占在燕  
分則至迫矣意者天下之所最苦而天心之所  
最屬望者尚不止于前數事乎伏望 皇上于  
根本緊切處一大轉移則無有急于罷礦稅者  
為泰為否惟 聖明裁擇

九月二十五日上

敬事草 卷十六

四一

再請修墓揭帖

題臣於二十二日具奏為驚聞墓圯寸腸百裂  
懇乞賜假歸省以申子情事又因奏詞踟躕未  
足以盡臣意另具一揭隨本同進今既數日未  
奉 聖諭五內如灼何勝懸跂念臣乞假省墓  
與告病不同病者有時而愈愈則可無請矣若  
臣情事至苦且急無可中止之理又非可使人  
代為之事臣之二揭二奏淚出痛腸殆滿一斛  
伏惟大孝錫類至仁體物冀垂俯照敢復再揭

敬事草 卷十六

四二

恭請 恩命臣之初營塋地止一棺第以合塋  
為心勉強分為兩穴局勢逼促殊多補鑿又南  
方地薄塋淺不深今也不幸至於發洩定須臣  
經手營造之人方可為下手補葺之計而臣老  
矣恐一旦溘亡即抱終天之恨為不孝之鬼夫  
臣子一心忠孝一道不稱孝子安稱忠臣何賴  
此不忠不孝之臣而容之于朝乎臣入仕三十  
七年犬馬筋力銷鑠已盡今衰殘望七而尚有  
人子不了之事不可委托他人徐待來日烏鳥

私情莫此為切在廷少一臣不過滄海粒粟而臣父母九原之下不可無臣不啻飢之望食寒之望衣震風凌雨之望屋廬臣棄不顧大非人理伏冀憫念臣父母以念及臣賜之俞命容省墓一行訖工之後若未即死尚可趨赴闕廷酬報鴻造也恭候親斷早允幸勿發閣票擬二臣同官難以下筆恐妨臣請臣不勝涕泣哀鳴之至

九月二十七日

敬事草

卷一六

四一六

再請修墓疏

題臣屢承恩命溫渥繾綣極宜遵奉何敢再瀆但有不能不言者伏望宥其萬死俯垂清聽臣子泰鴻尚未敢謝恩日日抱持臣身悲號躑躅臣已老病儻一旦不可知亦不忍遣之去蓋臣親之墓若止經營一節臣已差義男先回矣必欲修葺非臣不可臣子雖去無益分毫也

慈旨本為省臣憂念但臣父子處此更增一番苦楚生離死別併在心頭欲奉不能欲違不敢

敬事草

卷一六

四一七

連日草奏草揭屢作屢止不能成一字必臣與臣子同去乃克有濟伏望大發慈悲拯救之心賜臣一假上自父母下至子孫皆受無量恩德也臣子因此亦感病註籍尚俟後命臣非敢抗違明旨孤負恩知以家為先以國為後實是萬不得已情昏神恍言不盡意臣無任悲涕之

至閏九月初七日

三請修墓疏

奏為恭承 慈旨冒罪再陳懇回 聖衷俯俞  
哀乞事臣以臣父母墓圯求假歸省凡三次揭  
帖二次謝疏一次乞疏六干 聖覽矣奉 聖  
旨近來國家多事卿為首輔正宜為朕分憂贊  
襄忘家報國豈可堅意捨朕求去不允所請展  
墓事着卿子尚寶司丞沈泰鴻馳驛代行修理  
卿宜時下即出勿得再陳吏部知道欽此又以  
同官朱賡具揭伏蒙特遣宣諭臣何勝感激何

疏五五 卷一六

四十八

勝慕戀恭惟固留臣行又深卹臣私而曲處臣  
父母之事尋常想不到處悉以慈衷想到至于  
為朕捨朕之旨木石心腸亦當感激而臣子泰  
鴻么麼稚子特辱馳驛之命尤推恩異典自來  
所無者舉家捐糜莫酬弘造臣敢復有所祈哉  
然自命下以至于今臣父子日日抱頭痛哭雖  
三尺童稚莫不慘淡傷情滿地淋漓幾成溝壑  
則真性難昧深悲難遣有不自知其所所以然難  
以言語形容者臣十年唯諾于上前雖有休致

之請而猶勉強承事誠報國而忘家也今豈以  
家事先國事哉天心仁愛 聖心祇惕日覩新  
政次第發行事出宸衷之密移非關臣下之贊  
助固無須臣之留也臣所獻替不能于廷議之  
外更添一辭技亦止此又無須臣之留也若夫  
修理親墓必須臣經手之人方可下手而臣子  
年少未諳諸務堊法多忌尤難鹵莽此一行也  
明知其無益于輕重之數矣臣乘國家之間暇  
而以藟裡掩親惟此時為然非敢為家而忘國

故事草

卷十六

四十九

也昨奉 明命本出體悉之至愛然翻增臣一  
家之苦情地下父母之急難未遑手援而眼前  
父子之別離早已腸斷臣年迫日暮百病攻身  
全賴臣子在傍相依為命一旦南北誰饋誰藥  
更有意外于誰囑付原在家鄉亦宜呼喚前來  
原在身畔豈能遣發遠去無益于臣親之毫釐  
而先妨于臣身之萬分臣子見臣病勢不常所  
以徬徨無計徒依依孺慕而仰天號泣也伏惟  
恩慈既恤臣私出于常格之外則臣父子含茹

難言之情亦何憊縷披陳冀再回照敢乞推  
廣孝治自臣家始特賜暫假一行以畢終天大  
事臣得與臣子泰鴻同行扶持有人免棄道路  
則臣一家自父母及子孫皆終始于大造中也  
臣不勝恃恩固請萬萬祈天傷心哀苦之至

閏九月初七日奉上

聖旨朕以卿孝思懇切特命卿子馳驛代行此乃  
曲體人情忠孝兩盡之道有何不便必欲捨朕而  
去父子既難暫別君臣獨可遠離卿平生自許何  
為今日擔當何事而可恣然如此朕必不能從卿  
徒言無益便宜亟出毋傷朕心吏部知道

敬事草

卷十六

五十

### 楚宗變亂揭帖

三臣題臣等接得湖廣巡按吳楷揭帖內開楚  
王進助大工銀兩至漢陽縣被惡宗數百提刀  
劈門細綁解官盡行劫去本府通判等官擒獲  
三十二名并賊銀二千九百餘兩閏九月初五  
日惡宗二千餘人各持克器突入撫院將副使  
周應治竇子偁俱毆重傷將巡撫趙可懷登時  
殺死搶去劫扛盜宗等因臣等面問承差口稱  
可懷家眷已歸止有一子在傍混逃不知下落

敬事草

卷十六

五十一

周副使赤剝亂打生死未審各惡仍圍困布政  
司要劫庫銀縱橫城中肆行搶掠楚府不知消  
息巡按出巡在荊州聞報即馳歸省城本係荆  
州發行克焰薰天恐即據城造反惡黨繁多途  
中搜檢劫打承差亦難行也臣等聞此不勝驚  
駭竊惟楚人輕剽好亂本難撫治而楚宗蕃衍  
武昌城中有三千餘人雖多善良實繁凶暴撫  
按以皇家支派不敢施法若有舉發止是啟王  
戒飭而楚王近以華越之誣身且被辱安能鈐

人此輩目中既無撫按又無楚王復何忌憚是以劫扛搶獄甚至手刃鎮府旁及憲臣尚可道誅乎今彼處情形雖未盡悉要之必不遽靖蓋其積漸然也惟因假借過優是以釀成大惡巡按職在澄肅正宜大振紀綱豈得顧忌宗室猶有假借捕治何疑但衆勢方熾不易為力宜先且發 嚴旨又即補巡撫刻期到任一面着各兵備集兵協擒庶幾有濟若稍緩時日恐其滋蔓益難圖也趙可懷前因民變特選以去今不

故事草

卷十六

五十二

保其身則繼此以往者非雄略長才文武具足之人不可乞亟下廷臣會推嚴限星馳赴任其河南鄖陽二處皆與楚地接壤臣等屢請早點撫臣正慮此等不測今恐凶輩散漫難捕又恐聞風響應伏乞并賜點用以示彈壓之重各處巡按亦乞并賜遣用以昭憲紀之肅其兩司之中兵備尤要承平日久不無翳冗宜令吏部特加妙選或更調以資實濟此皆目前切務臣等已恭票上惟 聖明亟行之又查湖廣巡撫原

非軍門無兵可恃即有民快數人豈敢輕犯宗室征播之時曾暫設偏橋總兵事寧已革故人無憚懾亂者屢矣自今以後縱不設總兵而巡撫下宜置標兵二三千以為羽翼倘嘯聚不鮮據城阻命或逃迸山澤出沒為寇則勢不能不用兵容臣等相度時宜再加擬議也大抵今天下非無事之時比者太白晝見翼軫分野正當楚地然尚未沒深可憂念伏望克謹天戒大收人心則以至仁伐至不仁誰敢不服再照趙

故事草

卷十六

五十三

可懷原以安楚特遣未有所酬近因三考加銜亦是常例今死王事相應優卹惟以特旨賜行臣等不勝戰慄之至

閏九月上十四日

論功難封揭帖

三臣題昨日文書官傳示 聖諭仰見嘉獎軍功激勸後來至意正臣等所久欲贊襄而不可得者敢不祇承隨於本日出閣時到朝房內約同兵部官虛心面議俱說平播一功開疆展土奇勲懋績誠如 聖諭委應從厚陞賞惟是徧查舊例如宣德九年平松潘功總兵官方政止加陞左都督成化三年平都掌蠻功提督程信止加兼大理寺卿萬曆二年平九絲蠻功巡撫

故百立

卷十六

五十四

曾省吾止加陞侍郎總兵劉顯止加陞都督同知此皆四川最著軍功並未有封侯伯世爵者若近年總兵官李成梁封寧遠伯則遼東虜功與苗蠻功不同又係積功累級歷十數年而後得非以一次大功便與封爵且成梁係一身獨將非有二三同事也今播功雖大而在事各官有一總督三巡撫五總兵俱同功一體之人衆擎易舉之事槩行封拜人將謂之濫擇一特加人又謂之偏以故衆議謂封爵未甚合例衆功

難又盡封不若于原擬陞賞上各加優厚使與者受者于心皆安臣等擬議再三竊謂文臣中調度忠勞總督為首武臣中行間血戰總兵為首將督臣李化龍原擬加太子太保今改擬加少保原擬世廕指揮僉事今改擬指揮使總兵劉綎原擬復官陳璘原擬加右都督今俱改擬陞左都督仍將原廕副千戶俱改擬指揮使馬孔英降虜起身吳廣李應祥武生起身原擬嚴陞職級今改擬世廕正千戶郭子章江鐸等俱

故百立

卷十六

五十五

于原擬量行遞加夫文官至少保已列公孤之尊武職至左右都督可稱侯伯之亞而廕至揮使世世承嚴與國同休抑又隣于勲爵之崇似此恩典極為優異近年寧夏朝鮮松山諸功皆未有此足以播之青史諱之外夷傳之天下後世為不朽之大業昭代之盛舉矣臣等謹遵旨一一改擬并發下前票一併進覽如 聖意必欲議加封爵則事體重大條例未備臣等既難定擬須下五府六部九卿科道官廷議但恐

衆人意見不同人心忠奸難測或因此吹毛求疵爭長競短使朝廷一場好事諸臣一番大功反增一段話柄有傷全美語云築舍道傍三年不成此言雖小可以喻大以臣等愚見言之如前改擬庶幾公典輿情兩得其當况文武諸臣之待敘者已五六年猶大旱之望雲霓但求速得不論多少陞賞若速則感荷眼前之光寵即稍從減省人必不以為薄萬一再遲則滋多日久之熱中即較前特厚未必便以為恩此固公

論所同然而實激勸一關係也恭候 聖明裁

定施行閏九月初七日奉

聖旨朕覽卿等奏揭改票議加封爵條例未備今播功雖大而督撫總兵衆多世爵難以盡封文武李化龍等俱擬加陞職廢具見恭敬忠順仰體朝廷優恤開疆展土血戰之意朕已知悉依擬即行卿等為朕輔弼股肱朝夕贊襄運籌調度勲勞茂著當有恩賚勸酬擬諭來行不顯天朝武功毋得遜讓推避特諭卿等知之

討亂宗揭帖

三臣題臣等昨暮出長安門接得湖廣巡按吳楷書揭因面問承差巡按在承天府調兵候旨進討城中賊黨縱橫城外官兵圍守御史尚未知新巡撫之命殊違違也二疏之外又有揭帖疏投通政司封進矣揭帖臣等謹封上覽逆宗出榜約以二十二日舉事今不知若何榜中之詞無狀特甚反形大著王法必誅朝命多停一日則逆焰更張一日寧急而促之勿緩而縱

敬事堂 卷一六

五七

之料新巡撫梁雲龍此時可到任行事矣賊氣必奪但武昌城中焚劫之禍楚王宮中儆戒之嚴不知今何也楷疏有云若所以敢于恣肆不道者不過恃為 陛下親屬刑不能加法不能禁理不能諭勢不能格此實骨髓至論惟令有司必行朝廷之法以法勝恩然後可以明上下之分折亂逆之萌其榜中云順流而下坐鎮南京可恨殊甚故近日廷臣諄諄題請各處整飭兵備意正慮此諄諄題請各處填補撫按意正

為此伏乞留意 皇上作主則大事亦小處置  
不難若不留意則小事能大處置難矣臣等凡  
可與各衙門商量者不敢不盡但本惡肆出榜  
文謀反已真御史方候 旨進剿恐失事機請  
發一特諭天威震臨人方盡力不然恐其猶礙  
宗室二字畏首畏尾養癰成疽流毒愈大也惟  
冀即賜裁發施行謹題以請

十月初三日  
初五日奉

聖旨朕覽卿等奏揭及御史稟帖逆宗出諭無狀  
特甚反形大著仍捏假王之意王法必誅 祖宗  
法度治國安家既係強劫叛亂何論宗人且楚省  
遼澗逋逃衆多討惡安善務保萬全朕已知悉諭  
卿等知

諭兵部都察院朕覽湖廣巡按奏報楚宗崇仁輒  
敢聚衆強劫王楨戕傷撫臣今又肆出反叛榜文  
好生悖逆着本省各官上緊發兵擒拏鄖陽江西  
河南撫按兵備南京兵部操江等各相機發兵協  
剿毋得顧忌觀望養成大釁一面榜諭各宗及城  
中軍民毋得畏懼朝廷討除惡人正以撫安善良

不許濫及傷害馬上星馳與他每知道



請官糴救荒揭帖

三臣題臣等竊惟楚宗為亂因素恃天潢一派謂朝廷必相假借有司無奈我何憑驕逞兇以至于此 皇上特諭擒拏國法既昭羣力可效矣惟是輦轂之下畿輔之中直到河南山東一路滿目饑荒盜賊出沒南來北往皆云旦夕難保頃楚中賫本承差亦被二次打劫窮民嘯聚比之宗室尤繁而畿輔近郊又比江漢為切臣等之憂甚于楚事也 皇上因在京霖雨特發

欽此

未一六

六一

太僕寺銀十萬以賑當時各官欲儘銀分散惟老成長慮者謂畿輔皆災太倉罄竭宜奉 聖諭查極窮下戶賑之而留六萬有餘以為預備既而果有煤戶告急分此散賑歡聲如雷咸戴聖恩呼萬歲矣今薊保撫按屢次請賑戶部乞此六萬以分賑之誠宜早發蓋太倉如掃戶部少以邊餉為急無可發賑而又不取輕請內帑以緩時日計出無聊不得不爾雖六萬餘兩所濟無何庶以為遏亂銷萌之助耳然尚不足也

臣等竊謂當責成薊保撫按即將此銀作本便宜行事各差官四出販糴以求饘粥之資又恐錢糧無虞官販有限尤宜招商通市庶幾所濟益多而山東河南浙直江西湖廣各撫按亦宜以陵京社稷畿輔根本為憂效忠君愛國救災卹患之悃多方設法移粟前來但到八府境內災民亦有一濟顧非明諭鼓舞之諸司必不敢輕動錢糧而擅為格外之事也更有喫緊者焉則稅使是已 祖宗設關津諸稅惟米糧無稅

敬事草

卷十六

六一

農具無稅今以 聖慈尚發糴本以拯指瘠之民諸稅使皆當隨其力量出心協施上以為國而下為其家使桑梓猶存亂虞不作儻猶越格廢令以抽稅留難之是助天為虐而阻壞大事大罪也望特加禁止疏通轉糴支持冬春以至麥熟是社稷生靈之大幸

七月初上

辭播功敘賞揭帖

三臣題臣等竊惟播功數年未行敘賞中外之人頓生疑議茲蒙傳諭欲加封爵始知所以體悉戰士報答勲臣者甚厚群心盡慰群疑盡忘臣等亦得釋其慙責幸甚第以令甲當詢衆議當訪故昨與樞臣再三斟酌寧各遞加等數不敢侈駭見聞也伏蒙俯採如票允行使臣等又得守其常職幸甚今蒙恩旨欲賚及臣等聞命震惕若無所容此一功也上而廟社威靈

敬事草 卷十六 六二

奏以聞 七月初七日

救荒二揭

三臣題竊見今年災荒異常幾輔尤甚流離滿路盜賊橫行根本可憂消弭無術戶部請將秋間所發太僕寺賑濟京師餘剩銀六萬兩給蒞仔巡撫以救目前垂斃之民臣等猶以為未足因推廣此意于初七日謹擬諭旨一道上進事關民命至亟至重憂在蕭牆至迫至切死生判於呼吸變亂藏於目前非可視為尋常文書可行可止可速可緩之事也從古天下之亂起於盜賊盜賊之作起於飢荒昔人一遇饑荒發廩出帑無所吝惜但今太倉苦於邊餉欲發而無可發內帑係於上供欲請而不敢請四顧躊躇莫可措手惟賑餘六萬其銀見在其事易行故臣等乞分發蒞保令其收糶以充糜粥之資示朝廷之德意使民有所繫戀而不至動搖聊為官僚之率倡使人有所感發而共為振救亦庶塵耳豈便濟事故更責成二處撫按許其便宜那借多方區處或差官收糶或招商出糶又

敬事草 卷一六 六三

責成各省直撫按欲其自獻忠猷共救根本移粟通商至於舊制但係米豆粟麥通不許抽稅攔阻况今救荒大事則經過關津自合申明此意非欲盡蠲他物一切不征之謂也蓋米價既高徵稅若重則商賈折閱誰肯出途雖官府曲加招徠終無應者故必朝廷明示此意然後天下商賈肯來耳臣等雖竭慮極思夜思旦行猶恐無裨于極溺救焚而今猶泄泄延緩彼展轉溝壑者何能忍死相待揭竿斬木者豈不攘臂爭起乎此臣等所謂至危而至急者也謹再以前所擬 諭旨一道上進并為催請臣等方草此揭又接戶部揭帖為饑民日聚日危荒政愈遲愈急等事臣等讀之萬行淚下非為百姓憂實為 皇上憂切膚之災一至於此剖肝之論何可不從伏乞將告荒諸疏盡數批發講求無策之策以免傾亂之階伏候 勅旨

十月十三日 上不報事雖不報而予與司徒行之故其歲餘而不憂

總河交代揭帖

題伏蒙發總河李化龍本擬票竊惟化龍丁憂已逾四月久留未代使子道有虧旅櫬不歸禮廢教弛非盛世所宜有而河道一役必有總領之臣然後其患可息其利可興蓋雖堯舜在上不能遙斷水事必使伯禹胼胝遲之歲月以責其成功今所推李三才黃克纘曹時聘皆可用之才望 簡命一人庶令大事有托不至妨廢明歲之漕

八日 十月十日

敬事堂 卷一六

六五

叛宗造言闡揚 聖政疏

奏為叛宗狂逞造言義當闡揚 聖政昭示罔極因祈迴避嫌疑以光天討事該湖廣巡按吳楷報楚宗蘊鑿等作亂情形內有告示欲殺假王下南京又有刻榜歷數撫臣趙可懷黨助親王以假作真又妄指該藩行賄于 皇上又偽捏撫臣與臣書及偽傳文書房索賄等情臣惟蘊鑿之罪上通於天不為蘊鑿所訾豈復為人本不足辯然 皇上昭雪假王實彪炳千古一

敬事草 卷十六

二十六

大 聖政也反誣為賄臣實痛心胡可不明言以宣颺之所以及臣為臣在耳夫討罪天下之至公也何必臣在惟聽臣去則天討益光而奸心愈服不獨區區全臣名節而已也初華越疏至 皇上一覽即云三十年王豈可說假夫告妻証何足憑信此中外所共傳聞不待會議而始發者也 聖心既久定而不移宸斷又至公而不爽群臣于此有對揚之不暇耳趙可懷在遠安所黨助為哉至于臣時正乞身闔門不能

出入 綸命比至見朝事已大定又何庸臣黨助也今偽捏可懷通臣書不知作何語不過以賄讎臣耳夫蘊鑿之奸尚敢以賄誣 至尊則其汗臣何有尚欲殺親王下南京則其讎臣又何有獨念臣今而不言則煌煌 聖德為奸徒節蔽而天下萬世何繇聞知耿耿微臣身蒙貪昧隱忍之名矣又何以恭贊天討哉御史疏中言七國之叛借言鼂錯盖念到此矣臣用是颺言于朝一以表 皇上昭雪楚王臣下莫贊一

敬事草 卷十六

六十七

詞臣尤無能贊一詞一以表臣才謏德庸無能增重朝廷而鎮安反及宜早罷去伏乞將臣賜罷俾無預楚事而公與在廷之臣議兵進止評罪輕重則嫌疑既絕而大公益昭 聖政愈光而羣心彌肅矣

十月二十二日奉

聖旨自古奸人謀叛無不假借事端肆言誣讎以圖煽結人心抵飾已罪何所忌憚昨年楚府一事朕心原自了然及下廷臣會議亦皆僉同朕乃從公裁決與卿何干卿廉正忠謹朕所鑒知據奏不

求自明而務宣賜大政傳信方未甚得大臣之體  
軍機至重尚須專精帷幄以贊 廟謨何必引嫌  
求退所辭不允該部知道

故事草 卷十六

六二八

回 聖諭揭帖

題萬曆三十年二月二十一日該吏部接出  
聖諭朕惟行取科道待命日久况各差缺多妨  
廢政務你部院屢次列名擬職朕已具知可着  
即到任管事仍具本題知欽此欽遵除見在各  
官授科道外有同選吳道行沈鳳翔汪若霖朱  
一桂陳嘉訓擬為給事朱燾喬允升擬為御史  
適各丁憂未授至服闋趨朝該吏部具題未蒙  
俞旨又有同時行取而至今候考熊鳴夏周曰

故事草 卷一六

六二九

庠蕭淳等三人亦未蒙 俞旨又萬曆三十一  
年九月二十日臣等奉 命將辛丑科庶吉士  
考試散館除留授翰林院官外有王元翰呂邦  
耀曾六德袁懋謙擬為給事宋燾王基洪陳宗  
契馮奕垣擬為御史該吏部具題亦未蒙 俞  
旨竊惟行取之命茲已七年及奉允授之諭亦  
已三年辛丑庶吉士作養三年及奉散館之命  
亦已年半此皆昔時隨請隨俞者而今遲延至  
此朝廷培植人才欲其奮精鼓神以肩任天下

之事士子觀光上國亦欲乘時効力以畢靖獻之忠而取之如異才置之如散木居諸空閱一無補報之階人壽幾何堪此淹滯之久切為數臣惜之且同行取也同一館選也已蒙錄用者或直金門或按所部得以奉恩光效尺寸矣而獨此數臣未沾一命昔人譬為滿堂讌笑而有一人馬向隅涕泣則滿堂為之慘然不樂此不獨數臣之悲亦衆人之所共悲也 皇上如天雨露豈有偏遺既嘗錄用乎彼必不厭棄

敬事草 卷十六

乎此特一日萬幾未遑省察耳履長之慶師濟克朝拔茅彙征正惟此際臣等若不為言何人當為之言故敢激切上請為諸臣計乃為國體計也望賜 俞旨勅下吏部查照施行十一月初六日

聖母萬壽請受賀揭帖

題昨接禮部揭帖為恭遇 聖母六表誕辰恭請 皇上臨朝受賀以光孝德事臣等竊惟萃萬國之歡心以事其親古所稱聖天子之孝也本月十九日恭遇 聖母慈聖宣文明肅貞壽端獻皇太后萬壽今旦乙巳之新曆 既頒甲子之周天斯屆 皇上至孝性成色養具備聞近日宮中頌祝駢繁禧事絪縕歡忭之聲既四徹于邦域矣獨惟臣等限於禮法無由一展舞

敬事草 卷十六

蹈之誠如獲仰瞻 聖顏致詞稱賀臣子區區忠愛孝敬之意亦庶乎可以少盡故禮部請是日 皇上御文華門又復請 御文華殿據典禮而言亦合群情而言也 皇上因奉親之大孝修視朝之曠儀可法可傳盛典盛事伏乞俯賜 俞命令臣下齋潔祇候十一月初二日

推管察等官及巡按揭帖

題國家之制凡己亥年吏部都察院合兩京六年官員而大考察之明年乙巳正月及其期矣期日已迫而未有專官如吏部當有尚書及右侍郎與考功郎中今左侍郎楊時喬懇以為請如都察院當有掌管河南道印信御史七月內都御史溫純以御史吳達可請已得賜允但吳達可從江西巡按入京復 命例有回道一旨尚未蒙發何敢管事伏冀 皇上俯允庶令察

故百立

卷一六

三二

事有着臣等又惟國家設立御史巡行天下欲其秉憲肅紀察吏安民小大之事無不周到以為非絕私務公而聚精會神不可故不許帶一家眷即音信亦斷絕不通其事權雖尊而拘束亦甚其應接不暇而精力易銷止可一年一換非宜久留不代也今報滿而未代者甚多如浙江吳崇禮蘇松馬從聘河南方大美陝西黃陞甘肅楊文范山東嚴一鵬淮揚高攀枝廣東林秉漢河東曾舜漁山西汪以時四川李時華應

天曹楷廣西沈裕或鬱久而卧病或病久而溘亡豈惟拂于人情實乃大妨國事故各差御史紛紛日來告代甚至告病甚至棄職竟歸不復顧官者夫御史職任也而厭棄之如此人情亦大可見使士夫有輕朝廷官爵之心誰復為朝廷出力而朝廷何以成 至尊哉故臣等切願皇上將各差本章以時賜發然後天下巡按皆行實事而不為虛設朝廷有所寄托地方有所倚賴即如近日湖廣之變若非巡按吳楷在則

故百立

卷一六

三二

馳奏無人討逆無人而一方岌岌乎殆矣國家血脉所係不宜使之擁遏不通也伏祈俯採而大加之意

十一月十日

聖母萬壽入賀揭帖

三臣題本月十九日恭遇 聖母慈聖宣文明  
肅貞壽端獻皇太后萬壽聖旦律應黃鍾時迎  
長至六十歲之花甲方此一周億萬載之桃觴  
從今伊始豈直合宮之慶實惟率土之依仰惟  
皇上純孝因心至誠建極袞衣五綵老萊之娛  
于膝前玉食萬方虞帝之養以天下寶婺叶齊  
天之福璇宮覃愛日之懷臣等備員近輔目覩  
熙辰舞蹈惟同欣騰尤萬竊以常年祝賀惟恭  
敬事草 卷一六 三四  
詣慈寧宮門外拜叩乃于今日似難循常雖至  
敬無文未有報乾坤之加禮而中心誠喜實懷  
依日月之薦情擬于是日恭詣慈寧宮門行五  
拜三叩頭禮以祝 聖母萬壽隨詣仁德門  
行五拜三叩頭禮以賀 皇上奉 聖母萬萬  
壽續周室思齊之雅如再咏于詩篇修漢宮長  
樂之儀永有聞于史冊 七十一月上

回 聖諭揭帖

三臣題今日欽奉 聖諭諭內閣昨朝謁 聖  
母面奉 慈諭云予今六十延齡寔乃 祖宗  
默佑洪庥爾純誠孝養所致嘉悅弗已奉先殿  
祖宗神位前欲遣官行祈謝之禮以伸予敬感  
之意朕欽承 慈命親恭詣內殿行禮合用告  
詞及脯醢果酒卿等撰擬來行諭卿等知欽此  
皇上恭奉 聖母茂享遐齡感念 列聖洪恩  
躬申祈謝仰酬 祖德益表孝思臣等謹撰擬  
敬事草 卷一六 三五  
內殿告詞一道進呈其中不稱 聖母徽號者  
在宗廟則禮然也伏惟 聖明裁定施行所奉  
御札一道尊藏閣中謹具回奏 八十一月上



回 聖諭揭帖

三臣題今日文書官傳出 聖諭諭內閣覽卿等奏揭恭遇 聖母六表誕辰請朕臨朝受賀以光孝德具悉忠愛孝敬心甚嘉悅朕惟 聖母鞠育隆恩感戴無極自頒新曆以來慶忭弗已至日亦欲御門顯揚君臣頌祝但朕日前恭謁 聖母陞座躬率后妃嬪御并皇太子諸王公主及合宮六局女官內官祝壽行慶賀禮祇奉 慈諭面傳爾純誠孝養予心嘉悅惟欲簡

敬事堂 卷一六

三六

便節省勞煩其慶賀宴享諸禮俱免朕欽承面諭敬遵傳行思得 聖母免行慶賀諸禮朕豈宜臨朝受賀御門暫免卿等傳示禮部遵行特諭卿等知之欽此恭惟 皇上至仁建極大孝尊親養以萬方躋于上壽不惟 皇上一人之大慶實乃臣等與九州四海之同歡區區下情滿望 皇上臨朝受賀以少伸群臣頌祝之敬光昭九重慈孝之全乃 聖母鑒 皇上之純誠不以繁縟為禮 皇上奉 聖母之慈訓

惟以養志為先欽承 面諭傳免慶賀諸禮

聖母之謙德愈增壽考之光而 皇上之至孝亦超儀文之外也臣等謹欽遵傳示禮部遵行聖諭謹尊巖閣中以垂永久但萬年大慶不比尋常臣等私衷無能自己臣一貫臣鯉臣賡恭詣 慈寧宮仁德門各行五拜三叩頭禮已經另題謹回奏以聞

十一月初九日

敬事堂 卷一六

三七

吳御史回道及七差揭帖

三臣題臣等于本月十二日具揭因京察在邇都察院例該有御史一員掌管河南道與吏部吏科共主其事已經欽定差吳達可矣但本官回道尚在候 旨不敢遽任今該都察院又題伏乞允其回道管事庶可責令到任料理考察臣等又惟天下各巡按差滿者多至十三處該都察院于十三日具題因御史缺少先題七差亦未奉 旨此誠四方安危所係難以久滯久

敬事草

卷十六

七十八

缺臣等身叨輔弼憂樂皆同心實惶惶亦望統

賜允發十一月二日

催章奏揭帖

三臣題比者恭遇 聖母萬壽聖旦 皇上躬修孝養之禮一切章奏多留未下中外臣工不勝瞻望臣等竊惟 聖母之心無一日不周于天壤存于宗社孝經謂德澤加于百姓廣愛行于四海乃天子之孝伏冀加意而率行之以承聖母之歡心臣等此月之內有揭帖數通不知曾徹 聖覽否輔職在身憂慮在心爰此遑遑萬非得已伏乞採納允行并將各衙門章奏時

敬事草

卷十六

七十九

賜檢發施行十一月二日

請留温中丞揭帖

三臣題竊惟明年正月當大察京官吏部都察院其專職也今都御史温純上疏告病既非其時又况本官素秉公誠衆心信服方今國家特為楨幹安可聽其自便伏乞將純疏親賜批留或發臣等擬票上進以隆大臣之體以重京察之典十七日二上

敬事堂 卷十六

八十

察近請下管察本章揭帖

題竊惟國家六年一次京察乃最大彛典不可輕忽凡從事于此者孰敢不盟誓天日夙夜黽勉以幸無罪若委任之不先詢謀之不周而至子倉卒受命苟且了事伊誰之尤臣等不能逃其責矣今去察期止一月耳歲除歲首諸務倥偬又多假日中間循常奏事能幾何時而猶此稽遲必致擔誤近者都御史温純兩次請告未蒙賜留河南道御史吳達可累題回道未蒙賜

敬事堂 卷十六

八十一

允即吏部侍郎楊時喬疏告考功司郎中劉一焜推補皆未蒙發該部院吏科及該道御史敦請之章前後相繼臣等亦既兩揭矣憂懼實深計無所出安敢避冒干之嫌而忘再三之請乎竊惟此數日內發票之本亦多仰見 皇上勤勞萬幾未嘗少懈但過詳慎未沛然耳純與時喬等各以察事重大有難輕任謙讓未遑亦其小心之義 皇上正宜委任而責成之也黜陟幽明虞廷重之若闢因循之端滋鹵莽之漸使

賢者受枉而不肖者倖逃為清朝之累不小惟  
乞俯納瞽言亟下 明命促諸臣上察管事二十

月初三日  
上

敬事草 卷一六

八十三

管玉牒揭帖

三臣題照得玉牒開館今已數年臣等日夜催  
纂而天潢之派比至十六萬位加以世系名封  
數多不可勝計纂修缺人見在止有少詹事楊  
道賓一員臣等題請將國子監祭酒蕭雲舉同  
管纂修未蒙 俞旨今有南京吏部右侍郎葉  
向高原係翰林院出身見在考滿進京留用尤  
便伏候 命下將葉向高改禮部右侍郎蕭雲  
舉陞詹事府少詹事俱兼翰林院侍讀學士與

敬事草 卷十六

八十三

楊道賓同管纂修玉牒專精上緊刻日進呈其  
校對年深有勞官制勅房辦事大理寺左寺左  
寺副章伯輝應與加陞二級仍留在館供職大  
理寺左寺副孫能傳應陞部屬敘用俱乞 勅  
下吏部查照施行臣等未敢擅便謹題請 旨  
十二月初  
六日上

請留用葉少宰揭帖

題臣等看得南京吏部右侍郎葉向高存心忠實學術平正本係翰林出身誠將來可以大受之器見今考滿進京畢事即當回南矣莫若因而留之可得其用本官昨蒙點陞南京禮部尚書已票未下 聖鑒煌煌既洞知其為真才目下京察吏部尚缺右侍郎即禮部亦缺右侍郎本官資望皆屬相應俱經廷臣會推本在御前伏乞即賜檢出點用最為便益臣等今日以玉

故草草

卷一六

牒纂修缺人亦欲留彼管理惟復准臣等之請

留濟急用薦賢為國不敢有私也

十二月初六日上

請留楊少宰揭帖

三臣題昨日文選一司官到臣言本部成規每遇雙月有推陞考選揀選急選等事最為繁冗今堂官告病未出煩乞轉請于 上前等因臣等竊惟吏部左侍郎楊時喬清修敏練克勝厥職偶感告病允宜慰留銓堂獨此一官安可一日虛曠大選月分諸務鱗集窮冬盛寒尤宜體悉况明春京察逼近尤當早為料理楊時喬告病本及其題請等本特賜 溫諭或發臣等票

敬草草

卷一六

擬恭候裁發庶銓堂得人

不悞選察等事

十二月初八日

回 聖諭揭帖

三臣題昨日文書官趙金捧出 聖諭到閣諭  
內閣朕覽卿等奏揭國家六年一次京察乃最  
大彛典不可輕忽且時日促近缺官恐有擔誤  
具悉忠愛詳慎懇切今歲雪寒朕自入冬以來  
不時微感足疾未愈屢屢動火眩暈近又齒痛  
是以服藥調攝諸凡章奏未經細閱原無他意  
卿等奏請今已發票諭卿等知欽此竊惟為政  
之道得人為先得人之法察舉為急稂莠不去  
敬事草 卷一六 八六

則嘉禾不生故國家有六年京察之制甚重也  
頃主察之官各求退休若不慰留誰其肯任故  
臣等不避煩瀆冒進一言前日蒙將河南道御  
史吳達可本發行昨日蒙將都察史溫純左侍  
郎楊時喬本發票又下考功郎中劉一焜本仰  
窺 聖意採納臣等不勝欣忭何期更垂 雲  
翰敷示腹心捧誦之餘尤深感激但臣等無已  
之請尚謂吏部尚書未命右侍郎未命若得統  
賜簡定尤於察事完美其他一切章奏咸冀及

時省發庶寬臣等尸素之罪且免臣等聒擾之  
愆至于深冬雪寒崇攝宜倍無窮忠愛惟有嵩  
呼 聖諭謹尊藏閣中以傳罔極謹具回奏以  
聞 十二月初  
十日 上

敬事草 卷一六 八七

請允各差并補科道揭帖

題竊惟流光不待歲時忽臨朝端庶政多廢不舉士庶人治家者猶以歲終而考其成臣等于此不能不繫繫也近者京察大事蒙沛然下部院諸臣之命但各處巡按差滿當代者多至十餘處屢請未命意者以為各差既補則朝端缺人然今候補散館諸臣行取者七年作養者三年人數亦不為多人情事理又當體恤吏部屢次催補為科道官正資以濟各差之急臣等未了

前件不敢不請 十二月十四日上

因類奏請行修省實政揭帖

題謹按禮部每以年終類奏災異雖循舊制固非縻文往者 皇上於此未嘗不惕然責躬而諄然飭群臣以痛加修省也今年該部既題猶未發票不知 聖意云何蓋今年災異上天實有深意而萬萬不可以尋常視者青衣角帶未稱修省昔人有云應天以實不以文此急務也臣等竊嘗數之除天鳴地震河決旱澇諸種種害民傷物載在四方之牘者未暇枚舉乃正陽

敬事草 卷一六

八十九

日食諸陵雷火變豈有大於是者乎而又連年疊見日月盡同決非偶然之故矣况又有京師久沴三輔大浸蟲嚙陵樹妖星繼天都城禁城並報坍塌官廬民舍頽敗無數水潦所游儲積如洗城邑漂沒晝日晦冥如是者從夏至秋從秋至冬後先相仍而無虛日千里一望而無平土家懷天墜之憂人切陸沉之懼罔不披血號泣于雙闕九門之下祈 聖主順天心敬天戒霽天怒回天和為元元延轉壑之命為宗社蠲

復隍之憂 皇上雖震動心顏屢沛 恩旨修廢官發倉廩出囚繫誅奸邪而人心猶嗷嗷然未愜何也謂礦稅根本之害未除而凡此善端特其扶踈枝葉無益于起死回生之大計也臣等竊惟 皇上以至聖之資握至尊之權即舉超帝越王之事易易耳而久道之後翻為釁孽之始意甚惜之惟茲二三大臣並以一人無數事手口並作補鑿不前一日尚難知何能為千百年久長之計臣等亦甚惜也 皇上雖居深

敬事草 卷十六

九一

宮豈不見天下危端有如此急而猶不若臣等在外真見有不可一朝居之勢試揣度之倘有胡騎一二萬窺京邊能保必禦之否倘有亂民一二處弄干戈能保必除之否臣等實不能保而 皇上獨以為可保乎萬曆初年勵精圖治故紀綱肅張官常謹飭帑藏充物兵戎簡練節用愛民而上供不乏委任責成而賢才畢來端拱無為而稱 聖王者以此十年以後群言囂凌曠官離局政權旁落莫適主持然猶可諉曰

此朝士之紛紜耳其後倭賊首亂東倭繼之煽動干戈群萌四起然猶可諉曰此外患之侵凌耳乃至于礦稅興而部院誣勅使出而民心搖則誰使之謂非 聖德之累不可矣前此不靖由天下生也不得歸咎於朝廷也今此不靖由聖心生也不得諉罪于天下也由天下生者一加振奮而次第就平事幾甚難而轉旋甚易何也能以其神武行之于天下故也由 聖心生者數奉天戒而未新天命事幾甚易而轉旋甚

敬事草 卷十六

九二

難何也不能以神武斷之于心故也如謂數年礦稅而不亂今安得亂亂則吾能收之臣等又請譬之亦聞牧人之剪羊毛者乎羊一歲三剪其毛以牟其羶鬪之利然近冬不敢復剪恐羊無以禦寒而凍且死也今天下之民有正供有加供有不時之供加以水旱凶荒盜賊之虞此寧三剪之而已乎又以礦稅之灾益之痛於骨髓非直皮毛也民有不斃而死乎又不聞郵人之騎驛馬者乎蓋馬主甚愛其馬故能用其馬



彼郵人之騎驛馬也不然視非已馬而徒虐使  
 之馬不能堪故其弱者中道殞而已不免于匍  
 匐強者詭銜竊轡奮臆憑怒而有碎首洞脰折  
 脊之慘也 皇上鞭策民可謂極矣今猶未亂  
 則自以為能收而不知既亂之後勢必不可收  
 將安所御以托于民上哉積數年之苦苦之于  
 前而恃一日之仁收之于後尚恐勢重難回時  
 危易失而寧可泄泄然也頃者在廷私竊相語  
 謂 皇上敬天勤民之意頗不逮前蓋以章奏  
 故吾立 卷一六 九二二  
 之不時下卜之耳臣等語之以為 皇上甚敬  
 天無日不焚香而祝也甚敬祖無日不沐手而  
 祈也礦稅之罷當在旦晚群臣百姓無事于譁  
 也然臣等能為 皇上宣颺而不能必 皇上  
 為臣等證實安得不齋戒而禱求于 宸扆之  
 前惟亟除礦稅權宜之法務修初年恭儉之政  
 比此下民有所怙恃而臣等亦拜下風之賜免  
 誤國之誅



ZW 21181000584529